

oldm-

7-10

3vol

q:


2

5

28

S.A.

206



B.5.2

200

*206*

ALOYSII ANTONII VERNEII

EQUITIS TORQUATI

ARCHIDIACONI EBORENSIS

# APPARATUS

*A D*

PHILOSOPHIAM ET THEOLOGIAM

*A D U S U M*

LUSITANORUM ADOLESCENTIUM

*L I B R I S E X.*



ROMAE CICICCI.

EX TYPÓGRAPHIA PALLADIS

APUD NICOLAUM, ET MARCUM PALEARINOS.

SUPERIORUM FAGULTATE.





ALOYSIUS ANTONIUS VERNEJUS  
REGII ORDINIS CHEQUES TORQUATUS  
ARCHIDIAC EBOENSIS

• 6. A.

J O S E P H O . L  
LUSITANORUM REGI  
PIO AUGUSTO FIDELISSIMO

A LOYSIUS ANTONIUS VERNEIUS  
FELICITATEM.

**S**EPTEMDECIM, & eo amplius, sunt anni, JOSEPHI I. rex invictissime, cum a non nullis condiscipulorum rogatus, ut consignarem litteris ea, quæ ego ad studia Philosophicæ, & Theologicæ necessaria esse prædicabam; & quorum non quidem facultatem, sed

intelligentiam , legendis doctorum hominum  
libris , videbar consecutus ; quædam lucubra-  
vi , potius ad usus meos , quam ut illis morem  
gererem , qui id a me requirebant . Intellige-  
bam enim fieri non posse , ut pueri aliis doctri-  
nis occupati , atque ab omni judicandi præsi-  
dio inparati , aut mea pervolverent patienter ,  
aut si ea per otium legerent , in re & nova , &  
nova ratione disputata quidquam proficerent .  
Cui enim , quælo , persuaserim & puerο , &  
æquali , & eodem loco nato , ac eadem disci-  
plina instituto , me præter ceteros verum , li-  
bris legendis , invenisse ? esse me iis oculatio-  
rem ? & , quod plus est , unius discipuli sen-  
tentiam tot hominum , qui auctoritate vale-  
bant , sententiae anteponi debere ? Itaque &  
mihi scripsi quæcumque scripsi : & adsiduo ex-  
cerpendi usu ex libris , quos legeram , incre-  
dibili studio exarsi tum Veterum , tum Recen-  
tiorum sententias cognoscendi , singulasque  
excutiendi : quo facilius intelligerem , pro qua  
parte veritas staret , & veris ac firmis opinio-  
nibus mentem imbuerem .

Postea vero quam patria egressus sum , at-  
que in hac litteraria peregrinatione explendi  
desiderium fuit potestas ; tum demum in ea spe  
confirmatus sum , fore aliquando ut ea perfice-  
rem & perpolirem , quæ quondam meditatus  
fueram : & in litterario pulvere rudia , & non-

dum

dum perfecta longum tempus delituerant . Stimulabant me etiam amici quidam , viri gravissimi , & gentis nostræ maximi fautores , ut ea in lucem proferrem , quæ nostris tironibus excitandis , juvandisque idonea judicabam . Et talibus undique aures meæ vocibus circumsonabant : Bene mereri de gente sua , etiamsi utilitas præterea consequatur nulla , præclarum facinus esse : ex quo uberrimam utilitatem percipiunt homines , nimirum posteritatis memoriā : quod ipsum æqui æstimatorē rerum præstantissimum fructum esse , in omni ætate existimarunt . Addebat , facturum me non poenitendum operæ pretium , si ea in Lusitaniam importarem , quæ juventutem expolirent , & homines nostros excitarent , eoque tamdem adducerent , ut politioribus nationibus , a quibus nostrorum ingenia per summam injuriam exagitantur , palmam dubiam facerent eruditio-  
nisi , & judicii .

Profecto talia doctissimorum hominum judicia vehementer movebant me : tum illud multo magis cum mecum identidem reputabam , in hac luce litterarum , atque in tanta doctissimorum hominum multitudine , quibus Gallia , Italia , ceteræque nationes florent : & quod caput est , Parente tuo imperante , maximo illo bonarum artium , & litterarum fau-  
tore ac patrono ; solam Lusitaniam , bonorum

ingeniorum fecundissimam parentem , abjectis  
& obsoletis studiis esse addic tam . Sic enim in  
animo cogitabam . Hem ? Lusitania nostra ,  
quæ tantum Joanni V. debet , quantum nemini  
maiorum suorum , non hoc illi etiam debe-  
bit , ut dignam se prorsus faciat , quæ cum po-  
populis cultissimis certet de gloria litterarum ?  
Artes omnes inliberales , tum & illæ ingenuo  
homine & liberaliter educato dignæ ; item Hi-  
storia cum Sacra , tum Profana bono in lumine  
collocata est Joanne V. imperante; Philosophia  
vero , & Theologia omni cultu recentiori ne-  
glecto , in situ & squalore derelictæ jacebunt ?  
Quid ? irrideamur ab exteris nationibus , quod  
dum eæ incredibili labore ac diligentia bonas  
litteras persequuntur ; dum nulli sumtui , nul-  
lis vigiliis parcunt , quo facilius gravissimas  
ac utilissimas disciplinas augeant , & amplifi-  
cent ; nos eas missas faciamus ; & homines ,  
quos ingenio vel superamus . vel æquamus ,  
arte , doctrinâ , judicio superiores nobis esse  
patiamur ? Quid plura ? constitui iter , quod  
cooperam , infistere . Cumque ea , quæ scripse-  
ram , volutarem , sub manibus crevit opus :  
& qui mihi persuaseram , me brevem aliquam  
lucubrationem editurum , alia & alia volumi-  
na scribere coactus sum . Neque vero discipli-  
nas suse ac diligenter disputavi : quod ipsum  
nec adolescentes nostri facile intelligerent ,

nec

nec ferre possent : sed digitum ad fontes intendi , viasque monstravi , per quas ad laudem aliquam litterarum nullo negotio pervenirent , ac de rebus omnium gravissimis acute , & sapienter judicare possent .

Ac sane numquam tale opus aggrederer , nisi exploratum haberem , me talem Regem esse nactum , qui ea , quæ lucubrarem , experteret : qui de iis pro merito judicare posset : quique litterarum gloriam per universam Lusitaniam cuperet propagare . Quamquam vero commovebant me preces amicorum , atque illa quantulacumque utilitas , quam ex meo labore intelligebam nostrates homines capere posse ; tamen hæc numquam adigerent me , ut ea in lucem emitterem , quæ quotidiana legendi , & disputandi exercitatione didiceram . Conscius siquidem mihi eram fieri non posse , ut ego , privatus homo , nullaque publica auctoritate munitus , tot viros & graves & doctos , qui munus ipsum docendi profiteantur , alio converterem : id est , ad plane diversum litterarum genus traducerem : & persuaderem iis , ut acutissima nostratrum ingenia imbuerent solidiori doctrina . & compendiario facerent doctiores . Illud sane me movit . & pæne impulit ad scribendum , tanti Regis gloria . Nam plane cognoscebam , quanto opere exteræ gentes illius laudes extollerent , si viderent ipsæ ,

illud litterarum genus , quod eæ in hominibus nostris requirebant , eo imperante , & favente , ab Lusitanis hominibus diligenter pertractari . Veniebat illud mihi in mentem , & frequenter occurrebat , quantum sibi gloriæ magni duces Etruriæ , quantum Carolus II. Angliæ rex , quantum Ludovicus XIII. Galliarum , quantum Leopoldus Cæsar , Fridericus Borussiæ rex , & Catharina Moschorum imperatrix , quantum denique alii Reges , aliæque Respublicæ apud posteras gentes conciverunt , quod bona studia suscitarint : & cum favore , tum munificentia viam muniverint , qua & humaniores litteræ , & graviores , sed præsertim Philosophia , ac Mathematica , ad summum fastigium perduci possint . Et quamquam non is ego eram , qui tantæ hominum exspectationi possem respondere ; quippe qui mediocritatis meæ conscius aptiōr mihi ipse videbar , qui quædam privato studio notarem , quam qui tradendis iis possem sufficere ; reputabam tamen hominis Lusitani esse , quidquid judicii , & eruditionis haberet , in commune conferre : & conatus omnes ingenii effundere , ut Regis optimi , de Lusitanis , de me præclare meriti , gloriæ inseruiret .

Itaque feci , multaque conscripsi , quæ , si vita suppetet , edemus , Unum in præsentia libellum divulgamus , qui viam sternat adolescentibus

scentibus nostris ad recte progrediendum in iis studiis , quibus boni Philosophi , ac Theologi evadant . Quod & in omni disciplina utile , & in his præter cetera esse necessarium viri literatissimi , ac gravissimi arbitrantur .

Atque hos ego libros , quos Parente tuo favente conscriperam , sub tanti Regis nomine apparere decreveram : ut exstaret grati animi erga illum meu perpetuum monumentum . Sed quoniam ille in medio pæne vitæ cursu cessit e vita , nobis non minus relinquens moriendo doloris , quam adferebat vivendo lætitiae ; illius desiderium hac una cogitatione lenimus , quod in te tanti viri imaginem intuentes , non Joannem V. mortuum , sed in JOSEPHO filio redivivum nobis adesse gratulamur . Adeo ut mutato nomine eidem Regi lucubratiunculas nostras offerre videamur .

Tuum ergo est horumce librorum susciperre patrocinium : & ab semidoctorum hominum non dicam lingua , & judicio [dicat per me quisque , quod sentit , sunt enim judicia libera ] sed in aliviolentia & livore defendere . Atque efficerre , ut intelligent , si qui hæc reprehenderint , ea , quæ his libris continentur , & tamquam maxime necessaria adolescentibus nostris propounderunt , apud cultiores gentes magna cum rei litterariæ utilitate , magnaque cum omnium bonorum adsensione disputari . Quod si facies ,

confi-

confido fore ut homines nostri gloria incitati multa & meliora cogitent & scribant: ac tandem exteris ipsis, a quibus doctrinarum fontes, & docendi viam accepimus, earumdem disciplinarum, atque omnium bonorum studiorum laudem eripiant.

Plurimis profecto nominibus homines nostri tibi adstricti sunt, nihil ut tantis beneficiis addi posse videatur. Addes tamen, & haud parum, si videbunt nostrates, partes omnes a te non modo optimi Regis, sed etiam patrisfamilias diligentissimi esse susceptas. Ut qui per te ab hostium impetu salvi sunt, & summa cum pace fortunis suis fruuntur; te etiam favente, in omni varietate litterarum fiant eruditiores. Apud me vero gratia manebit immortalis, quem praeter ceteros officiis maximis adfecisti: cui animos feceris, ad ea libentius perficienda, quæ reliqua sunt a me inchoata; vel si absoluta, adhuc limam desiderant. Vale, Regum optime, ad Lusitanorum bonum nate, ac me, ut instituisti, complecti perge. Romæ i. a. d. IIII. Kal. Octobr. A. C. N. cloJoccl.

# ALOYSIUS ANTONIUS VERNEIUS

Lusitanis Adolescentibus, qui gravioribus  
disciplinis sunt instituendi

S. P.

**S**O LENT ii, Adolescentes humanissimi,  
qui librum aliquem in lucem emissuri sunt,  
in limine & quasi vestibulo operis præfari,  
& sancte testari, id se potissimum facere  
compulsos precibus amicorum. Quod prœemittum ir-  
ridetur plerumque a semidocēs hominibus, qui si-  
bi persuadent, id non vere, sed ad ostentationem di-  
ci: quo facilius probent lectoribus, se tale scriptum  
incubrasse, quod non modo utile sit, sed votis omni-  
bus, omnium expertatur, ac prope convicio flagite-  
tur. Ego vero censeo, nihil unquam verius, ni-  
hil magis ex animo ab illo scriptore esse dictum. Nam  
ut mittam cetera, quæ cum omnibus librorum condi-  
toribus communia sunt, quis ignorat, quanta sit  
hominum in judicando differēt? quam ineptis sen-  
tentiis occupentur eorum plurimi, qui litteris dant  
operam? quot falsa, inaudita, inverisimilia homi-  
nes amplexentur plerumque: quamque tenaciter eis-  
dem sententiis adhæreant, ut non dicam eas impro-  
bare, sed ne audire quidem repudiari debere velint?  
Quod si vel mente reputamus, quot in libris, qui  
ve!

*vel inconcinnas, vel non nisi cum venia memorandas lucubrations continent, exquisita laudationes se offerant; eaque vel ab amicis, qui omnia benigno oculo intuentur; vel ab illis, qui judicandi scientia carrent; vel ab iis denique, qui imperant sibi omnia adsentari, conscriptæ; mirari desinemus, id omnibus scriptoribus obtingere, ut scriptorum suorum laudatores inveniant oppido multos.*

Profecto id mihi, quod ceteris, usū venit, ut cum nihil minus, quam de lucubrando isto opusculo, cogitarem, viri quidam gravissimi, Lusitani præsertim, enixe me rogaverint, & quasi coegerint, ut id scriberem, & ederem. Nam cum propositum esset mihi Philosophiam, & Theologiam omnem solidiori ratione ac via, quam illa est a non nullis recepta, in usum vestrum emittere; cumque id consilium cum doctissimis viris communicasset, iisque totum systema meum ostendisse; immo vero non nullis codices, qui jam essent limati, dedisse legendos; auctores suere mihi, ut, antea quam hujuscemodi opus ederem, apparatus seu preparationem aliquam divulgarem. Id triplici nomine faciendum esse arbitrabantur. Primum, ut plane intelligeretis, quid utraque disciplina sit, quoque modo occuperit, & fuerit propagata: ne deciperemini a libris istis vulgatis, qui abundant erroribus: & opiniones Veteri, & Recentiori historiae repugnantes constantissime propugnant. Deinde, ut vos contra morosos quosdam censores preminrem, qui ad Recentioris philosophia vocabulum,

quasi

quasi ad cacodæmonis nomen , exhorrescunt : & magno supercilio pro concione dicunt , hujusmodi Philosophiam [videlicet istam ipsam , quam ipsi fortasse non intelligunt , immo vero ne legunt quidem ] & ineptam esse , & inutilem , & omnino cum Catholicis decretis convenire non posse : Theologiam vero non nisi ex Peripateticorum fontibus esse derivandam : nec ad defendendam Catholicam doctrinam aliud magis ingeniosum , magis efficax , magis accommodatum posse reperiri . Postremo ut sistema utriusque disciplinæ uno conspectu perciperetis : & quo pacto de auctoribus , de libris , de systematibus judicare oporteat , penitus cognosceretis .

Horum itaque motus auctoritate feci : & Apparatum brevi tempore fere totum conscripsi , eo consilio , ut , si quo modo possem , tironum studiis opitularer . Neque tamen aliquid eorum , que in libris Philosophicis , & Theologicis scripsoram , delevi , aut mutavi . Primum , ne rerum ordinem inverterem , & sistema proponerem depravatum . Deinde , ut si essent aliqui , qui libros nostros ; non cognito hoc Apparatu , legerent , eam eruditonem ne desiderarent , que ad disciplinas penitus intelligendas necessaria esse videtur . Itaque plurima hisce libris in unum coegi , que in aliis sparsim tradideram : quedam adjunxi , que illis in locis minus videbantur necessaria , & rerum ordine non mutato , ab illis codicibus tolli , & in hunc commode referri poterant .

Ne ergo hic speret quis a me vel rem novam ,  
vel

vel plurima & interiori eruditione politam. Non enim scholas rerum novitate turbare, sed pacare ego volo: nec nova audacter obtrudere, sed vetera, & quae in cultissimarum gentium gymnasii longo iani usu inveterarunt, & ab viris cum doctrina, tum pietate præstantibus excoluntur, proponere consilium est. Quædam tamen interdum recentia addere antiquis non inutile duximus: idque secimus citatis auctoribus, qui rem aliquam primi excogitarunt: ne sine ullo teste, sine auctoritate scribere videremur. Interdum vero non nulla minus necessaria omisimus: alia justis de causis mutilavimus. Quod non tironum, sed doctorum hominum causa, qui aliqua sortasse in libello nostro desiderabunt, monitum volumus. Quod si Hæreticos in rebus Historicis, aut Philosophicis aliquando nominamus, cavete, Adolescentes, existimetis, eos vobis legendos, aut addiscendos proponi. Sufficit vobis in presentia verum tenere & amplecti, quin aliquid amplius queratis. Ii vero qui doctrina, ac etate progressi sunt, oportet cognoscant fontes, ex quibus hausimus, quo facilius sua illustrare, & omni eruditionis supellectile ornare queant: modo per Ecclesiam id possiat, cuius decreta præ oculis habere debemus, & cuius censura nostra omnia scripta & dicta volumus esse subjecta.

Puerorum autem commodo scribentes, res ad puerorum intellectum accommodatas; idque & breviter, & sermone quotidiano docere debemus, ne otio imprudenter abutamur & litteris. Quod si non id adsequor,

quor, ut puerorum institutioni opituler; saltim id  
 apud viros sapientes, & bene de republica sentientes  
 adsequar, ut intelligant ipsi, nihil magis laborare  
 me, quam ut civibus meis studium meum, & debi-  
 tam probem caritatem. Quod ut ab omnibus, qui  
 litteris vacant, pro virili parte præstetur potius,  
 quam ut in reprehendendis aliorum & scriptis, &  
 conatibus tempus consumant, optandum est. Vos,  
 Adolescentes humanissimi, labores nostros bono ani-  
 mo accipite. Interea fruimini istis, & valete.



Hortor omnes , qui facere id possunt , ut hujus quoque generis laudem perferant in hanc urbem : sicut reliquas quidem omnes , quæ quidem erant expetendæ , studio atque industria sua maiores nostri transtulerunt.... Eos , si possumus , excitemus , qui liberaliter eruditæ , adhibita etiam differendi elegantia , ratione & via philosophantur . Cicero Tusculan. Disputat. L.II. n.2.

Quod enim munus reipublicæ adferre maius , meliusve possumus , quam si docemus atque erudimus juventutem ? his præsertim moribus , atque temporibus . Cicero de Divinatione L. II. n.2.



# INDEX

Eorum quæ in hoc Apparatu continentur.

## P A R S P R I M A

In qua de Philosophia disputatur.

### LIBER PRIMUS

De Historia Philosophiæ,

- |      |       |   |                           |
|------|-------|---|---------------------------|
| CAP. | I.    | D <small>e Philosophia generatim.</small>   | p <small>agina</small> 1. |
| CAP. | II.   | D <small>e Philosophia antiquissimorum hominum usque ad Moysem.</small>                 | p. 5.                     |
| CAP. | III.  | D <small>e Philosophia veterum Hebræorum.</small>                                       | p. 8.                     |
| CAP. | III.  | D <small>e philosophia Barbara seu Traditionaria præsertim Orientali.</small>           | p. 13.                    |
| CAP. | V.    | D <small>e philosophia Græcorum Fabulari, &amp; Politica.</small>                       | p. 31.                    |
| CAP. | VI.   | D <small>e Græca philosophia usque ad Christum, præsertim de sc̄pta Jonica.</small>     | p. 33.                    |
| CAP. | VII.  | D <small>e altero Græca philosophiæ fonte, sc̄pta Italica usque ad Christum.</small>    | p. 71.                    |
| CAP. | VIII. | D <small>e progressu Græca philosophiæ apud alias gentes usque ad Augusti ævum.</small> | p. 85.                    |
| CAP. | VIII. | D <small>e Philosophia ab Augusti ætate usque ad lapsum b</small>                       | <i>lapsum</i>             |

- lapsus Romani imperii in Occidente ver-  
gente ad finem V. saeculo . p.89.
- CAP. X. De Philosophia Patrum usque ad V. Eccle-  
siæ saeculum . p.101.
- CAP. XI. De Philosophia Christianorum , & Arabum  
a VI. saeculo ad usquæ solidum X. p.111.
- CAP. XII. De Philosophia a seculo X. usque ad finem  
XV. ubi de Scholastica . p.128.
- CAP. XIII. De Philosophia XVI. saeculi , ubi de germa-  
nisi Aristotelicis . p.143.
- CAP. XIII. De Philosophia saeculi XVII. & XVIII. seu  
de emendatione Philosophiae . p.154.
- CAP. XV. De Philosophia XVIII. saeculi , seu de cul-  
tura philosophiae Eclectice . p.170.

## LIBER SECUNDUS.

In quo de utilitate Philosophiae disputatur .

- CAP. I. Ostenditur interesse Reipublicæ Juventutem  
institui diligenter . p.183.
- CAP. II. Rectam Juventutis institutionem ex Philosophia  
duci debere demonstratur . p.185.
- CAP. III. Docet bonam Philosophiam non modo in  
gravioribus disciplinis , sed etiam in hu-  
manioribus , & omni vita parte domi-  
nari . p.187.
- CAP. IIII. Demonstrat bonam Philosophiam non repu-  
gnare veræ Theologiae ; immo vero esse  
necessariam ad eam addiscendam . p.201.
- CAP. V. Ostenditur bonam Philosophiam non esse  
eam , quæ argutiis & inanibus quæstio-  
nibus , aut generalibus notionibus conti-  
netur . p.211.
- CAP.

- CAP. VI. Planum sit bonam Philosophiam esse eam,  
quam Recentiores philosophi colunt. p.223.
- CAP. VII. Non omnia, quæ Recentiores philosophi  
excogitarunt, bonæ Philosophiae nomine  
contineri. p.228.

## LIBER TERTIUS

In quo de celebrioribus Philosophis fertur judicium.

- CAP. I. De Platone, Aristotele, Epicuro. p.234.
- CAP. II. De insularibus Ecclesiæ Patribus, qui  
usque ad VI. seculum floruerunt. p.254.
- CAP. III. De Arabibus, & Scholasticis celebriori-  
bus. p.268.
- CAP. IIII. De insularibus Philosophis Recentiori-  
bus. p.283.

## PARS ALTERA

In qua de Theologia sermo est.

## LIBER PRIMUS

De Historia Theologiae.

- CAP. I. De Theologia generatim differitur. p.305.
- CAP. II. De Theologia Patriarcharum usque ad Moysen. p.307.
- CAP. III. De Theologia Hebreorum a Moysis ætate  
usque ad primi templi Hierosolymitarum  
everversionem. p.311.
- CAP. IIII. De Theologia Iudeorum ab instauratione po-  
b 2 sterioris

- sterioris templi usque ad ejusdem eversio-  
neum sub Vespasiano Cæsare. . . p.319.
- CAP.** V. De Theologia Christianorum usque ad III.  
sæculi finem. . . p.331.
- CAP.** VI. De Theologia Patrum IIII. & V. sæculi. 351.
- CAP.** VII. De Theologia a V. sæculo usque ad soli-  
dum X. . . p.371.
- CAP.** VIII. De Theologia a sæculo X. usque ad finem  
XV. ubi de Scholastica. . . p.381.
- CAP.** VIII. De Theologia XVI. sæculi, seu de theologiae  
Dogmaticæ, & Polemicae instauratio-  
ne. . . p.414.
- CAP.** X. De Theologia sæculo XVII. & XVIII. 427.

## LIBER SECUNDUS

In quo de Natura & usu Theologiae.

- CAP.** I. Docet Theologiae Revelatæ notitiam esse ne-  
cessariam omnibus, iis præsentim, qui  
vel Fideles docerè, vel hostes religionis  
Catholicæ confutare sibi proponunt. p.437.
- CAP.** II. Una tantum est Revelata theologia, sed pro  
varia methodo tradendi vel Positiva, vel  
Scholastica nominatur. . . p.440.
- CAP.** III. Ostenditur germanam Scholasticam longe di-  
stare ab argutis Peripateticorum. p.446.
- CAP.** III. Docet germanam Scholasticam esse necessa-  
riam ad Judæos & Hæreticos refutan-  
dos. . . p.455.
- CAP.** V. Ostendit acumina & disputationes Peripate-  
ticorum non esse accommodatas ad con-  
fringendos hostes religionis nostræ. p.464.
- CAP.

CAP. VI. Demonstratur Theologiam, quæ hac aetate  
plurimis in locis excollitur, bona Scho-  
lasticae characteres præ se ferre. p.480.

## LIBER TERTIUS

In quo de Clarioribus auctoiribus Theologiae  
est disputatio.

- |      |  |        |
|------|--|--------|
| CAP. | I. Hujus interrupti atque dilati laboris cauſſe<br>enaryantur. | p.484. |
| CAP. | II. De Sacris codicibus Veteris & Novi teſta-<br>menti.        | p.487. |
| CAP. | III. De Celebrioribus Ecclesiæ PP. usque ad ſe-<br>culum X.    | p.501. |
| CAP. | III. De Celebrioribus Scholasticis.                            | p.515. |
| CAP. | V. De Celebrioribus Dogmaticis.                                | p.517. |
| CAP. | VI. De Celebrioribus Hæreticis.                                | p.525; |



## APPROBATIONES.

**I**N Apparatu ad Philosophiam, & Theologiam ad usum Lusitanorum Adolescentium ab Illustrissimo Equite Aloysio Antonio Verneio accuratissime scripto, & iussu Patris Reverendissimi Josephi Augustini Orsi Sac. Pal. Apostolici Magistri a me perfecto, nihil est, quod repugnet aut Catholicæ Fidei, aut bonis moribus: sed concinna tot rerum gravissimarum dispositio, ut Auctoris ingeniuu, eruditionem, judicium, studiumque Santissimæ Religionis in aspectum profert, ita plurimum valet ad optimum que in Fide Catholica, & bonis moribus confirmandum.

Ad Aramcæli viii. Calend. Maii 1751.

*Fr. Joannes De' Luca Venetus coram Summo Pontifice examinator Episcoporum.*

---

**J**USSU Reverendissimi Patris Sac. Palat. Apost. Magistri legi Apparatum ad Philos. & Theolog. ad usum Lusitanorum Adolescentium a viro clarissimo Equite Aloysio Antonio Verneio Archidiac. Eborens. lucubratum: in eoque nihil inveni, quod Catholicæ doctrinæ, aut bonis moribus consentaneum non sit: quin immo Adolescentes ipsi non uno tantum loco pie ac sapienter admonentur, quæ vitare Catholicum oporteat. Præterea totum opus summo judicio ac fide conscriptum, vastissimaque nec ea vulgari eruditione ornatum est. Ut mirer tantarum, tamque difficillimarum rerum copiam tam parvo volumine, ea perspicuitate, ac elegantia  
com-

comprehendi potuisse. Quare ita censeo; ad instituen-  
dos Adolescentes in solida Philosoph. ac Theolog. & a  
præjudicatis quibusdam sententiis, quæ profectum im-  
pediunt, liberandos, nihil accommodatius excogitari  
posse: adeoque e re esse reip. litterariæ ut in vulgus  
emittantur.

Dabam ex Cœnobio SS. Bonifacii, & Alexii, Ka-  
lend. Maii A. D. MDCCL.

*D. Felix Maria Nerini Abbas, & Procurator Ge-  
neralis.*



*I M P R I M A T U R,*

Si videbitur Reverendiss. Pat. Mag. Sac. Pal.  
Apost.

*F. M. de Rubeis Patriarcha Constant. Vicesg.*

---

*I M P R I M A T U R,*

Fr. Joseph. Augustinus Orsi Sac. Pal. Apost.  
Mag. Ord. Præd.

ALOY-



ALOYSII ANTONII VERNEII

EQUITIS TORQUATI ARCHIDIACONI EBORENSIS

APPARATUS  
AD PHILOSOPHIAM, ET THEOLOGIAM

AD USUM

LUSITANORUM ADOLESCENTIUM

PARS PRIMA

IN QUA

DE PHILOSOPHIA DISPUTATUR

LIBER PRIMVS

DE HISTORIA PHILOSOPHIE

CAPUT I.

*De Philosophia Generatim.*



Hilosophiæ vocabulum non unum perpetuo habuit intellectum. Veteribus nominata est *opis* seu *sapientia*: quo nomine eas artes significarunt, in quibus præcipue valet ingenium, quæque ad hominum utilitatem sunt accommodatae. Immo & sacerdotes & rerum divinarum interpres apud Gentiles in hunc censum relati sunt: quo-

A . . . . . rum

2 APPARATUS AD PHIL. ET THEOL.

rum plerique non sapientis, sed deceptoris nomine digni erant. Deinde qui ea, quæ de Deo, rebusque creatis per argumentationem naturæ sunt nota, tractarunt, sapientes sunt appellati. [1] Qui cum eodem nomine significant instrumentum, quo hæc nota aliis siebant, scilicet eloquentiam, eloquentiæ doctores *sophistæ* seu *sapientes* vocati sunt. [2] Verum cum hi tempore procedente dicendi exercitationi, verius dicam ineptæ loquacitati tantum vacarent, & sapientis nomen arroganter sibi suinerent, quasi soli ipsi sapientiæ essent studiosi; in maximam invidiam & contemptum *sophistæ* adducti sunt.

Pythagoras, qui horum arrogantiam detestabatur, cum a Leonte Phliasiorum principe esset interrogatus, qua maxime arte consideret, respondit, *artem se scire nullam, sed esse Philosophum*, i. e. *studiosum sapientiæ*. Ab eo tempore *Sapientiæ*, & *Philosophiæ* nomen promiscuo usu sunt usurpata; nec modo divinarum, humanarumque rerum cognitio, sed etiam Jurisprudentia, & Medicina, & Grammatica, & Critica, & Historia, & Poesis; hoc amplius, Christianorum doctrina *Philosophiæ* nomine continebantur, & doctores Ecclesiastici, & Ascetae *Philosophiæ* nomen habuerent. [3] Verum hæc late patent, *Philosophiæ* vero vocabulum stricte est accipiendum.

Itaque *Philosophia* est, *cognitio veri, & boni recta ratione adquisita, & ad veram hominis felicitatem comparata*. Quare quidquid recta ratione, i. e. per argumentationem naturæ consentaneam, veri, & boni cognoscimus, & ad

[1] *Sapientia*, ut a Veteribus philosophis definitum, est, rerum divinarum, & humanarum, causarumque, quibus hæc continentur, scientia. Cicero de Officiis L. II. c. 2.

[2] *Pbilostratus* Præf. ad Vitas Sophist.

[3] Confer. Jonsius de Scriptorib. Hist. Philos. L. IIII c. 4. p. 226. seqq.

& ad usum vitæ, ac felicitatem hominum vel acquirendam, vel conservandam [1] revocari potest, *Philosophia* vocatur. Et quamquam cognitio veri, & boni ex duobus fontibus ratione, & revelatione deducatur, tamen singulæ cognoscendi viæ suo nomine donantur. Quæ ratione constant, vel de Deo, vel de Homine, & rebus creatis, ad Philosophiam pertinent: quæ declaratione divina manifesta fiunt, spectant ad Theologiam.

Itaque non est *Philosophia*, cognitio veri, & boni, quam a majoribus accepimus, ut illa erat Barbarorum Traditionaria. Item non est *Philosophia* rerum Physicarum cognitio, quam ex Sacris codicibus hauiimus, ceteraque quæ in divinis libris habentur. Præterea *Philosophia* non est doctrina, quam ex præceptorum institutione arripiimus, ut *Sectarii* philosophi faciunt. Hæ enim facultates majorum institutis & auctoritate tantum continentur: *Philosophia* vero argumentatione naturæ.

Hoc constituto, constitutæ sunt partes *Philosophiae*. Altera enī humanam mentem inlustrat, ut verum cognoscat: altera affectus moderatur, ut bonum persequamur. Quæ mentem inlustrat, vel eam talibus imbuīt præceptis, quibus in unaquaque disciplina verum intelligat; ea vocatur *Instrumentalis*: vel res ipsas persequitur, ac primum naturam Dei, & proprietates investigat; ceterarumquæ, quæ Dens hominis cauſa condidit, explorat vim & usum: id est & rerum naturam explorat, & exponit quo modo corpus nostrum a malis servemus, & quo paſto res creatas

---

[1] Felicitas hominis vel est æterna, vel temporalis. Ad illam Præctica philosophia viam sternit: tametsi non nisi divinitus tradita doctrina adsequi possit. Hanc partim similitate corporis, quæ *Physica* & *Medicina* comparatur; partim tranquillitate hominis externa, quæ ex *iurisprudentia Naturali*, & *Politica* proficitur, obtinere possumus.

ad utilitatem nostram flectere possimus ; & hæc vocatur <sup>i</sup>  
*Theoretica*. Quæ ad seclusus moderatur , viamque sternit ,  
qua ad summum bonum accedamus , & in humana societate  
honeste ac tranquille vivamus ; dicitur *Prædicta*.

Instrumentalem. Veteres philosophi vocabant <sup>λογικὴν</sup>  
*Logicam* : *Theoreticam* <sup>εργασίαν</sup> *Physicam* : *Practicam* vero.  
<sup>ἀθηναϊκὴν</sup> *Ethicam* . [1] *Theoretica* si agit de Deo , nominatur  
*Theologia Naturalis* : si de mente creata , *Pneumatologia* .  
Vero in utraque pars interdum *Pneumatologiae* , interdum  
*Metaphysice* nomine significatur . *Practica* vel generatim ,  
quid bonum sit , docet , & ea vocatur *Ethica* : vel bonum  
persegitur , ut *justum* , ut *honestum* , ut *decorum* est , &  
dicitur *Jurisprudentia Naturalis* : vel quid humanæ socie-  
tati utile sit ostendit , & est *Jurisprudentia Civilis* , & *Po-  
litica* .

Hucusque de Philosophiæ partibus : nunc de Philo-  
sophiæ historia dicendum esse videtur . Et quidem historia  
vel docet , quo tempore , & modo doctrinæ inventæ fue-  
rint , & ad nos usque pervenerint ; vel singularum sedi-  
rum *systemata* exponit , i. e. demonstrat , quibus principiis  
nitantur , & quæ inde ducantur conclusiones , ex quibus  
disciplinæ corpus absolvitur : prima *Historia Doctrinarum* :  
altera *Historia Systematum* , vocari solet . Est etiam histo-  
ria quædam , quæ Philosophorum vitam , & labores enar-  
rat :

---

[1] Pythagorei , & Platonici Philosophiæ duas faciebant  
partes : alteram , quæ de Deo , alteram , quæ de Homine  
disputat . Aristoteles disciplinas in tres classes divisit : spe-  
culatrices , ut sunt *Physica* , *Mathematica* , *Theologia* : praæli-  
cas , ut *Ethica* , *Politica* , *Oeconomica* : operatrices , ut  
*Medicina* , *Poetica* , *Grammatica* , *Statuaria* , *Pictura* .  
Stoici tres etiam Philosophiæ notant partes , *Moralem* , *Natu-  
ralem* , *Rationalem* . Eodem modo Epicurei . At Cyrenaici  
sola Morali contenti sunt .

PART. I. LIBER PRIMUS

3

rat: quæ ad eorumdem systemata inlustranda per quam accommodata esse videtur...

Harum nos neutram pro rei dignitate scribemus. Quis enim hæc tam multa, tamque intricata paucis pagellis comprehendendi posse sibi persuadeat? aut quis tironum, quorum gratia hæc in præsentia lucubramus, tam copiosam historiam ferre posset? Itaque ex singulis partibus ea excerpemus, quæ ad id, quod constituimus, inlustrandum necessaria esse videbuntur. Quare Philosophiæ ortum, & vicissitudines demonstrabimus: tum præcipua sectarum, quæ nobiles exstiterunt, dogmata adducemus: eaque ex Philosophorum vita, cum erit occasio, dilucidabimus: digitumque ad fontes intendemus, ut inde procedente tempore, abundantiorem eruditionem hauriant tirones.

C A P U T II.

*De Philosophia antiquissimorum hominum usque  
ad Moysen..*

**A**ntiquos primæque ætatis homines Philosophos non fuisse, eo sensu quo nos Philosophum accepimus, ex Sacris litteris haud obscure colligitur. Et, ut a primo ordinamus, Deus hominem condens ad felicitatem, eum multis præsidiis ornatum fabricatus est. Cumque Adamo familiariter uteretur, notitiam ipsius Dei, & hominis, earumque rerum, quæ ad consequendam veram felicitatem erant necessaria, eidem manifestavit. Hæc enim non ratione & meditatione; sed beneficio divino habuit explorata.

Paullo post cum ipse peccato suo in abyssum ignorantiae inciderit, & multis miseriis fuerit obnoxius, non in excogitandis, & poliendis gravioribus disciplinis, sed in cruxmis depellendis, peccati sui pena, & instauranda,

quibus modis posset , felicitate occupatum fuisse , verisimilimum est . [1] In quo adjutorem habuisse Deum , qui plurima illi clementer aperuit , Sacri codices nos docent . [2]

Omnino autem est verisimile . Adamum , et si propter peccatum ea sapientia , quam *infusam* appellant , fuerit spoliatus , tamen memorem pristine felicitatis , & in multis eruditum divinitus , filios suos docuisse Dei cognitionem , eosque ad honestatem & pietatem erudivisse . Hæc tamen hominem pium & sapientem faciunt , Philosophum non faciunt . Neque enim id ratione comparavit : sed Deo indicante cognovit , & prædicavit : quod Philosophi , in acceptione data , non est .

Quo itidem in censu viri omnes pii , qui ab Adamo progeniti sunt , ponendebent : ut Abel , Sethus , Enochus , Noachus , Semus , ceteri . Cum enim hi longævam vitam vixerint , & diuturnum cum majoribus usum habuerint , qui omni virtutum varietate florebant ; vel nullo monente intelligitur , a majoribus eos & familiæ suæ historiam , & pietatis præcepta omnina hausisse : quin ad hæc cognoscenda ratiocinatione uterentur . Quædam etiam a Deo ipso accepserunt , quæ pertinent ad cultum Dei . Neque nos mouent Judæorum narrationes , qui apocryphis scriptis Adami ,

[1] De Adami philosophia non nulli multa fabulati sunt , adfirmantes , eum & omni disciplinarum varietate instructum a Deo conditum fuisse ; & post lapsum meditatione , ac experientia ad insignem doctrinæ præstantiam pervenisse . Hæc primū Judæi , dein veteres Christiani aliqui , immo & Receptiores docti . Nec id solum , sed etiam nominant artes , in quibus præter ceteros excelluit . Verum in tanta rerum versitate , silentibus Sacris scriptoribus , aliquid certi adfirmari non posse , perspicuum est .

[2] Confer . Genes . C. 111. præsertim versu 21.

mi, Enoch, Chami decepti, incredibilia de veteribus hominibus referunt, idque eodem nomine, quo univertum disciplinarum circulum Adamo concedunt. Quod consutare & ipsa rei evidentia, & operis vetat consilium?

Præterea Abrahamus, Isaacus, Jacobus, Josephus, Jobus [1] ceteri, viri sapientissimi, & prudentiae ac pietatis laude nobiles, familiares cum Deo sermones miscuerunt; a quo plurima, quæ non nisi labore & meditatione in præsentia consequimur, comperta habuisse eos, manifestum est. Qua de causa divino spiritu adflati, & Prophetæ in Sacris codicibus prædicantur. Præterea pastoritiam vitam antiqui illi homines habebant in deliciis: quæ plerumque magnam simplicitatem animi præsert; & in hoc est tota, ut augendæ, & moderandæ familiæ vacet, eruditio & meditationi non vacet. Ex quo perspicuum fit, sapientes illos quidem & bonos, non tamen Philosophos fuisse.

Neque vero inficiamur, sanctissimos homines, plurima, quæ ad vitam commode & juennde transigendam, necessaria videbantur, casu, & ratione invenisse. Hæc tamen non magis eos Philosophos faciunt, quam quod artifices nostri multa vel casu, vel necessitate utilia excogitent, cogunt nos ut dicamus, eos esse Philosophos. Itaque pollebant illi quidem veri, & boni notitia & majoribus

[1] Quis fuerit auctor libri Jobi incertum, ut ait Greg. Magn. Præfat. in Job: c. 1. Huius Moysi, Hadrianus Salomonii tribuit. Verisimilius est, multo posteriorem fuisse. Adeoque nullum ex eo ad Jobi philosophiam ducitur argumentum. Vera tamen est historia, & divina. Liber hic continet aliquam Physicæ, & Astronomicæ notitiam, Logice non item: nisi forte omnes, qui recte ratiocinantur, appellandi sint Logici. Proponit sibi auctor ostendere tantum, qua de causa divina sapientia interdum bonos exerceat, & quibus praesidiis eos in hac vita omnibus ornet virtutibus.

tradita: & toti erant in eo, ut eadem filios imbuerent; eosque docerent tum historiam mundi, tum beneficia a Deo homini collata, tum pæca inter Deum & hominem, hujus lapsum, illius clementiam, & promissionem reparatoris: eamdemque doctrinam ad posteros puram & intemeratam transmitterent: quin eos otiosis disputatiunculis, quæ nec ad vitæ usum, nec ad felicitatem, ad quam unice tendebant, erant idonea, inutiliter detinérent. [I]

## C A P U T . I I I .

*De Philosophia veterum Hebræorum.*

**Q**uæ veteribus Patriarchis prima fuit veri, & boni cognitio a Deo accepta, & ad felicitatem comparata, eadem & Moysi fuit: qui cum Dei consuetudine diutius uteretur, singularem sapientiam eo docente accepit, quam rempublicam Judæorum administraret, & facili negotio ad felicitatem perduceret..

Cum

---

[1] *De Abrahami recondita eruditione disputant non nulli, & contendunt, ab eo Aegyptios Astronomiam, Arithmeticam, ceterasque Mathematicas disciplinas edoctos fuisse, qui ante illius adventum nihil de iis cognovissent. Confugiunt ipsi ad Josephum, & Philonem Hebreos, qui paullo post Christum floruerunt: viros illos quidem dotos, sed altero præjudicata suæ gentis excellentia occupato, altero vero Pythagoreorum dogmatum præjudiciis imbuto. Non est necesse horum rationes ad Lydium lapidem revocare: cum satis constet, Philonem, & Josephum Patriarcharum sapientiam modulo suo dimensos fuisse, & ad Græcorum eruditionem retulisse: Nec enim homines Judæi sibi persuadere poterant, Græcos, & Barbaros ceteros aliquid boni, nisi a Judæis eductos, excogitare potuisse. Quod response non eget.*

## PART. I. LIBER PRIMUS.

9

Cum autem Moyses ingenio ac iudicio valeret, & Mathematicis disciplinis in Aegypto esset eruditus, plurimaque virtute ornatus, omnino aptus erat, qui res magnas aggredieretur, & talem apud Judaeos personam sustinueret, nomenque suum commendaret immortalitati. Quod causam dedit Clementi Alexandrino [1] Justino [2] Origeni [3] aliis [4] ut, ex Philonis sententia; talem in disciplinis gravioribus Mosen depinxerint, qualis apud mortales reliquus nullus fuit.

Hæc tamen sine auctoritate dici, evidens est. Nam dicit ille quidem, sapientiam Aegyptiorum. Verum cum talis sapientia [Arithmetica, Geometria, Astronomiae rudimenta una cum litteris, & sacrorum disciplina, encyclopediam Aegyptiorum constituebant] seu disciplinæ non nisi rudes & inpolitæ apud Aegyptios obtinerent; qui non in excogitandis theorematiis, aut solvendis problematis, erant occupati; sed iis tantum in constituendis & dimetiendis agrorum limitibus, ab inundatione Nili deletis, utebantur: consequens est, id tantum scivisse Mosen, quod ipsi callebant, præter ea quæ divina illustratione accepit: falsoque eidem abstrusioris Mathematicæ, & multo minus disciplinarum, quæ nondum erant inventæ, eruditionem adtribui. Quidquid dicant Judaicarum nugarum fautores, qui longo post tempore ex præjudicatis opinionibus suis Mosen adumbrarunt; & omni supellestile ornarunt recentioris eruditionis. [5]

Mo-

[1] Stromat. L. 1. p. 343.

[2] Quæst. xxv. ad Orthodox.

[3] Contra Celsum L. 1. p. 14.

[4] Recentiores alios dabit Fabricius Codic. Pseudopigr.

V. T. Tomo I. p. 826.

[5] Philonem adtendendum non esse ostendunt viri aliqui docti, qui de Philosoph. Hebreorum disputatione.

Mosis sapientiam ad Judices, & Prophetas, qui apud Hebraeos fuerunt, & rempublicam administrarunt, manasse, Sacri codices nos docent. Deus enim quos ad rempublicam procurandam delegerat, prudentia regnandi imbutit, & pietate munivit, qua gentem Hebraeam regerent, & in officio erga Deum continerent. Prophetæ vero, quorum plura erant collegia, tibi Deo vacabant: eoque docente, & imperante edocebant Iudeos ea, quæ Deus ab iisdem postulabat. Neque tamen suppetunt argumenta ut judicemus, Prophetas disciplinis Philosophicis dedisse operam: nec ad finem a Deo propositum accommodatae esse videbantur. Nulli tamen dubitamus, eorum non nullos eruditonis laude floruisse: sed quæ a Philosophiæ nostræ studio longe distabat.

Qualis autem fuerit Salomonis regis sapientia ex ipso Salomone habemus: qui cum Deum rogaret, ut eam sibi clementer largiretur, unum petiit, nimirum sapientiam ad regendos populos accommodatam hoc modo: *Dabis ergo servo tuo cor docile, ut populum tuum judicare possit, & discernere inter bonum & malum.* [1] Cui Deus respondit hoc modo: *Feci secundum sermones tuos, & dedi tibi cor sapiens, & intelligens in tantum; ut nullus ante te similis tui fuerit, nec post te surrecturus sit: ut nemo fuerit similis tui in Regibus cunctis retro diebus.*

Salomon itaque excellebat sapientia inter ceteros Reges Orientis. [2] Ac primum ea scientia antecellebat, quæ & notitia boni, & mali, & prudentia regnandi continentur. Deinde ea valebat scientia, quæ in excogitandis, & expli-

[1] 111. Regum. 111. v. 9.

[2] „ Sapientia & scientia data sunt tibi: divitias autem, & substantiam, & gloriam dabo tibi; ita ut nullus in Regibus nec ante te, nec post te fuerit similis tui. 11. Paralipom. 11. 12.

explicandis ænigmatibus occupatur: quæ præcipuæ pars Orientalis sapientiæ reputabatur. [1] Quod ipsum sapientissimi Regis scripta demonstrant. Describit enim in iis hominum mores, vanitatem, & felicitatem eorumdem: atque figurato dicendi genere, Orientalium more, cogitata sua ingeniosissime exponit: sumens ex omnibus rebus, tales similitudines, & leffissimis metaphoris inde ductis morales sententias adornans.

Id ex *Cantico Canticorum* perspicue efficitur: idque confirmat Siracides, qui Salomonis sapientiam exponens, ad hæc capita sapientissimi Regis doctrinam revocat: „Quem-  
„, adinodum eruditus es in juventute tua, & impletus  
„, es quasi flumen sapientia: & terram retexit anima tua.  
„, Et replesti in comparationibus ænigmata: ad insulas lon-  
„, ge divulgatum est nomen tuum, & dilectus es in pace  
„, tua. In cantilenis, & proverbiis, & comparationibus,  
„, & interpretationibus miratæ sunt terræ. [2] Verum cum  
hæc divino spiritu adstatus fuderit & scriperit, conseqni-  
tur, non ex usu recte judicandi, sed ex nobilioribus fon-  
tibus illius sapientiam esse profetam.

Præterea Physica & Astronomica rerum notitia ga-  
visus est Salomon rex: quod Sacri codices aperte tradunt.  
[3] Sed unum rursum monemus, quod ipse Salomon di-  
fertis verbis declarat, [4] tam sapientiam non ratione ac  
meditatione, quod nos Philosophiam vocamus, fuisse com-  
paratam; sed a Deo datam fuisse: quam Theologi vocant  
scientiam infusam.

Illud

[1] ibid. c. viii. 1.

[2] Ecclesiasticus c. xxxvii. 15. 16. 17. 18.

[3] Sapientiæ c. vii. 17.

[4] „ Ipse enim dedit mihi horum, quæ sunt, scientiam:  
„ veram: ut sciam dispositionem orbis terrarum .... Omnia  
„ enim artifex docuit me sapientia. ibidem.

Illud tirones monitos volumus, Salomonei sapientissimum mortalium vocatum fuisse, referendo ad tempus, quo florebat; & Reges ceteros, & Orientalium eruditio-  
nem, [1] quæ a Græca, quæ post inveteravit, & ab ea, quæ  
in præsentia obtinet; longe distabat: tametsi divini scri-  
ptoris sapientia, quod a Deo esset, multo clarior & præ-  
stantior fuerit, quam nostra. Nihil igitur agunt quidam  
interpretes Sacrorum codicūm, qui ea Salomoni regi ad-  
tribuunt, quæ non nisi recentiori ætate inventa sunt, &  
apud juniores Philosophos & viros doctos occurruunt.

Eadem ratione, id est, ex Sacra scripturae testimo-  
nio, & ex historia illius ævi, de Daniele judicabimus.  
Qui cum litteras Chaldaeorum didicisset, [2] ut Regibus in-  
serviret, primum prudentiam Politicam didicit: deinde  
artes metiendi, numerandi, historiam. Hæc enim apud  
Chaldaeos tradebantur. Præterea a Deo accepit facultatem  
interpretandi somnia, & futura prædicendi. Quod ipsum  
adfectabant arioli Chaldaei, sed non possidebant. Ex quo  
processit ad hominum famam, & Regum gratiam adsecutus  
est. At hic eruditiois vestigia apparent; philosophiaæ Græ-  
cae non apparent. Quare haud facile viri docti adsentiu-  
tur. Hectori Pinto, & Cornelio a Lapide, aliisque, qui  
Aristotelicarum disciplinarum ambitum tribuunt Danieli:  
tum & illis qui contendunt, ab eodem scholas Philosophiaæ  
institutas fuisse: quod quam distet ab iis, quæ Sacri scri-  
ptores scriptum reliquere, nemo non videt.

Et hæc veterum Hebraeorum usque ad captivitatem  
Babyloniam fuit sapientia. Nam paullo post & ipsi Græca  
phi-

[1] Et præcedebat sapientia Salomonis sapientiam omnium  
,, Orientalium, & Aegyptiorum: .... Erat nominatus in  
,, universis gentibus per circuitum. 111. Reg. 111. 30.

[2] Daniel c. I. v. 4.

philosophiae placita domesticæ eruditio admisceretur, ut alio  
loco demonstrabimus.<sup>[i]</sup>

## C A P U T III.

De Philosophia Barbaræ seu Traditionaria, præsertim  
Orientali.

PERVENIMUS ad Traditionariam philosophiam, præsertim  
Orientalium gentium, id est, ad Aegypti tenebras: in quibus facilius hominem ab homine distingueremus, quam in illorum narrationibus, quid verum, quid falsum  
sit, constituere possumus. Tantæ enim tenebræ germana  
Orientalium placita ab nostris oculis occultant; tam multæ,  
tam obscuræ, tamque discrepantes inter se narrationes  
de illorum sententiis se offerunt; ut qui verum in tanta re-  
ruinæ & verustate, & caligine odorari credat, is laterem la-  
vet. Non est consilium tirones nostros in hos labyrinthos  
deirudere, a quibus ne homines quidem ingenti veteris  
litteraturæ copia instructi, se extricare potuerunt. Tan-  
tum, quæ ad Philosophiæ, & Theologiæ, quæ a Christo  
nato in Oriente inveteravit, intelligentiam erunt accom-  
modata, tangemus: cetera relinquemus iis, qui rebus inu-  
tilissimis otium consumere, in magna felicitatis colloquent  
parte.

I. Barbara philosophia vel Orientalis est, vel Occi-  
dentalis. De utraque nos quam brevissime poterimus di-  
sputabimus. Orientalium antiquiores, & præcipui sunt

Chal-

[i] De Hebreis, qui post Christum vixerunt, philosophie  
disputare hoc loco non est consilium. Illud prætereuntes mo-  
nemus, Judæos bene multos Aristotelico aut Scholastico mo-  
do philosophari: alios in secretiorem philosophiam seu Kab-  
balam incumbere.

**C**haldæi. Chaldæi autem vocabantur Babyloniis sacerdotes, & religionum interpretes, qui apud eos litteris vacabant: quemadmodum, qui apud Persas iis studiis dabant operam, vocabantur Magi. Chaldæi igitur homines superstitionissimi, religiones populorum interpretabantur, & futura prædicebant: cumque prædictiones suæ ad Regum palatium accommodarent, populos in officio his artibus, & fallaciis continuerunt: ex quo & maximum honorem apud Reges, & inlustre nomen apud populos adepti sunt. Reapse nihil aliud erant Chaldæi, nisi deceptores insignes, qui disciplinam illam suam quibusdam symbolis occultabant, ne alii possent cognoscere: tantum filii suis talia mysteria aperiebant. Adeo doctrinam suam ad fallendos populos accommodabant.

Hæc doctrina dicit originem a Zoroastro quodam, magni nominis apud Orientales. Quis autem fuerit Zoroaster, & quo tempore vixerit, tam est incertum, ut nihil supra. Multum de eo viri docti contendunt inter se. Quidam plures Zoroastros ponunt: [1] quidam unum fuisse existimant, Persa-Medium, & circiter Darii Hystaspidis tempora florente: qui Magiam apud Persas induxit, & Magorum religionem emendavit, auctiorque dicatur scriptorum, qui sunt in manibus: [2] quod verisimilius videtur. Suspicantur autem viri docti, [3] existisse alium Zoroastrum Chaldæum multo antiquiorem Persa, qui Magiæ, & siderum doctrinæ fuerit auctor Chaldæis, quam disciplinam

[1] Arnobius Advers. Gent. L.I. n.36. & Laertius. Confer. Stanlejus Hist. Philosoph. P. xiiii.

[2] Prideaux Hist. Judæor. T. II. L.4. p. 29. edit. Venet. 1738. qua utimur. & Thomas Hyde de Relig. Veter. Persar. c. xxiii i. p. 308.

[3] Stanlejus ibid. c. III. p. m. 254. Erucker. de Philos. Chald. L. II. p. m. 122.

nam posterior Zoroaster correxit: [1] Reliquos Zoroastros ex vita, institutique similitudine nomen habuisse, verisimile est.

Porro Chaldaica disciplina, nullis existantibus certis monumentis, vix elici potest. Unum ex Veteribus habemus, illorum doctrinam in tres partes dividi posse.

1. Aiebant Deum omnium Regem, & parentem per universum Mundum esse diffusum: ex quo manabant quidam spiritus, qui in singulis partibus e.g. in stellis habitabant: & quorum providentia tum stellæ ipsæ gubernarentur, tum corpora cælestia, & terrestria constituerentur, tum fatalis necessitas rebus singulis inponeretur. Deinde alterum genus Deorum ponebant: tertium Dæmoniorum: quartum Heroum: quorum aliqui ad lucem inaccessibilem, quam Deus habitat, mortalibus aditum aperiunt. Dii auctores boni sunt: Dæmones vero noxii, & fallaces. Hæc erat arcana Chaldæorum disciplina, quam aliis vulgare nefas erat.

Præterea astra colebant, præsertim Solem, & Lunam, i.e. spiritus in iis residentes: Hanc Magiam vocabant: cuius duplex disciplina erat: altera nominabatur *Theurgica*, cuius munus erat, spiritus bonos invocare, noxios fugare: altera *Naturalis*, quæ plantarum, animalium, metallorum virtutes explorabat: item quibus planetarum conjunctionibus, quibus humanis actionibus, magica operatio institui deberet, exponebat.

2. Altera disciplinæ Chaldaicæ pars erat Astrologia: quæ in observatione siderum, & futurorum prædictione posita erat. 3. Postremo Cosmogonia, ubi de Chao disputationebant; de animis humanis, qui a Deo manarunt, de quodam

[1] Eutychius Alex. Annal. Arab. Tom. I. p. 63. 263. Confer. Herbelot. Biblioth. Orient. p. 931. Stanl. I. c. P. xiiii. p. 301.

APPARATUS AD PHIL. ET THEOL.

dam Demiurgo, quo Deus in fabricando Mundum usus est. Verisimile autem est credidisse eos, materiam esse æternam; a Deo autem formam, ordinem, ornatum habuisse. [1]

II. Ab Chaldaeis edocti Persæ & ipsi antiquissimis temporibus easdem sententias sunt amplexati. Quæ apud Magos præsertim, qui religionis, & litteraturæ omnis erant custodes, locum habuere. Horum tamen disciplina qualis fuerit, certo nobis non constat; nec facile dilucidari potest in tanta rerum vetustate. [2] Neque vero recentioris Zoroastri, qui Magorum disciplinam correxit, certiora dogmata possunt haberi: nec ex Veteribus clara notitia Orientalis philosophiæ, sed obscura satis, interdum vero per conjecturas deduci potest.

Zoroastri philosophiæ, quæ mera erat Metaphysica, plurimis ineptiis & deliriis inquinata; tale erat systema. Primum omnium putabant, Deorum maximum & sempiternum, quem *Mithram* vocabant, genuisse *Oromasdem*, & *Arimanium*, inferioris ordinis Deos, qui Mundum molierentur. Ille fons erat spiritualium substantiarum, hic corporearum. *Mithra* symbolo ignis notabatur, & in Sole, qui lucis thesaurus est, thronum habet. *Oromasdes* symbo-

lo

[1] Hæc ex Diodoro Siculo, & Eusebio, aliisque colligit Bruckerus, & tanquam certiora proponit l. c. p. 132. seqq. explodit cetera. Ea vero, quæ ex Græcorum libris excerpit Patricius, exponit Stanlejus nomine Oraculorum Zoroastri. Tom. II. pag. m. 320. nec dubitas esse germana: quod nobis non persuaserit, tametsi Zoroastri sententias aliquas in iis contineri faceamus.

[2] Rude aliquod veterum Magorum Philosophicum systema qui cupit, legat Plutarch. de Iside & Osiride, Tom. II. p. 155. ex Recentioribus vero Beausobrium Historia Manichæorum, Gallice. Tom. I. p. 170. seqq. Prideaux. l. c.

*lo lucis. Arimanus symbolo tenebrarum. Quamvis autem a Mithra, infinito illo lucis intellectualis oceano, manavit utrumque principium, proprietates differentes habent, & quo magis distant a principio, eo sunt imperfectiora. Oromis fides seu spiritus; quod lucis, & ignis naturam proxime sequitur, qui omnia movet, sovet, ac perficit; causa est omnis boni. Arimanus vero seu materia, quia quam maxime distat a luce, & lucis fonte; caret iis proprietatibus, quae lucem bonam faciunt: ideo tenebrosa est; iners, indolis, & causa omnis mali. Non quia principium, a quo emanat, sit malum; sed quia ratione emanationis, quae ultima est, longe recedit a bono; & mala est. Cum autem intellectualis ignis sempiterno motu agatur, consequens est, omnia ad ipsum lucis oceanum ultimè esse redditura. Mater ia, cum natura sit iners, ab activo & lucido principio agi debet, quo facilius minuatur, depuretur, & spirituali naturae sit proprietor. Hinc perpetua dissentio inter lucem, & tenebras. Tamdem lux vincet: ac materia facta lucida, ab ipso lucis oceanio absorbetur, & in omnem partem lucem sparget & felicitatem: Hæc systematis Zoroastri summa est.* [1]

Præterea Deum seu Solem, & stellas sub diu, & sine templis colebant. Addebat plurima de prædictione futurorum rerum ex siderum adspicere. Existimabant præterea, Deos apparere figura multo humana ampliori: tum plenum esse aerem simulacrorum, quæ cum e corporibus effluant;

B . . . . . cum

[1] Hanc esse germanam Zoroastri doctrinam defendit Mosheimus in Adnotationibus ad Cudworthi Systema Intellectuale p. m. 249. & post eum Bruckerus de Phil. Pers. p. 176. seqq. qui castigant Pælium, & Prudentium, Beaufobiūm: & contiendunt, non Dualisticum systema, sed Emanativum Zoroastro probari.

cum vaporum elevatione oculis acute cernentium inferantur. [1]

Hanc nos Persicæ doctrinæ epitomam hoc loco tradere satis superque duximus : qui fusus hæc legere cupit , legat Recentiores laudatos . [2] Monemus tantum , *Oracula Zoroasiri* , quæ sunt in manibus , [3] tametsi quasdam Zoroastri sententias complestantur , tamen a Platonicis , qui post Christum fuere , mutata fuisse & depravata , & caute legenda esse .

Porro autem Orientalis philosophia , quæ plerumque Chaldaica vocabatur , postea quam Syriam , Palæstinam , Phœniciam , Arabiam pervasit , ad Aegyptum perveniens , Alexandriam , ad quam , quasi ad omnis litteraturæ mercaturam , concurrebant studiosi omnes , suis dogmatibus , & genealogiis divinis replevit .

Cumque sacerdotes Aegyptii , quorum doctrina & investigatio Astrologia , Magia , obscura de Deo ; disputandi ratione per ænigmata , Deorum genealogiis , & his similibus continebatur ; [4] exterarum gentium opiniones de Deo sine ulla dubitatione reciperent ; [5] & jam Pythagororum , ac Platoniorum cogitata domesticis adjunxissent ; Orientalem philosophiam facillime receperunt .

Accessit alia causa . Nam cum Ptolemæus Physcon Aegyptiorum rex cxxx. amplius ann. ante Christum natum  
lit-

[1] Herodot. L. I. c. 131. Confer. Laert. L. I. S. 17. Stanlejus Hil. Phil. l. c.

[2] Confer. Stanlejus l. c..

[3] Exstat Epitom. Dogm. Zoroastri , & Platon. apud Fabricum , Biblioth. Græc. Vol. XI II. p. 137. seqq. Exstant Oracula Zoroastri apud Stanlejum l. c. p. 318. seqq.

[4] Confer. Diodor. Sicul. de Veter. Aegypt. Relig. Plutarch. de Iside & Osiride .

[5] Jamblichus de Myster. Aegyptior. S. 8.

## PART. I. LIBER PRIMUS.

19

litteratos Alexandria abire coegerat, ipsi alii alio tendentes in Asiam concesserunt: cumque ubique publice docerent, repleverunt omnia Graeca eruditione. [1] Ex quo & ipsi Orientalium placita penitus cognoverunt, & nonnulla ex iis sunserunt. Itaque cum Alexandriam redierunt, novum excogitarunt Philosophiae systema ex Orientali, Pythagorica, Platonica, Aegyptiaca coaginatum: quod & Ju-  
dæorum Kabbalam genuit, & etiam perniciose hæreses, quæ turbas primis sæculis gravissimas inter Christianos concitaverunt. Sed de his alias.

III. Persis ex altera parte vicini erant INDI: qui magna sapientiae laude ante, & post Alexandri Magni temporâ floruerunt. Eorum Philosophia domestica lingua appellantur Brachmanes; Graecis, quod nudi incederent, Gymnosophistæ sunt appellati: quamquam eodem nomine ceteros Indiæ sapientes vocarint Graeci. Talia autem de iis, eorumque fædis referunt Strabo, Porphyrius, Philostratus, Palladius, ceteri, ut credi vix possint. Nam cum Graeci, & Orientales ceteri nihil præter auditum haberent, Indorum sapientes ex Graecorum disciplinis & moribus estimarunt. [2] In tanta fabularum copia hæc tolerabiliora esse videntur.

Gymnosophistæ a ceteris Indis magis ritu vivendi, quam sententiis, secernebantur. Semoti a consuetudine hominum, nudi agebant ætatem, & nives, hiemalemque vim, & Solis æstus pereferabant sine dolore: cumque ad Hammam se applicaverint, sine gemitu aduri. Itaque continentia, dura vivendi disciplina, tolerantia, & contemptu mortis, omnium admirationem rapiebant ad se: idque auditoribus suis faciendum esse persuadebant, propterea quod existimabant, frenandis nimiis appetitionibus animi

B 2

nos

[1] Confer. Atheneus, L. III. p. 184.

[2] Confer. Fabricius Dissert. de Brachmanibus, Ham-  
burgi 1703. 4.

nos evadere sapientes, quibus solis aditus patet ad Deum : Quod institutum etiam nunc plerique Brachmanes sub vocabulo Braminen in India retinent. [1] Et haec de Moribus in reliquis ita philosophabantur.

Putabant, Deum esse ignem intellectualis corporeum, qui Mundum format, pervadit, animat, gubernat. Mundum illius esse vestitum. Ex hac anima Mundi, seu igne rationali, qui perpetuo agitat, omnia emanant necessario, etiam anima rationalis, quæ illius ignis est particula, & corpore veluti ueste utitur: qua de cauſa nudi incedebant. Tandem animi humani post mortem agitatione ab omni forde, purgati, & ad ignis naturam redacti, post longam periodum ad ipsius lucis oceanum sunt reddituri. [2] Ex eodem fonte emanabant inferiores Dii, qui peculiari ritu erant colendi. Siderum ortus, & conjunctiones observabant, ut ex iis futura prædicerent: quæ superstitio semper in Oriente magno fuit æstimata. [3]

III. His conterminiis SERES seu SINAE, seu SINENSES sunt: quorum Philosophia omnino supersederemus, nisi hoc, & proximo saeculo de illorum systemate Philolophico tanto animorum æstu in utramque partem disputatum esset. Nolumus lectorem nostrum intricatissimæ controversiæ ini-

[1] Abrab. Rogerius Janua Gentilismi aperta P. II. c. 17. p. 408. seqq. Confer. Petr. de la Valle Itinérar. P. II. p. 218.

[2] Hæc Zoroastri doctrinam præ se ferunt. Doctrina enim animæ mundanæ, ex qua ceteræ manant, non solum Græciam, sed etiam Orientem fere omnem pervasit: ut mirum non sit ad Indos usque pervenisse.

[3] Indorum veter. & recent. Systema Philosophicum exponunt Carolus Gobien. Preface de l' Histoire de l' Edit. de l' Empereur de la Chine: & Franc. Bernier. Suite des Mémoires sur l' Empire du Grand Mogol. p. 202. Crozeus. Histor. Christ. Indic. L. VI. Rogerus, ceteri.

miscere; in qua ne homines quidem emundatæ naris verum a falso internoscere possunt: aliqua tamen, quæ probabiliora videntur, adducemus.

Sinenses igitur doctrinam suam ducunt à Confucio celebri Philosopho, qui I<sup>o</sup>LI. ann. ante Christum natus est: de quo tam multa prædicant Sinenses, ut credi vix possint. Usque adeo illa gens rebus domesticis extollendis, ceteris vero deprimendis dedita est, ut mirentur viri docti, Europæos tam ineptis fabulis fidem habuisse. [1] Id certum est, hominem post mortem tanto in honore habitum fuisse, quanto nullus alius Philosophus unquam. Nam & illi statutas posuere, & tabellas sacras fecere, [2] & singulari ritu coluere, qui aliis civilis [3] aliis religiosus esse videbatur; [4] & ludos quotannis illi dicarunt, & gymnasia a funda-

B 3 men-

[1] Minorelli Observat. ad errores Jouvencii de Rebus Sinicis p. 162. [2] Ibid. p. 170.

[3] Quidam civilem cultum esse putabant. Quod etiam placuit Leibnizio Præf. ad Novissima Sinica, & paucis aliis. Sed eum reprobendit Crozeus in Epistola quad. quæ est Vol. II. Leibnizianarum.

[4] Religiosum esse cultum, quo mortui, & Confucius & Sinibus coluntur, contendunt Evangelii præcones seu Missionarii, qui apud Sinenses fuerunt, Dominicani, Franciscani, ceterique & Sacerdotes, & Episcopi. Item Jesuitas aliquos in eadem sententia fuisse, ostendit Minorelli l.c. [Auctores Mem. de Trevoux. Anni 1715. p. 225. negant hunc librum esse Minorelli Jesuite: alii adseverant: id certum, talem auctorem plures annos apud Sinenses vixisse] Renaudotius Dissertat. 1718. & Antonius de S. Maria Franciscanus. Ceteros, qui in alterutram partem disputatione, habebat apud J. F. Buddeum Dissert. quæ exstat in Anal. Hist. Phil. Reimannum Sciographia Philos. Sinensis, Bruns-  
süig

mentis erexerunt, in quibus *Confucii* doctrina summa cum veneratione juventuti traderetur: tum demum *Confucii* posteros *Mandarinos*, seu præfectos provinciæ noininaruut, rebusque publicis titulo hereditario præfecerunt.

Jam *Sinensum* philosophy, quæ ex libris *Confucii* [1] & *Memci*, [2] qui *Confucium* exposuit, præfertim deducitur, in duas partes dividitur, veterem, & novam. Vetus *Confucii* doctrinam continet, sed aliquibus sentiis depravatam. Nova a sæculo XII. usque ad XV. producitur. Ea ex commentariis *Cheu-cu*, & *Cbim-ci*, & *Chu-cu*, qui a veteri doctrina recesserunt, & ex libris *Ta-civen* est nata: ex qua seſta *Litteratorum* orta est, quæ una cum seſtis *Foo kiao*, & *Lao kiao* apud *Sinenses* inveteravit.

Porro vetus *Sinensum* doctrina Metaphysica [nam sola Metaphysica, & Ethica delectabantur] tam est obscura & incerta, [3] ut ex eorum veteribus libris, quam malueris sententiam, educere possis. Quod ipsum non nulli fecerunt Europæi, qui *Sinensum* libros non ex vero, sed ex

frig. 1727. 4. Nicol. Charmois. Annot. ad Maigroti Hist. Cultus Sinensis. Et in Hist. Cultus Sinensis, Col. 1700.8. Sed nulla dubitandi ratio est reliqua, postea quam Clemens XI. const. Ex illa die, & Benedictus XIII. const. Ex quo singulari *Sinensum* ritus condemnarunt.

[1] *Exstat liber h. t. Confucius Sinarum philosophus: sive Scientia Sinica Latine exposita studio & opera Prosperi Intortetta, Christiani Hendrich, Francisci Rougemont, Philippi Coupletii, PP. Soc. Jes. Paris. c1700CLXXXVII.*

[2] *Franciscus Noel S. J. edidit Sinensis Imperii libros classicos sex, e Sinico idiomate in Latinum traductos. Pragæ c1700CXXI. ubi etiam scripta Memci continentur.*

[3] *Confer. P. Martinus Jesuita Hist. Sinica L. 1. p. 16. & P. Noel Jesuita Præfat. ad Mencium, & Volfius de Sap. Sinic. p. 37.*

ex præjudicatis sententiis sunt interpretati. [1] Controversia in hoc sita est, quod Missionarii doctrina, & pietate nobiles de sensu verborum *Xang-ti*, *Y-hiane*, *Xin-ki*, & similibus altercentur inter se. Quidam contendunt, significari summum numen, & cæli imperatorem, qui divina adtributa habeat. [2] Reliqui omnes, inter quos sunt Riccius [3] Longobardus, Minorellius [4] ceteri, sine ulla dubitatione defendunt, vocabulo *Xang-ti* non cæli imperatorem, sed vel vim quamdam divinam, quæ cælo insideat, idque informet; vel animam Mundi, cuius pars nobilior cælo juncta sit, viliores partes spiritus sint, qui Mundi partibus arctissimo vinculo colligati præsint; accipi debere: [5] & adversarios provocant, ut vel unum Sinensem producant, qui voce in *Xang-ti* alio sensu accepit. [6]

Quare verisimilius videtur, Sinenses hanc de anima Mundi sententiam, quæ in cælo potissimum habiter, & ab eo separari non possit, amplexatos esse: ex qua hominis anima emanet, vel hujus particula sit: quæ cum e corpore egreditur, ad fontem suum revertitur. Hanc animam

B 4 . . . cæli

[1] „ Eruditos Christianos ordinarie sensum librorum nostrorum Sinensibus tribuere, & imaginari sibi quod horum interpretationes nostris conformes deprehenderint, non considerantes, quantum veritatis interstet, huic soli litterae, procul esse iusta simulatione & hypocrisi: ait Nicolaus Longobardus Jesuita, vir doctrina, in animi canore excellens. Tom. II. Epist. Leibnizian. pag. 167.

[2] Confer. T. Coupletus L.c.p. 463.

[3] Expedit. Sinic. L. I. c. 10. [4] L. c. p. 126.

[5] „ Spiritus hos ita esse incorporatos, & sociatos rebus materialibus, ut res non possint eos a se dimittere: sunt verba Confucii in Chum-yum apud Coupl. Scient. Sinic. L. II. p. 51. [6] Minorellius, L. c. p. 125.

cæli summa religione esse colendam , ceteros spiritus non negligendos . Ex quo fit manifestum , Sinenses Deismo , vel Pantheismo infatnatos esse .

Jam Recentior *Sinensium* philosophia & clarior est , & meliori ordine disposita . Nec injuria suspicantur viri docti , ex commercio , quod ipsi cum Aegyptiis , & Arabibus hac seate habnere , [1] Græcorum hypotheses ad *Sinenses* usque pervenisse . Id certum est , cum , qui sine illo partium studio illorum systema Metaphysicum , & Physiologicum examinat , [2] ex Stoicorum , & Pythagoreorum fontibus profectum esse vix dubitatur . [3] Nam illud *Li* *Sinensium* est anima mundi , quæ Chaos informat . *Tai kie* est anima mundi secundum Stoicorum placita formati . Quibus constitutis , cetera nullo negotio mutatis nominibus ad Stoicorum hypotheses trahuntur . [4] Quæ cum alio loco sint exponenda , hic prætereunda sunt . [5]

Hæc eadem doctrina apud Litteratorum sectam obtinet in presentia . Ex quo plane deducitur , *Sinenses* ad Orthodoxos nullo modo posse referri . Qui autem tertiam *Sinensium* sectam faciunt , & contendunt , recentiores *Sinenses* , cum subtilius interpretarentur lineolas libri *Fobi* , tam-

[1] Confer . Renaudotius in Itinerariis , & Paullus Venetus .

[2] P. Longobardus edidit Monumenta Non nulla de Religione Sinensium , in quo libro illorum systema eleganter exponit .

[3] Brucker . De Philosoph . Sinensi p. m. 897. seqq.

[4] Longobardus acute vidit , *Tai Kie* cum anima corporis informante , & cum anima mundi Veterum convenire . pag . 233. 236. Confer . Leibniz . L. c. p. 442.

[5] Eorum Physica cum systemate Metaphysico , est colligata , si pauca de elementis encipias . Lege Spizelium de Litterat . Sinesi . s . VIII .

tamdem in atheismum incidisse, & sanam doctrinam ad perverlam flexisse, petunt principium: nam id ipsum probandum fuit prius, priscos Sinenses Orthodoxo sensu disputasse: quod & eorum libri, & Missionarii plerique falsum esse defendant. Sunt præterea sectæ *Lao kiun.*, & *Fœna*; quæ idolatriam, & deismum prohtentur.

De doctrina vero Morali, & Politica, mirabilia nobis narrant *Sinensum* patroni. Non negamus, quædam in iis occurtere; quæ laude digna videantur: unum contemdimus, plurimis flagitiis esse inquinatam. [1] Nam primum eorum Ethica non ad coercendas animi appetitiones, sed ad Politicam tota est conformata: nihil religioi tribuit: præmia, & pœnas post mortem vix aut ne vix quidein commemorat. Deinde nullum habet certum principium; nec ex ea possumus definire, quæ sit ea *ratio congenita*, quæ cordis rectitudo, quæ laudata illa perfectio: verbo dicam, tota quanta est, sine Deo potest consistere. [2] Præterea, idolatriam, superstitionem, inpietatem Sinensis ethica non profligat. Ex quo homo præjudiciis non impeditus judicare potest, jure, an injuria ceteris anteponatur. Et, de *Sinenibus*: huc usque. Redeo ad Occidentem.

V. Primi ad Meridiem occurrunt *ARABES*, quibus & sui fuere sapientes, qui antiquis temporibus *Magorum* nomen habuere, [3] sed a Muhammedis ætate *Zabii* sunt

ap.

[1] *Bylfingerus* Ethicam Sinensem ad systema revocavit: sed an nihil præjudicatis sententiis dederit, an aliter, dubitant viri docti.

[2] Confer. *Vvolfius de Sapient. Sinica* p. 37. Confer. *Moshemius Ethic. Chr. P. II.*

[3] *Plinius Hist. L. xxx. c. 1.* *Magos* in *Arabia* esse refert.

appellati. [1] Horum Philosophia qualis fuerit, exploratum non est. Neque enim ex certis monumentis; sed ex Judæorum, & Muhammedanorum scriptis, quorum fides in hac historia firma non est, dogmata Zabiorum cognosci possunt. [2] Ut ut est, hæc de iis feruntur.

Dicebant, homini necessarium esse aliquos habere internuncios, qui apud Deum gratia valerent. Hos esse spiritus, qui in astris tamquam in sacellis sint: quæ astra ab illis animata sunt. Horum motus observari oportere, & ex iis sigilla, seu *Talismanes* fieri, quorum ope ea ab illis accipientur, quorum ipsi habeant potestatem. [3] Alii simulacra etiam colebant, propterea quod existimabant, horum præsidio ad Deos illos cælestes hominem accedere. [4] Itaque Zabiorum systema, præsertim sectæ Hārbatistarum, erat cento. Nam ex doctrina Chaldaica sumserat animam mundi, quæ in corporibus cælestibus præsertim habitaret, & in res inferiores influeret: item angelos conciliatores benivolentiae: quod in Orientali philosophia summum in pretio fuit. Illud de conciliatore seu internuncio, a Christianis, vel Judæis accepere. Tum Orientaliū more totos se Astrologiæ seu siderum disciplinæ dererunt.

V. Proximi erant *Aegyptii*, qui in magna doctrinæ opinione fuere. Horum autem non modo historia, sed etiam Philosophia tantis tenebris & fabulis est oboluta, ut cognosci vix possit. Primum, quod sub symbolis continetur & imaginibus, ex quibus quidquid libuerit, exscul-

[1] Confer. Spencerus de Legib. Hebræor. Ritualib. Sect. II. p.280.

[2] Confer. Pocockius Hist. Arab. p.147.

[3] Confer. Arpe de Talismanibus, & Amuletis.

[4] Hec ex Sbarestani-Arabis narratione refert Pocockius.

exsculpere possit. Deinde, quod sacerdotes Aegyptij, homines astuti & insignes deceptores, doctrinam suam non nisi sacerdotibus & initiatis aperiebant, ceteris occultabant. Postremo, quod in eadem gente diversi ritus, sectæ diversæ, & incredibilis varietas sententiarum exstitit: [1] quæ, ut alia & gravissima argumenta non essent, plane conficiunt ineptire eos, [2] qui mirabilia de veteribus Aegyptiis confidenter referunt. [3]

Constat eos operam dedisse Geometriæ, non illi quidem interiori & sublimiori, sed quæ in agrorum dimensione versatur. Etiam in siderum cognitione curam posuerunt: quam tamen ad rationes Astrologiæ, cui plurimum tribuebant, vel rei rusticæ, flexerunt. Item Medicinæ Empiricæ vacarunt. Tum Magiæ, ex qua disciplina ab ipsis usque Mosis temporibus celebres præstigiatores exstiterunt, qui Moysi resistere conati sunt: quæ Magia cum Astrologia erat conjuncta. [4] Et hæc indubia.

Ilorum autem Theologia vulgata nihil superstitionis excogitari potest. Deos, heroas, homines, bellugas,

her-

[1] Confer. Mosheimius in Adnot. ad Cudvorthi Systema Intellect. c. IIII. §. 19.

[2] Fecit id preter ceteros Athanasius Kircherus, cuius conjecturas viri docti non admittunt. Confer. Heumannus A& Philos. Tom. II. p. 190. qui eruditorum de eo judicia enarrat. Confer. Vitius in Aegyptiacis L. II. c. 5. qui eum confutat.

[3] Monumenta ex quibus Aegyptiaca doctrina sumitur, sunt libri Hermetis, Horapollinis, Jamblichi. Et quidem Hermes nullus umquam exstitit: huius tamen libri et si recentiores sint, tamen plurima Aegyptiaca continent. Confer. Borrichius de Herm. & Aegypt. Sap. p. 83. ceteri innumeris fabulis sunt repletii.

[4] Plinius Hist. L. XXX. c. 1.

herbas adorabant : [1] Arcana vero Theologia in tanta  
terum obscuritate , & opinionum discrepantia vix elici  
potest . [2] Tamen hæc verisimiliora videntur . Putabant,  
summum Deum per universum mundum diffusum esse ,  
cujus partes tum in magnis viris residerent , qui dimisso  
corpore ad illum redirent ; tum in stellis , præsertim in  
Sole , quem Osirin ; & Luna , quam Isidem vocabant , ut  
animam in corpore , habitare : [3] Recentiores vero , qui  
veterem doctrinam ad Philosophorum morem formarunt ,  
dixerunt spiritum seu Osirin , materię seu Isidi intime esse  
coniunctum ; eidemque formas in primere rerum . Item  
aliud principium malum addiderunt Typhonem ; utriusque  
insensum ; malorum parentem omnium . [4]

Quare ex anima mundana seu Ostride , cum materia  
æterna seu Iside in matrimonio conjuncta profecta sunt o-  
mnia , & dæmones , & animæ humanae : quæ soluto corpo-  
re iterum ad astra seu fontem suum redeunt ; quæ bonæ  
sunt celerius , quæ malæ post longam transmigrationem per  
alia corpora etiam belluarum . Quæ celebris illa *metempsychosis*  
metapsychosis est Veterum . Mundum vero post longam pe-  
riodum consumptum iri cataclysmis , & igne : ita ut post  
certos temporum cursus conflagratio hujus universi fiat ,  
eamque mox consequatur instauratio omnia restituens ni-  
hil a prioribus differentia . Quæ Stoicorum placitis con-  
sentanea sunt . [5]

Hæc in tanta sententiarum varietate conjecturæ sunt

to-

[1] Confer. Juvenal. Satyr. xv. Plutarch. de Iside , &  
Osiride .

[2] Jacob. Basnagius Hist. Judæor. Gall. Tom. iii. c. 17.  
18. contraria systemata enumerat Theologiæ .

[3] Confer. Diodor. Sicul. de Veter. Aegypt. religione .

[4] Conf. Plutarch. L. c.

[5] Origenes Contra Celsum L. V. p. 252.

tolerabiliores. Cetera, quæ de quadam Trinitate, de Creatione ex nihilo, reliqua ad fabulas referimus. [1] Tantum monemus, recentissimos Aegyptios paullo ante Augustum Cælarem veterem doctrinam suam Orientalium, & Græcorum placitis contaminasse: qua de causa pleraque illis tribuunt Porphyrius, Simplicius, Jamblichus, ceteri, quæ Aegyptiaca non sunt.

[2] Fuere etiam *AETHIOPIBVS Gymnosophistæ sui*, seu Philosophi & Sacerdotes, qui doctrinam fere similem Aegyptiacæ profitebantur. [3] Celebrantur etiam *PHOENICUM*: Moschus, qui dicitur auctor systematis Atomorum, [4] & *Sanchuniathon*. [4] Laudantur præterea *CELTARVM*, sive Gallorum, Britannorum, Germanorum, & Septentrionalium gentium [hæ Celtarum, seu Celto-Scytharum nomine continentur] *Druides*: [5] *SCYTHARVM* vero seu hyperborearum gentium ad extremas Europæ, & Asiarum partes, *Abaris*; *Anacharsis*, *Zamolxis*, *Toxaris*, *Diceneus*: [6] *ITALORVM Etrusci*, qui divi-

[1] Confer. Mosheimus ad Cudvworth. Systema Intellectuale, c. IIII. §. 18. 35.

[2] Confer. Philostratus Vita Apollonii L. IIII. c. 2. Lucianus de Astrolog. T. III. p. 254. Confer. Ludolfus Com. ad Hist. Aethiop.

[3] Ait Cudvorthus System. Intell. c. I. §. 9. p. 14. Negat Burnetius Archæol. Philos. c. 4.

[4] Confer. David Bajerus Diff. de Phœnicibus eorumque studiis, & inventis, Jenæ 1709. & Cudvorth. System. Int. c. I.

[5] Horum disciplinam enarrat Cæsar de Bello Gallico L. VI. c. 13. 14. Addatur J. Georg. Heyslerus Antiq. Septentr. & Celticæ; qui Druidas etiam in Germ. fuisse ostendit.

[6] Confer. Justin. Hist. L. II. c. 2. & Pelloutierius Biblioth. Germ. Tom. xxix, p. 215.

nandi disciplinam Romanos docuerunt. [1] Sed horum omnium , ut est obscura historia , ita obscurissima philosophandi ratio : ut nihil agant , qui eos nobis tamquam subtile Philosophs obtrudunt .

Unum scimus , plerosque omnes harum gentium sapientes fuisse sacerdotes , qui populo jus dicebant , rebus divinis praeerant , religiones interpretabantur , futura praedicebant , quam divinationem ad commodum suum referabant , vel ad Regum voluntatem : & his artibus rem & sacram , & profanam publicam administrabant . In reliquis theogonias , & Deorum genealogias arcana methodo , & allegorica tradidere : & de generatione mundi ; de Deorum immortalium vi ac potestate interdum nonnulla disputarunt . Qui vero ex Græcis aliquid sumissi videntur , ut Celtæ , aliquique , non longe ab Stoicorum sententiis distare videntur . Quæ tamen non nisi per conjecturam affirmari possunt : cetera erant deceptores . [2]

Et , ut verbo dicam , Barbarorum omnium sapientia [3] doctrina de Deo , de divinis , de anima humana , de mundi ortu , de siderum observatione fere omnis continetur . Nam cetera ad usum vitæ , non ad contemplationem referebant . Cumque ea non meditatione & ratiocinatione , compararent , sed a majoribus haberent ; manifestum fit , Traditionarium sapientiam seu philosophiam , notas & characteres Philosophie non habere .

CA-

[1] Confer . Senec . Natur . Quæst . L . II . c . 14 . Dempsterus ad Rossini Antiq . Rom . L . III . c . 8 . 9 . 11 . Bruckerus de Phil . Etrusc . Tom . I . p . m . 345 . seqq .

[2] Confer . Vachterus Elucidar . Cabballistic .

[3] Barbari Græcis vocabantur ii , qui Graeca lingua non utebantur , & Græcorum litteris instituti non erant . Romani omnes populos preter Græcos , Barbaros appellarunt . Nos Græcorum sensu hoc loco vocem Barbarus accipimus , si Iudeos excipiatis .

## CAPUT V.

*De Philosophia Graecorum Fabulari, & Politica.*

**S**ed ad Græcos veniamus, qui tametsi à Barbaris ut Thraces, Phœnices, Aegyptii, ceterique Orientales, [1] divinarum, humanarumque rerum notitiam aliquam habuerint, tamen hanc sibi peculiarem vindicant laudem, quod vel a prima gentis ætate rationem consuluerint, & ex ea Philosophiam mirifice amplificarint.

I. Primi Græcorum sapientes, de quibus aliquid certo constituere possimus, fuere *POETÆ*, qui sapientiam monumentis mandarunt, ut *Orpheus*, *Musæus*, *Eumolpus*, *Thamyris*, *Melampus*: item *Hesiodus*, *Epimenides*, *Homerus*, ceteri. Hipteruinque fuere theologi Naturales, quorum in *Theogoniis*, & *Cosmogoniis*, id est, in Deorum genealogiis, & Mundi ac rerum naturalium ortu describendo, omnis consumtus est labor. Nimirum doctrinam de mundi ortu, a majoribus sub allegoriis acceptam, & metaphorico exponendi genere corruptam, ita cum rerum singularium generatione miscuerunt, ita Poetarum fictionibus, profopopœjis, & novis nominibus obscurarunt, ita religionem vulgi cum religione Physicorum conjunixerunt, ita nova, & sibi invicem contraria excogitarunt; ut qui in tanta rerum, & obscuritate, & discrepantia vel verum invenire, vel certum aliquod systema Philosophicum componere velit, is oleum & operam perdat. [2]

Qua-

[1] Confer. Bochartus *Geograph. Sacra*, Burnetius *Archæol. Philos.* c. 9.

[2] Multum in hoc sudarunt litterati viri, ut Burpetius *Theoria Telluris*, L. II. c. 7. Cudvorthus *System. Intellect.* c. IIII. §. 14. 32. ceter. & ibi Mosheimius.

Quare satius daco his abilinere , & hoc unum mone-  
re tirones , habuisse veteres Theologos , & Philosophos ,  
seu Poëtas mundum pro Deo , ejusque partes in Deos re-  
tulisse , & nominibus suis distinxisse : [1] quibus addide-  
runt heroas suos , & plurimas fabulas , ex quibus Theogo-  
nia constant: quæque a populis pedetentim receptæ fuere :  
nec aliud in eorum Theogoniis investigari oportere , [2]  
rametsi alii alio modo eadem explicarint . Quare non ad  
*Rationales*, sed *Traditionarios* philosophos referendi sunt .

II. Poetis *POLITICI* sapientes successerunt , qui  
hominum mores ex rectâ rationis præscripto formarunt ,  
societas constituérunt , easque legibus utilissimis tempe-  
rarunt : idque tanto cum operæ pretio , ut ex Græcia , ve-  
luti ex equo Trojano , innumeri sapientes sint egressi ,  
qui & leges populis sanciverunt , & eos prudentissime re-  
xerunt , & tam magna prudentiæ opinione floruerunt , ut  
non solum Romanos illos , gentium domitores , docue-  
rint , sed etiam nunc Europa omnis , quæ Romanorum  
legibns gubernatur , præclarissimis stet Græcorum institu-  
tutis .

Hinc Zaleucus Locrensum , & Epizephyriorum le-  
gislator celebratur: Catanensium , & Italorum , & Sici-  
lorum Charondas : Atheniensium Triptolemus , Draco , So-  
lon , ceteri : Lacedæmoniorum Lycurgus : Cretensium  
Rhadamantus ;<sup>dg</sup> Minos . [3] Hinc etiam septem illi veter-  
es Sapientes nō ominati , Thales , Solon , Chilon , Pittacus ,  
Bias , Cleobulus , Periander , cujus loco alii reponunt  
Mysonem , qui a prudentia Politica & Legislatoria , & Poe-  
si , & magistratibus , quos gesserunt , si Thaletem excipiās ,  
inlu-

[1] Confer. Everard. Feithius Antiquitates Homericæ L. l. c. 1. [2] Confer. Mosheimus l. o. p. 281. seqq.

[3] De veteribus Legislatoribus , qui fama feruntur , di-  
spusat Fabricius Biblioth. Græcæ Vol. I. pag. 528.

inlustre sibi nomen fecerunt. [1] Verum hi omnes etiam si brevibus sententiis acute excogitatis, & ad mores emendandos accommodatis, ad hominum famam processerint; [2] tamen inter Philosophos eo sensu, quo nos eos accipimus, numerandi non sunt: [3] neque enim eo modo philosophati sunt ac Thales, qui Practicæ philosophiæ Theoreticam adjunxit, de quo sequenti capite erit sermo.

## CAPUT VI.

*De Græca philosophia usque ad Christum, præsertim de secta Jonica.*

**H**AEC initia Græcæ eruditionis fuere. At mature Græci, ut erat illa gens ad omne litterarum genus excolendum facta, viam, qua ad Philosophiæ adyta contendere possumus, invenerunt. Ergo quo tempore Judæorum regnum inclinare videbatur, eodem Græci homines, quasi ab illa essent rerum publicarum libera sentiendi facultate excitati, rerum caussas libere & per acri judicio investigarunt; & initia Philosophiæ illius, quæ post obtinuit, posuerunt. Universa autem Græca philosophia a duobus auctoribus, tamquam a duplice fonte, dimanat, Thalete, & Pythagora: quorum primus Jonicam sectam, alter vero Italicam condidit. De Jonica in præsentia, de Italica sequenti capite sermonem faciemus.

C

Se-

[1] Confer. Diogen. Laertius L. I. præsertim f. 35. 61.

[2] Eorum sententias explicavit Buddeus in Sapientia Veterum, seu dictis inlustrioribus septem Græciæ Sapientum.

[3] Confer. Plutarch. in Solone. Laert. L.I. f. 40.

## Secta Jonica.

I. Ac primum *Thales* [Miletii in Jonia natus anno 1.  
Olymp. xxxv. [1] hoc est Iocxxxx. annis ante æram Vul-  
gatam; cum Mathematicarum disciplinarum studio incen-  
deretur, Naturæ scientiam feliciter persecutus est, præ-  
fertim Corpuscularem philosophiam. Cumque Moralem,  
& Politicam, pro more illius ævi, calleret, inter VII.  
Græcias Sapientes numeratus est. Verisimile est, nihil  
scriptum reliquisse Thalerem [2] præter ~~discreta~~: quidquid  
dicat Plutarchus, & alii, qui certa monumenta non pro-  
ferunt. [3]

Auditorem habuit *Anaximandrum Milesinum*, [4]  
qui privatam Thaletis institutionem publicam fecit, & au-  
ditores plures instituit: & primus Naturalis philosophiæ  
præcepta scripto consignavit: [5] quod ante se alii nefas  
esse putabant, arcana Philosophia contenti. Multum Ma-  
thematicam, & Physicam auxit *Anaximander*.

Ab hoc *Anaximenes eruditus* [6] Naturalem philoso-  
phiam docuit *Anaxagoram*, & *Diogenem Apolloniatem*,  
[7] qui illi in cathedra ordine successerint. Huic vero  
*Archelaus* successit, *Anaxagoræ discipulus*, [8] qui ea-  
dem Socratem eruditivit Athenis. Et in hoc *Archelao* Jo-  
nica secta finem fecit.

Jonicorum vero systema quale fuerit; pro certo dice-  
re

[1] *Laertius l.c. L. I. s. 37.*

[2] *Idem ibidem s. 23. confer. Fabricius Biblioth. Gr.*  
*Vol. I. p. 238.*

[3] *Fabricius l.c.p. 239. & Huetius Demonstrat. Evang.*  
*P. III l.c. 2. §. 5.* [4] *Laert. L. II. s. 1.*

[5] *Themistius Grat. XX.* [6] *Laert. ibid. s. 3.*

[7] *Cicero de Nat. Deor. L. I. n. 11. Laert. L. II. s. 57.*

[8] *Suidas in Archelao.*

re non possumus: quod nulla eorum extant scripta; nec nisi singulares sententiae apud Veteres se offerant, in quibus enarrandis, & explicandis summe dissentient. Quare non nisi infirmis conjecturis locus est. [1] Verisimilius est. plerisque omnes Jonicos Deum pro anima mundi habuisse: i. e. Deum in materiam esse immersum, & tam arcto nexu illi conjunctum, ut anima corpori, ovoque vitellus: & hanc esse vim illam *plasticam*, quae materiam necessario formavit, ita ut Deus sit pars necessaria chaos. [Anaxagoras *Deum Materię* adjunxit, sed neutrum ab alio penderere dixit, adeoque systema *dualisticum* admisit] Præterea ex corpusculis dissimilibus hoc & illo modo motis omnia esse facta dixerunt: & quorundam, quae in natura contingunt, causas investigarunt. Etiam Mathematicæ vacarunt, & theorematum, ac problematum Geometrica aliqua invenerunt. [2] Sed horum & Physica, & Mathematica rudis erat adhuc & inconcinna.

## Secta Socratica.

II. Socrates vero Atheniensis, qui ab Anaxagora, & Archelao accepisset disciplinam [3] & etiam ab aliis varietatem omnem litterarum didicisset, [4] aliam omnino instituit viam. Nam cum animadverteret, ex disciplinis, quæ

C 2

erant

[1] Confer. Mosheimius ad Gudvorthi Systema Intellectuale c. III. §. 21. n. 8.

[2] Ea enumerat Stanlejus Hist. Philos. P. I. c. 7. p. 15.

[3] Laert. l. c. f. 22.

[4] „ Omnia eruditorum testimonio, totiusque judicio „ Græciae cum prudentia, & acumine, & venustate, & „ subtilitate; cum vero eloquentia, varietate, copia, quam „ se cumque in partem dedisset, omnium esset facile prin- „ ceps. Cicero de Orat. L. III. c. 16.

erant in usu, parum utilitatis humanae generi adferri; ad Moralem philosophiam potissimum se contulit, eamque auditores suos docuit: ut virtutis amorem excitaret, & viam sterneret ad felicitatem. Neque tamen ceteras disciplinas repudiavit: quin immo eorum studium non uno loco laudavit. Itaque hortabatur discipulos [1] ut Geometriae, Arithmeticæ, Astronomiæ, Logicæ cognitionem adipsicerentur; ita tamen ut non iis addiscendis perpetuo detinerentur, sed ad usus vitæ studium omne suum revocarent: & tantum ediscerent, quantum utile esset ad vitam commode transigendam. Potissimum admonebat, ut rationem validitudinis haberent, & quæ bona, quæ mala essent, haberent explorata.

Scholam *Socrates* non aperuit, sed cum amicis domi forsique collocutus, eos meliores reddere conatus est. Philosophandi autem ratio talis erat. Perpetua ironia usus hoc sibi proposuit, ut ex inductione accurata aliquid efficeret. Id ut facilius adsequeretur, sibi non nisi tarditatem mentis, & inscitiam tribuebat; illi vero, quocum disputabat, summum acumen ingenii, & doctrinam. Tum deum eum interrogationibus fatigabat, atque ex aliis alia per necessariam concludendi rationem deducens, cogebat eum, ut aliquod absurdum fateretur: ex quo fieret perspicuum, ea, ex quibus illa ducebantur, esse falsa.

Quod si adversarius stimulabatur, *Socrates* humanissime respondebat, paratum se esse adsentiri veritati; modo eam intelligeret. Itaque nihil aut dubium, aut obscurum in disputatione relinquebat: sed omnia sibi dilucidari postulabat. Hac arte Sophistarum sui temporis audaciā, & ignorantiam detegebat: qui sub verborum involucris, plerumque nihil significantibus, magnam erudi-

tio-

---

[1] Confer *Xenophonem Memorabilium* L. IIII.  
p. 814.

tionis speciem populo obtrudebant. Sed Sophistæ taciti non tulere: nam atheismi, & corruptæ juventutis accusatus, cicuta epota extinctus est. [1]

Nulla reliquit scripta Socrates, sed Plato, & Xenophon præceptoris Philosophiam litteris consignarunt: quorum historiæ fide Platonii Xenophon antecedit. [2] Quare nullum ipsius Philosophiæ excogitari potest systema: sed tantum sententiae quædam ex discipulorum scriptis erui possunt.

Metaphysica seu theologia Naturalis Socratis præclara est. Nam Deum auctorem mundi & gubernatorem posuit: [3] tum providentem humano generi: [4] tum præmia, & pœnas singulis decernentem, [5] cetera. Præter summum Deum, plures Dèos admisit. [6] Animum esse immortalem, & post mortem præmia virtutis habere putavit. [7]

Ex his fontibus Ethicam disciplinam deduxit, finem bonorum non in hac vita, sed in futura felicitate constitutens: [8] prudentissime ille quidem, & multo melius quam Theopoli, qui ante eum de Morali doctrina differuerunt. [9] Itaque præcepta Moralia egregia docuit, & Politica, [10] quæ apud auctores, qui de iis agunt, lector inveniet.

[1] *Plato in Apolog. Socratis.*

[2] *Athenæus L. XI. p. 505.*

[3] *Xenophon. l. c. p. 802. & L. I. p. 725. seq.*

[4] *Ibid. L. I. p. 711. [5] Ibid. p. 726..*

[6] *Xenophon ibid. p. 802.*

p. 245. [7] *Confer. Cicer. in Lælio c. 4. & Plat. in Phædr.*

[8] *Xenophon. L. III. p. 812.*

[9] *Confer. Stollius Hist. Philos. Mor. Gentil. §. 42. &c.*

[10] *Xenophon. L. III. p. 772.*

## Secta Cyrenaica.

III. Socratis plurimi auditores memorantur. [1] Nos celebriores percensebimus, qui post ejus obitum sectas condiderunt. Ac primum *Aristippus* Cyrene Africæ urbe natus nominandus est. [2] Sectam hic econdidit, quæ non ab auctore nomen habuit, sed ab originis loco appellata fuit *Cyrenaica*. Hic per Antipatrum, Epitimidem, Paræbateum, ad Hegesiam, & Anniceridem discipligam transmisit, ex quibus secta *Hegesiaca*, & *Annicerica* exfluit. [3] Celebrantur præterea *Theodorus Atheus*, *Eumerus*, *Bion Borysthenites*, ob inpietatem suam famosi. Verum hæc secta iis nominibus in invidiam adducta cito extincta est. Nam post Epicuri tempora vix eorum fit mentio.

Philosophia autem *Cyrenaica* talis erat. Socraticam philosophandi rationem imitatus *Aristippus*, de reliquis disciplinis tantum delibavit, quantum ad Moralem necessarium videbat. [4] Itaque *Rationalem philosophiam* coluit, cuius hæc præcipua dogmata sunt: Statuebat in adfectionibus, seu interiore sensu doloris, aut voluntatis judicium veri confidere: non vero in caussis externis, quæ moveant illas adfectiones. Quare non datur criterium commune, quia non omnes, propter diversam sensuum constitutionem, eodem modo adficiuntur ab externis: sed ex voluptate, vel dolore, quid fugiendum, aut appetendum sit, judicandum est.

Ex his fontibus sistema Morale *Cyrenaci* deduxerunt. Itaque voluptatem præsentem corporis finem hominis esse dixerunt: nec eam tantum, quæ indolentia consit,

[1] *Xenophon*, *Aeschines*, *Crito*, *Simón*, *Cebes*.

[2] *Suidas* in *Aristippo*. [3] *Laert. L. II.* s. 86.

[4] *Laert. L. II.* s. 80:

sit, sed quæ in corporis leni motu. Beatam autem vitam in congerie omnium voluptatum, præsentium, præteritum, futurarum. Magis adficere nos corporis voluptates, aut dolores, quam animi. Ratione tamen moderandas esse voluptates. Contra summum malum esse dolorem. Virtutem hoc nomine esse laudandam, quod voluptatem adferat. Nihil natura esse justum, aut injustum; honestum; aut turpe; sed consuetudine ac lege. Sed an de lege naturæ, an de humana sit locutus, non constat: cetera etiam ad verbum sint accipienda, an aliter, exploratum non est. [1] Hæc ex aliorum narratione habemus, [2] nam Aristippi scripta nulla existant.

## Secta Megarica.

III. Alter Socratis discipulus *Euclides Megareus* sectam condidit, quæ a Megara urbe ad Isthmum Corinthi, ejus patria, in qua & ludum aperuit, *Megarica* est nominata. Successores habuit Eubulidem, Alexinum, Euphantum, Apollonium Cronum, Diodorum Cronum, Clinomachum, Stilponem, ceteros, qui ex eadem disciplina profecti sunt.

*Euclides* vero ab Socratis philosophandi via disceptans, ut erat ingenio fervido & acri, totum se ad artem disceptandi & contendendi contulit. Hujus autem Logica in hoc sita erat, ut adversarium suum non contrariis argumentis confutaret, sed ex illius dictis frequentes conclusiones duceret, quibus eum irretiret & oppimeret: easque adeo urgebat, ut *contentionis rabiem* Megaram invexisse.

[1] *Aristippum* alio sensu, ac *sectatores*, locutum esse: sit *Eusebius de Præparat. E. L. IIII c. 7.*

[2] *Empiricus Advers. Mathematic. L. VII. f. 191.*

diceretur. [1] Quam rationem successores plurimis fallaciis mirifice amplificarunt. Ex quo hæc scola *Eristica*, seu contentiose nomen habuit, & etiam *Dialecticæ*. [2] Non quod ipse auctor fuerit *Dialectices*, sed quod *Dialogistici* methodum ad contentiones & litigia Philosophorum primus applicavit. Cetera, quæ dixerunt, nobis explorata non sunt.

### *Sedēa Eliaca.*

V. Eliacam sectam condidit *Phædo* Eliensis, Socratis auditor, qui tam fideliter præceptoris vestigia instituit, ut Socraticam philosophiam omnino puram docuerit auditores. [3] Hunc exceptit *Plistanus*, *Menedemus*, *Asclepiades*: [4] qui eamdem disputandi viam & rationem retinuerunt.

### *Sedēa Cynica.*

VI. *Antisthenes* Atheniensis, & ipse Socratis discipulus, scholam Athenis aperuit in *Cynosarge*, celeberrimo gymnasio: ex quo hæc secta *Cynica* fuit vocitata. [5] Hic Philosophus ad severitatem compositus cum animadverteret, Græcorum mores depravatos theoreticis disciplinis emendari non posse, peculiarem disciplinam excoigitavit, qua eos non modo doctrina, sed etiam exemplo alliceret ad virtutem.

Cum

[1] *Laert. L. VI. s. 107.*

[2] *Ibid. L. II. s. 106. Confer. Menagius, ad hunc l. s. 108.*

- [3] *Laert. L. II. s. 130. [4] Idem L. II. s. 105..*

[5] *Idem L. VI. s. 13. Suidas in Antisthenes T.I. p. 230. Vossius de Sectis Ph. c. 17.*

Cum enim plurimis morbis infecta esset Græcorum natio, singulis medicinam adhibendam esse putavit. Itaque ut se opponeret Sophistarum loquacitati, Logicam, Physicam, & Mathematicam rejicit, & ad Moralem adjecit animum. Vitia capitalia debellanda esse putavit nuditate, paupertate, tolerantia, morum integritate. Statuum discrimen, quod apud Græcos singulares opiniones foverat, non alio modo eludi posse judicavit, nisi sublato decoro. Tyrannorum iussa pertinacia esse vincenda, interdum vero morte voluntaria. Hac ratione & disciplinam ceteros edocuit, & nomen Philosophi tuitus est. [1] Præterea hominum mores perpetuo non sine acumine reprehendit, & utilissima præcepta morum tradidit.

Quamquam vero Moralis philosophiæ nullum ipse systema scripto vulgavit, tamen ejus discipuli peculiares sententias tenuerunt. Itaque existimavit, vitam beatam in virtute positam esse. Virtutem vero doctrina adquiri posse, non vero amitti: & ad virtutem omnem sapientiam revocari. Amore dignum esse sapientem, nec vitiis obnoxium. Sapientem fortunæ non concedere. Ea, quæ nec virtutes, nec vitia sunt, indifferentia esse. [2] Quæ omnia, ut monet vir clarissimus, aperte produnt, Antisthenem nec disputandi via, nec sententiis a Socrate recessisse.

Huic sectæ plurimi viri inlustres nomen dederunt, Diogenes Sinopensis, Onesicritus, Monimus, Crates, & hujus uxor Hipparchia, Metrocles, Menedemus, Menippus, alii. Verum hi dicacitate sua, & acerba reprehendi alios licentia in maximam invidiam tempore procedente inciderunt: [3] qua de cauſa Cynica disciplina maturum habuit interitum.

Sed et

[1] Laert. L. VI. s. 105. [2] Laert. L. VI. s. 11. 12.

[3] Confer. Herat. Epist. I. 17.

## Sella Stoica.

VII. Ab secta Cynica exiit Stoica : nam Zeno Citieus , Cratetis Cynici discipulus , ludum Athenis aperuit in *Stoa* , celebri porticu , propter ingentem tabularum pietarum numerum , quæ ibi erant : ex qua *Stoici* , qui ibi differebant , Poetæ , & Grammatici sunt appellati : postea Zenonis auditores hoc sibi proprium nomen fecerunt . Nec contentus unius institutione , audivit Zeno Stilponem Megaricum , [1] Xenocratem Platonicum , [2] Diodorum Cronum Dialetticum , [3] & Polemonem : [4] ex quorum sententiis suam Philosophiam composuit .

Plurimos auditores habuisse Zenonem memoriae proditum est . [5] Qui ei in cathedra ordine successerunt fuerunt Cleanthes , Chrysippus , Zeno Tarsensis , Diogenes Babylonius , Antipater Tarsensis , Panætius , Posidonius , Jason , ceteri . Qui tamen præceptoris sententias non semper pressæ securi sunt , sed alio modo exposuerunt .

Stoica vero disciplina tribus partibus continetur , Logica , Physiologia , Ethica , de quibus breviter dicimus . Logicam cum ex Eristicorum fontibus hauserit Zeno , iisdem flagitiis , atque illa , inquinatur : i. e. nihil distincte cogitat , vocabula non definit , sed vocibus abstractis , aut incertæ significationis fere tota continetur : ex quibus tales ratiocinationes Stoici componebant , quas nullus posset interpretari . Itaque nihil aliud erant Stoici nisi sophistæ verbosi , & ineptissimi negatores , qui ex ambiguo disputantes hominem in sermone capere cupiebant , quo facilius acuminis , & ingenii laudem apud indoctos

[1] Laert. L.VII.s. 2. [2] Ibid. s. 2.

[3] Ibid. s. 25.

[4] Ibid. s. 35.

[5] Confer. Laert. L. VII.s. 36.

doctos consequerentur . [1] Et quamquam Stoicorum quidam temperantiae , moderationis , constantiae laude floruerint , plerique tamen omnes erant hypocritae ; exterritnam Philosophorum speciem mentientes .

Logicæ duas partes fecerunt , Rethoricam , & Dialecticam . Illa vel est deliberativa , vel judicialis , vel demonstrativa . Orationis partes exordium , narratio , consultatio , epilegus .

I. Dialectica est scientia , seu firma comprehensio rerum & visorum . Rerum autem imagines ab objectis externis inprimuntur in sensibus , & per sensus in animo , quasi anulus ceræ : hanc impressionem , quæ cum evidencia est conjuncta , Græci phantasiam , Latini visum dixerunt . Has sequitur animi consensus , qui dum visa approbat , comprehendere dicitur : si firmiter quasi manu comprehendit , est scientia . [2] Porro Logicum criterium vel est homo , qui judicat : vel sensus , per quem judicat : vel applicatio phantasie , cuius auxilio judicatur . Itaque criterium & est sensus , & anticipata perceptio . ( in hunc fere modum locuti sunt Epicurei ) Sensuum comprehensio vera est ac fidelis . Nihil autem est in intellectu , quod prius non fuerit in sensu . Hinc nullas homo habet notiones innatas , sed mens chartæ puræ est similis , in qua mente primæ rerum imagines inprimuntur : hæ sunt notiones naturales & communes , seu anticipatae perceptiones . Mens autem nihil aliud agit , quam has communes notiones ad singula visa , quæ occurruunt ,

[1] Confer . Fabricius Dissert . de Cavillationibus Stoicorum in Syllog . Dissert .

[2] Hinc Zeno digitis extensis , visum ; paullum confundit , adsensum ; manu compressa & pugno , comprehensionem adumbrabat . Lege Cicer . Acad . QQ . L . IIII . c . 47 .

runt, accommodare. Et hæc de *visis*. His subnectunt doctrinam de *vocibus*, ubi de definitione, divisione, de genere, & specie. Postremo de *rebus*, ubi de quatuor prædicamentis, propositionibus, syllogismis hypotheticis, & omnini fallaciarum genere pertractant: in quibus exponendis dies, ac noctes consumebant. [1]

2. In Physica hoc modo philosophantur. Duo sunt æterna rerum principia, patiens seu *Materia*, & efficiens seu *Deus*. Utrumque corporeum est. Quidquid enim est, corporeum est, adfectus animi, virtutes, vox, cetera. [2] Nihil incorporeum est, præter infinitum vacuum, quod extra mundum est. Dens autem vocatur *incorporalis ratio*, & *inmaterialis*, & *spiritus*, dum materiæ seu crassiori corpori opponitur: ipse enim subtilissimum corpus est. [3] Deus est purissimus æther, seu ignis artificialis, qui in extremo cæli ambitu habitat. Verum pro diversitate locorum diuersa nomina habet: in aere Juppiter, in igne Vulcanus, in terra Vesta, in mari Neptunus, cetera. Hic ignis habet in se semina & formas rerum omnium, cumque se in omnes materiæ partes diffundit, eas movet, vivificat, & format secundum illas formas, & rationes: [4] idque non libere, sed ex necessitate naturæ: propterea quia Deus non libere, sed necessario vinculo Materiæ conjunctus est, nec ab ea potest separari.

Deus hoc sensu dicitur habere rerum singularum providentiam, quia omnes materiæ partes [ut anima & pars.]

[1] Stoicorum Logicam exponit copiose Stanlejus Hist. Philosoph. in Zenone.

[2] Laert. L. vii. f. 55. Confer. Seneca Epist. 106. 113. Fuit hæc ostendit Lipsius de Philos. Stoica L. II. dif. 4.

[3] Laert. ibid. f. 147. Plut. de Placitis L.I. c. 6.

[4] Laert. ibid. f. 138.

part] intrinsecus pervadit, movet, disponit, conservat certis & inevitabilibus legibus. Hæc itaque providentia inevitabile fatum est: adeo ut nec Deus, nec materia, nec, qui ex introque constat, mundus, ab hoc fato se eximere possint. [1] Fato omnia reguntur; alia ex aliis necessitate naturæ fluunt, nec aliter evenire potest. [2] Quoniam vero caussa illa rationalis nihil extra se habet, nisi vacuum infinitum; a nullo alio cogi potest: quare libera est, quia natura sua ita facit, etiam si aliter facere non possit. [3]

Hæc est germana Stoicorum de Deo sententia: cetera, quæ de divina providentia, de omnipotentia, de immensitate, de sapientia, ceterisque attributis magna & præclara prædicant Seneca, Epictetus, Marcus Aurelius imperator, ceterique Stoici, quorum mutila exstant scripta; ex his principiis illustrari debent. Nihil igitur agunt Justus Lipsius, Gatakerus, ceterique, qui Stoicorum vocabulis decepti, illorum sententias ad Christianorum decreta revocare adorti sunt.

Hic itaque, qui levitate sua extremum mundi ambitum petit, undique circumfusus, omnia cingens atque complectens ignis artificialis, qui æther nominatur, & Deus est; ex chao quasi erumpens, & æternam materiam agitans secundum fati leges, primum genuit astra, in quæ particulas ignis induxit, qui Dii sunt. Dii aerem, aquam, terram formarunt, divina obstetricante manu, seu igne undique diffuso, & ad medium delato, [4] cuius partes sunt. Cum autem astra fati legibus agantur, & catene

illi

[1] Confer. Vossius Theolog. Gentil. L.II. p.158.

[2] Seneca de Provident. c. 5.

[3] Seneca Præfat. Quæstion. Natur.

[4] Confer. Mosheimus ad Cudworthi Systema c. IIII.

illi necessariae caussarum tamquam anuli sint conjuncti, futura necessaria sæpiissime protendunt, & nuntiant. [1]

Porro fatali lege inundatio [2] & conflagratio, non aliter quam hiems, & æstas, post longas annorum periodos redibunt. Nam ignis ille artificialis, qui in stellis præsertim habitat, vaporibus terræ, ac maris nutritur. Cum autem hæc alimenta defecerint, ignis ardor totum mundum voracitate sua depascet & consumet, [3] & omnia ad chaos seu Jovem revertentur. Rursum post aliquam quietem, divinus ignis novum iterum mundum producit, novos homines, dabiturque terris homo inscius scelerum, & melioribus auspiciis natus. [4] Sed quia naturam materiæ corrigere Deus non potest, iterum redibit corruptio: & sic post aliam periodum conflagratio, perpetuis cursibus & conversionibus temporum.

Sed etiam animus hominis, qui est particula divini ignis, seu animæ mundanæ, [5] cum e corpore extricatur, ascendit ad ætherem purissimum, & in ignem divinum inmergitur. [6] Quo sensu & mortalis, & immortalis dici potest. Verum post extremam conflagrationem, & rerum instantationem, vel idem, vel omnino similis corporibus inferetur: quæ est resurrectio Stoica, a Christiana plane diversa. Quidam dicebant, malorum animos, materiæ contagione gravatos, in aere agitari, donec penitus dissipentur: hic *infernus* illorum est. Animæ autem levio-

[1] Seneca Natur. Quæst. L. II c. 32.

[2] Seneca ib. L. II. c. 29. [3] Confer. J. Thomas. de Extinctione mundi Stoica. [4] Seneca ibid. c. ult.

[5] Confer. Lipsius Dissert. VIII. p. 313. seqq.

[6] Inconstantes hic sunt Stoici, ac varii, ut notat Menagius ad Laert. L. VII. f. 175. Alii animas ad conflagrationem usque permanentes existimant: alii solas sapientium: alii nullas.

leviores, id est, quæ minus a materia noxæ & flagitii habent, ad Lunam, seu turbidum iguem deserri, cum eo luctari, ibique purgari, usque donec naturali motus legi, ad sidera deferrentur. [1] Hæc tamen ridebant alii. [2]

3. Hæc sunt præcipua Stoicæ physiologiæ decreta. Ex his Moralis philosophiæ sistema derivatur: quod cum Physiologico ita est connexum, ut ab illo separari non possit: quod fusius explicare, non est hujus loci. Unum monemus, Stoicos finem & felicitatem hominis posuisse, vivere convenienter naturæ, seu secundum virtutem, cuius semina animo nostro insculpta sint. Hoc nihil aliud significat, quam esse in nobis particulam divini ignis, cuius dispositioni, & legibus fatalibus libenter ac perfecte parendum est. Itaque anima libera est, non quia hoc & illud velle, & nolle possit, sed quia sponte sequitur id quo sata vocant: quæ nisi sequatur, ab inevitabili lege sequi coacta erit. [3] Cetera huc redent: solam virtutem esse bonum: solum vitium malum: ceteras res *indifferentes*. delicta omnia esse æqualia, nec iis esse ignoscendum. Cum autem materia sit origo mali, perturbationes, quæ inde proficiuntur, comprimendas esse; corpus duriter habendum, virtutem solam expetendam.

Tanta autem homini virtute ornato, seu sapienti suo tribuunt Stoici, ut eum supra hominem evehant: talesque adumbrent sapientem, qualis inter mortales nec ullus fuit, nec esse possit. [4] Hæc si tollis, plurima in Stoicorum scriptis morum præcepta egregia occurrunt. Laudantur aptem

[1] Plutarch. de Facie in orbe Lunæ T. III. p. 383.

[2] Seneca ad Marc. cap. 19. Confer. idem Epist. 117.

[3] Confer. Seneca Epist. 107. & Epidetus Enchirid. c. 52.

[4] Confer. Cicero in Paradoxis Stoicor.

autem potissimum, quod juris Naturalis principia, seu doctrinam de officiis erga Deum, erga se ipsum, erga alios, primi in scholis tradiderint: qua de causa veteribus jurisconsultis Romanis admodum probati suere. Et hæc sefta ad Cæsaris dictatoris ætatem usque cum honore pervenit, quo tempore Posidoniūs [1] & Mnesarcus [2] Athenis, & Romæ Stoicam doctrinam publice docuere.

*Sexta Platonica.*

VIII. Sed præter ceteros Socratis auditores ingenii prædicatione claruit *Plato* Atheniensis, natus Olympiade lxxxvii. vel sequenti. [3] Hic prima juventa Heracliti, & Parmenidis, Eleaticæ seftæ alumnorum, philosophiæ operam dedit sub Cratyllo, & Hermogene. [4] Deinde in Socratis disciplinam se contulit. Desunto Socrate veniens in Italiam, Pythagoricæ seftæ animum adjunxit. Inde profectus Cyrenem Geometriam Diodoro doctore didicit: in Aegypto Astrologiam, unde reversus Pythagoreis rursum in Italia dedit operam. [5]

His præsidiis paratus, ex iis, quas didicerat, opinionibus systema suum composuit. Igitur ab Euclide Megarico, quem etiam audivit, sumvit Dialetticam: a Cratyllo, & Parmenide, Naturalis philosophiæ præcepta, quæ apud Eleaticos vigebant: quibus alia junxit, quæ ex Pythagoreis acceperat: tum demum ab eodem Pythagora

Meta-

[1] *Suidas* in Posidonio.

[2] *Jonsius de Script. Hist. Phil.* L. I. c. 13.

[3] *Confer. Petavium Ration. Temp.* P. I. L. III. c. 13.

[4] *Aristoteles Metaphys.* L. I. c. 6.

[5] *Cicero QQ. Tuscui.* V.c. 29.

[6] *Appulejus de Dogmat. Platon.* p. m. 283.

Metaphysicam : Ethicam vero, & Logicam a Socrate. [1] Ex quibus omnibus systema glutinavit, quædam vel mutans, vel demens, quæ aliorum opiniones turpiter depravarent : in quo *syncretismus* i. e. adversa adversis conciliandi studium prodidit. Docuit Plato in Academia, quæ erat gymnasium suburbanum constitutum arboribus : [2] ex quo secessores nomen habuere Academicorum & Platonorum.

Philosophiam Plato esse dixit, conversionem animi ad ea, quæ re vera sunt, & mente videntur, ut Deus, ut idæ, ut animus a corpore sejunctus. Ex hac contemplatione sequi actionem, seu morum præcepta. Artem vero investigandi verum utriusque esse necessariam. Quare in tres Philosophiam partes divisit, Physiologiam, Ethicam, Dialecticam. [3]

1. Cum Dialectica viam sternat ad intelligibilem, & universalium idearum contemplationem, qui finis est hominis, occupatur tota in iis, quibus ad illud pervenire possimus. Primum igitur nomina se offerunt, quæ rebus ipsis convenient: itaque de etymologia nominum disputationat. Deinde rei essentia occurrit, quæ definitione, divisione, resolutione cognoscitur: de quibus etiam differit ipse. Postremo occurrunt adjuncta rei: hæc non aliter cognosci possunt, nisi inductione, & ratiocinatione. Ratiocinatio autem vel est necessaria, seu *apodictica*: vel probabilis, seu *epiberematica*: vel imperfetta, seu quæ enthymemate constat, ut *rhetorica* plerumque. Sophisimata sunt falsæ ratiocinationes. Hæc tamen non via ac ordine exposuit, sed

D

passim

[1] Appulejus l. cit. confer. Laert. L. III. c. 8, & 56.

[2] Confer. Menag. ad Laert. L. III. c. 7.

[3] In Amatoribus Tom. I. p. 137. seqq.

passim dialogis adspersit Socratis more, [1] quæ viri aliqui docti in nnum collegerunt. [2]

Jamvero mens nostra antea quam in corpore claudatur, primorum intelligibilium, seu idearum notitiam habuit, quæ per sensus adquiri non potest. Verum cum anima corpus contingit, earum oblitiscitur: nec nisi sensuum usu, & appulso phantasmatum excitantur, quæ vocatur *reminiscensia*. Notitia vero rerum, quas antea per sensus cognovit, vocatur *memoria*. Sensus est animæ adseccio per organa corporis: intellectio est actio mentis, quæ ideas contemplatur. Intelligibilia prima sunt ideae: secunda sunt ideae in materia, seu *species*. Sensibilia prima sunt qualitates: secunda concreta, ut *album*. Prima, & secunda intelligibilia judicat intellectio. Prima, & secunda sensibilia sensus. Quare & reminiscensia, & sensu notitiæ adquiruntur: illæ scientiam, hæ opinionem gerant.

Quamquam vero oriretur a sensibus, non esse tamen judicium veritatis in sensibus: mentem ferum esse judicem, solam dignam esse cui credatur. Judicium vero practicum fit cum notitias acquisitas ad rationem boni, quod in animo insitum est, referendo, bona, an malasint, dijudicamus. Hæc Logicæ veluti summa est: quam ipse cum theoretica parte conjunxit.

2. Speculatricem disciplinam in tres partes distribuit, theologiam Naturalem, Physicam, Mathematicam. Theologiae hæc præcipua sunt dogmata. Ex nihilo nihil fit.

[1] *De Logica præsertim agit in Theæteto*, Phædone, Phædro: *de sophismatis in Euthidemo*, & Sophista: *de vocibus in Cratylo*.

[2] *Appulejus de Dogmat. Platonis, & Alcinous*. Ex Recentioribus confer. Stanlejus Hist. Phil. in Platone, & Brucker, de eod. Tom. I. p. m. 672. seqq.

fit. [1] Duo sunt prima & æterna rerum principia, Deus, & Materia : quæ & separata sunt, & a se invicem non dependent. [2]

Materia & naturali inertia, & vi quadam congenita sua rationi, ordini, bono adversatur : id est, motu suo malo, & inordinato adversatur opifici seu conditori, qui ratio est, ordo, & bonum. [3] Causa seu conditor est incorporalis, & materiæ repugnans, qui ad eam libere accedens formavit mundum sensibilem : [4] sed refractariam materiæ naturam plane vincere non potuit. Ex quo omnis mali origo. [5]

Ex Deo autem manavit aliud principium a se diver-

D 2 sum,

[1] In Timæo Tom. II. pag. 28. quo Dialogo Physiologia Platonis continetur. Confer. Cicero de Divinat. L. I. Creationem ex nihilo nullos Gentilium agnovisse, nec admisisse, eruditæ ostendit Mosheimus de Creatione ex nihilo apud Cudvorth. pag. 957.

[2] „ Hanc materiam esse sempiternam, non vero immobilem, ait Plato, Timæo Tom. II. p. 94. & p. 28. Legatur Cicero Academ. QQ. L. I. 6. & Appulejus de Dogmat. Platon. L. I. p. m. 284. & f. Vrofius de Manichæismo ante Manichæos f. II. §. 32.

[3] Theæteto Tom. I. p. 176. & Timæo Tom. II. p. 30.

[4] Suspicio est, Platonem, qui Heracliti, & Pythagoræ dogmata amplexatus fuerat, credidisse, Deum esse ignem, & materiam subtilissimam, seu non esse inmaterialem, eo sensu quo nos accepimus. Sed id plane non constat : nec ipse se aperuit. Confer. Mosheimus ad Cudvorthi Systema, c. v. f. 3. §. 7.

[5] „ Volut Deus bona facere omnia, malum autem nullum esse, quantum natura, sive materia patetur. Plato in Timæo Tom. II. p. 30.

sum, quod esset instrumentum causæ; quodque idem; seu λόγος id est, rationem nominavit. [1] Hoc omnes rerum ideas in se continet: quæ ideæ [hæ ideæ sunt ipsi met numeri Pythagoræ] sunt æterna rerum sensibilium exemplaria, seu substantiæ per se subsistentes, a Deo separatae, quæ sola mente cerni possunt. Hædum ad Deum referuntur, sunt exemplaria: dum ad res materiales, quæ continenter labuntur & fluxæ sunt, rerum forma, seu essentia sunt: dum ad hominis mentem, sunt objectum scientiæ. [2] Hæ etiam vocantur Dii.

Ex Deo secundo loco manavit anima mundi, quæ tertius Deus est. Hæc mundo indita mundum omnem pervadit, & præsertim in Sole, Luna, ac sideribus latet, & motus inordinatos materiæ emendat, ordinatum motum efficit: sed ex contagione materiæ aliquid participat, & media inter Deum, & Materiam est. [3] Quare & anima, & terra, & cælum, & sidera, in quibus illa habitat, Dii vocantur: [4] qui tamen definito tempore geniti fuere. Itaque causa, ratio, & anima mundi est celeberrima illa Trinitas Platonica, quæ a Trinitate, quam nos Catholicæ credimus, longissime distat. [5]

Ex hac anima mundi decerpti dæmones sunt, quorum opera in condendis singulis mundi partibus usus est Deus: eos-

[1] *Cyrillus Contra Julianum I. p. 32.*

[2] *Timæo p. 28. e 94: & de Republica L. VII. initio.* Confer. *Ariſt. Metaph. L. VI. & VII. 14.* Et *Bruckerus Hist. de Ideis.* § V. p. 60. 66. seqq. Et *Petavius Dogmat. Theol. Tom. I. L. 4. c. 9.*

[3] In *Cratylo Tom. III. p. 53.*

[4] Confer. *Laert. L. III. f. 75.*

[5] Confer. *Mosheimus ad Cudvort. Syst. c. IIII. §. 36.*

eōsque mundi , & hominum gubernationi praefecit : [1] qua de causa precibus , & munieribus sunt prosequendi . Itaque quāvis duplex principium posuerit *Plato* , & ad Atheismum viam miniverit ; tamen Atheus dicendus non est , propterea quia , quæ inde conseqnuntur , non admisit : immo inter philosophos Græcos optime de Deo docuit . [2] Et hæc de Theologia .

3. Physica vero *Platonis* ex iisdem principiis proficitur . Nam cuin ex schola Eleatica , & Pythagorica sua dogmata hauserit , & Pythagoreorum more multum tribuerit Geometriæ , hujus studio in notiones abstractas facilius incidit , magno utriusque systematis , quod depravavit , tum ipsius rei Physicæ malo . Itaque dicebat , mundum sensilem certo tempore genitum esse , [3] nimisnam enim Deus materiæ fluxæ & informi , ideam seu formam adjecit . Ac primo ignem , & terram condidit , inter quos aerem , & aquam interposuit . Sphæricum præterea fecit , & animam in medio collocavit . Tum tempus condidit , & sidera , quarum motu tempora distinguereantur . Animalium autem condendorum opus Deorum inferiorum esse voluit , qui eorum corpora machinarentur . Mundum autem sic conditum , per animam universalem motu circulare volvi constituit . Quamquam vero mundus æternus , ut putat ipse , esse debeat , sunt tamen certæ periodi , quibus exactis , iterum mundus interno motu animæ aetius , ad pristinum statum reduci debet . Et hic est decantatus annus magnus Platonis . [4]

D 3.

Ex

[1] In Convivio , Tom. III. p. 201.

[2] Confer. Thomas , de Exustione Mundi Stoïca , Dif- f. II. §. 25.

[3] In Timæo , q. 37. l. 1. et seqq. [1]

[4] Confer. Vossius de Idolatria L. II. c. 3. p. 11. 2.

Ex anima mundi plures animæ deceptæ sunt. [1] Hæ cum ex eadem essentia, ex qua genitæ sunt ideæ, manarint, & enim Deo conversatæ sint, rerum omnium ideas habuerunt. [2] Porro animæ singulis astris sunt attributæ, & certis ac inevitabilibus legibus subjectæ: nimirum iis legibus, quas Deus animæ universalis præscriptis, & hujus adjumento inordinatos materiæ motus compescuit. Sed animæ libertate sua abusæ, expulsæ a mundo ideali, in corpus, tamquam in carcere, detrusæ sunt. In hoc autem carcere hanc pœnam pendunt. Primum corporis contagione ideæ intelligibiles pæne deletæ sunt: & quemadmodum in tabula scripta, quæ cera inlita est, non nisi remota cera prioris scripturæ vestigia apparent; ita animis nostris sensuum velamine involutus, non nisi phantasmatum appulsi æterna semina veritatis, quæ in eo insita sunt, agnoscit. [3] Deinde inordinati motus ex materia in animo excitantur: quos qui compescuerint, & ad leges præscriptas se conformaverint, ad eadēni astræ reverſuri sunt, ut rursim ad corpora priorum non dissimilia descendant. Qui secus fecerint, sexi mutato seminæ evadent: & si ne tum quidem peccandi fecerint finem, in corpora brittorum, & deteriora trudentur; usqne donec adfribus subactis, & absumpta maligna illa & materiali animæ parte, ad pristinam contemplationem & beatitatem queant accedere. [4]

Qnoniam igitur anima mundi a materia habet aliquid

ma-

[1] In Philebo p. 30. de Legib. L. X. Tom. II. pag. 899.  
Confer J. Thomas. de Fonte Animarum.

[2] In Timæo p. 81. & in Phædro p. 249.

[3] "Theæteto". Tom. II. p. 191. Confer. Cratylus  
Tom. I. p. 400.

[4] Confer. Paltus, Defensio PP. qui de Platon. accus.  
L. III. c. 3. Petavius l. c.

mali, ita & anima huinana, quæ ex illa manavit: quæ rursum conjunctione corporis magis magisque mala evadit. [1] Quare felicitas animi in hoc consistit, ut pars rationalis non rationalem seu materialemoderetur.

Omnino autem tres sunt animæ in homine. Rationalis in capite est: mortalis pars illa, quæ iræ, & cupiditati est subjecta, in distinctis pectoris & truncī partibus. [2] Anima rationalis est inmortalis: [3] mortales ceteræ. Illa etsi fato, id est, rerum ordini a Deo præscripto animæ mundanæ, & per eam mundo, subjiciatur; tamen libera est, & sati legibus interdum resistere potest. [4]

Corporis humani fabricationem item in *Timæo* explicat *Plato*: sed pleraque & obscuræ, & talia dixit, quæ viris physica perscrutatione subactis non adrident. [5]

4. Ex Mathematicis disciplinis Arithmeticam, Geometriam, Astronomiam, Musicam extollit, quæquebus harum præsidio animus ad intelligibilia contemplanda præparatur. [6]

5. Prædicæ philosophiæ duas partes fecit, Moralem, & Civilem. Utramque vero [7] ex principiis physiologicis, de divinis, de materiæ condicione, de animæ natura deduxit. Ea tamen sparsim tradidit, nec nisi maximo cum labore colligi possunt. Celebriora decreta talia sunt. Primum bonum est Deus: nostrum bonum est scientia primi boni. Mens, divina propago, sola aliquam boni similitudinem consequitur. Honores, opes, cetera non sunt bonum, nisi cum virtute sint conjuncta. Hinc Philosophorum animi post mortem

[1] In *Timæo* p. 41. [2] *Ibid.* p. 59.

[3] In *Phædone* Tom. I. p. 69. seqq.

[4] *Plutarch.* de *Placit.* L. I. c. 27.

[5] *Confer.* *Schulzius*, *Hist. Medic.* Per. I. sect. 3. c. 6.

[6] *Confer.* L. VII. de *Republica*.

[7] *Bruckerus de Platone* p. m. 720.

summis bonis, summa beatitate fruuntur. Solum honestum est bonum, & aptum ut Deo similes simus, quantum genus humanum, & animi natura patitur. Qui animus, quod ex essentia divina quarto loco manavit, eidem potest adsimilari. Hæc adsimilatio est beatitudo, seu scopus Philosophiae. [1] Ergo sola virtus est quaerenda quam qui habet, is solus est beatus, & ei mala corporis nihil sunt. Qui non habet, præter ceteros mortales miser est. Itaque curare debeamus, ut cupiditates, & adsectus domineamus: ut virtutes adquiramus: & Mathematicarum adjumento ideas magis magisque abstractias formemus, donec ad primam illum veramque ideam perveniamus, cuius contemplatio seu scientia beatitudo est. Qua de causa de virtutibus disserit *Plato*. [2]

— Politicam itidem adtigit *Plato* libris de *Republica*: sed talem rem publicam informavit, quæ non nisi hominis fanatici partus sit, nec nisi in Platonis cerebro existere posset, propterea quia ex *Metaphysicis*, & abstractis ideis tota componitur. [3] Iccirco nihil de ea distinete præcipiemus. Si seorsum leges species, quædam non incommodè dicta in ea se offerunt: sin ad systema referas, nullius usus sunt. Et de Platonica disciplina haec tensus.

### Academia Veteris.

VIII. Platonem exceptit *Speusippus Atheniensis*, Platonis sororis filius, ab eodem institutus & forma-

[1] Confer. Schefferus de Natur. Phil. Italicæ c. 7.

[2] De Ethica Platonis confer. Alcinous Introd. in Platon. c. 27. seqq. Cicero Academ. QQ. L. I.

[3] Confer. Paschius de Fictis Rebuspublicis. Boeclerus Bibliograph. Crit. c. 44. Conringius de Civili Prudent. c. 14.

matus : qui præceptoris dogmata in Academia summa cum dignitate & laude exposuit.. [1] Huic vero Xenocrates , Polemon , Crates Atheniensis , & Crantor adstipulati sunt, qui omnes Platonicam philosophiam tradiderunt: quæ tamen temporis progressu aliquantulum mutata est . Et hi quidem Socratis , & Platonis more de multis in utramque partem disputabant : multa tamen pro certis ponebant .

*Academia Media.*

X. Arceſtas vero Platonicæ institutionis faciem mintavit . Primum is operam dedit Mathematicæ , Autolyco , & Hippoṇico doctribus . [2] Deinde philosophiæ Aristotelicæ sub Theophrasto . Tum Platonicæ sub Polemone . [3] Postremo ex Dialecticorum , & Pyrrhonis philoſophandi ratione multa desumſit , ex quibus novam Philoſophiam adornavit . [4]

Itaque Arceſtas Platonicum dogma [ sola cognitio  
 „ æternarum idearum est scientia : cognitio, quæ per sensus  
 „ adquiritur, est opinio, propterea quod res , quæ sub sensu  
 „ cadunt, sunt mobiles, concitatæ, nihil constans, omnia con-  
 „ tinenter labuntur] ita recepit , ut partem illam de ideis ,  
 quæ ceteri ridebant , abjecerit , vel potius celaverit : tan-  
 tum sensuum tarditatem aperte sit amplexatus . Quare pro  
 certo adſirmavit , nihil esse in rebus sensibus ſubjectis , quod  
 a viro sapiente certo ſciri posſet ; nihil pro explorato ha-  
 bendum eſſe , ne illud quidem , quod Socrates frequenter  
 in ore habnifſet , nihil ſe ſcire . [5] Sed cohibendum adſen-  
 ſum , & de omnibus in utramque partem eſſe diſputandum ,

pro-

[1] Laert. L. III. f. 1.

[2] Laert. ibid. f. 28. [3]. ibid.

[4] Empiric. Pyrrh. Hypot. L. I. c. 33.

[5] Cicero Acad. QQ. L. I. c. 12.

propterea quod omnino latet veritas & tenebris est circumclusa. Hæc ad scientiam pertinent: nam in usu vitæ opinionem valere putavit. Et hæc ~~παραλλήλιας~~, quæ in Academia obtinuit, basis est.

Id eo consilio fecit Arcesillas, ut se opponeret Dialecticis, & Sophistis, [1] & Stoicis, qui cavillationibus suis viros doctos fatigabant: & magnam eruditionis, & ingenii laudem sibi tribuebant arroganter. Cumque elegantiori eruditione esset ornatus, & incredibili dicendi vi ac copia valeret, adeo sua dogmata aliis probavit, omnino ut eamdem Philosophiam longe lateque diffuderet: quæ ratio usque ad Egesinum in Academia perduravit.

### *Academia Nova.*

XI. Egesini discipulus Carneades Cyrenæus, vir eloquentissimus, cum animadverteret, Academiam Medium in magnam invidiam esse adductam, propterea quod mentis, & sensuum tolleret certitudinem; adeoque officia omnia & pietatem tollere videretur; hanc emollire conatus est non nova doctrina, sed novo explicandi modo. Quo tempore docuerit Carneades, magna lis est inter viros doctos. Bruckero [2] verisimilior videtur Laertii sententia, qui eum obiisse scribit Olympiadis CLXII anno 4., cum vixisset annos LXXXV. Audivit ille primum Diogenem Stoicum: [3] postea ad Academiam se contulit.

Hac ergo usus industria Carneades, ea, quæ Arcesillas non nisi discipulis secreto aperiebat, nimirum hanc incertitudinem non in rebus ipsis, quæ vel verae, vel falsæ sine dubio sunt, sed in iis ut a nobis cognoscuntur consistere;

pla-

[1] Empiricus loco cit.

[2] Hist. Ph. Tom. I. p. 761. seqq.

[3] Cicer. Acad. QQ: L. iii i. L. c. 6.

plane professus est. Docuit igitur contra Dogmaticos, & Stoicos, esse quidem aliquid verum, & falsum, sed latere hominem, propterea quod omnibus veris falsa quædam sint adjuncta tanta similitudine, ut nequeant discerni: [1] ex quo sequitur, scientiam non dari. Tamen in hac rerum incertitudine, & adsensus retentione concedebat sapienti opinari, id est probabiliter ex adjunctis judicare: & docebat quo pacto probabile visum adquireret, ex quo vitam & mores componeret. [2] Quod sane omiserat Arctesilas, qui de moribus nihil præceperat: tametsi præferret mores Philosopho dignos. Hanc autem disputandi rationem hujus auditor Clitomachus in Academia retinuit.

XII. Philo Larissæus, Clitomachi auditor, Quartam Academiam non nullis condidisse videtur, [3] & alio modo Carneadis doctrinam explicasse. Reapse vero nihil videtur novi aduluisse, quo alterius Academiarum conditor nominetur. Immo vero ostendit errasse eos, qui duas Academias esse putassent. [4]

XIII. Hujus auditor Antiochus Ascalonita Quintæ Academiarum parentis vocatur hoc nomine, quod Stoicam, & Peripateticam sectam cum Academiarum copulare voluerit: [5] adeoque Ciceroni paucis mutatis germanus videtur Stoicus. [6] Reapse tamen nihil aliud facere videtur, quam veterem Academiam fuscitare. [7] Et hic Philosophus in Cæsaribus, & Pompeii cadit æratem. Utrumque enim Philionem, & Antiochum Cicero audivit: post quos Academia apud Græcos obmutuisse videtur.

Se-

[1] Idem de N.D. L. i. c. 5.

[2] Confer. Sextus Empiricus Adv. Mathem. L. vii. f. 153. [3] Empiricus l. c. 21.

[4] Confer. Cicer. Acad. I. 4. & iiiI. c. 4.

[5] Empiric. L. II. f. 235.

[6] Acad. QQ. L. iiiI. c. 43. [7] Idem ib. c. 22.

## Secta Aristotelica.

XIII. Venio ad *Aristotelem*, nobilem Platonis discipulum: de quo si omnia vellem referre, exitum nullum reperiret oratio: siccirco, quæ necessaria videbuntur, quam poterimus breviter delibabimus. Fuit is patria Stagirites, urbe Thraciae: [1] Olymp. xcix. anno i. natu. Annus agens xvii. dedit operam Platoni, qui Athenis docebat. Ingenio, labore, eruditione condiscipulos omnes superabat, ex quo vir doctissimus evasit. [2] Mortuo Platone ludum aperuit in Lyceo nobili gymnasio in sububio Atheniensi. [3] Cumque ambulans disputaret, appellatus est Peripateticus: [4] quamquam, ut recte Bruckerns, [5] jam ante Plato differens ambularit, & *Aristoteles* aliquando sedens docuerit. Cetera lubens prætereo.

Plurima scripsit *Aristoteles*: sed pauca eo vivente emissa fuere: [6] reliqua longo post tempore. Perierunt multa, [7] existant alia, quorum suppositicia multa sunt. [8] Disputat in iis de Rhetorica, Poetica, Logica, Physica, Metaphysica, Ethica, Politica.

i. Logicam in Demonstrativam, & Dialecticam dispertivit: illa veritatem certam, hæc probabilem habet pro fine. Primo igitur de Terminis, deinde de Categoriosis differit: post de Signis conceptuum, & Enuntiationibus:

[1] Suidas in Arist. [2] Laert. L. X. f. 27.

[3] Confer. Andreas Schmidius Diff. de Gymnasiis Liter. Athen. p. 36. [4] Laert. L. V. f. 2.

[5] In Aristotel. Tom. I. pag. m. 787.

[6] Patricius Disc. Perip. Tom. I. L. II. p. 71.

[7] Confer. Fabricium in Bibl. Graeca Vol. II. qui Aristotelis libros enumerat diligenter.

[8] Conf. Patricium l. c. p. 39.

bus : tum de Syllogismis generatim , deinde de Demonstrativo , deinde de Probabili , postremo loco de Fallaciis syllogismorum . Hæc serie omnia acceperat a Platone .

Hæc quoniam vulgaria sunt , fusius explicare supervacaneum esset . Finis Aristotelis in Logica est , contra Sophistas , qui tum regnabant , disputare , [1] & ad hunc finem disputationes suas conformat . Hunc si tollas , pleraque , quæ ibi sunt , nullum usum habent in præsentia . Unum monemus , eum Platonico principio innixum , naturas illas communes , quas in materiam immersas esse putabat , subiectum demonstrationis & scientiæ fecisse : in rebus vero moralibus , quæ mutationi sunt subiectæ , perspicue ratiocinationi seu demonstrationi locum non cedisse . Quod quam sit erroneum , nemo non intelligit .

2. Metaphysica Aristotelis pro sine habet , substantiarum , præsertim Dei , notitiam exponere : non vero notiones universales solum , ut plerique putant . Itaque primum de ente generatim , & substantia differit , postea de Deo . Tres , secundum eum , substantiæ sunt classes : una corruptibilis , ut animantia : altera sempiterna , ut cælum : tertia immobilis , [2] quæ sit primus motor . [3] Nam cum ab æterno tempore , ut ait , cælum moveatur , progressus autem infinite dari non possit , primus motor sit necesse est , qui cælum moveat , ipse immobilis . Hic motor primum . cælum motu circulari agit , non tamquam anima , sed tamquam moderator & adiutans . Sphæræ vero inferiores ab intelligentiis adiutantibus moventur ex motu primi motoris . Has intelligentias a Deo non creari quidem , sed ex eo manasse , ex illius sententia possumus suspicari .

Primus motor movet appetendo , & intelligendo ; id est , non ut caussâ efficiens , sed finalis : seu , quod idem est , essen-

[1] Confer. Arist. de Interpret. c. 6.

[2] Metaph. XI. c. 1. [3] Ibid. c. 6.

essentiaz , bonitatis , & potentiaz suaz actione potest movere omnia ; vult ea movere , reapse moventur . Intelligentiaz inferiores , ad exemplar æterni motoris , & ipsæ modo intelligibili , & ex desiderio moventur , & movent . [1] Primus motor seu Deus est substantia nobilissima , æterna , immobilis , a sensibus diversa , indivisibilis : item perfectissima fruitur vita , quæ in hoc consistit , quod se ipsum intelligent , & cum infinita contemplatione delectatur . Motores inferiores sunt itidem inmateriales , & æterni , & Dii . Cetera , quæ de dæmoniis dicuntur , ad fabulas sunt referenda . [2]

Itaque æternus , secundum Aristotelem , est mundus , [3] æterna materia , nec ab ullo genita aut producta . Primus autem & æternus motor inextricabili vinculo primo cælo conjunctus est : idque non libere , sed necessario movet . [4] Nec aliquid aut velle , aut facere potest , nisi quod facit necessario , non propter alios , sed propter se . Sphæras non alia ratione movet , quam primum mobile in aliqua machina , fabricationis lege , cum reliquis inachinæ partibus motum participat . Quæ vero sub Luna sunt , a calidi universalis motu , vel intelligentæ universalis , quæ in orbe terræ est , voluntate profiscuntur , vel casu .

Hinc immensus Deus non est , quia primo cælo est ailiatus . Omnipotens , & liber non est , propterea quod nec materiam , nec mundum condidit , nec aliud facere potest , quam quod facit ; nimirum motum æternum . Pro-

vi-

[1] Confer. Conringius Conringiana p: 125. qui ait , id Aphrodiseo , et acutioribus Peripateticis placuisse .

[2] Confer. Moshem. ad Cudworthi System. c. IIII. §.. 24.

[3] Aristoteles credidit mundum ab æterno existisse . Conimbric. L. II. de Anima c. 5. litt. c.

[4] Confer. Arist. de Cælo L. II. c. 3.

videns non est , quod nihil rebus sublunaribus , nihil humano generi aut tribuere potest , aut auferre , otiosus tantum sui contemplator . Colendus non est , quia nec bene pro meritis capitur , nec ira tangi potest , nec mala punire , adeoque nec sacrificiis placari , nec ritu sacro coli debet .

Hæc Aristoteles . Et quamquam interdum videatur ipse adfirmare , Deum aliquam mortalium gerere curam , id dicas gratia , & ad populi invidiam declinandam dictum esse , dubitabit nemo , qui Aristotelici systematis nexum diligenter examinarit . Quare ad Atheos secundi ordinis Aristoteles est referendus , eos nimirum , qui Deum nomine retinentes , tales illi proprietates adfingunt , quæ naturam Dei funditus evertant . Quod jam viris doctis initio superioris fæculi suboluit . [i]

3. Phy-

[i]. ; Aristoteles mundum æternum docet . Deum  
 „ non esse factorem mundi , neque hominum , neque doctorem ,  
 „ qui communicet nobiscum vel in somno , vel in vigilia : nec  
 „ beatorum ante & post mortem , quippe nobiscum nec habere  
 „ potest commercium , nec curat , nec intelligit inferiora .  
 „ Item animas humanas esse corporum formas corruptibiles ,  
 „ unam vero universalem semper vivere , quia non est actus  
 „ corporis . Proterea idem Aristoteles negat præmia , &  
 „ pœnas post mortem , unde Averroes scriptit contra tres le-  
 „ gistatores , Christum , Mosem , Mahometum . Præterea  
 „ Aristoteles tradit , Religionem esse inventionem politicam ,  
 „ non autem natura constare : amplius negat , existare dæmo-  
 „ nes , & angelos , nisi eos , qui affixi cælo movent orbes . The-  
 „ mas . Campanella Dominicanus de Reductione Gentil . c. 2.  
 num. 19.

„ Illud in primis occurrit reprehendendum , quod Ari-  
 „ stoteles posuit , mundum , ejusque materiam primam æter-  
 „ nam .

3. Physicam partitur in generalem, & particularem. Illa generales notiones principiorum, hæc res singulas seorsum persequitur. Principio Philosophorum principia Physica rejicit, & ait, principia esse tria, materiam, formam, privationem. Veterum opinio erat, materiam ex particulis alia & alia ratione motis & copulatis constare: formas vero vel inesse particulis; vel, ut Platonii placuit, esse ideas seu essentias universales, æternas, a Deo manantes, quæ materiæ adjicerentur. Aristoteles contra ait, materiam omnis qualitatis, & quantitatis esse expertem, ideoque non corpus; [1] sed esse subjectum ex quo formæ educerentur, & cui inprimerentur. Revera tamen Pythagoræ, & Platonis materiam admittebat. [2]

Natura est principium motus, & quietis, in eo in quo est. Natura inest omnibus substantiis materialibus, & constat in materia, & forma: sed magis est forma. [3] Quid vero reapse sit hæc natura materialis, non explicat, sed Metaphysica notione contentus est. Nam materia non est effi-

„ nam , primum motorem supremæ modo sphæræ medio circulo insistentem , libertatis expertem , nihil aliud aptum intelligere , nisi se ipsum : nec aliud efficere , quam motum æternum: proinde nec mundum, nec aliud quidpiam ex nibili creare posse . Itemque de reliquis intelligentiis, quarum infinitam videtur facere intellectum agentem , & animam unam communem toti speciei humanae , unde consurgit innumerabilium errorum seges . Claudio Berigardus Praefat. ad Circulos Pisanos : quo nemo melius inpietatem Aristoteilis in suo lumine collocavit . Confer. Conringius Continiana p. 125. seqq.

[1] Arist. Metaph. l. c. 6. Confer. Mosheimus ad Cudworthi System. Intellect. c. v. §. 2. §. 27.

[2] Physicor. L. II. c. 1.

efficiens: forma vero, ut cum materia conjungatur, effectore opus habet. Non inepte aliqui viri docti cum Averroesio suspicantur, nomine naturae intellexisse eum, necessarium influxum inferioris intelligentiae, quo formae in materiam inducuntur, & motus naturalis excitatur, ex quo producuntur omnia. Post haec de quatuor caussarum generibus agit: & fortunam, & casum inter caussas effectrices refert. Tum de motu, infinito, loco, vacuo, tempore per ideas abstractas disputat.

Quidquid movetur ab alio movetur: processus infinitus est impossibilis: igitur sit primus motor necesse est, immobilis, æternus, quia ab æterno tempore movet. Nam si motus incepisset, primus motor non potuisset movere, nec tempus esset æternum. [1] Quatuor sunt Elementa: cælum vero est quinta substantia nobilioris naturæ. Unicus est mundus, & æternus, adeoque nec gigni, nec corrumpi potest. [2] Quod ex systemate Aristotelis Metaphysico fluit, in quo mundus primi motoris necessarius vel effectus, vel subjectum est. Cetera, quæ de stellis, motu cæli, elementis, addit, prætereunda sunt.

De Anima peculiaria dogmata sibi fecit Aristoteles: in quibus, si usquam alibi, obscurus est. Anima est, prima entelechia corporis organici. Quid autem sit prima entelechia, nec ipse videtur intellexisse, nec interpretes ullam industria expicare potuerunt. Verisimile est, Aristotelem ea designasse principium sentiendi, & intelligendi, quid-

E

quid

[1] Confer. Zabarella de Inventione æterni motoris.

[2] De Cœlo L. I. c. 12. Confer. Thomasus de Exultione Mundi Stoica. Diff. 4. Merito a viris doctis rejiciuntur quidam Aristotelis Interpretes, qui hujus capitatis verba, in quibus tam clare Aristoteles ait, æternum, & ingenerabilem a Deo esse Mundum, ut nihil supra; ad Catholicum sensum obtoro collo flectere conantur.

quid illud sit. Anima movetur ab alio. Tres habet facultates, nutrientem, sentientem, rationalem. Præter sensus externos datur sensus aliquis communis, qui ab intellectu differt. Phantasia differt a sensu, & intellectu. Ex sensu phantasia, ex hac cogitatio mentis oritur. Ex phantasia memoria, quæ a cerebri constitutione pendet.

Duplex est intellectus, patiens, & agens. Patiens omnium rerum formas recipit: agens est potentia, quæ cognoscit, & illustratphantasmat, ac intellectum patientem. Agens est immortalis, æternus, expers passionis, & a corpore separari potest: patiens est mortalis. Duplex est actio intellectus, apprehensio, & judicium, in quod veritas, & falsitas cadit. Intellectus vel est speculativus, qui rem contemplatur; vel practicus, qui voluntatem mouet: hic intellectus, una cum appetitu motus localis est principium. Voluntas sequitur judicium rationis: appetitus sensitivus sensui, & phantasie obtemperat. Vita hominis est animæ cum calore conjunctio: calor autem principium est in corde, quo extinto, extinguitur animans.

Rem igitur in pauca conferendo constat, ex Aristotelis sententia intellectum patientem, quæ est hominis forma, esse mortalem: agentem vero iumortalem. [1] Deinde intellectum agentem, qui separari potest a corpore, corpori humano advenire. [2] Et quamquam, periculi declinandi causa, non explicarit, ex quo fonte intellectus immittitur in corpus: item, an unus intellectus agens

in

[1] „ Separatus vero [agens] id est solum quod est,  
„ atque id solum est immortale perpetuumque . . . . .  
„ Intellectus vero passivus extinguitur, & sine hoc nihil in-  
„ telligit [intellectus agens & separatus] Aristotel. de  
Anima L. III. c. 5.

[2] De Gener. Animal. L. II. c. 3. Confer. Nazianz.  
Orat. de Spir. S.

in omnibus, an singulis hominibus singuli tribuantur: item an sit *informans*, an *adssistens*; tamen ex systemate Physiologico ejus plane deducitur, hunc mentium solum esse ultimam intelligentiam æternam, quæ dum hominum phantasie conjungitur, ut *adssistens*, constituit & componit plures animas rationales. Ex quo consequitur, animam hominis esse mortalem. Nam etsi intellectus ille universalis sit immortalis, tamen cum ipse solum sit animus hominis, dum conjungitur phantasie, & animæ mortali, seu intellectui patienti; fit conseqnens, ubi ab eo separatur, & ei amplius non adssistit, desinere animum hominis, ut animus est.

Hanc de anima mortali, & intellectu universalis sententiam plerique PP. Aristoteli tribuerunt: [1] hanc Diæarchus, hanc Alexander Aphrodisiensis, hanc Averroesius, & post eum Pomponatius, Cremoninus, Cæsalpinus, & plerique Peripatetici gertranam præceptoris mentem esse dixerunt. Tantum Alexander, Averroes: Zabarella putarunt, hunc intellectum universalem esse primam intelligentiam: cum tamen ultima esse videatur. Huic nos sententiæ anime annos plures ex ipsa Aristotelis lectione adssensi eramus: sed in eadem nos confirmavit judicium Bruckeri. [2]

4. Ethicam Aristoteles libris ad *Nicomachum*, & *Magnorum Moralium*, & in libro de *Virtutibus* exposuit. Sed eam falsis Mætaphysicæ, & Physicæ notionibus depravavit. Hujus autem summa est. Felicitatem & bonum confidere in actione animi, & operatione secundum virtutem:

E 2.

tem:

[1] *Loca P.P.* adfert Baltus Jesuita Jugeinent des SS. P.P. sur la Morale de la Philos. Pay. c. 17. *Ex Veteribus vero Eusebius Præpar. Evang. L. XV. c. 9. Confer. Launius de Fortuna Aristotelis. c. 1.*

[2] *Vide Brucker. in Arift.*

tem : & in ea perfectam voluptatem contineri . Externa bona , ut amicorum copia , divitiae , honores , nobilitas , pulcritudo , sunt instrumenta ad res secundum virtutem agendas . Virtutes vel sunt practicæ , quæ ad voluntatem : vel theoreticæ , quæ ad mentem spectant : quarum utramque classem ipse persequitur . Virtus moralis in mediocritate omnium adsestuum consistit : & ad eam odium , & ira revocatur . [1] Virtus consilio & voluntate fit , & spontanea est actio , cuius principium in nobis est . [2] Neque enim Dens , inquit ille , rerum humanarum curam habet , sed omnia casu , fortuna , consilio reguntur . Virtus cum amicitia est conjuncta : cuius finis est vitæ societas . Beatus altera est contemplativa , quæ contemplatione rerum continetur : altera æstiva , quæ in actionibus virtuti consentaneis posita est : tertia beatitudo est ex bonis externis . Prima perfectior secunda est : hæc tertia : tertia vero ad secundam requiritur . [3]

Ex his perspicuum fit , Aristotelem vera principia Moralis philosophiæ ignorasse . Nam præcepta sua non ex honestatis fontibus duxit , neque actiones internas ad honestatis regulas conformavit : sed virtutem civili felicitate definivit , & hominem instituit , qui in aula ad fortunæ apicem adspirare , & felicitatem civilem consequi possit . Quare non hominem piū , non probum facit : sed bonum Politicum , qui ad Regis actiones mores componere , eique placere sciat , & his præfidiis fortunæ humanæ fastigium obtinere possit . [4] Quare Ethica illius est pars Civilis philosophiæ , ut ipse Aristoteles diserte fassus est . [5]

In

---

[1] Moral. L. II. c. 5. 8. 9. [2] Ibid. L. III. c. 5.

[3] Compend. Mor. Arist. habes apud Stobæum Eclog. Phys. & Ethic. L. II. p. 184. seq.

[4] Confer. Chr. Thomasius Hist. Juris Naturæ c. IIII. §. 10. [5] Fine Ethicorum.

In *Politica*, & *Oeconomica* ea tradit, quæ potius suæ ætatis Principibus, & Græcorum moribus, quam Romanorum, aut earum gentium, quæ horum institutis reguntur, sint accommodata. Quamqnam non est negandum, Aristotelem, virum doctum & acutum, qui cum Regibus, eorumque consiliariis diu multumque versatus fuerat, & Politicorum artes penitus cognoverat; multa egregia dixisse non solum in *Ethicorum* libris, seu parte generali *Politices*, verum etiam in iis, quos paullo ante nominavimus, quæ ad vitam cum publicam, tum privatum moderandam perquam utilia sunt, & accommodata.

[1] Hæc de libris, nam de philosophandi ratione tertio libro dicemus. [2]

XV. Docuit post Aristotelem in Lyceo *Theophrastus* auditor, patria Eressius, vir excellentis ingenii, & copiosæ eruditionis, isque eloquentissimus: qui per Stratonem Lampsacenum, aliosque usque ad Diodorum Aristotelicam doctrinam & philosophandi viam transmisit. [3] Vixit Diodorus Catonis censoris ætate, & post: id est, Romana republica florente. Scriptis multa, ex quibus supersunt libri quidam de *Physica*, mutili, & depravati. [4] Et hoc Philosopho Peripatetica schola finem fecit: tametsi non nulli post ea tempora ex eadem disciplina philosophati sunt, & Julii Cæsaris ætate floruerunt: velut Andronicus Rhodius, Tyrannio Amisenus Grammaticus, alii. [5]

[1] Confer. *Conringius* Introd. in Ph. Arist.

[2] Confer. *Gassendus* in *Exercitationibus Paradoxis adversus Aristotelicos*, vbi Aristotelis errores dilucide exponit. [3] Confer. *Clem. Alexandr. L. I. Strom.* p. 301.

[4] *Fabricius* *Biblioth. Gr. Tom. II.* p. 241. eos recenset.

[5] *Peripateticorum syllabum texit præter ceteros J. A. Fabricius l. c. p. 272.*

Unum monere necessarium judicamus, nempe hos Philosophos nomine magis, quam re, Aristotelicos fuisse. Caussa hæc fuit. Aristoteles cum difficulter libros suos ederet, præcipuos Theophrasto successori tradidit: qui moriens una cum suis legavit testamento Neleo Scepsio, & ab eo Scepsin lati fuere. Neleus utriusque Philosophi scripta reliquit heredibus: qui, cum intelligerent Pergamenos reges, cuius imperio obtemperabant, libros omni ex parte perquirere, ad augendam Pergami bibliothecam; in subterranea fossa eos occultatunt, ubi cxxx. annos & eo amplius latuere. Inde extracti carie pene conserti, venduntur Apelliconi Teio docto homini, qui Philosophorum libros anxie conquirebat, & instruissimam bibliothecam Athenis erexerat in Piræo. Qui cum libros describendos curasset, lacunas vel ex suo, vel aliorum ingenio, qui omnino inpares erant Aristoteli emendando, imperite supplevit, & emendavit. Paullo post L. Sulla receptis, & expilatis Athenis, [1] Apelliconis bibliothecam Romanum deferri curavit. Hic primum Tyrannio Amilenus, qui gratia apud Sullam valebat, facta sibi potestate, codices, quos voluit, descriptis; præsertim Aristotelis, & Theophrasti. Id cum cognosceret Andronicus Rhodius, & ipse Aristotelis studiosissimus, rogavit Tyrannionem, ut copiam sibi faceret exemplarium: quos cum nactus esset, libros mutilos, & depravatos [2] ex conjectura supplevit, in ordinem rededit, & ea vulgavit exempla, quæ sunt in manibus. [3] Cumque imperiti librarii codices descriptos cum autographis non conferrent, innumera menda in eos irrepere permiserunt, quæ & texatum corruptum, & Aristotelis doctrinam obscuriorem redi-

[1] Plutarchus in Sulla.

[2] Strabo L. xii. p. 419.

[3] Plutarch. ibid. conf. Porphyry. in Vita Plotin. c. 26.

diderunt. [1] Cumque ii, qui Theophrasto successerunt, Arithotelei non ex autographis, sed libellis, qui circumferebantur, & ex conjectura magistri sententias illustrarent; ab eo dissentientes multa in illius Philosophia turbaverunt. [2]

## C V P U T VII.

*De altero Græcæ Philosophiæ fonte, scđa Italica  
usque ad Christum.*

*Sedē Pythagorica.*

I. **A** Lter philosophiæ Græcæ parens & conditor fuit Pythagoras Samius: [3] qui a Pherecyde ex insula Syro [ hic Pherecydes in Aegypto, & Phœnicia sapientiam didicerat earum gentium nūgis depravatam ] institutus, & ad Philosophiam traductus est. Qua Olymp. natus sit, magna lis est. [4] Id certum est, floruisse eum 10L annos ante Christum: Quot ineptias, & fabulas de eo scripserint Jamblichus, Porphyrius, Philostratus, & alii Pythagorei credi vix potest, narrari certe non debet. Ferunt, cum communī sūce ætatis præjudicio occupatum, nimirū sapientiam apud Orientales vigere, petīse Aegyptum, adiisse Magos, Indos, Gymnosophistas, Occidentales etiam sapientes, a quibus bene eruditum ad suos tandem revertisse. Verum hæc viris emunctæ na-

[1] Confer Franc. Patricium Discuss. Peripat. Tom. I. l. 10. qui erudite de hac re disputat, & hisl. omnem absolvit.

[2] Patricius ibid. p. 157.

[3] Josephus L. ii. contra Apion. p. 1051.

[4] Confer. Bibliotheq. Cnoisic Tom. X. p. 81. seqq.

ris fabulæ videntur [1] eo consilio ab Pythagoreis excogitatæ , ut præceptorem suum extollerent : quod verum esse videtur . Nam si ea , quæ de illo prædicant , cum iis , quæ alio loco narrant , diligenter conferamus , maiori ex parte fabulas esse non dubitabimus .

Sami postea quam non nihil commoratus est , & eximia pietatis persona non nullos decepit , [2] venit in Italiā , & Crotone scholam aperuit . [3] Hac autem ratione discipulos admittebat . Primo silentium commendabat , idque vel quinquennii , vel triennii , vel bieunii spatio . [4] Quo quidem tempore non eum illi videbant , sed interposito velo audebant dispatiantem . [5] Ipsi autem præcepta ab uno condiscipulo accipiebant , qui præceptoris decreta proponebat , nulla adducta ratione . Ratio hæc erat *αὐτὸς ἵπει ipse dixit* : ipse autem erat Pythagoras . [6] Et hi vocabantur *exoterici* . Tempore certo qui probati erant admittebantur intra sindonem , ut magistrum audire possent , & videre . Quibus non jam in symbolis & figuris , sed aperte omnia explicabantur & libere : & jus erat interrogare magistrum , & , quæ sentiebant , exponere . Hi vero *esoterici* , & ab aliis γένοις διαιλέται id est germani discipuli vocabantur . [7] Utrorumque autem plurimi gradus , & munera erant , & purgationes animi , & mirifica convivendi ratio , quæ late persequitur Jamblichus .

Docendi autem ratio talis erat . Primo discebant Arithmeticam , Musicam theoreticam , Geometriam , Astronomiam , Moralem etiam disciplinam , idque arca-

na

[1] Bruckerus in Pythagora pag. 1001.

[2] Jamblich. c. v. n. 26. [3] Ibid. n. 29.

[4] Lucianus in Pythagoræ vita .

[5] Jamblich. c. xxxi. & xxxii.

[6] Idem c. xviii. Cicero de Nat. Deor. L. II.

[7] Clemens Alex. Strom. V. p. 575.

na methodo sub symbolis. Hæc erant veluti apparatus ad percipiendam Philosophiam. [1] Deinde aperiebantur initiatis arcana de Deo, Dæmoniis, Heroibus, de Mundo, & rebus, quæ in eo continentur, de Anima, de Medicina, & hujusmodi alia. [2]

Mirabile videtur, quod Recentiores aliqui doctissimi & limati iudicij sese torqueant in dilucidanda Philosophia illa, quam *Pythagoras* intimis suis tradebat; cum nulla extant certa monumenta, ex quibus de ea possimus judicare. Nihil enim scripsit *Pythagoras*: omnia symbolis obscurabat, adeo ut non nisi a familiaribus possent intelligi. Pythagorei antem, vel ipso Porphyrio satente, [3] cogitata sua pro *Pythagoræ* sententiis plerumque venditabant: reapse occultabant decreta. Multo magis eam depravarunt, qui post Christum vixerunt Semi-Pythagorei inepto illo syncretismo occupati: quod etiam fecerat Plato, & veteres aliqui, qui *Pythagoræ* sententias corruerant. Puderet me dicere, non intelligi a me Pythagoricum systema, si ipsi inteligerent viri docti, qui tot laboribus, tot scriptis libris, tantaque eruditio copia illud inlustrare adorti sunt. Verum cum ex eorum discrepantia manifestum sit, nihil eos explorati habuisse, succensere nobis non debent, si tot labores & lucubrationes inutiles ad id, quod quaerimus, esse reputamus. Si iis fides est habenda, hæc verisimilia & anteponenda videntur.

Principio Arithmeticam, Musicam, Geometriam, Astronomiam non perfecte, ut nostri Philosophi, tenuerunt,

[1] *Jamblichus* c. viii. *A. Gellius* L. I. c. 9.

[2] *Disputant de Theoreticis disciplinis præter ceteros Morhof.* Polyhist. Tcm. II. L. II. c. 6. *J. Jacobus Syrbius de Pythagora intra Sindonam noscendo*, seu *Introductio in Physicam Pyth.* & *Michael Mourques in Delineatione Pythagoreissimi*. [3] *de Abstin. a Carn.* L.I. c. 53.

runt, sed rudimenta quædam. Ad numeros laborem Pythagoras præcipue contulit: ex quibus omnia facta esse dicebat. Vir tamen doctus [1] in tanta verborum, & sententiarum obscuritate acute vidit, tales numeros nihil aliud esse quam *ideas* Platonicas: *Monadem* vero esse *Dænum*: quibus constitutis, ex Platonis systemate, quid Pythagoras senserit, dijudicandum est. Nam eadem fere dixit Pythagoras, quæ Plato, de purgatione animi, de modo quo ad rerum intelligibilium cognitionem excitari, & pervenire debet. In Astronomia illud animadversionem habet, quod terram non in motu in medio mundi, sed inter errantia sidera numeravit: quam sententiam post Nicolaum Copernicum plerique Mathematici veluti *hypothesin nobilis* ad misserunt. Et hæc de prolegomenis.

Metaphysicæ sistema tale est. Deus est anima mundi non *admissens*, sed *informans*. [2] Hæc anima est ignis, non quidem elementaris, sed subtilissimus, quem aliqui *aetherem*, Stoici *ignem artificialem*, Pythagorei vero *ignem intellectualis* dixerunt: qui natura sua vim habet movendi se, & materiam, ut visibles formas adquirat: eamque informat, in eaque delitescit, & continetur, ut anima in corpore: & ex quo mentes hominum decerpuntur, quæ partes sunt Dei. Hic ignis etiamsi corporeus & materialis sit; tamen *incorporalis* vocatur sensu apud Veteres vulgato, nimirum quod a crassiori materia diversus est. [3] Ex hoc igne, seu monade putat manasse Deos, Dæmonas, Heroas, Animas: quæ cum materiam habitarent, eamque agerent, has rerum formas produxerunt. Dæmones &

He-

---

[1] Bruckerus de Convenientia Numerorum Pythagoræ cum ideis Platonicis. in Amoenitatib. Litter. Tom. VII. Cudvorth. System. Intellectual. c. IIII. s. 21.

[2] Just. Martyr Orat. ad Græcos p. 18.

[3] Confer. Mosheimius ad Cudvorth. Syst. Int. c. I. p. 17.

Heroes in aere sunt plures , qui morbos , & somnia inferrunt . Astra sum Dii . Itaque duo sunt rerum principia , actuum , & passuum . Ille ignis , hic crassior materia : quæ duo ex chao orta sunt .

Partes omnes mundi providentia , & voluntate divina reguntur : tamen quæ infra Lunam sunt , a Deo , fato , fortuna , consilio nostro pendent . In hoc vero differt Pythagoræ providentia seu fatum ab illo Stoico : quod Stoici nullam homini libertatem relinquunt : Pythagorei vero fatum in certo ordine & legibus ponunt , quo ignis cælestis agit crassas materiæ partes ad certum finem . Quare animus particula divina & a crassiori materia diversus , ab hoc fato exiunitur , & in quibusdam liber est .

Physicæ Pythagoreæ inlustriora decreta hujusmodi sunt . Mundus a Deo factus est ab æterno tempore . Mundus interire potest , & ad chaos redire debet . At formæ intelligibiles rerum non pereunt . Omnia animantia sunt rationalia : sed bruta secundum rationem non agunt . Mens hominis est immortalis , quia est particula Dei : reliqua in eo mortalia . Animarum certus est numerus , quæ certo tempore in corpus innerguntur ; quo soluto , in aereni ascendunt , ut ibi purgentur . Ex vero , quæ facilis purgantur , in corpora bona : quæ non nihil labis a materia habent , in deteriora & brutorum corpora infunduntur : & id sæpe repetitur , usque donec satis purgatae ad ætherem , seu Deum , ex quo carptæ fuere , redeant . Et de Physica haec tenus .

Medicinae itidem rationem habuit Pythagoras : sed abstinentia , & ratione viclus , & paucis remediis , non theoretica disciplina , ea continetur .

Hæc obscurissimæ Philosophiæ synopsis est : quam dilucidare quantum emolumenti adferat , lectoris esto iudicium . Unum ex ipsa Pythagoræ vita plane constat , Pythagoram mysteriis , & symbolis , & magno apparatu populo .

pulo inposuisse : quædam vero non inepta de Mathematica ; & Morali tradidisse . Cetera fuisse malum Philosophum , studio sectæ impeditum , nihil commode adferentem , qui omnia verbis communibus , & generalibus rationibus implicaret potius , quam explicaret : & amaret loqui de iis , quæ non intelligeret . Vanum præterea & fanaticum , qui sibi divinos honores tribuisset arroganter , quo facilius auctoritatem disciplinæ suæ conciliaret . Quod judicium illi solum non facient , qui nunquam ad illius vitam animum intenderunt .

Plurimos hæc disciplina numeravit alumnos , qui apparatus illo decepti concurrebant ad eum . Sed mature desit , cum alii Philosophi comparere cœperunt : nec ultra Alexandri M. ætatem durasse videtur . [1] Eorum tamen non nulli clarius , & melius doctore suo philosophati sunt .

*Secta Eliaca .*

II. *Xenophanes* Colophonius Ol. Lxii. Pythagoricæ philosophiæ in Italia dedit operam : [2] ex eaque Philosophicum systema suum hausit , sed ita ut & clarus philosopharetur , & ex proprio penu adjungeret multa . Metaphysicam potissimum excoluit , ex qua Physiogiam deduxit : adeoque Metaphysice magis , quam Physice , de rerum naturis differuit . Condidit hic sectam , quæ ab Elea , seu Velia , Magnæ Græciæ urbe , vocata est *Eleatica* . [3] Qui illi in doctrina successere Parmenides , Melissus , Zeno Eleates , easdem opiniones retinuerunt .

Hic Zeno auctor Dialecticæ Veteribus nominatur . [4] Non quod ante eum non fuerit Dialectica , nam & alii recte

[1] Confer. Diodor. Sicul. L. XV. & Laert. Lib. VIII. s. 46. [2] Laert. L. IX. s. 19. [3] Laert. s. 16.

[4] Aristoteles apud Laert. IX. s. 27. adde Vvalchium Hist. Leg. L.I. c. 2.

recte sunt ratiocinati, & Parmenides quædam invenit, sed hoc nomine auctor videtur, quod primus præcepta collegit, disposuit, edidit. Hujus autem Logica in tres partes partiebatur: altera præcepta ratiocinaudi tradebat: altera normam Dialogos componendi: tertia vero artem contendendi. [1]

Leucippus vero ejus auditor non ex Metaphysicis notionibus, sed ex ipsa corporearum rerum consideratione Physicam scientiam deduxit: eaque pro certis solum posuit, quæ sibi, homini non inepto, perspicua viderentur. Itaque tale systema excogitavit. In infinito inani infinitas esse materiæ particulas, quæ atomi sint, id est, insestiles, & modificationes nullas habeant [2] præter figuram, & motum innatum; recta linea descendentes, & quæ sint omnes ejusdem gravitatis: ex his vero atomis alii & alia ratione connexis & coniunctis rerum omnium formas proficiunt. [3] Hæc tamen ille, discipulique, ne invidiam subirent, sic verbis emolliebant, ut parum a ceteris discrepare Eleaticis viderentur. Quod systema expolivit, & rationibus munivit Democritus Abderites, hujus auditor: addens non nihil de Logica, & Ethica. [4] Et quinquam Democriteum, seu atomisticum systema nihil præter corpus admitteret, tamen populi gratia dicebat: plenum esse aereum ingentium simulacrorum, figura humana, quæ ex particulis subtilissimis constant, & interire possunt, quos Deos vocabat.

SE-

[1] Conf. Gaffend. de Orig. & var. Logicæ c. 2.

[2] Plerique Physici ante Leucippum materiam in particulas diviserunt, sed aliquibus qualitatibus ornatas: atomos vero nudus hic primus posuit.

[3] Laert. L. IX. f. 30. seqq.

[4] Sext. Empiric. L. VII. f. 135.

## Secta Heraclitea.

III. Ex Xenophanis, & Hippasi disciplina prodiit *Heraclitus Ephesius*: [1] qui magnum opinionibus suis perperit sibi nomen. Floruit Ol. LXVIIII. [2] Disputavit breviter de Logica: copiose vero de Physica, & Ethica. [3]. Atomisticam philosophiam anteposuit, sed alia longe ratione quam Leucippus: nam omnia igne tamquam anima constare dixit. [4] Sed tam obscure de omnibus philosophatus est, ut, quid ipse sibi vellet, vix intelligerent Philosophi.

Illiud hoc loco monere inopportunum non erit, [5] falsum esse quod de risu Democriti, & fletu Heracliti jactatur: & omnino inter Graecas fabulas cum Juvenale referri debere. [6] Condidit hic sectam Heracliteam: nam ipse Plato Heracliti philosophiam didicit a Cratyle. [7] Tamen post Platonem vix eorum mentio fit illa.

## Secta Epicurea.

III. Altera Eleaticæ sectæ propago est *Epicurea*, quæ nomen habet ab *Epicuro Atheniensi*. Natus is est Ol. CVIII. [8] id est CCCXLI. annis ante Christum. Audivit

[1] Laert. L. IX. f. 1. *Suidas in Heraclito.*

[2] Laert. ib. f. 6. [3] Conf. Clem. Alex. Strom. V. p. 599. seqq. [4] Plutarch. de Plac. Phil. L. I. c. 13.

[5] Bruckerus l. c. in Heraclito p. 1210. seq. Conf. Gundlingius Cogitata de Heraclito flente, & ridente Democrito: in Otio Vnde: p. 3. c. 1. [6] Sat. X. v. 34.

[7] Aristot. Metaphys. L. I. c. 6.

[8] Laert. L. VIII. f. 14.

divit Epicurus Pamphilum Platonicum [1]. & Nausiphænem Pythagoreum . [2] Cumque sciendi cupiditate arderet, Jonicorum lucubrations expendit, ptæfertim Anaxagoræ, & Archelai , [3] quibus addidit Democriti libros , & Metrodori. [4] Hisce instrutus scholam primum æperuit Mitylenis , & Lampsaci ; deinde Athenis . [5] Atque ibi hortos amoenissimos mercatus est , in quibus commodius discipulos suos institueret , & formaret . [6]

Homini eruditio , & acute videnti , quiue non verba dare , sed ratiocinatione & disputatione rerum caussas investigare cupiebat , quæ vitam beatam pariant ; disdiscuere systemata Pythagoreorum , Platonicorum , Aristotelicorum , Stoicorum , quæ nihil nisi generales notiones , ampullosa verba & obscura , quæ magnum quid promittere videbantur , tradebant : reapse vero jejunum hominem dimittebant , nec nisi inanibus vocabulis excultum . Ic-  
circo ad Eleaticam seftam animum adjungens , Democritum , qui claris , & prudentius , quam ceteri , disputasset , elegit : cuius systema Physicum auxit , emendavit , atque aliorum omnium nugis opposuit . Et quo facilius Dialecticorum , & Sophistarum frangeret inpedientiam , Logicam pertractavit , quæ illorum fallacias exponeret , & confutaret .

In-

[1] Laertius L. X. s. 13. Cicer. de N. Deor. I. n. 26  
addit , audivisse Xenocratem , & Theophrastum .

[2] Strom. I. p. 302.

[3] Laert. ibid. s. 12.

[4] Ibid. s. 2.

[5] Ibid. s. 2. & 15.

[6] Crophius de Gymnas. Litter. Athen. p. 55. adde  
Gassend. de Epicure .

Innumera scripsit Epicurus [1] quæ perierunt, si aliquot excipias, quæ nobis Laertius [2] servavit, operum epitomas, in quibus tres sunt epistolæ Epicuri. Philosophiam in Rationalem, Naturalem, Moralem partitus est. Præcipua est Moralis: huic opitulatur Naturalis: Rationalis ad utramque viam sternit. Logicam doctrinam ad duo capita revocat, doctrinam de *rebus*, & de *vocabus*. In prima tradit regulas recte percipiendi: atque, quid sensus faciant, quid mens, quid voluntas, & quo modo harum operum verum explorare possumus, exponit. In secunda docet recte uti vocabus, usurpare perspicacias, vulgatas, & certi significati; ne aut loquendo, aut disputando, aut interpretando tempus frustra teramus. Quo ipso Sophistarum argutiae & laquei funditus evertebantur. [3]

Hinc regulis paratus ad Physicam accessit, eamque ex iis, quæ per sensus adquiruntur, aut ex iisdem manifeste deducuntur, adornavit. Physicæ autem finem hunc fecit, rerum causas penitus cognoscere, ne qua perturbatio, vel ex rebus, quæ supra nos sunt, vel morte, animum nostrum adficiat, & tranquillitatem eam tollat, quæ beatam vitam ex ipsius sententia constituit. Itaque Atomisticum systema amplexatus est: contendens, ex innumerabilibus atomis [nulla alia qualitate præditis, nisi magnitudine,

[1] L. X. f. 22. 84. 122. 139. Hæc collegit Obertus Gifanius in sua Lucretii editione pag. m. 235. usque ad 272. quibus addit capita quædam ex Cicerone collecta, verbisque Lucretii accommodata. Addi his potest, quo facilius tota systematis Epicurei ratio habeatur, Sextus Empiricus Advers. Mathem. L. XI. & Plutarch. de Placitis Philos. & etiam Seneca: sed hi duo cautius. [2] Laert. L. I. f. 16.

[3] Synopsis logicæ Epicuri in Logica nostra jam dedimus. Qui plura cupit, audeat Gaffendum ad Laertii L. X. & in Origin. Log. c. 7. & in Vita Epic. L. VIII. c. 50.

dine , figura , & pondere ] alia & alia figura, magnitudine , & pondere constantibus , quæ dnm in infinitum inane ca- dunt , & à recta linea declinant , cohærescent , & irre- tiuntur inter se idque concursu fortuito ; oriri corpuscula differentia , ex quibus diverso modo copulatis hæ rerum formæ & figuræ , atque ipsa anima hominis efficitur . Qui- bas constitutis , quo modo singula phænomena , immo & adfectus animi nascantur , exponit .

Ex quo manifestum fit , quid in Democriti systemate mutaverit Epicurus . Commune utriusque est , omnia ex concursu fortuito atomorum proficiunt . In hoc differunt . 1. Ille atomos omnes conjungi , hic quasdam atomos cum aliis jungi non posse putabat . 2. Ille eamdem singulis gravitatem tribuebat : hic diversam . 3. Ille atomos direc- ta descendere existimabat : hic aliquantulum declina- re . 4. Ille vitam quibusdam atomis tribuebat : hic nega- bat , & motum tantum relinquens innatum . [1]

Præterea Deos esse putabat , quod in animis nostris eorum anticipatam notionem natura impresserit . Hos esse æternos , & beatos . Quare nec mundum formant , nec hum- manarum rerum curam habent , nec gratia , nec ira mo- ventur : sed semoti a negotiis omnibus in intermundiis vi- vunt , summa indolentia animi fruentes , in quo beata vita consistit . Tamen propter præstantissimam siam na- turam coli debent ab hominibus . Forma vero eorum hu- mana est , qua nulla pulchrior excogitari potest . Corpus habent , non crassum , ut res ceteræ , sed sui generis , quod

F

quasi

[1] *De Physica Epicuri egit luculenter e Veteribus Titus Lucretius Carus de Rerum natura : e Recentioribus vero Gassendus ad Laertium , & in Syntagmate Philos. Epicu- ri , & aliis in locis . Charleton. Physiologia Epicuri . Stan- lejus Hist. Phil. ceteri .*

quasi non corpus dici possit. [1] Quare inter Polytheos Epicurus referendus est : tametsi suis opinionibus saepenumero repugnantibus, planam ad Atheismum viam sternat.

Jam ethica Epicuri falsa plurima, ut reliqua Pagani-  
rum systemata, praesert: quædam tamen continet non in-  
commode dicta. Præcipua huc redeunt: felicitatem ho-  
minis esse voluptatem: id est, carere dolore corporis,  
& animo tranquillo ac sedato gaudere. [2] Minime vero  
significat, ut Gassendo videtur, eam voluptatem, quæ  
sensus titillat, & blande adficit ac jucunde. Quod si vete-  
res Stoicos, & Academicos audimus, ut Ciceronem, ut  
Senecam, ut Plutarchum, ceterosque, qui vel malitia, vel  
oscitatione vocabulum voluptatis non expenderunt, nihil  
flagitiosius Epicuro excogitari potest, nihil quod magis pro-  
borum hominum execrationem mereatur. Ex quibus cum  
sumserint Parckerus, Gatakerus, ceterique, mirandum  
non est, si tot in Epicurum, tamenque nefanda effundunt.  
Verum antiquorum Philosophorum in Epicureos odium,  
& odii caussa satis nota est. Iccirco licet ethica Epicuri  
noxia sit & flagitiosa, minus tamen secundum Gassendum,  
noxia est, quam suspicantur non nulli. [3] Et hæc sefta  
usque ad Augusti ævum in honore fuit. [4]

Se-

[1] Confer. Cicero de Natur. Deor. L. I. c. 18.

[2] Laert. L. X. f. 136.

[3] Epicuri Ethicam a calumniis, quæ ei tribuuntur,  
defendit Gassendus locis citatis, aliquique Catholici. Confer.  
quæ disputabimus L. II. c. 1..

[4] Suidas in Epicuro.

*Sedē Pyrrbonia.*

V. Ab eadem Eleatica secta exiit Pyrrhonia, condita a Tyrrhone Eleo. [1] Audivit is Drysonem Dialeticum, [2] deinde Anaxarchum Eleaticum: [3] tum demum scripta Democriti diligenter volutavit. [4] Floruit Alessandro Magno imperante, Ol. circiter ex. [5] Cumque animadverteret, Philosophos unosquaque adversariorum systemata irridere & confutare, nec proferre meliora: Sophistas vero de omnibus in utramque partem disputare: Dialeticos autem omnia suis laqueis turbare: præterea Democritem philosophiam amaret impense; ex istius placitis ad Eristicorum, & Sophistarum siropas & nugas retundendas, medicinam parandam existimavit.

Itaque talem sectam condidit *Pyrrho*, quæ omni animi contentione defenderet, nihil omnino sciri, nihil comprehendendi, nihil posse constitui, nec dici, est hoc magis, quam illud. [6] Quod non ita accipi volumus, quasi affirmaret *Pyrrho*, ea, quæ in sensu incurruunt, esse neganda: nec debere hominem viam declinare, quæ ad præcipitium dicit, non comedere, non dormire, & hujusmodi sexcenta, quæ inepte illi tribuuntur: sed hoc tantum, dogmata, quæ Philosophi arroganter constituebant, regulas, quas tradebant; rerum finitiones, quas exponebant; certo sciri non posse adseverabat. Nam ex illius vita ratione constat, eum sensibus, & rationi fidem ha-

[1] *Suidas*, in *Pyrrhone*.[2] *Conf. Laert. L. IX. s. 61.* [3] *Id. ibid.*[4] *Arist. apud Euseb. Præp. E. L. XIII. c. 18.*[5] *Laert. l. c. s. 58.*[6] *Ibid. s. 61. adde Huetium*, de Imbecillitate Mentis Humanæ.

buisse : [1] omnino esse persuasum se esse , vivere , videre ; edere , cetera .

Contendit itaque Huetius[2] Academiam Medium & Pyrrhoniam distare : hoc autem , si eum audimus , intererat . 1. Constituebant Academicci , idque omnino certe , nihil sciri posse & comprehendendi : Pyrrhonii vero addebat , ne hoc quidem nihil sciri posse , certo posse constitui , sed cum dubio esse dicendum .

2. Academicci existimabant aliquid videri magis & minus bonum , vel malum : Pyrrhonii ne id quidem relinquebant , sed temperabant a judicando : bonum autem , & malum ex hominum existimatione metiebantur . 3. Academicci Novi pronuntiabant , dari aliquos gradus verisimilitudinis , qui nos moveant in hanc magis , quam in illam sententiam : Pyrrhonii contra id negabant , contendentes nec sensu nec ratione veritatem posse comprehendendi , vel aliquod certo judicari : quare cohiberi debere ad sensum , & omnino immotum , & in partem permanere animum . 4. Academicci Novi putabant , nos ab objectis magis & minus in hanc potius , quam in aliam , trahi sententiam : Pyrrhonii vero hanc traditionem negabant . 5. Academicci adfirmabant , debere hominem probabilitatem sequi , & ad eam vitæ actiones conformare : Contra Pyrrhonii probabilitatem tollebant : lege , consuetudine , & naturæ motibus hominem duci contendebant .

Præclara hæc omnia & speciosa . Verum si utrorumque sententias ad trutinam revocamus facile intelligemus , Academicos ad invidiam declinandam moderatius locutos fuisse , & speciem pietatis præ se tulisse : reapse vero utrosque in eadem sententia fuisse , & ex utroque systemate eadem incommoda proficiisci .

Ab

---

[1] Laert. ibid. l. 65. seqq. l. 103. Adde Atheneum L.X. Sext. Empiric. Pyrrhon. hypotyp. L.I. c.10. [2] l. c.

Ab hac de omnibus dubitandi ratione ipsi nomen habuere Scepticorum . [1] Cum autem Scepticorum nomen esset invisum plerisque , cito haec secta extinta est . [2] Nam qui post suere Sceptici sub Academicorum nomine , quorum magna erat fama ac laus , sensa sua occultare curarunt : quod Ciceronis ætate præsertim vigebat . [3] Tamen hoc ipso ævo ab obscuritate in lucem extracta est , & multos postea sectatores numeravit . [4]

## CAPUT VIII.

*De progressu Græce philosophiæ apud alias gentes usque ad Augusti ævum .*

**E**X his autem duobus fontibus , secta Jonica , & Italica , Philosophiam omnem , quæ postea in veteravit , manus se exploratum est : nam harum præsidiis reliquæ sectæ apud cultiores gentes vel mutatae , vel abolitaæ fuere . Factum id sicut Græcorum præsertim , & Romanorum opera : qui cum omnia suo imperio submitterent , domesticos ritus , & doctrinam una cum imperio propagarunt : & apud gentes , quas devicerant , invexerunt .

Principio Alexander subacta tota Asia , mores Græcorum

F 3

[1] Empiricus Pyrrh. hyp. L. I. c.3.

[2] Laert. L. IX. f. 115. [3] Cicero de Finib. L. II. confer. eundem in QQ. Academ.

[4] Præter Laertium , qui Scepticorum placita breviter enarrat , exstant Sexti Empirici viri docti , libri Pyrrhoniarum Hypot. in quibus Sceptica philosophandi ratio exponitur dilucide . E Recentioribus eamdem sectam illustrarunt præter ceteros Huetius de la Foibleſſe de l' Esprit Humain . 12. qui etiam Latine exstat . Foucherius Histoire des Academicens , ceteri .

corum ad eam importasse legitur. [1] Deinde, qui ei successere duces, & nomen regium sumserunt, præsertim Ptolemaeus Lagi filius, rex Aegypti, Græcas litteras Alexandriae suscitavit. [2] Qnod institutum persequens Ptolemaeus Philadelphus insignem Lagidis bibliothecam munificentissime auxit & ampliavit: [3] Museum in ipsa regia condidit, in quo viri docti de publico alerentur, ut litteris darent operam: [4] id est, Grammaticam, Rhetoricam, Mathematicam, Philosophiam colerent. Qnod ad Cæsarum usque æstatem persistit, & summo in honore sinit. [5] Adeoque Græcæ omnes seftæ Alexandriæ excultæ fuerunt, & Alexandrinorum doctornm fama ceterorum laudes obscurasse videtur. [6] Ab hoc tempore Græca philosophia, præcipue Pythagorica, & Platonica, cum Aegyptia cœpit copulati, & utraque insignem mutationem passa est. [7]

Eamdem fortunam experti sunt *Judæi Seleucidarum*, & Ptolemæorum imperio subiecti. Nam post captivitatem Babyloniam erant *Judæi* avitæ doctrinæ tenacissimi, Esdra, Malachia, Zacharia, Haggæo, viris divino spiritu adflatis, in officio eos continentibus, & divina oracula pandentibus. At posteaquam Alexander Magnus Judæorum coloniam Alexandriam deduxit, [8] & Macedones cum in

[1] *Plutarch. de Fortun. Alex. Orat. 1.*

[2] *Clem. Alex. Strom. L. I. p. 341.*

[3] *Reimannus Idea Antiq. Litter. Aegyptiac. p. 280.*  
seqq. *adde Montfaucon. Palæograph. p. 16.*

[4] *Philostr. Vit. Sophist. L. I. c. 22. adde J. F. Gronovium Diss. de Museo Alexandrino.*

[5] *Tillemont. Hist. des Emp. Tom. II pag. 431.*

[6] *Ammianus Marcellinus L. XXII. c. 6.*

[7] *Schefferus de Philos. Italica c. 15. pag. 170. seqq.*

[8] *Flavius Josephus Antiq. Jud. L. XI. c. 8.*

in Syria , tum in Aegypto regnarunt , & Orientalium ritus ex Græca consuetudine emendarunt ; omnino ad viatorum disciplinam & ipsi *Judei* vel sponte , vel coacti [ \* ] delapsi sunt , & Græco modo philosophari cœperunt . Itaque Pythagoricæ , & Platonicæ philosophiæ , quæ in Aegypto excellebant , dogmata ambitiose colnerunt , arcana præfertim omnia explicandi viam . [ 1 ] Quod ipsum ab Aegypto ad Judæam dimanavit . [ 2 ]

Ab hoc fonte Cabbalistica , & arcana philosophia quæ apud *Judeos* cum veteres , tum recentiores in pretio est , dicit initium : ab eoque reliquæ sedis Pharisæorum , Sadduceorum , Essenorum deducuntur : quæ omnia Græcæ eruditionis manifesta produnt indicia , [ 3 ] de quibus alio loco disputabimus .

Atqne ipsi *Romani* homines , qui primis temporibus sub Regibus , & Consulibus militari disciplinæ unice intenti , eruditioni , & litteris locum non dabant ; postea quam Macedoniam , & Græciam imperio adjunxerunt , rusticitatem , quam antiquitus præ se ferebant , deposuerunt . Cumque paullo post , & sine saeculi VI. ab V.C. id est , cl. circiter annos ante C. N. Carneades Academicus , Critolaus Peripateticus , Diogenes Stoicus , Atheniensium legati , Romam venissent , & eruditionis ac eloquentiæ specimen in Urbe dedissent , incredibili quodam philosophiam Græcam discendi studio *Romani* homines flagraverunt . [ 4 ]

-F. 4

Neque

[ \* ] *I. Machabæorum* . I. 49. [ 1 ] *Euseb.* Pœp. E. L. VIII. c. 10. *Adde exempl. Philonis Alexandrini Judei* , & *Josephi* . [ 2 ] *Josephus Prooem. Antiq. Judaic.* p. 3.

[ 3 ] *De sedis Judeorum disputant Joannes Druſius* , *Josephus Justus Scaliger* , *Nicolaus Serrarius* , quos junctim edidit *Triglandius* , *Delphis* 1704. Vol. II. 4.

[ 4 ] *Plutarch. in Catone Major.* p.m. 632.

Neque tamen vel novas sectas condiderunt, vel philosophiaz scholas publicas habuerunt, in quibus alii aliis succedentes discipulos edocerent: sed privatum eidem dabant operam, ac ad usus vitæ, & administrationem reipublicæ eam revocabant, homines illi quidem ad clavum reipublicæ sere omnes sedentes.

Placuit autem Jurisconsultis Stoica secta: quorum in numero fuere, præter Scipionem, Lælium, Furium, [1] Q. Tubero, Q. M. Scævola, C. Gallus, L. Philip-pus, Cato Uticensis, Balbus, & alii passim a Cicerone laudati. [2] Aliis vero Academia una placuit: cujusmodi præter cæteros L. Lucretius fuit [3] inlustris ille litteratorum fautor, M. Cicero, M. Brutus, M. Varro. [4] Multo etiam fuere Pythagorei, ut Ennius Poeta, Cato Censorius, Appius Claudius Cæcüs, Nigidius Figulus. Item Epicurei plurimi memorantur: veluti C. Velleius, L. Torquatus, L. Papirius Pætus, C. Trebatius, L. Piso, M. Pausa, M. Fabius Gallus, Cassius, Pomponius Atticus, Mæcenas, alii, [5] ac præter ceteros Titus Lucretius Carus, cuius exstat Poema de Rerum natura: cui addi debet Virgilius, Horatius, ceteri. Nec defuere qui Peripateticam saltim postremis reipublicæ temporibus coluerint: ut M. Crassus, M. Piso, M. Cicero filius, alii, sed pauci numero. [6] Ethæ sectæ etiam post Christum natum alumnos suæ disciplinæ numerarunt: nec in Urbe modo, sed etiam aliis in locis fuerunt in honore, uti posse demonstrabimus.

CA-

---

[1] Cicero de Orat. L. II. & Fin. IIII. c. 9. [2] Janus V. Gravina de Ortu & prog. Juris c. 57. [3] Cicero Academ. QQ. L. I. Plutarch. in Lucullo. [4] Consule Ciceron. in Academic. QQ. & Tusculanis passim. Pagan. Gaudentius de Philos. Roman. c. 25. [5] Gassend. in Vita Epicuri L. I: c. 6. [6] Cicero de Officiis, de N. Deor., de Finibus.

## CAPUT VIII.

*De Philosophia ab Augusti ætate usque ad lapsum  
Romani imperii in Occidente vergente ad  
finem V. Sæculo . . .*

**Q**Væ postrema Romanæ reipublicæ ætate fuit facies Philosophiæ cum in Urbe , cum alibi, eadem sub Romanis imperatoribus perduravit . Nam cum Augustus Cæsar vir litteratissimus summo honore Philosophos prosequeretur , eosque donis animaret , ut Philosophiam excolerent ; immo vero *Hortationes ad Philosophiam* ipse scriberet ; [1] non modo animos fecit viris dæcis , ut Philosophiæ darent operam , sed etiam totam Urbeim , & imperium Philosophis replevit , præserium Stoicis , & Peripateticis .

Parentis studium quamvis callide imitatus est Tiberius . Quamquam vero Claudius , Nero , Domitianus , pestes Romani imperii , Philosophos Urbe ejecerint & exterminarint , [2] tamen paullo post cum plausu redierunt , atque in ipsam regiam fuere recepti , Trajano , Hadriano , & Antonini sayentibus : qui Antonini non modo scholas erexerunt , sed etiam ex ærario Philosophis honorarium persolvi mandarunt . [3] Id ipsum Septimius Severus [4] & Alexander Severus fecit : qui Philosophos ad mensam adjungebat . [5] Idem Gordianus uterque , qui non modo Philosophi fuerunt , sed etiam Philosophorum consuetudine unice delectabantur . [6] Adeo , si paucos Imperatores exci-

[1] *Suetonius in Augusto .*

[2] *Sueton. in Domitiano . Conf. Gellium L. XV. c. 11.*

[3] *Capitolinus in Antonin. [4] Spart. in Severo .*

[5] *Lampridius in Alexandro Severo n. 29.*

[6] *Capitolin. in Gordian. Conf. Porphyry. Vita Plotin. c. 3.*

excipias, qui ob scelera sua bonorum omnium indignationem offenderunt, nunquam Romano imperio defuit Imperator, qui vel ipse philosopharetur, vel philosophantes favore & munificentia excitaret: idque non solum usque ad Constantimum, verum etiam usque ad Theodosium, & Carolum Magnum, maximum litteratorum fautorem & patronum.

Neque vero earum tantum, quæ Augusto imperante in honore erant, seistarum cultores multi exsistere; sed etiam eæ, quæ penitus evanuerant, surrexerunt, de quibus breviter est dicendum.

I. Præcipuum autem locum sibi facit *Platonica philosophia*, ab Antiocho Ascalonita suscitata, quæ sub nomine veteris Academiæ inclauruit. Præcipui autem Platonici memorantur, Theon Smyrnæus [1] Alcinous [2] L. Appulejus Madaurensis [3] Maximus Tyrius [4] Plutarchus [5] alii, quorum adhuc exstant scripta.

II. *Pythagoricæ* vero philosophiæ studium post Nigidium Figulum instaurarunt Sextius Pythagoreus [6] Moderatorus [7] Apollonius Tyaneus [8] celeberrimus Philoso-

[1] *De 4. Mathemat. Disciplin. Compend. in Platonis libros: exstant.*

[2] *Introd. in Phil. Platonis: vide Stanlejum, Hist. Philos.*

[3] *Exstant illius Apologia, Metamorph. de Dogmat. Platonis, cetera.*

[4] *Exstant Dissertation. de doctr. Plat. Cantabrig. 1703. 8.*

[5] *Exstant multa scripta, inter quæ quædam Plat. illustrant Græco-Latin. Parisis 1624. fol.*

[6] *Exstant Sententiae Sextii. Videatur Galeus in Opuscul. Mythol.* [7] *Porphyri. in Vita Pythag. n. 48.*

[8] *Suidas in Apollonio: vide Tillemont. Hist. des Empereurs Tom. II. ubi vitam Apollonii scribit. Exstant Apollonii Epistolæ: vide Philostr. in Vita Apollon.*

Sophus, & Christianorum hostis acerrimus, Nicomachus  
[1] ceteri.

III. Etiam *Peripatetica* sub Cæsaribus extulit caput, & post Andronicum in memorantur cum laude Nicolaus Damascenus, Boethius Sidonius, Alexander Aegæus: [2] qui germani Peripatetici habentur. Post Neronis tempora alia Peripateticorum disciplina fuit: [3] in qua & præ ceteris nobiles suere Ammenius Alexandrinus, alius ab Ammonio Saca, Alexander Damascenus: post quos Aristotelis iterum philosophiam melioribus auspiciis persecuti sunt Alexander Aphrodiseus [4] ejusque discipuli. [5]

III. Sexta vero *Stoica* præter ceteras colli cœpit sub imperatoribus Romanis. Cujus fidem præter Jurisprudentes, qui huic sectæ nomen dederunt, faciunt Annæus Cornutus, C. Musonius Rusus, L. Annæus Seneca [6] Dio Præfætus [7] Epidetus [8] M. Aurelius cæsar, qui non modo inlnstris fuit Philosophorum patronus, [9] sed etiam ipse-

[1] Exstat Nicomachi *Arithmetica*, & *Enchiridion Harmonicum*. Confer. *Vossius de Scientiis Mathem.* p. 37. 94.

[2] Exstat hujus *Commentar.* in libros Meteorologicos Aristotel. vide *Fabricium in Biblioth. Græca*.

[3] *Conf. Brucker. Tom. II. pag. 475. seqq.*

[4] Exstant plurima illius opera in Aristotel. ad eis *Fabricium Biblioth. Vol. IIII.*

[5] *Peripateticorum seriem luculenter exponit Patricius in Discus. Peripatetic.*

[6] Exstant illius opera *Philosophica*.

[7] Exstant illius *Orationes plurimæ de Phil. Stoica*.

[8] Exstat illius *Enchiridion*.

[9], Singulis Philosophorum generibus, ut *Platonicis, Peripateticis, Stoicis, Epicureis* salarym constituit Athenis. Xiphilinus in *Marco Aurelio*: adde *Lucian. in Eunacho*.

ipsemē Stoico more philosophatus est: [1] ut alios p̄-  
termitram notissimos.

V. Neque vero *Epicurea* in oblivione delituir, nam  
eam plurimi inlustrarunt viri eruditissimi: [2] quos inter  
memorantur Plinius senior [3] Lucianus [4] & Diogenes  
Laertius, qui nobis in hac historia conscribenda maxium  
adjuvmentum adtulit: [5] quique haud obscurē ostendit, se  
ad Epicuri dogmata propendere. [6]

VI. Sed etiam *Sceptici* seu *Pyrrhonii* non nulli ea  
estate numerantur: ut Aurelius Cornelius Celsus [7] & ,  
qui aliorum nomen obscuravir, Sexrus Empiricus vir eru-  
ditissimus, quique scriptis suis [8] magnum sibi nomen fe-  
cit: quamvis alii a viris doctrinam memorentur Pyrrho-  
nii. [9]

VII. At *Cynici* & ipsi sub Imperatoribus Romanis  
suæ disciplinæ numerarunt alumnos, qui non modo alibi,  
verum etiam in ipsa Urbe claruerunt. Horum in numero  
sunt Musonius Babylonius, Demetrius Cynicus, Demo-  
nax Cyprius, Crescens, Sallustius, alii. [10] Et haec Græ-  
cæ philosophiæ propagines per id tempus extitere .

VIII. Etiam *Orientalis* philosophia sub idem tempus  
no-

[1] Exstant illius Commentar. de se ipso, seu de suis re-  
bus gestis .

[2] Numerat eos Gassendus in Vita Epicur. L. II. c. 6.

[3] Exstant illius libri de Naturali historia .

[4] Exstant illius Dialogi Græci elegantissimi .

[5] Exstant illius Libri X. de Vita, & Dogmatibus Phi-  
losophorum. Medio III. saeculo a C. N. scripsisse verisimile est .

[6] Conf. Fabricius . B. G. Vol. II.

[7] Exstant illius libri de Medicina : cetera perierunt .

[8] Exstant Pyrrhon. Hypotyp. Libri in quibus Sce-  
pticorum doctrinam exponit . [9] Conf. Laert. L. IX. f. 116.

[10] Conf. Gaudentium de Phil. Roman. c. 79.

novo nomine insignita , novoque adornata vestitu apparere cœpit . Qui eam excolebant festatores , quod rerum divinarum cognitionem præstantem adsebatabant , disciplinam suam nomine *gnosticos* insignierunt , seque *Gnosticos* vocari voluerunt . Qnod nomen primis Hæreticis , qui de hoc fonte hauserunt , sicut commune .

Hi autem homines tametsi novum systema Metaphysicum præ se ferre viderentur , singularibus opinionibus constantem ; reapse tamen eamdem doctrinam Orientaliū seu Zoroastris tenebant : nisi quod eam proprio explicandi modo , & peregrinis vocibus , quæ aliud diversum significare videbantur , occulabant . Qui vero eam penitus cognoverunt , facile deprehenderint , nihil aliud illis vocibus significari , quam *systema emanativum* , quod ex infinito lumine omnia dicit per varios gradus emanationum . Qnod ipsum Zoroaster adfirmabat . Id ita se habere jam aliquot ab hinc annis nos , cum in Theodorei , & Epiphaniī loca quædam incideremus , suspiciati fueramus , atque Veterum expensis locis singulari dissertatione conseceramus : postea lecto Basnagio [1] firmiss in opinione permanisimus . Sed hæc ut copiosius disputeremus , facit nobis otium recentioris Historici diligentia , [2] qui id ipsum magna eruditio copia inlustrat & confirmat .

VIII. Sed præ ceteris post Christum natum alia se & claruissē videtur , quæ ceteras vel delevit , vel depravavit . Hæc est *Ecclesiæ* . Male vero huic philosophandi viæ festæ nomen tribuitur : nam hi Philosophi peculiare hoc habuerunt , ut in nullius Philosophi verba jurarent , sed ea ex singulis festis excerpterent , quæ meliora videbantur : eaque pro lubitu mutarent , in concordiam vocarent , & ex iis unum systema componerent . Verum cum *Ecclesi-*

ci

[1] Hist. Jud. L. III. c.28.

[2] Brucker. de Phil. Orient. pag. m.646. & 651.

*ci* auditores docuerint eadem methodo ratiocinari , ab iis-  
que familiā fuerit propagata , hoc nomine sectam condidisse dicuntur .

Hujus sectæ fundamenta ante Christum jacta fuerant  
in Aegypto , Alexandriæ præfertim , ubi *syncretismus* do-  
ctrinarum , & religionum invaluerat . Etenim Aegyptii  
sententias Pythagoræ , quæ Aegyptiarum similes erant ,  
suis adjunxerant : Platonici Pythagoream : utrique dog-  
mata aliorum cum suis copulare conati fuerant . Sed non  
longo post tempore hæc concordandi ratio justum sectæ ha-  
bitum obtinuit .

Tribuitur id primum cuidam Potamoni homini Plato-  
nico , cujus ætas prorsus ignoratur . [1] Id tamen probabilius  
videtur , nec ante , nec post finem II. sæculi , posse Potamo-  
nem collocari : propterea quia Diogenes Laertius , qui cir-  
citer finem II. sæculi [2] floruit , aperte scribit , *haud ita*  
*pridem* [ πρό διλθεν ] Ecclæsticam sectam a Potamone Alexan-  
drino introduciam fuisse : [3] nec aliquis anté id tempus de  
ea secta facit mentionem .

Scripsit Potamon *Institutiones Ecclæsticas* , quæ non  
exstant . Quæ vero ex iis recitat Laertius Φιλοσοφέων μετὰ ad  
illud revocantur , ut in Rationali , & Morali philosophia  
Platonicos , Stoicos , Aristotelicos in concordiam addu-  
ceret ; atque ex singulorum opinionibus singulare systema  
compongeret .

Felicioribus auspiciis eamdem viam tenuit paullo post  
Ammonius Alexandrinus , cognomine *Sacras* : qui Com-  
modo

[1] *Magna lis est inter eruditos de Potamonis ætate . Ole-*  
*arius Dissert. de Secta Ecclæstica eum III. sæculo ponit . Alii*  
*cum Suidâ Augusti tempore . vide Vossium de Sectis Philos.*  
*C. XXI. Incerta omnia esse consicit Stanleus de Secta Ecclæ-*  
*stica c. 1. [2] Vide supra n. V.*

[3] *Hæc est communior sententia: vid. Stanlei . l. c.*

modo imperatore floruit , id est , fine II. sœculi : [1] non miscendus cum Ammonio homine Christiano , qui sœculo III. scripsit *Harmoniam Evangelistarum* . [2] Is Christianus religione , Athenagoræ , & Pantæni auditor , qui <sup>τελετὴν</sup> instituebant , & Sacrae doctrinam cum Philosophia conjungere conabantur ; Christiana religione abjecta , non modo inter Philosophorum sedtas pacem conciliare , quod tentarat Poiamon , sed etiam religiones omnes , & Gentilium superstitionem cum Philosophia jungere voluit : [3] quod sibi persuascrit , se hac de caussa & auditores plures habiturum , & nomen suum commendaturum posteritati .

Id quam illi feliciter successerit ex Historia fit manifestum . Sane ad Ammonii disciplinam plurimi consugerunt ; qui illius doctrinam longe lateque diffuderunt . E Paganis memorantur Dionys. Longinus, Philologus & Philosophus præstantissimus : [4] Origenes , diversus ab Origene Adamantio Christiano : Plotinus [5] qui Ammonii disciplinam propagavit , & parens Recentiorum Platonicorum seu *Ecclesiasticorum* jure nominatur : nam & Romæ hanc docuit Philippo imperante ; & per discipulos ad usque Græciam , & Asiam , Africamque transmisit . [6] Porphyrius Syrus , primum Origenis Adamantii , post Longini , & Plotini auditor ,

vir

[1] *Theodoreetus Therapent.* L. VI. p. m. 573.[2] *Fabricius* , *Biblioth.* Vol. IV. pag. 159. 172.[3] *Porphyrius apud Eusebium Hist.* E. L. VI. c. 19.

[4] Exstant illius opera της θύρας , seu de Sublimitate Orationis .

[5] Hujus vitam scripsit Porphyrius discipulus , præfixa Plotini operibus . Confer *Fabricium Biblioth.* V. IIII. p. 88.[6] *Sozomen* . *Histor. Eccles.* L. I. c. 5.

vir litteratissimus, sed Christiani non in his holtis insensus: [1] Jamblichus discipulus [2] Julianus cæsar Apostata [3] monstrum ex suminis vitiis, & virtutibus compositum: [4] Proclus, Marinus, alii. E Christianis præter ceteros Ammonium andivit Origenes Adamantius [5] vir eruditissimus, ut alios præteream.

Neque solum Alexandriæ, aut in Urbe, sed etiam aliis in locis, & Athenis Ecclæticorum scholæ fuerunt, qui nomine tenus Recentiores Platonici reputantur, reapse vero syncretismo Alexandrino erant occupati. Finem autem fecit schola Ecclætica medio VI. saeculo, cum Justinianus cæsar philosophis Paganis publicis scholis interdixit Athenis: qui proinde ad Persas, & Orientem. se receperunt. [6]

De hujus sectæ placitis pauca sunt adnotanda: cum ex iis, quæ diximus, satis constet, in id hos Philosophos contendisse, ut sectas, quæ Alexandriæ in honore erant, componerent: h. e. in Philosophia sententias Platoniconrum, Aristotelicorum, Stoicorum copularent: in Theologia vero religiones omnes miscerent. Quod ad Philosophiam

[1] Cave Hist. Litt. Script. Eccles. p. 98. scripta illius numerat Fabricius in Bibl. existant Vita Pythag. & de Prædicabilibus, alia.

[2] Existant ejus Vita Pythag., Exhort. ad Philos., de Arithm., de Myst. Aegypt., alia. Conf. Vossium de Sectis Phil. [3] Existant illius opera.

[4] Ammianus Marcell. in Juliano: addit ex Recent. Tilmont. Hist. des Emper. in Juliano.

[5] Porph. in Vit. Plotini.

[6] Ecclæticorum seu Platonicon. Recent. feriem refert Damascius, & ipse Ecclæticus: qui ultimus professor fuit Athenis, Justiniano imperante. Existant illius scripta aliqua. Legatur Jonsius de Script. Hist. Phil.

phiam spestat, in Dialecticis Aristotelem, plerumque secuti sunt, quamvis abstrusiora aliqua addiderint ex Pythagora. In Metaphysicis Aegyptiorum, Orientalium, Platonorum, Pythagoreorum de Deo, & emanationibus composuerunt systema Theologico-Metaphysicum tam obscurum & intricatum, ut intelligi non possit. Nam quædam ex Christianis, quædam ex Orientalibus obtorto collo ad Platonisnum retulerunt. [1] Quod ipsum in Morali disciplina præstiterunt: quæ ex systemate Theologico-Metaphysico derivatur tota. [2] De Physica parum solliciti, quæ plerumque cum Theologia, sua erat conjuncta, atque generalibus notionibus, & verbis continebatur. [3]

Et hæc cauſa fuit cur viri docti non nulli & veteres, & recentiores a verbis Plotini, Porphyrii, Jamblichi, Procli decepti scripserint, quædam apud eos iuueniri, quæ cum doctrinæ Catholicæ placitis convenient. Cum enim non explorarent nexus systematis, & consuetudinem Ecclæticorum, per errorem existimarunt, ea Platonem, Aristotelem, ceterosque dixisse, de quibus ne per somnum quidem cogitarunt. [4]

Et de Ecclæticorum placitis hucusque. Nunc de causis condendæ Ecclæticæ philosophiæ breviter disputabimus, imitantes viros doctos, qui nobis in hoc stadio præcurrerunt, qui, nisi cauſis expositis, naturam Philosophiæ hujusmodi penitus cognosci non posse existimant. Ex. quorū-

G

lectio-

[1] Confer scripta Plotini, qui Recentiorum Platonorum dogmata exponit. Cui addi potest Porphyrii & Jamblichus.

[2] Moralem disciplinam exponit Holstenius in Vita Porphyrii c. 6. [3] Consule Plotinum ipsum. Enn. II.

[4] Hujusmodi fuere Livius Galanes in Comparatione Theolog. Christianæ cum Platon. L. IX. Huetius in Dem. Evang. & QQ. Almetanis L. II. alii, Scholastici præsertim.

leßione nos aliquid in hoc studio profecisse grato animo  
confitemur.

I. Sane consideranti libero judicio Alexandrinorum  
rempublicam , & incredibilem seclarum diversitatem ,  
quæ paullo ante Christum in ea vigebant , cogitatione re-  
perenti ; perspicue intelligimus , alterutrum evenire de-  
buisse , ut vel perpetnis contentionibus tota disputantium  
familia scinderetur ; vel aliquis inveniretur , qui eos in  
concordiam revocaret . Opportune aderant Sacerdotes  
Aegyptii , callidi homines , qui cum Orientales , & Py-  
thagoreos , qui sententias Aegyptiarum non dissimiles  
tuebantnr , ad sua dogmata flexissent , ex iisque novum  
systema compositissent ; causa suere , cur alii , qui in Ae-  
gypto erant , Philosophi aliquid simile tentarent .

Ac primum Platonici ab Antiocho Ascalonita edocti ;  
Stoicos cum Platone copularunt : ( præsertim ob Moralem  
disciplinam ) atque adeo cum Pythagora , a quo Metaphy-  
sicam suam accepisse Plato dicebatur . His adjungi  
debebat Aristoteles , cuius magna a longo tempore  
erat æstimatio Alexandriæ : quique in plerisque cum Pla-  
tonem convenire videbatur , & ob peritiam in Dialetticis  
prædicabatur . En ad *Syncretismum* doctrinarum via sterni-  
tur : in quo præcipius honos habitus suit Platonis : qua de  
causa *Recentiores* Platonici fuere nuncupati .

II. Accessit altera cauſa ex hominum ingenio ducta .  
Nam non modo Orientales , & Aegyptii erant enthuſiaſtæ , & rerum intelligibilium ac divinarum perfectam se  
cognitionem habere prædicabant ; verum etiam ipsimet  
Platonici , & Pythagorei idem peccatum peccabant . Nam  
intelligibilium eximiam cognitionem habuisse Platonem ,  
& Pythagoram contendebant : & plerique eorum fanati-  
ci erant & enthuſiaſtæ , qui accuratiorem divinarum re-  
rum , atque Deorum notitiam , & , si superis placet ,  
cum Diis usum & confabulationem præ se ferebant :

ut

ut ex *Gnosticorum*, qui post fuere, historia manifestum fit.

III. Sed etiam Christiana religio, quæ per id tempus exorta est, & Alexandriæ florebat, Paganos impulit quodammodo ad *syncretismum*. Nam cum Christiani homines, & Philosophi Ethnicorum religionem irriderent, eamque ex illorum principiis solide infirmarent; [1] Pagani, ne caussa caderent, multa ex aliis sumserunt, quæ nostris opponerent: immo vero & verba, & sententias Christianorum aliquas usurparunt, quibus fucum sacerent nostris, & persuaderent iis, se non dissimilia defendere. Quod præsertim fecit Ammonius, & reliquos edocuit, quo modo nostrorum ictus possent eludere. Itaque aliqua Christi dogmata omnino depravata ad suum systema accommodavit: ut de tribus Divinis personis, de creatione materiæ ex nihilo, cetera. Quæ vero mutare non potuit, per inversionem & allegoriam Aegyptiorum more interpretatus est. [2]

Hinc etiam Stoicorum disciplinam Moralem, quæ sanctior illis videbatur, receperunt in systema suum. [3] Contra vero Epicureorum dogmata, quæ nostris erant exosa, rejecerunt: hoc unum curantes, ut Platonem Aristoteli conciliarent. Quod sane fieri non poterat sine utriusque systematis depravatione, propterea quia duilli in plerisque dissentiebant.

III. Præterea Philosophorum virtutes præcipue extollebant, quo ostenderent, nihilo se cedere Christianis & viris sanctissimis. Christum Dominum Philosophorum

[1] Constat id ex Hermiæ Irrisione Gentilium.

[2] Conferatur Mosheimus Diss. de studio Ethnicorum Christ. imitandi in Tom. Diss. Eccles.

[3] Legatur Simplicius in Epicteti Enchiridion, & Hierocles in Aurea Carmine.

albo adscriperunt, [1] affirmantes, nihil eum in Paginis reprehendisse: [2] sed quæcumque ex contrario producebantur, esse commenta discipulorum. [3] Quid? Philosophis suis eadem miracula, quæ Christo, tribuebant: ut ne haberent Christiani, quod in Christo Domino extollerent. [4] Quod ut facilius consequerentur, libros suppositios bene multos vulgarunt, quibus mendacia sua tuerentur.

Iastabant præterea; se hac methodo divinam, humainque sapientiam instaurasse. [5] Idque si minus sententias, & nexus, saltim vocabulis aliorum dogmata experimentibus, præstinerunt. Ex quo non modo maximum damnum Philosophorum sententiæ fecerunt, quæ ab iis corruptæ ad nos usque per eorum manus pervenerunt; sed etiam Doctoribus nostris inposuerunt: qui similitudine vocum decepti, & de hoc inludendi Christianos artificio minime suspicentes, facile sibi persuaferunt, eos mutatis sen-

[1] *Alexandrum Severum inter animas sanctiores Apollonium, & Christum, & Abrahamum, & Orpheum, & hujuscemodi Deos habuisse, ex communi opinione refert Lampridius in Alex. Sev. c. 29.*

[2] *Christum nescio quid aliud scripsisse, quam Christiani decebant, nihilque sensisse contra Deos suos, sed eos potius magico ritu coluisse, ex opinione Gentil. refert August. de Concordia Evang. L. I. p. 8. & 18. adde Landant. Inst. Div. L. IV. c. 13.*

[3] *Aug. ibid. & de Civ. D. L. IX. c. 23.*

[4] *Legantur Porphyrii, & Jamblichi Vita Pythagoræ, ejusdem Porphyrii Vita Plotini, Eunapii Vitæ Sophistarum, Damascii Vita Isidori, Marini Vita Procli, quæ undique miraculis stupendis abundant, Philosophiæ, ut ipsi somniant, beneficio patrata.*

[5] *Eunapius in Præfat: ad Vit. Soph.*

Sententiis aliquid dogmatibus nostris conformius cogitasse.

Hæc fuit Ecclæstica secta usque ad sæculum VI. quæ tantum absuit ut allevamentum adferret reipublicæ Litterariæ, ut potius doctrinas omnes depravarit, & turbas fecerit. Nam primum Veterum sistema ab Ecclæsticis Gentilibus mutata fuere & corrupta. Deinde qui ex hujusmodi disciplina disputatione, acrius & pertinacius, quam ceteri, contenderunt. Nam recentiorum Platoniconum quisque pro ingento, pro necessitate nova dogmata cogitat, & defendit: [1] adeo ut eorum sistema quale sit, consti-tui certo non possit. Postremo plurimas in Ecclesia movit turbas, ut Marcionis, Valentini, Origenis, ceterorumque hæreses conficiunt luculenter. [2] Sed hæc alias.

## CAPUT X.

*De Philosophia Patrum usque ad V. Ecclesiæ sæculum.*

**A** Postolorum discipuli profanis studiis non vacabant: sed fide Catholica, & singulari morum integritate contenti, toti erant in eo, ut dogmata, quæ ab Apostolis acceperant, omni animi contentione propagarent, proque iis defendendis vitam prosunderent: viri illi quidem de eruditione, & eloquentia parum solliciti. Quod primo ab Christo sæculo potissimum inveteravit.

Sæculo autem II. multi litterati homines ad nostros

G 3

rum

[1] *Confus. Grotium.* in Colleft. Phil. Sent. de Fato, & Stobæi Eclog. [2] *Plura post Olearium, Moshemium, Galeum, Baltum,* de iis disputat Bruckerus de Secta Ecclæstica p. 357. seqq.



rum castra confugerunt. Movit eos primum doctrinæ sanctitas ac præstantia, quam nostri prædicabant. Movere Christianorum mores, qui rectæ rationi erant consonanei. Movere stupenda miracula, quæ doctrinæ veritatem confirmabant. Quæcum in Philosophis suis frustra desiderarent, [1] facile & Paganorum deliria cognoverunt, & ad nostros transferunt.

Id ægre serentes Philosophi de pago, quorum illi castra deseruerant, & animadvertisentes, Christi doctrinam, quæ longe lateque fundebatur, non modo patriam religionem, sed etiam sectarum omnium fundamenta evertere; quasi signo dato undique cum Christianis prælium comiserint: ac primum rationibus pugnarunt, quibus bene multas calumnias & convicia adjunxerunt: deinde magistratus in provinciis, ac Romanos imperatores incitarunt, ut in Christianos homines, eorumque doctores, veluti in perturbatores reipublicæ, & avitæ religionis destructores, gladio senvirent, eosque, posita poena, silere cogerent. Quod in causa suit cur imperatores Romani martyres nostros tam crudeliter divexarent.

Hisce calumniis compulsi Christiani homines, ii præfertim qui ex Philosophis saeculi erant Christiani, quod penitus intelligerent, quibus Ethnici principiis niterentur; Christi doctrinam contra eorum obtrectationes editis Apologiis defendérunt: Paganæ religionis absurdia patefecerunt: atque Græcos philosophos propriis armis aggressi, eorum systemata everterunt, & confutarunt. [2] Nec

id

[1] Consule Justinum Martyr. de se ipso loquentem.

[2] Apologias scripsere e Græcis Justinus, Athenagoras, Tatianus, Hermias, Clemens Alexandrinus, ceteri. E Latinis Minutius Felix, Tertullianus, Arnobius, Cyprianus, Ambrosius, Augustinus, & reliqui.

id solum, sed etiam cum eorum sectas conferrent inter se, quam futilia omnes defenderent, ostenderunt. [1]

Hæreses itidem nefariæ, quæ per id tempus ex cogitatae fuere, & ex Alexandrina philosophia nascebantur, ut illa erat Valentini, & Gnosticorum; Episcopos incitabant in Alexandrinos, præsertim in Platonem [2] & Aristotellem: [3] propterea quod existimabant, non modo ab Orientali, & Aegyptiaca [ex Orientali, Aegyptiaca, & Græca philosophia Alexandrina secta constabat] sed etiam & multo magis a Platonica, & Aristotelica doctrina tales errores ortos esse.

Christianorum itaque doctorum cura & studium in duobus positum erat. Primum Gentilium armis ipsos Gentiles petebant, ut eorum disciplinam labefactarent. Deinde eorumdem systemata curiosius explorabant, ut si qua occurrerent nostris decretis repugnantia, vel aliquo modo consentanea, separarent; horumque ope Christi doctrinam, si possent, inlustrarent: atque hac via Paganos præpararent, ut nostrorum dogmata facilius amplexarentur. [4] Quod ipsum plurimi doctores II. III. & IIII. sa-

[1] Conferatur Justinus Cohort. ad Græcos, initio: & in Dialogo cum Tryphone Judeo. Tertullian. Advers. Nation. L. I. E Recentior. Baltus Jesuita in Defension. Patrum, qui de Platonismo accusantur. L. III. c. 3. seqq. p. m. 106.

[2] Gregor. Nazianz. Orat. xxxvi. Alios dabit Petavius Dogm. Theolog. Tom. II. L. I. c. 8. p. m. 37. Edition. Venet.

[3] Epiphanius Hæres. LXXXVI. §. 2. Conf. Petav. l. c. in Proleg. c. III. p. 7. seqq.

[4] „ Quemadmodum terram prius rigant agriculti, deinde sic semen injiciunt; ita etiam nos eo, quod bibi potest ex Græcorum scriptis, id, quod. in eis est,

culo fecere : cuiusmodi fuere Origenes , Methodius , Eusebius , Apollinaris , Quadratus , Clemens Alexandrinus , Hippolytus , Julius Africanus , alii , quorum se auctoritate tinet Hieronymus , [1] ut eisdem vestigiis insistat .

Neque solum hisce studiis operam dabant verum etiam auditores instituebant profanis disciplinis . Nam Alexandriæ Pantænus Philosophiam , & Sacras litteras docuit Clementem Alexandrinum : hic Origenem instituit : Origenes Gregorium Thaumaturgum , & Dionysium Alexandrinum : a quibus plurimi discipuli suere instituti . [2] Neque Philosophiam modo , sed etiam Eloquentiam , & Humanitatis litteras docebant , quo facilius eloquentissimis Paganis , qui per id tempus florebant , non rationibus modo se opponerent , verum etiam vi ac copia dicendi . Quod a fine II. saeculi erat in usu , ut Clementis Alexandrini scripta nos docent .

Non igitur Veteres episcopi alicui se Philosopho & disciplinæ mancipabant , vel festam condebant : sed ex Paganorum libris ea legebant , quæ vel ad confirmandam Theologiam nostram necessaria ; vel quoquo modo accommodata videbantur ut Paganorum philosophiam , & theologiam everierent , eorumque in reprehendendo temeritatem & impudentiam confringenter . [3]

Animadvertebant autem inter Philosophorum decreta quædam occurrere haud absurdâ de Deo , de moribus , & si-

, terrestre prius irrigamus , ut suscipiant spirituale semen ,  
,, quod dejicitur ; & id facile possit alere . Clemens Alex. Stromat. L. I. p. 278.

[1] Epist. LXXXIIII. ad Magnum Romanum Orator. quæ omnino legi meretur .

[2] Gregor. Thaumaturg. in Pauegyrie. Origenis .

[3] Conferatur Baltus l. c. L. I.

& similia. [1] Cumque sibi persuaderent, hujusmodi veritates ab Hebreis ad Græcos philosophos, qui in Oriente Judæorum sapientibus familiariter usi fuerant, pervenisse; [2] vel Deum id alio modo illis manifestasse; [3] existimarent debere se tales sententias ad usum Catholicum revocare: talemque philosophandi viam Ecclæticam a viro Christiano ceteris esse anteponendam. [4]

Verum cum iidem doctores considerarent, pauca bo-

n2

[1] „ Quod si existisset aliquis, qui veritatem spar-  
„ sam per singulos, per seculasque diffusam colligeret in unum,  
„ & redigeret corpus, is profecto non dissentiret a nobis.  
„ Sed hoc nemo facere, nisi veri peritus ac sciens, posset.  
„ Verum autem scire non nisi ejus est, qui sit doctus a Deo-  
Laetant. Divin. Instit. L. VII. c. 7.

[2] „ Hæc ipsa a barbara divinitus data surrepta gra-  
„ tia, Græca ornata sunt eloquentia. Nam alia quidem sunt  
„ suffurati [ab Hebreis] alia vero male audierunt. In  
„ aliis autem aliqua dixerunt commoti, sed ea non reddi-  
„ dere perfecta: aliqua autem humana conjectura & ratio-  
„ cinatione, in quibus etiam labuntur. Clem. Alex. Stromat. L. VI. p. 642.

[3] Justinus, & Gregor. Thaum. aliisque existima-  
bant, Deum non nullis de pago Philosophis sese manifestasse  
interno quodam lumine, & peculiari providentia.

[4] „ Philosophiam autem non dico Stoicam, neque  
„ Platonicam, aut Epicuream & Aristotelicam: sed quæ-  
„ cumque ab his scelis recte dicta sunt, quæ docent justitiam  
„ cum pia scientia; hoc totum selectum Philosophiam dico:  
„ quæcumque autem ex humanis amputata cogitationibus  
„ adulterarunt, ea numquam divina dixerim. Clem. Alex.  
Strom. L. I. p. 288. Adde Gregor. Thaum. l. c. Justinum  
in Dialogo cum Tryphonie. p. m. 218. Plures alios habes  
apud Vossium de Scelis Philos. p. 118.

na innumeris perniciosis adjuncta in Philosophorum libris occurrere, Christianos tirones monuerunt, ut eos libero iudicio expenderent: eaque studiose separarent, quæ utilitatis non nihil præ se ferre videbantur, ad Theologiam illustrandam. [1]

Igitur Ecclæstica Patrum philosophia non eadem erat, atque Ecclæstica Paganorum, qui Alexandriæ litteris vacabant. Hi enim centonem ex sententiis sibi repugnantibus, sola voce, & modo explicandi similibus, consuebant: at Patres sententias aliquot sumebant, quibus divinæ traditionis signa aliqua inesse judicabant: has Philosophiæ vocabulo distinguebant, laudabant: Philosophorum vero systemata una voce execrabantur. [2] Primum, quod errores grandiusculos continerent: deinde, quod sibi persuaderent, pæne omnes Paganos, præsertim Ecclæsticos, nefandam cum dæmoniis habere consuetudinem. [3]

Quamquam vero in omnibus seftis aliqua reprehenderent, quædam tamen systemata acrius detestabantur. Ac primum Epicuream condemnabant hoc nomine, quod rerum productione, ac procuratione mundi Deum privat, bat,

[1] „ Moneo ne scriptoribus illis [Philosophis] mentes vestras quasi navis gubernacula tradatis, ita ut eos, quocumque ducunt, sequamini: sed, quæ tantum in his utilia erunt, volo vos conseſtari, ac nosſe pariter, quæ fint rejicienda. Basilius Orat. de utilit. ex libris Gentil. cap. Confer. Hieronym. l.c. August. de Doctrina Christ. L. II. c. 39.

[2] Hæc memoria tenenda sunt, ut in concordiam vocentur loca Patrum, in quibus philosophiam Græcam aliquando laudant, aliquando vituperant vobementer.

[3] August. de Civit. D. L. X. c. 10. 11.

bat, omniaque ex atomis composita esse contendebat concursu fortuito. [1]

Aristotelicam autem philosophiam Vatiniano odio prosequabantur: primum, quod æternum mundum esse defenderet: deinde, quod procuratione rerum humana-  
rum Deum privaret: postremo, quod animum hu-  
manum adfirmaret esse mortalem: [2] ut supra demou-  
stravimus.

Hæc causa suit cur plerique omnes Patres in Ari-  
stotelem invecti sint: quorum omnium nomina percensere  
longum esset, aliqua vero proferre operæ pretium est. Sæ-  
culo igitur II. vehementer præter ceteros Aristotelem in-  
sestantur Justinus Martyr [3] Athenagoras [4] Irenæus  
[5] Tertullianus [6] Clemens Alexandrinus. [7] Sæcu-  
lo III. Origenes. [8] Sæculo IIII. Laßantius [9] Euse-  
bius Cæsariensis [10] Athanasius [11] Basilius Cæsariensis  
[12] Gregorius Nyssenus [13] Gregorius Nazianzenus [14]  
Epi-

[1] Clem. Alex. Strom. L. V. p. 604. Alios Patres profert Gaffend. de Vita Epicuri. L. III. c. 9.

[2] Confer. Launous de Varia fortuna Aristotelis c. I.  
¶ Gaffendus in Discuss. Peripat. & Patricius.

[3] Aristotelic. Dogm. everf. & in Dialog. cum Tryph.

[4] De Resurrectione [5] Advers. Hæref. L. II. c. 19.

[6] De Præscript. c. 7. & Advers. Hermog. c. 1.

[7] Admonit. ad Gentil. & L. V. Stromat.

[8] Contra Celsum L. I. & II.

[9] Contra Gentil. L. I. c. 6. L. II. c. 11.

[10] Præparat. Evangel. L. XV. c. 1. 3. seque' Histor.  
Ecclesiast. L. V. c. 27. [11] Dialog. II. contr. Nest. edon.

[12] Contra Eunom. L. I. [13] Oration. vi. & xi.  
contr. Eunom. & in Præfat. Catechet. orat.

[14] Oration. xxvi. & xxxiii. & Oration. ad Concil.  
Constantinopol.

Epiphanius [1] Ambrosius [2] Chrysostomus [3] Nemesius . [4] Seculo V. Simplicianus Mediolanensis [5] Socrates Constantinopolitanus [6] Aeneas Gazensis [7] Apollinaris Sidonius [8] Hieronymus [9] Augustinus [10] Vincentius Lirinensis [11] Theodoreetus [12] ceteri , quorum loca profert Launojns . [13] Nulli autem hisce saeculis exstitere , qui Aristotelis philosophiam publice interpretarentur : si excipias Anatolium , Zachariam Scholasticum , Didymum Alexandrinum , & nescio quem alium obscuri nominis , qui tamen plerumque Eclectici suere .

Placuit autem praeter ceteras Christianis doctoribus Platonica philosophia . Non quod hominis sistema probarent ; quippe qui uno ore faterentur , Platonem tot inter errores grandiusculos hoc habere , ut ad Polytheismum homines manuduceret : [14] sed quod aliqua dogmata in Platone , & recentioribus Platonicis occurrerent de Deo ,  
 & re-

- [1] Contra Hæref. L. II. Hæref. 59. & 76.
- [2] Officior. L. I. c. 13. & de Fide. L. I. c. 5.
- [3] Homil. III. in c. I. ad Romanos .
- [4] De Natura Hominis .
- [5] Apud Augustin. Cœsareff. L. VIII. c. 2.
- [6] Histor. Eccles. L. II. c. 28. [7] In Theophrasto .
- [8] L. IIII. epist. 3. & Carm. II.
- [9] Epist. LXXXIIII. ad Magnun, & Epist. LXII. adv. Joann. Jeros. & L. I. contra Pelag. & L.X. contra Helvid. & in Dialog. advers. Lucifer.
- [10] Contra Julian. L. II. c. 10. L. V. c. 14. L. VI. c. 20.  
*& s̄pē alias .* [11] In Comonitorio .
- [12] De Religiosa Histor. c. 27. Serm. v. de Natura Hominis . [13] De Varia fortuna Aristotelis c. 2.
- [14] Enseb. Cœsariensi Præparat. L. XIII. Laclant. Instit. Divin. L. III. c. 20. seqq. Vide. Baltum Jesuitam l. c. L. III. integro .

& rebus Divinis, quæ paucis mutatis ad Christi doctrinam accommodari poterant: & ex Hebræorum scriptis ad Græcos: ab his ad Pythagoram, Platonem, ceterosque pervenisse Patrum non nulli suspicabantur. [1] Communis enim hæc persnasio fuit Judæorum, qui erant Alexandriæ: a quibus per Philonem, & alios *neophytes* pervenit ad nosires.

Quamquam vero doctores Christiani ex singulis sectis dogmata quædani excerpterent, adtamen potissimum ex Platone, non illo antiquiore quidem, cuius in Academia veteri dogmata tradebantur; sed ex recentiori Platone, id est, Alexandrinorum interpretationibus mutato, præcipuas sententias sumebant, cum de Deo erant disputaturi. Quo sensu, non alio, Veteres episcopi judicantur *Platonicæ*. [2]

Invaluit id a sæculo II. in quo Athenagoras, & Clemens Alexandrinus in primis Ecclæsticam hanc disputand ratione in ab scholis Paganorum ad nostras traxerunt. Quod paulo post Origenes Adamantius, & ipse apud Paganos Alexandriæ institutus, majori vi ac animi contentionè fecit: atque ad Ammonii præceptoris systema Clementis Alexandrini philosophandi rationem revocavit: eamdemque invexit in Ecclesiam, & toto animo propagavit..

[1] Confer. *Justin.* L. *Contra Gent.* *Clem.* *Alexandr.* *Strom.* L. I. p. 315. 342. L. II. p. 419. sed præsertim L. V. *August.* *Civit.* *Dei* L. VIII. c. 9. 10. Confer. *Petavius* *Dogm.* *Theolog.* L. IIII. c. 10. II. seqq. & *Joannes Lamius de Christian.* restâ sententia de SS. Trinitate L. II. & III. per totum.

[2] *Disputant acriter eruditæ de Platonismo Veterum episcoporum.* Eos accusant *Huetius*, *Crispus*, alii: *Baltus* vero defendit. Utique ramen ex buc usque disputatis facile in concordiam adduci possunt.

vit. [1] Adeo ineunte saeculo III. hujusmodi Philosophia apud nostros obtinuit: quod existimarent, percommode esse hujusmodi hypothesibus uti, quo facilius Paganorum argumenta debilitarent.

Nou ergo aliquis requirat in veteribus doctoribus sectam aliquam, aut perfectum Philosophiae systema. Non *Logicam* absolutam, cuius tantum leges addisciebant, ut scirent disputare; [2] easque interdum, religionis defendendae zelo abjeciebant, & oratorio modo disputabant. [3] Non *Critice* artis summam peritiam, quæ nata nondum erat: & viris in defendenda Christi doctrina occupatis necessaria non videbatur: fortasse cognita non erat. [4] Non *Physicam* disciplinam, propterea quod ea cum sistente Metaphysico Gentilium arctissimo nexu colligabatur: ipsi autem omnia illorum systemata tamquam perniciosa rejiciebant; Epicuri praesertim, quod punctum in *Physica* tollebat: nec ad religionem defendendam utilem, saltu necessariam *Physicam* esse existimabant. [5] Non justum *Metaphysicæ* corpus, idque eodem nomine. Nam ea tantum ex *Metaphysica* suinebant, quæ ad disputandum de Deo, de Anima, utiliora videbantur.

Mo-

---

[1] *Gregor. Thaumaturgo Panegyrico Origeni.* & *Huetius in Origenian. Dissertation.*

[2] *Conf. Massuetus, Dissert. III. in Iterum p. 106.*

[3] „ *Außer hinc argumenta, ubi fides queritur: in ipso gymnasii suis jam Dialectica tacet.... Non creditur Phisophis, creditur pescatoribus: non creditur Dialecticis, creditur publicanis.* Ambros. de Fide L.I.c. 5.

[4] *Conf. Photium Cod. CLXX. p. 197.*

[5] *Conf. Eusebius Cœsar. Præpar. Evang. L. XV. c. 1. & 61.* Tamen aliqui physicis rationibus usi Religionis nostræ dogmata aliqua confirmarunt, ut Athenagoras disputans de Carnis resurrectione, Nemesius de Natura hominis.

*Moralem tantum philosophiam coluerunt : eamque non ordine disputarunt , si Ambrosium [1] & paucos alios excipias : sed sparsim tradiderunt , ut eorum scripta consulenti manifestum erit . [2] Et hoc modo Philosophia in ecclesia Christi obtinuit usque ad sæculum V.*

## CAPUT XI.

*De Philosophia Christianorum , & Arabum a VI.*

*Sæculo ad usque X.*

**E**adem philosophandi via Eclectica VI. sæculo in usu erat cum in Oriente , tum in Occidente . Florebat enim per idem tempus Plotiniana schola non apud Gentiles [3] modo , verum etiam Christianos . [4] Verum cum Justinianus imperator circiter medium VI. sæculi Gentilibus philosophis docendi munus abstulisset , [5] plerique ad Chosroem Persarum regem confugerunt . Et quamquam paullo post reversi , ita dissipatas nocti sunt Philosophorum familias , ut fere omnes se & interierint : nec nisi apud Christianos doctores Eclectica aliqua vigeret .

Sub idem tempus sensim sine sensu obtinuit Aristotelia dialektica . Caussa hæc fuit . Cum hæretici Ariani , Eunomiani , Eutychiani , alii IIII. & V. sæculo , Dialekticæ adju-

[1] *Libro de Officiis.*

[2] *Conferatur Dupinus de Scriptorib. Eccles. qui eorum opera percenset .*

[3] *Augustin. in Epilogo Dialog. Academic.*

[4] *Vel unus Augustinus in libris Contra Academicos , & de Civitate D. L. VIII. abunde probat , quantum ipse , aliquique ficerent Platonicos Recentiores .*

[5] *Procopius in Anecdотis , seu L. IX. de Vita Justiniani , & Theodoræ .*

adjumentis & præfidiis dogmata impeterent, & laqueis ac argutiis suis irretirent nos tristis; hi, quo facilius hostium impetus retunderent, toti se Dialeticæ dedere: quæ jam in Alexandrinorum scholis sobrie disputabatur, ut alio loco demonstravimus. Quod studium tam placuit non nullis, ut ipsi Christiani professores, qui Aristotelem ab scholis studiose excluderant, eundem mentata voluntate, prætermisso Platone, interpretari cœperint, in Oriente præferrim. Quod VII. & VIII. saeculo altiores egit radices.

Claruit autem præter ceteros in Oriente saeculo VI. Zacharias Scholasticus Ecclæticus: [1] & paullo post Joannes Philoponus, qui & Aristotelicam, [2] & Platonicam Alexandrino modo illustravit. Circiter medium VIII. saeculi B. Joannes Monachus, a Damasco patria Damascenus nominatus, in Aristotelem scripsit, [3] & in primis numeratur, qui Peripateticam dialepticam cum Theologia copularunt.

At saeculo VIII. exenante, & ineunte VIII. omnino apud Græcos litteræ extintæ videbantur: cum Arabum excursionibus, qui disputandi otium doctoribus nullum dabant, sed litteras delebant ubique: tum Imperatorum, & præsertim Leonis Isaurici tyrannide, & incredibili in litteratos odio: [4] qui medio VIII. saeculo disciplinas omnes abo-

[1] Exstant illius scripta Contra Manich. & Mundi Aeternit.

[2] Commentatus est in Analyt. prior. & post. libros Physicos, Meteora, de Anima, Gener. animal. & libros Metaphys. Aristotelis.

[3] Exstant illius Capita Philosophica, quæ Dialeticam exponunt. & Dissertationes V. Vide Damasceni editio nem P. le Quien. Paris. 1712. fol. V. II.

[4] Paullus Diaconus Hist. L. XXI. c. 19.

abolere conabatur. Et nisi medio IX. saeculo Michael III. imperator, & hujus avunculus Barda cæsar Philosophiæ, & Legum studium, quod prope erat extinctum, suscitarerant, atque scholas constituerent, [1] omnino Græca philosophia oblivione deleta fuisset.

Floruere itaque IX. saeculo exeunte, & initio X. pluri-mi non modo philosophiæ Alexandrinæ, & Mathematicæ, sed etiam humaniorum litterarum laude inlustres: ut Leo *Philosophus*, diversius a Leone imperatore, Photius, vir polyhistor, & *spirituoratus*, Michael Tselius, Michael Ephesus, Magentinus, alii, quorum tres ultimi Aristotelis dialecticam lucubrationibus suis inlustrarunt. [2] Sed redeo ad Occidentem.

Porro autem Occidentales philosophi, qui per id tempus in Oriente litteris operam dabant, ex Ecclæstica philosophia paullatim ad Aristotelicam sunt delapsi: & vel Platonis, vel Aristotelis sententias cum decretis Catholici pedetentim copularunt. Quod VI. saeculo ineunte præter ceteros fecit Severinus Boethius, vir litteratissimus, qui præter scripta quædam Ecclæstica, Aristotelis, & Porphyrii libros aliquot Latine redditos exposuit: [3] & Aurelius Cæsiodorus, qui librum de septem disciplinis edidit, ubi de Grammatica, Rhetorica, Logica, Arithmetica, Musica, Geometria, & Astronomia differit. Qui duo, ut alios omittamus, posterioribus saeculis magno in honore fuerunt.

At paullo post & VII. saeculo tanta fuit in Occidente litterarum ignoratio, tantaque barbaries in omnibus do-

[1] Zonaras in Anal. Tom. r. I. p. 129.

[2] Fabricius Biblioth. Græc. Vol. VI. *scripta*, quæ extant, numerat.

[3] Conferatur Holstenius in Vita Porphyr. c. i. p. m. 10.

minatā est , ut credi vix possit . Caussæ hujus rei memora-  
rantur multæ . Primo Barbarorum excursiones , qui &  
Philosophis otium adimebant , & impediebant ne Athenas ,  
& Alexandriam , duas illas doctrinarum altrices , accede-  
rent studiosi . Deinde Justiniani cæsarīs in Gentiles , qui  
Athenis docebant , odium : qui cum Cæsarīs dicto audien-  
tes ab Urbe exirent , una cum Ecclæstica sedâ pæne omnis  
interiit Philosophia . Tum Saracenorum tyrannis , & in-  
scitia , qui subacta Aegypto Philosophos Alexandria eje-  
cerunt & dissiparunt . Deinde sermonis Græci in Occi-  
dente ignoratio , quæ in caussa suit cur Græcos libros non  
legerent . Ad hæc Astrologorum impudentia , qui cum se  
Mathematicos , & Philosophos nominassent , & inlicitas  
artes excitassent , constitutionibus imperatoriis [1] & sa-  
cris [2] compressi sunt . Quod tantam in Philosophos con-  
flavit invidiam , ut ii etiam tacere cogerentur . Postremo  
librorum raritas . Quæ , ut alia non essent , satis ostendunt , quantum Pagana philosophia damni fecerit .

In tanta philosophiæ caligine non desuere tamen ,  
qui eam suo modo excoluerint , & ab oblivione quodam-  
modo fuscitarint . Laudantur hoc nomine *Benedictini Mo-*  
*nachi* , qui labentibus litteris in Occidente præsto fue-  
runt : & pro sæculi captu non mediocre adjumentum tu-  
lerunt : in Hibernia præsertim , & Anglia , quæ , deletis  
litteris in Gallia , Hispania , Italia , idque excursioni-  
bus Longobardorum , Saracenorum , aliorumque VII.  
& VIII.

[1] De Maleficiis & Mathematic. *Codic. Just. L. X.*  
1. 18. De Mathem. Urbe Roma , ac omnibus Civit. pellen-  
dis , & eorum Codicib. cremandis . *Codic. Theodos. L.VIII.*  
1. 16.

[2] Concil. Laodic. Can. 36. apud Photium Nomocan.  
T. IX. c. 25.

& VIII. s<sup>ec</sup>culo, asyla suere eruditionis. [1] Quod institutum aliæ nationes itidem retinuere. Qualis autem esset illorum temporum eruditio, est considerandum.

Principio in Grammatica, Rhetorica, Dialectica, operam ponebant. Eas autem ex libris Boethii [2] Cassiodori [3] Marciani Capellæ [4] ceterorumque, qui de iisdem artibus aliquid scriperant, hauriebant. Cumque Aristotelis dialectica propter auctoris nomen esset invisa plerisque, & libri quidam exstarent de *Dialectica* Beatusi Angustini nomine; hi, rejectis Aristotelicis libris, in Ecclesia lecti suere, [5] quod per plura s<sup>ec</sup>ula inveniebantur. [6] Hæc rudiores: politiores vero addebant Geometriam, Arithmeticam, Astronomiam: sed præsertim in Musica Ecclesiastica cura eorum omnis consumebatur. [7] Hæc ex Bedæ scriptis nobilis VIII. s<sup>ec</sup>ulo Benedictini, nec Græce, nec Latine indocti, constant: qui & illos, quos nominavimus, interpretatus est, & ex Aristotele, ac Cicerone non nihil etiam delibavit.

Physica vero disciplina tanto in contemptu erat, ut Beda ipse conqueratur, [8] se, quod librum de *Tonitruis* scripsisset, in suspicionem Magiæ incidisse. De Metaphysica, ceterisque Philosophiæ partibus vix aliquid scriptum

H 2

inve-

[1] *Hermanus Conringius* Antiq. Academ. Supplém. XXXI. *Beda Hist. Anglic.* L. IV. c. 1. 2.

[2] *Sarisberiensis*. Policerat. L. III. c. 9.

[3] *Paullus Diacon.* Hist. Rom. L. VIII.

[4] *Greg. Turonensis*. Hist. Franc. L. X. fine.

[5] *Launojus de Scholis Celebriorib.* c. LIX. art. 1.

[6] *Idem de Fortuna Aristotel.* c.v.

[7] *Launojus II.cc. Confer. Fabric.* Biblioth. Lat. Med. Tom. I. p. 644. seq. qui memorat auctores, qui per id tempus de cantu Ecclesiastico scripserunt.

[8] In *Præfat. Libri de Tonitruis*.

invenimus. Nisi quod Ethicam de libris Moralibus B. Gregorii Magni non nulli hauriebant. [1]

Itaque, qui sub idem tempus studiis litterarum vacabant, Grammaticam, Rheticam, Dialetticam addiscebant, quas *trivium* vocabant. Qui vero aliquid melius scire cupiebant, praeter trivium addiscebant Geometriam, Arithmeticam, & Musicam, quas vocabant *quadrivium*. Quibus tantum tribuebant, ut communis haec fuerit omnium persuasio, hisce disciplinis universæ Philosophiæ ambitum definiri. [2]

Harum autem disciplinarum studium omnino VIII. saeculo exeunte, & ineunte IX. propagatum est opera Caroli Magni imperatoris: qui non modo Liberales artes ab Alcuino Benedictino Anglo didicit; [2] verum etiam scholas publicas Parisiis, Lugduni, Fuldae, & aliis in locis aperuit, & dotavit: ut in iis liberales artes, & Sacrae litteræ publico bono paterent. De quibus ulterius

non

[1] Fidem facit Taio Episcopus Cæsaraugustanus, qui ex eo Morales sententias excerptis.

[2] „ Sed cum artium multa sunt genera, ingenio philosophantibus primæ omnium liberales occurruunt. Hæ quidem omnes aut trivii, aut quadrivii ratione clauduntur: & tanquam dicunt obtinuisse efficaciam apud majores, qui eis diligenter instruerant; ut omnem aperirent lectionem, ad omnia intellectum erigerent, & omnium quæstionum, quæ probari possunt, difficultatem sufficerent endare. Neque enim doctores egebant in aperiendis libris, aut quæstionibus dissolvendis hi, quibus aut ratio trivii omnium sermonum, aut quadrivii lex totius naturæ serucreta exponebat. Joannes Sarisberiensis Metalog. L. I. c. 12. p. 758.

[3] Eginbardus. in Vita Carol. Magn. c. 25.

non dicemus , quod hæc copiose exposuerit vir doctus . [1] Et optimi principis tam ardens fuit in litteras studium , ut Episcopos , & Abbaies vehementer cohortatus fuerit , ut scholas conderent & constituerent . [2] Quod Ludovici Pili & Caroli Galvi imperatorum auctoritate consecutum est : [3] quorum jussu plurimis in locis litteræ excitatae fuere : plurimaque gymnaſia aperta juventutis commoditati .

Hilce limitibus continebatur sœcularis IX. & X. sœculi eruditio . Non nulli autem excerptebant ex veteribus Christianis sententias aliquot morales , quo facilius alios erudirent : ut Rhabanus Maurus , Walafridus Strabo , Alvarus Cordubensis , Hincmarus Rhemensis , Herricus Antissiodorensis , cæterique [4] Monachi Benedictini , qui principatum in litteris sub idem tempus tenebant .

Acnit tamen non nullorum industrias IX. sœculo Joannes quidam Scotus cognomine Erigena : qui , quod Hebraice , Græce , Arabice , Latine sciret , in magnam venit opinionem doctrinæ : cuius nomine a Carolo Calvo imperatore ex Anglia in Galliam vocatus , publice docuit Parisiis . [5] Hic cum libros Græcorum aliquot legisset , studium Dialecticæ Alexandrinæ in Occidente instauravit , editis libris de *Natura omnium rerum* , [6] qui plurimas lites moverunt in Ecclesia .

[1] Joannes Launojus de Scholis Celebrioribus .

[2] Legantur Capitularia Caroli Magni .

[3] Capitularium c. v. Confer. Launojus l. c. cap. II. & sœpe alibi .

[4] Confer. Cavens de Hist. Eccles. VIII. & X. sœculi p. m. 435. & 438. Dupinus in Bibliothec. AA. ad sœc. prædicta , & Mabillonus Annal. T. I.

[5] Guilielmus Malmesburiensis de Gestis Reg. Angl. L. II. c. 4.

[6] Extant editi Oxonii 1681. fol.

Mirandum non est tantas tenebras hac ætate hominum mentes in sacerdotalibus litteris occupasse: nam tametsi Imperatores nonnulli opem tulerint disciplinis, tamen vix satis otii habebant eruditi in tanto armorum strepitu: vastantibus Normannis Galliam, Hunnis Pannoniam, & Germaniam, Danis, & Normannis Angliam: immo vero concitatis animis inter se imperatorum Ludovici, Caroli, Lotharii, qui fraternali oblii caritatis mutuis se armis petebant. Adeo inter bellorum tumultus musæ contineuerunt.

Causa hæc fuit præcipua cur X. sæculo tanta fuerit in Europa inscitia litterarum, quantam homo historia non eruditus vix suspicari potest: adeo ut plures, qui divino ministerio mancipati erant, Grammatica, & Rhetorica non essent eruditi: nec Latinam linguam facile intelligerent: [1] E gravioribus vero disciplinis Dialectica quædam contentiosa colebatur: [2] quæ quidem turbas bene

[1] Baronius Annal. Eccles. ad ann. 992. n. 25.

[2] „ *Effe adhuc suo tempore Dialectice ita studiosos,*  
 „ *ut clamenter in compitis, & in triviis doceant, & in ea,*  
 „ *quam solam profitentur, non decennium, aut vicennium,*  
 „ *sed totam consumperint ætatem . . . Fieri itaque illos*  
 „ *in puerilibus academicos senes, omnem dictorum, aut*  
 „ *scriptorum excutere syllabam, immo & litteram, dubi-*  
 „ *tantes ad omnia, querentes semper, sed nunquam ad*  
 „ *scientiam pervenientes: & tandem converti ad vanilo-*  
 „ *quium, ac nescientes quid loquantur, aut de quibus ad-*  
 „ *ferant, errores condere novos, & antiquorum aut ne-*  
 „ *scire, aut dignari sententias imitari . . . Tantam*  
 „ *esse opinionum, oppositionumque congeriem, ut vix suo*  
 „ *notia esse possint auctori. Joannes Sarisberiensis Metalog.*  
*L. II. c. 7. p. m. 797.*

ne multas inter Christianos commovit. Ettamen, qui his artibus erant iniciati ad miraculum erudit ab indoctis prædicabantur.

Monachi, qui litteris vacabant, sibi, non populo, philosophabantur: nec ultra trivium; & quadrivium aliquid addiscebant. Qui vero aliorum commodo scribebant, vel doctorem domesticum interpretabantur, vel aliquid tradebant de Liberalibus disciplinis: ut Bridferibus [1] Alfredus [2] Gerbertus, qui fuit Silvester Papa II. [3] alii. Unus invenitur Nanno Fiso, qui, raro exemplo, aliquid de Græcis delibavit. [4] Ceteri intra Liberalium disciplinarum fines continebant se.

Quidquid autem eruditionis per id tempus, immo & post exstitit in Occidente, acceptum referunt Historici viris principibus, pro sæculi more litteratissimis, qui & favore, & munificentia litteras instaurarunt. Hujusmodi fuere Otto II. & III. imperatores Romani, [5] & reges Angliae non nulli: [6] qui & doctos homines crexerunt, & autores fuere Episcopis, ut eosdem ad augendas lite-

H 4

ras,

[1] Explanavit Bedæ librum de Natura rerum, & temporibus: aliaque Mathem. edidit. Fabric. Biblioth. Latin. Med. Tom. I. p. 763.

[2] Scripsit de Naturis rerum: Vide Caveum Hist. Litter.

[3] Scripsit non nulla Mathem. in Mechanicis artibus excelluit. Confer. Oudinus de Script. Eccles. Tom. II. p. 513.

[4] Scripsit in Platonem de Legibus, & Republica: & in Aristotelem de Cœlo, & Mundo, & Ethicam. Fabric. l.c. Tom. V. p. 287.

[5] Conringius Antiqu. Academ. Suppl. XLII. Bruckerus de Phil. Christ. Occid. p. m. 637. [6] ibid.

ras, quæ tunc vigebant, in Gallia, & Anglia, & Germania positis præmiis invitarent. [1] Quod studium ac providentia non illa quidem disciplinas emendavit; at certe, ne omnino extinguerentur, effecit. Verum nec illi Liberales artes diligenter explicarunt, nec tales lucubrations ediderunt, quæ cum politioribus sæculis comparari possint. Et de Christianis hucusque.

Jam Arabes, seu Saraceni hanc laudem sibi vindicant, quod quo tempore depressa litteratura omnis, & præsertim Philosophia erat in Occidente, ipsi obstaculo suere ue funditus interirent hujusmodi disciplinæ, quas summa cum animi contentione excoluerunt.

Id eo mirabilius videri debet, primum quod gens illa præter rudem quamdam Poesin, cui plurimum tribuebat, & Astrologiam judicariam, [2] de reliquis disciplinis non erat sollicita. [3] Deinde quod Muhammedes, qui initio sæculi VII. legem suam, seu Coranum, ex doctrinis Nestorianorum, Judæorum, & Arabum, sibi repugnantibus, consuisset; lege manda verat, ut ne quis de religione disputaret, neve Philosophiæ daret operam. [4] Timebat enim sibi, suoque Corano nugator ine-

[1] Confer. Launojus loc. cit. Mabill. Sæcul. V. Benedict.

[2] Pocockius Specim. hist. Arabum, pag. 52. seqq. & pag. 163. Abulfarajus Dynast. IX. p. 101.

[3] Philosophiæ scientiam Deum Arabibus non concessisse, nec eos ad hæc studia idoneos fecisse, ait Abulfarajus Arabs loco cit. p. 102.

[4] Septam enim Hanafiticam, & legem Muhammedi-  
cam vetusse homines, ne in Philosophiam se immitten-  
tent, & ut caverent ab ea monuisse, ait Abu-Jaafar apud  
Bruckerum de Philos. Saracen. p. m. 15.

ineptus , & qui nullam litteram adtigisset : [1] in hoc solum oculatus , quod plane intelligeret , si ad trutinam Philosophicam deliria sua revocarentur , omnino rejectum iri . Iccirco cum religionis nomine , tum armorum vi & legem divulgavit , & populos in officio continuit : [2] trito deceptorum , & veræ religionis hostium exemplo .

Hæc autem lex tam alte eorum animis defixa erat , ut quo quisque inter eos magis esset religiosus , & studiosus Corani , eo majori odio litteras omnes , & Philosophiam prosequeretur . Chalifæ seu imperatores Saraceni , præsertim qui ex Omiadarum familia primis successerunt , Muhammedis sui vestigia religiose presserunt : in eo tantum occupati , ut imperii fines dilatarent , & armorum vi cogerent eos , qui doctrinam Muhammedanicam nollent amplecti . Quod ad usque medium VIII. sæculum Saraceni fecere ..

Omiadarum familiæ successit Abbasidarum , quos inter Al - Mansor princeps excellentis ingenii pertæsus veteris inscitiae , amplissimis propositis præmiis litteratos invitavit , ut Græcorum libros , qui de Philosophia , Astronomia , Mathematica , Medicina tractarent , Arabicè verterent ad usum Saracenorum . Quod cum Arabes indocti facere non possent , excitati Christiani aliqui eos in Arabicum , & Syriacum , qui in Bagdado regia erat in usu , sermonem verterunt . [3] Quæ caussa fuit cur Chalifæ , qui post suere , litteratos homines benivolentia prosequerentur . [4]

Sed

[1] Abulfarajus l. c. p. 110.

[2] Confer. Al-Coranus L. I. c. 1.

[3] Abulfar. Dyn. IX.

[4] Elmacinus Hist. Sarac. L. II. c. 3. seqq.

Sed omne tulit punctum Chalisa *Al-Mamon*, qui initio saeculi IX. beneficio litterarum regnavit. Nam cum Christianis medicis, quorum erat copia in Arabia, & Aegypto, [1] uteretur; ex horum consuetudine ad Philosophiae studium accensus est: & facta Philosophis potestate publice in Bagdado, & omnibus provinciis suae ditioni subjectis, docendi, peritissimos viros undique adscivit plerunque Christianos, scholas erexit, omnesque ad litterarium otium munificentia sua invitavit. Qua de causa a Saracenis litterarum pater merito suo nuncupatur. [2]

Et quo facilius litteris darent operam, ipse familiares in Syriam, Armeniam, Aegyptum dimisit, qui libros omnes Græcos, Syriacos, Persicos, Chaldæos, Aegyptios mercarentur, & Bagdadum adducerent. Horum meliores segregari jussit, eos præsertim, qui Geographiam, Historiam, Physicam, Medicinam, Astronomiam, Musicam continebant, & in Arabicum verti curavit. [3] Neque his codicibus contentus, imperatores Romanos vehementer rogavit, ut Philosophorum libros, qui apud Romanos essent, mitterent ad eum. [4] Quo facto ingentem librorum sapientiam sibi comparavit. Princeps vel hoc nomine inlustris, quod non solum litteras instauraret, sed etiam doctissimorum hominum sermonem, atque letatione librorum mirandum in modum delectaretur. Multo clarior futurus, nisi inepto consilio, post factas versiones

Ara-

[1] *Abulfarajus l. c. p. 153.*

[2] *idem ibid. pag. 160. Leo Africanus de Viris Inlustr. capit. 1. Vossius De Scientiis Mathem. p. 173. aliquie passim.*

[3] *Africanus loc. cit.*

[4] *Abulfarajus Dynast. IX. p. 160.*

Arabicas, exempla Græca flammis consumi jussisset, & exemplo suo Saracenos ad generale incendium incitasset. [1] Documento insigni quam gravi malo litterarum Græcarum hæc studia sint excitata Saracenorum.

Ab hoc tempore litteris honos apud Saracenos habitus est: quod vestigia *Al-Mamoris* ceteri Chalifæ presserunt. [2] Plurimæ scholæ, & collegia litterarum in toto regno Saraceno condita suere publico bono ab imperatoribus Saracenis: non modo cum ipsi cunctis provinciis imperabant, sed etiam cum eorum imperium divisum est in plures Chalisatus, & Aegyptum, Africam, Mauritaniam, [3] immo & alias Hispanias, & Sicilias, & Italias; & Gallias partes ab VIII. sœculo occuparunt: [4] quod XI. sœculo præsertim accidit.

Celebriores autem scholæ suere in Asia Bagdadum, Basora, Cufa, Bochara. In Aegypto Alexandria, Alcayrum. In Mauritania Marrocum, Fessum. In Hispania Granata, Corduba, Sevilia, & aliæ urbes, de quibus præter ceteros Leo Africanus. [5]

Ab his autem scholis tot viri clarissimi nati sunt, ut enumerari vix queant. Præcipuos autem, qui Philosophia excelluerunt, percenset Arabs quidam apud Hottingerum. [6] Et de scholis haec tenus: nunc ad Philosophiam ipsam.

Tot inter libros Philosophicos, qui Arabice conversi sunt, suere libri Galeni, Hippocratis, Aristotelis; &

re-

[1] *Leo African. loc. cit.*

[2] *Ex Elmacini, Abulfaraji, Leonis Africani, aliorumque Saracenica historia habentur hæc.*

[3] *Marianna Hist. Hispanic. L. VII. c. 5. seqq.*

[4] *Rodericus Toletanus Hist. Arab. C. XII.*

[5] *De Viris Inlustr. Arabum.*

[6] *Biblioth. Orient. C. II. pag. 219.*

recentiorum Alexandrinorum Porphyrii, Janiblici, The-  
mistii, Joannis Philoponi, Damasceni; [1] qui Aristotelem  
cum Platone, & Orientalibus conjunxerant: quamvis ex  
Theophrasto, & Alexandro Aphrodisio non nihil deli-  
bassent. Cumque Alexandrini sententias Aristotelis deprav-  
assent, uti demonstravimus; atque interpretationes  
germanæ textus Aristotelici commode fieri non pos-  
seunt ab recentioribus Græcis, & Arabibus, qui prisa  
Græcorum philosophia, ex quorum placitis plerumque  
disputat Aristoteles, ad plenum erudit non erant; ut ex  
disciplina VIII. & X. saeculi constat; exstitit & illud, ut  
ineptissimis interpretationibus libros contaminarint, quæ-  
dam detraxerint, alia adjecerint, mutarint, interpola-  
rint: adeo ut frustra Aristotelem in ipso Aristotele requi-  
ras; [2] quod Peripateticæ adulit pernicie. [3] Acce-  
dit quod pleræque interpretationes Arabicæ non ex Græ-  
co, sed ex Syriaco, qui Bagdadi erat vernaculus, & paulo  
post ex Hebraico sermone ductæ fuerunt. Quod transla-  
tiones magis magisque a mente Græcorum alienas red-  
diderit. [4]

Hicce adjumentis parati hoc primum sibi proposue-  
runt philosophi Saraceni, Corani tenacissimi custodes,  
quam legem a Deo datam Muhammedi suo suisce, Mu-  
hammedani omnes per summam insaniam profitebantur,  
[5] ut religionem suam, popularibus ineptiis scatentem,

Lo-

[1] Hottingerus ibidem.

[2] Huetius de Clatis Interpretib. L. II. p. 198.

[3] Confer. Hornius Hist. Philos. L. V. c. 10. Vives de Corrupt. Art. L. V. p. 170.

[4] Confer Bruckerum de Philosoph. Saracenica in Ho-  
naino, & Averroe, & pagin. m. 150.

[5] Pocockius Specim. Hist. Saracen. p. 220.

Logicæ, & Metaphysicæ præfidiis emendarent. [1] Cumque Coran ipse, innumeris commentis macularetur; ut ea in meliores sensus detorquerent, tot subtilia excogitarunt Philosophi otiosi, ut explicari vix possint.

Hinc facile judicari potest, quam parum ipsi profererint in Philosophia. Principio in Aristotele operam suam consumserunt: & præsertim excoluerunt Logicam, & Metaphysicam, quæ, quod notionibus generalibus continenterunt, aptior esse videbatur ad inlustrandam & defendendam domesticam & ineptissimam religionem: idque ope abstractionum, distinctionum, generalium verborum, quæ nihil omnino significabant: item entium quorumdam, quæ non nisi in eorum cerebro existabant. Quo tantum abest ut Aristotelem emendarint, ut errores omnes Aristotelis Metaphysico-Theologicos suos fecerint, & novis commentis ampliaverint.

Idem in reliquis disciplinis fecerunt, quas ad notiones revocarunt generales. Itaque eorum *Physica* nihil aliud erat nisi mera verba. De *historia Naturæ* tantum delibarunt, quantum ad Medicinam faciendam necessarium existimabant: quod certe fuit exiguum. In re *Herbaria* explicanda multi fuere. Verum tametsi Dioscoridem doctum hominem explicandum sibi sumerent, cum eum nec comode intellicherent, nec experimentis captis inlustrarent; tot errores admiserunt, tot nomina miscuerunt, tot ineptias conscriperunt, ut enumerari vix possint. [2]

In

[1] „ Cætus Doctorum Basoreæ subsistentium dixit:  
„ Religionem pollutam esse, & mixtam erroribus, nec  
„ ablui, aut mundari posse nisi Philosophie ope: afferentes  
„ ubi conjuncta fuerit philosophia Græcanica, & religio  
„ Arabica, cum demum consecuturam perfectionem. Abul-  
farajus Dyn. IX. p. 218.

[2] Freindius Hist. Medic. P. II. p. 14.

In Medicina nihil ultra Galenum , & Hippocratem excogitari posse constanter adfirmabant . Bene factum si hos duos recte intelligerent , & sequerentur . Verum cum eos obtorto collo ad physiologiam Peripateticam contorquere conarentur , fieri non potuit , quin ineptias multas fabulati fuerint : verbaque mera pro exquisitis ratiocinationibus , ac inventis obtruserint , quo ipso Medicinam contaminarunt : [1]

Tolerabiliores mihi videntur , qui Ethicam Aristotelis sunt interpretati . Illi vero qui Metaphysicam cum Ethica copularunt , & ex recentiorum Aristotelicorum , seu Alexandrinorum , ut Porphyrii . Themistii , aliorumque commentariis Aristotelem exposuerunt ; confusam & informem lucubrationem ediderunt : nec id solum , sed etiam in quibusdam vix a fanatismo liberantur .

In ipsis etiam disciplinis Mathematicis , in quibus eorum praedicatur industria , infeliciter versatos fuisse , ex interpretationibus Arabicis Euclidis , Theodosii , Ptolemaei manifestum fit . In quibus , ut monent viri docti , perspicuitas & ordo , qui in celeberrimis Mathematicis laudatur , omnino desideratur . [2] Nam Astrologiam , cuius reconditam eruditionem adsestabant , Philosophiae nomine quis dignetur ? Chemiam vero leviter adtigerunt .

Neget hæc oportet , qui numquam Arabum scripta volutavit . Legat , qui rem penitus cognoscere cupit , vel libros [3] summi inter Arabos Philosophi , ac Jurisperiti , Averroesii , qui saeculi XIII. initio extinctus est ; & plane intel-

[1] Confer . Freindius , l. c. p. 15.

. [2] Idem l. c. p. 11. 12. seqq.

[3] Scripsit Logicam , Physicam , Metaphysicam , Ethicam , Astronomiam , Rhetoricam , Musicam : que omnia recenset Nicolaus Antonius Biblioth. Hisp. Vet. Tom. II. p. 240. seqq.

intelliget, insano eum amore Aristotelis verba exosculatum esse: [1] immo ipsius errores de æternitate mundi, de mortalitate animæ, cetera, quæ Islamiticæ legi seu Corano adversantur, sua fecisse.

Nihil ergo in Philosophia debemus *Arabibus*: qui nihil præter Aristotelis sententias nobis reliquerunt: nisi quod Philosophum difficillimi intellectus, & qui non nisi a viris recondita eruditione perpolitis intelligi potest, suis commentis contaminarunt. Laudandi hoc solo nomine, quod in tanta litterarum obliuione, Philosophiæ, Mathematicæ, & Medicinæ omni animo dederunt operam. Dolendum tamen, tanta ingenia, ut illa erant *Avenpace*, *Al-Gazeli*, *Averroesi*, *Avenzoar*, *Effachallii*, *Avicennæ*, *Al-Razi*, alia, [2] in tam fuitiles & ineptas sententias incidisse. Qui si nostro ævo lucem vidissent, & alia methodo, ac doctrina, essent imbuti, sortasse non minus adjumentum Philosophiæ, & Mathematicæ adferrent, quam nostra, & parentum memoria præstiterunt *Galilæus*, *Borellus*, *Malebranchius*, *Gassendus*, *Cartesius*, *Newtonus*, *Leibnizius*, *Wolfius*, ceteri. Et hæc philosophandi ratio apud *Arabes* seu Saracenos non solum ad sæculum usque XI. sed etiam ad litterarum suarum extinctionem circiter medium XV. in honore fuit.

Cap.

[1] „ Aristotelis doctrina est summa veritas, quoniam „ ejus intellectus fuit finis humani intellectus: quare bene „ dicitur de illo, quod ipse fuit creatus dñi datus nobis a di „ vina providentia, ut non ignoremus, possilia sciri. Averroes *Destrutorii* L. I. diss. 3.

[2] *Auctores*, qui de singulis Philosophiæ partibus scripserunt, cum laude numerat Hottingerus Biblioth. Orient. p. 219. Confer. *Vives de Corrupt. Art. L. V. p. 167.*

## C A P U T   X I I .

*De Philosophia a seculo X. usque ad finem XV.  
vbi de Scholastica.*

**R**EDEO ad Christianos Occidentis philosophos. Hi eamdem philosophandi viam, quæ saeculo X. usurpatæ erat, XI. retinuerunt, ut *trivio*, & *quadrivio* sedulo imbuuerentur. Plerique eorum Musicæ, & Logicæ artis nomine prædicabantur, & id in præcipua laude ponebatur. [1]

Vergente vero saeculo XI. omnino Dialectica subtilitas in scholis regnabat, & cum Theologia novo consilio copulata est: quod turbarum exsilit caussa. Hic Scholasticæ philosophiæ nativitas ponis solet: quæ non dum plene polita, sed rudis adhuc se offert. Fidem mihi faciunt duumviri illi Berengarius, & Roscelinus: quorum alter Dialecticis argutiis Eucharistia mysterium tollere conabatur: [2] alter mysterium Trinitatis iisdem armis aggressus est. [3] Quibuscum strenue pugnatunt Lanfrancus, qui ob Dialecticæ peritiam magnum sibi nomen fecerat, & inflaurator litterarum nominabatur: [4] & B. Anselmus Can-

[1] *Consul. Tritbemium de Script. Eccles. illius ævi, qui passim illis banc laudem tribuit Musicæ, & Dialecticæ.*

[2] *Leo Ostiensis L. III. c. 33.*

[3] *Confer. B. Anselmus de Trinit. contr. Roscelin.*

[4] „ *Litteratura per insignis liberales artes, quæ jam dudum seduerunt, a Latio in Gallias vocans acumine suo expolivit . . . Scholas publicas ac Dialecticas professus est . . . adeo ut ubique scholares, inflatis buccis Dialedicam ructarent, aliosque magnifice de se sentientes initis*

Cantuariensis, & ipse Dialecticus, & Metaphysicus per-celebris, ut alios prætermittam.

Unus se offert Hermannus *Contrattus homo Germanus*, artium Matematicarum peritus, qui Aristotelis librios aliquot, & Arabum Latinos fecit, [1] & non nihil etiam de Physica delibavit. Sed hæc ceteris non probabantur, qui Aristotelem non legerant. Quod si aliquid Aristotelicum legere cupiebant, ad versiones *Dialecticæ Aristotelis*, & *Prædicabilium Porphyrii* confugiebant, quæ a Boethio, & Victorino factæ fuerant. Verum plerique omnes in sola dialectica Stoica, quæ Augustino tribuebatur, operam ponebant: quæ cum Sophistarum argutiis & laqueis Metaphysicas rationes adjungeret, inanibus quæstiunculis, quæ de nominibus potissimum erant, pabulum dedit luculentum, quibus tota Philosophia absolvebatur. Eorum scripta, quæ ad nos usque pervenerunt, quam vere id dicatur, aperte ostendunt: [2] præsertim disceptatio Roscelini, qui ex Prædicabilibus & Nominalium sectam, & errores suos deduxit.

Vehementius in idein studium incubuerunt XII. sœc., homines litterati, quorum qui doctiores esse adfestabant, operam dabant, ut in eadem Dialectica exercitatissimi prædicarentur: quod Petri Abælardi historia nos docet. [3] Id adeo invaluit, ut cum circiter medium sœculum aliqua exemplaria Aristotelicæ dialecticæ ex Arabico versa cir-

„tis disputationibus in ruborem darent. Gnielmus Malmesburiensis de Gestis Engl. Pont. L. I. apud Launojum, de Schol. Celebr. c. 42. p. m. 137.

[1] Trithemius Script. Eccl. c. 321. & Instr. Benedict. L. II. c. 84.

[2] Confer. Launojus l. c.

[3] Abælardus Histor. Calamit. suar. c. 3. Adde Sariferiens. Metalog. L. II. c. 7.

cumferrentur, invenirentur plurimi, qui, iis repudiatis, in solo Boethio quiescerent. [1]

Innotuit autem medio XII. saeculo Occidentalibus Christianis Aristotelis *philosophia*, opera quorundam ex nostris, qui apud Saracenos eamdem didicerant. Nam cum hi ad suos reverterentur, Peripateticæ gustum aliquem in Italia, Gallia, Hispania, & aliis in locis moverunt: item non nullos libros Physicos, & Mathematicos ex Arabico in Latinum converterunt. Hujusmodi fuere Robertus Retinensis [2] & Adelardus, [3] uterque Anglus, aliquie. [4] Cumque fine XII. saeculi Parisis appareret metaphysica Aristotelis Graeco sermone, haec Latine redita in scholis tradi coepit. [5] Nomine autem Metaphysicæ naturalium rerum libros ex Arabico translatos comprehendi, non injuria conjectant viri doctissimi. [6]

Ab

---

[1] „ Satis ergo mirari non possum, quid mentis habent, qui haec Aristotelis opera carpunt. Quidam librum hunc fere inutilem esse calumniantur. Alii detrahunt Categorias. Sarisberiensis in Metalogico L.IV.c.24. & paullo post eos incusat, qui, relido Aristotele, in solo Boethio tempus & rem confundimur, ut fere nihil sciant.

[2] Balens Centur. II. Ser. 80.

[3] Ibid. c. 11. 69. Confer. Oudinus de Script. Eccles. Tom. II. p. 1016.

[4] Confer. Joannes Seldenus in Orig. Alexandr.

[5] „ In diebus illis [cloccix.] legebantur Parisis libelli quidam de Aristotele, ut dicebantur, composti, qui docebant Metaphysicam, delati de novo a Constantiopolis, & de Graeco in Latinum translati. Rigordus apud Launojum de Fortuna Aristotelis c. 1. p. 127.

[6] Launojus l.c. Natalis Alex. Hist. Eccl. Tom. VIII. c. 3. art. 2.

Ab scholis Parisiensibus ad ceteras Aristotelis *dialetica*, & *metaphysica* transitum fecit. Excitavit eas in Germania Otto Episcopus Frisingensis, Conradi III. imperatoris frater uterinus, vir ut iis temporibus litteratissimus, qui Parisii iisdem litteris operam dedisset. [1] Quod etiam in Anglia, & aliis regionibus doctores alii fecerunt.

Id ipsum saeculo XIII. confestum est non modo in Germania, verum etiam in Italia, Friderici II. imperatoris beneficio, qui scholas publicas utrobique vel erexit, vel instauravit. Ac princeps doctissimus, & doctorum hominum sautor munificus, curavit, ut Aristotelis ex Arabico tantum; Galeni vero, aliorumque Medicorum, ac Astronomorum scripta ex Arabico, & Graeco in Latinum versaque publico bono paterent. [2] Et ipsi Itali philosophi Arabicam linguam didicerunt, ut Graecum philosophum, hujusque interpres intelligerent: nam Graecum contextum rari viderant. [3] Etiam in Anglia eadem Aristotelis scripta Latine reddita, explicata fuere, & contra eos, qui repugnabant, defensa. [4]

Tot autem tamque acerbæ lites ex *dialetica*, & *metaphysica* Aristotelicæ introductio fuscitatæ sunt, omnino ut pacem non Philosophorum modo, sed etiam Theologorum turbaverint. Quæ cum ab iis narrari soleant, qui historiam Ecclesiasticam hujus ævi conscribunt,

[1] „Philosophorum in Aristotelicorum librorum „subtilitatem in topicis, analyticis, atque elenchis, fere „primus nostris finibus apporavit: ait Radevicus ejus amanuensis, in Continuat. Hist. Frider. L. IV. c. 2.

[2] Petrus de Vineis L. III. Epist. 69. apud Bruckerum de Philos. Sæc. XII. p. m. 699.

[3] Josephus Scaliger. Epist. 362.

[4] Legatur Joannes Sarisberiensis *Anglus scriptor XII.* saeculi, qui in Metalogico Dialetticam Aristotelis extollit.

bunt, [1] lectorem, qui plura cupit, ad eos remittimus. Unum breviter memorabimus, ex Dialetica, & Metaphysica nimia subtilitate plerosque errores, qui per id tempus Ecclesiam agitarunt, ortos esse: ut illi fuerunt Abaelardi [2] Arnaldi Brixiensis [3] Gilberti Torretani [4] Almarici [5] Davidis de Dinanto [6] aliorumque: qui omnes vel ad Nominalium, vel ad Realium sectas, ut illis temporibus se habebant, revocantur.

Tantis ergo malis, quæ sæculo XIII. late serpebant, ut occurreret concilium Parisiense seu Senonense, anno cœvissimi habitum, non modo hujusmodi errores condemnavit, sed etiam Aristotelis libros comburi jussit: & decrevit, ut ne quis illius Physicam, & Metaphysicam legeret explicaretve. [7] Quod decretum paullo post synodus

[1] Confer. Natal. Alex. ad Secul. XII. c. 3, art. 8.9.

[2] Ibid. & diss. VII. art. 5.

[3] B. Bernardus Epist. 105.

[4] Otto Frising. L. I. de Gestis Frider. Imp. c. 50. & seqq. [5] Gersonius de Conc. Metaph. cum Log. P. IIII,

[6] Launojus de Fortuna Arist. in Academ. Parisiensi. C. I.

[7] „ In diebus illis legebantur Parisis libelli quidam „ ab Aristotele, ut dicebantur, compositi, qui docebant „ Metaphysicam, delati de novo a Constantinopoli, & de „ Græco in Latinum translati. Qui quoniam non solum „ heresi Almariei, sententiis subtilibus occasionem præbe- „ bant, immo & aliis nondum inventis præbere poterant; „ jussi sunt omnes comburi: & sub pena excommunicationis „ cautum est, ne quis de cetero eos scribere, vel legere „ præsumeret, vel quocumque modo habere. Rigordus in „ Tibæ XI. Scriptoribus, p. 208. Confer. Natalis Alex. l. f. „ qui putat etiam Physicam comprehendendi.

dus Parisiensis III. præside Cardinali Corceone Pontificis legato confirmavit. [1]

At tantus Aristotelis amor Parisienses occuparat, totque homines nulla habita Pontificiæ prohibitionis ratione, in eo tempus consumebant; ut tandem Gregorius VIII.P.M. anno 1300XXXI. horum rogationibus commotus, Physicam, & Metaphysicam legi, concesserit, modo expurgarentur. [2] At anno hujus saeculi LXV. iterum utriusque lectione per legatum Clemens III.P.M. interdixit. [3] Verum haec leges grassanti malo non occurserunt. Nam per id tempus plerique omnes Parisienses Aristoteli operam dederunt: in vetitum semper, ut est humana condicio, voluntate nitente.

Cum autem Pontificis interdictum non nisi Parisiensem, & Gallorum caussa latum esset, in quorum scholis tumultus excitabantur; [4] vel cito Parisiis oblouisset; tantisque radices egisset Aristotelis philosophia aliis

[1] „ Libri Dialetici Aristotelis legantur: libri autem Aristotelis Metaphysici, & de Naturali philosophia, „ Summaque ex iis confectæ, doctrinaque Dinantii, & „ Almarici Hæreticorum, & Mauricii Hispani, u nemine „ discatur, legaturque . . . Apud Launojum l. c. c. IIII.

[2] „ Magistri artium libris illis Naturalibus, qui in „ Concilio Provinciali ex certa scientia prohibiti fuere Par- „ risiis, non utantur, quoisque examinati fuerint, & „ ab omni errorum suspicione purgati. Bulla Gregor. VIII. apud Launojum. l. c.

[3] „ Quod legant libros Aristotelis de Dialetica tam „ veteri, quam de nova in scholis. Non legantur libri „ Aristotelis de Metaphysica, & Naturali philosophia, „ nec Summa de iisdem: Apud Launojum l. c. c. 6.

[4] Heumannus in Actis Philosophicis Volum. I.  
p. 703.

in locis, ut ab ea doctores se continere non possent; in eis explicanda operam plurimi viri docti posuerunt. In Germania *Albertus Magnus* Dominicanus, theologus Parisiensis; non modo Dialecticos, & Metaphysicos, sed etiam Physicos, & Ethicos Aristotelis libros scriptis illustravit. [1] Hic Parisiis, & Coloniæ, & alibi tanta cum approbatione docuit, ut ad eum discipuli certatim convenirent, ut Peripateticorum mysteriis initarentur. Vir, ut erat saeculum, litteratissimus, & in rebus Mechanicis valde exercitatus.

Paullo post *B. Thomas Aquinas*, Alberti discipulus, & ipse theologus Parisiensis, de licentia Pontificis, uti credere par est, Romæ Aristotelem interpretatus est: [2] & in celebrioribus Italiæ Academiis eamdem docuit Philosophiam magno cum plausu. Qui tametsi ætatis illius moribus serviret, sapientius ceteris philosophatus est. Vir ille quidem acerrimi ingenii, & vastissimæ lectionis; dignus profecto, qui in meliora tempora incideret. [3]

Ab

[1] Exstant illius opera Tomis XXI. comprehensa. Lugduni 1621. Confer. de Alberto Trithemius de Script. Eccles.

[2] ; Tunc frater Thomas rediit de Parisiis ex certis  
,, de caussis, & ad petitionem Urbani multa fecit, &  
,, scripsit . . . . Isto autem tempore frater Thomas tenens  
,, studium Romæ, quasi totam Philosophiam Aristotelis sive  
,, Naturalem, sive Moralem composuit, & in scriptum  
,, sive compendium redegit: sed præcipue Ethicam, &  
,, Metaphysicam quodam singulari & novo modo tradendi.  
Ptolemæus Lucensis familiaris & discipulus Thomæ Hist.  
Eccles. apud Oudinum Tom. II. Script. Eccles. p. 259. seqq.

[3] Exstant illius opera XVIII. Tomis in folio plures  
edita: denuo Parisiis 1640. Quorum priores VI. Aristote-  
lis interpretationem continent.

Ab hoc tempore philosophia Saraceno-Peripatetica scholas pñne omnes Italiæ, Germaniæ, Angliæ occupavit: partim auctoritate Friderici II. imperatoris, qui eidem aperte favebat: partim Alberti, & Thomæ, qui cum pietatis, & eruditioñis nomine florerent, effeccrunt, ut Peripatetica, quam ipsi hoc nomine interpretabantur, ut malis, quæ ab eadem nascabantur, occurrerent; tamquam tantis viris probata Philosophia a sodalibus suis longe lateque diffunderetur. Quorum exemplo moti Parisienses, nulli amplius dubitarunt Peripateticæ operam dare. [1] Quos iater non defuere, qui eidem Philosophiæ magno animo repugnarunt. [2]

Ergo *Scholastica* philosophia, quæ vergente XI. saeculo nata, XII. confirmata erat, tandem XIII. exequente maturitatem adepta est. Nam doctores studiøse curarunt, ut non solum *Logica*, & *Metaphysica*, quæ jam ante in scholis explicabantur; sed etiam *Physica* disciplina secundum interpretationem Arabum, præsertim Averroësi, adolescentibus traderetur. Quinque Arabes *Physicam* particularem vix adtigissent, contenti generali, quæ ingenii Metaphysica subtilitate exercitatis arriserat; hinc eadem ratione disposita, & explicata Naturalis philosophia, nihil aliud quam *Logica*, & *Metaphysica* sub nomine *Peripateticæ* in scholis tradi cœpit: quod ipsi nomen peperit *Scholastice*.

At cum Parisios, Coloniam, Bononiam, Patavium, aliasque scholas celeberrimas, cupidi litterarum undique confluenter; tam late *Aristotelice* studium propagatum est, ut totus orbis miraretur se factum esse Aristotelicum. His accedebat, Religiosos viros pñne solos Philosophiæ, & Theologiæ operam dare: nam Laici aut omnino litte-

[1] Launojus de Fort. Arist. p. 106.

[2] De his in Theologiæ historia copiosius disputabimus.

ras non curabant, aut Jurisprudentiae studio, quod saeculo XII. natum erat, vacabant tantum. Quare cum fere nulli repugnarent, facili negotio tale studium propagatum est.

Hæc fuit saeculi XIII. exeuntis disciplina: in quo Aristotelica philosophia methodo Saracena exposita orbi Litterario innotuit. Ex quo plurimæ contentiones, quæ postea Philosophos exercuerunt, prosectorum sunt: ut ex illius ævi lucubrationibus, quæ ad nos usque pervenerunt, perspicuum est.

Eamdem viam institit saeculo XIV. Joannes Duns nominatus Scotus, [\*] theologus Parisiensis, homo acuti ingenii, & ad Metaphysicam excolendam factus. Qui cum Aristotelis libros Logicos, Physicos, Metaphysicos interpretaretur, tot tamque subtilem disputationes excogitavit, ut acuminis laudem vel ipsis Arabibus eripuerit: ac sectam de suo nomine condiderit.

Hisce auctoribus tota disputantium familia in contrarias partes agi coepit, & quicunque suum doctorem magna contentionem sequebatur, ceteros repudiabat, & sectam aliquam de suo nomine existare desiderabat. Et quoniam in hunc locum incidimus, pauca de sedis dicenda sunt, si prius de sectarum fontibus, id est de Realibus, & Nominalibus, aliqua exposuerimus.

Ediderat Porphyrius introductionem in Aristotelis Logicam, seu librum de Prædicabilibus, non ut se immisceret disputationi de Universalibus, inter Platonicos, Ari-

---

[\*] De patria Joannis Duns mira dissentio: alii Scotum, alii Hibernum faciunt. Probabilius videtur, siue Angulum Dunstonæ in Northumbria natum. Confer. Wartbourns Append. ad Caveum Hist. Litter. p. 2.

Aristotelicos, Stoicos celeberrimæ; [i] sed ut juvenes ad logicam Aristotelis præpararet. Hæc ex versione Boethii, & Victorini exstabant. At recentiores, rerum exquisitorum ac subtilium cupidissimi, de *Universalibus* cœperunt contendere. Cumque veteres Græcos non legerent, miras ineptias fabulati sunt: & constanter dixerat, *Universale* nec *ante rem*, ut dicebat Plato; nec *post rem*, ut Stoici; sed *in re esse*, & formas illas universales in materiam esse inmersas, cum Aristotele contendebant. Quod a sæculo VIII. usque ad XI. obtinuit.

Fine hujus sæculi Roscelinus Stoicorum dogma iterum fuscitavit contendens, *Universale* nullam habere existentiam, sed esse nudum nomen, quo res quælibet denotaretur. Quod placitum per Abælardum discipulum propagavit. Qui Abælardus non tantum in nudis vocibus, sed etiam in enuntiationibus, quæ prædicari possunt, *Universale* posuit. Qui autem pro Aristotelis doctrina stabant, & defendebant, non solas voces, & conceptus esse *Universalia*, sed *Universalem* naturam re ipsa existere, vocabantur *Reales*: quorum inlustrius fuit nomen, & major duratio.

His accessere inennte sæculo XIII. veterani duo, qui strenue pro subtilitatibus pugnarunt. Horum alter Guilelmus Occamus Anglus, ut erat acuti ingenii; rerumque novarum, & contentionum præter modum studiosus, *Nominalium* sectam pæne sepultam exitavit, idque

[i] „ De Generibus, & Speciebus constantne in re-  
rum natura, an in solis nudis animi notionibus posita  
sint; & si constant in rerum natura, num corpora sint,  
an incorporalia; & utrum separata sint, an in rebus  
sensibilius constant, & circa has; recusabo dicere,  
quia obscurissima est hujusmodi tractatio. Porphyrius  
Introduct. §.2. p. 2.

idqne tanta felicitate, ut ab eo tempore ad illius cæstra plerique transferint: ex quibus *Occamistarum* secta extitit. [1] Cui *Reales* incredibili ardore repngnarnnt.

Alter *Guilelmus Durandus* a *S. Porciano* philosophicæ Scholasticæ amplificandæ totus vacavit. Primum hic sequebatur *Thomam Aquinatem*, scriptorumque ejus defensor erat: postea vero reprehensor factus est. [2] *Gaussa quæ* fuerit, ignoratur: id certo scimus, *Durandum* in primis suisse, qni novas sententias fundere, & libere philosophari conati sunt.

Ab hoc tempore nullus subtilitatum, contentionumque fuit modis. Non nulli se interposuere, ut omnes in concordiam adducerent; sed nihil egerunt: immo vero cum ipsi suas sententias clare non exponerent, aliæ, ut sere fit, natæ sunt seftæ. Ex *Nominalibus* orti sunt *Conceptuales*. *Reales* pepererunt *Albertistas*, *Thomistas*, *Scotistas*. Sed hæ familiæ, quod modo explicandi potius, quam re, dissentirent, iterum hoc *XIIII.* sæculo ad tres seftæ revocatæ sunt, *Thomistas*, *Scotistas*, *Occamistas*. Illi ex *B.* *Thomæ* sententia in *Logicis* præsertim disputatione: hi ex *Scoti* decretis: tametsi alii alio modo. Quæ cum fatis nota sint, ea longa oratione prosequi proposito consentaneum non est.

*Occamistæ* vero, qui *Nominalium* sententiam jam languentein suscitarunt, putabant, *Universalium* naturam in vocibus tantum consistere. Nec solum id magna animi contentione defenderunt, verum etiam Rationalem

[1] *De vita Occami* vide *Wading.* *Annal. Minor.* ad ann. 1322. *De scriptis Politicis*, & *Litterar. Trithem.* *Annal. Hirsaug.* Tom. II. p. 158.

[2] *B. Antonin.* *Suum. Hist.* t. 23. c. 11. §. 2. *Confer.* *Iaunojus* peculiari de hoc argumento differt. *inter illius opuscula*.

lem philosophiam omnem generalibus vocibus, ac ideis repleverunt. [1] Eorum quidam dixerunt, Universale non in nudis vocibus, sed in perceptionibus, seu conceptibus mentis consistere: qui hac de causa *Conceptuales* sunt appellati.

Hæc erant: personabant undique scbolæ XIII. & sequenti sæculo *Realium*, & *Nominalium* contentionibus: nec nisi Metaphysicæ argutiæ in scholis audiebantur. Anglia [2] & Germania omnis facta erat contentiosa. Sed præsertim in Galliis, & academia Parisiensi hujusmodi altercationes identidem instaurabantur. Res eo processit, ut ad magistratum controversia Philosophica deferretur: & Ludovicus XI. rex Galliæ a non nullis incitatus, anno 1345 edicto *Nominalibus* Gallia interdixerit: *Nominalium* libri Fisco addicti fuerint: Academicci *Nominalium* doctrinam ejurare coacti: ceteri exterminati. [3] Cominodum, si Ludovici interdictum dissensiones terminaret: sed vulnus refricando animos ad gravissimas & cruentas disceptationes iterum in Gallia revocavit. [4]

Jam *Nominales* ex Gallia fugientes, Angliam, & Germaniam novis contentionibus & dimicationibus compleverunt. Non jam fallacijs, sed convicijs; non syllogismis,

[1] Conferatur Summa Logicæ Occami edita Oxonii 8. anno 1675. [2] Antonius Wood. Antiquit. Oxoniens. ad ann. 1345.

[3] Editum refert Naudæus in Addict. ad Histor. Ludovici XI. p. 205. Articuli vero, quos *Nominales* Parisienses obtulere Ludovico regi contra Reales, adfert Baluzius Miscellan. L. IIII. p. 531.

[4] Francisc. Patricius Discuss. Perip. Tom. I. c. 13. p. 170. Caussinus Jesuita de Eloq. Divin. & Hum. L. IIII. c. 34. p. 220.

mis, sed pugnis; non acie ingenii, sed gladii disputando contendebant: interdum etiam usque ad internacionem. [1] Quæ argumentandi ratio erat illa quidem & vehemens, & efficax: sed investigandæ veritati, & disciplinis excolendis parum idonea.

Ipsi Pontifices Maximi, qui hæc anim advertebant, non nihil de severitate legum remiserunt: atque anno CCCCCCLXVI. Cardinales duo, potestate sibi ab Urbano V. Pont. Max. facta, ut Parisiensem academiam ad meliorem disciplinam revocarent, usum librorum etiam *Physicorum*, & *Metaphysicorum* Aristotelis singulis permiserunt: quibus centum post annis Cardinalis alter Pontificis legatus Ethicam adjunxit. De quibus erudite de more disputat Launojus. [2] Itaque philosophia Saraceno-Peripaterica, quæ in Anglia, & Germania, & Italia sedem posuerat, tandem Parisiis caput efferre cœpit, & de ceteris trium phavit.

Supereft ut de *Scholastica* pauca more nostro dicamus. Atque ex iis, quæ diximus, fit manifestum, *Scholasticam* philosophiam non uno eodemque tempore & natam, & confirmatam, ut ceteræ philosophorum sectæ, fuisse, sed per varios gradus ad suum fastigium per-

[1] „ Clamores primum ad ravim: binc improbitas, „ fanno, minæ, convicia, dum luctatur, & uterque alterum tentat prosternere. Coniunctis verbis venitur ad pugnos, ad veram luctam ex simulata. Quin etiam, quæ contingunt in palestra, illic non desunt: colaphi, alapæ, consputio, ealus, morsus: etiam quæ jam supra leges palestræ, fusiles, ferrum, saucii multi, nonnunquam occisi. Ludov. Vives. de Cauff. Corrupt. Art. L. I.

[2] De Fortuna Aristotelis in Scholis Parisiens. c. VIII. & x. quem legere est operæ pretium.

pervenisse. Tres hujus ætates Philosophi constituantur, quarum in singulis insignem mutationem fecit.

Nata ea fuit fine XI. saeculi: verum plurimum aucta est XII. sub Abælardo, & Lombardo usque ad Albertum, & Thomam medio XIII. Hanc Scholasticæ adolescentiam dixeris: quo tempore non nisi de Dialectica, & Metaphysica sermo erat. Hac ætate in primis Peripateticæ laude nominantur saeculo XI. Fulbertus Carnotensis, Lanfrancus, Anselmus Laudunensis, Hildebertus Cenomacensis, Hermannus Contractus, B. Anselmus Cantuariensis. Saeculo vero XII. Guilelmus de Campellis, Petrus Abælardus, Gilbertus Torretanus, Petrus Lombardus, Robertus Pullus, Guilelmus de Conchis, Joannes Parvus seu Sarisberiensis, Otto Fribingensis. Saeculo demum XIII. Alexander Halefius, Vincentius Bellovacensis, alii.

Hinc altera ætas perducitur ad Durandum usque, qui circiter medium XIIIII. floruit: nam ea ætate Arabicæ physice, & metaphysice præsidii confirmata est, quam merito voces virilem etatem. Ex iis, qui hac ætate flouerunt, prædicantur Albertus Magnus, B. Thomas Aquinas, B. Bonaventura Cardinalis, Rogerus Baconius, Joannes XXI. Aegidius Columna, Joannes Duns Scotus.

Tertia ætas a Guilelmo Durando a S. Portiano, seit a medio XIIIII. saeculo usque ad finem XV. decurrit: quo tempore obiit Gabriel Biel scholasticus Tubingensis. Hac ætate divisio scholarum evenit, & deterioris ætatis sensit incommoda: quæ ea de causa Scholasticæ philosophiæ senectus nuncupatur. [1] Innumeri hac ætate Scholastici existitere, quorum celebriores sunt, prædictus Guilelmus Durandus, Guilelmus Occam, Richardus Suissetus, Gualterus Burlæus, Petrus de Aliaco, Hermannus Wesselus,

Ga-

---

[1] Confer. Dupinus Biblioth. Script. Ecclesiast. ad saeculum XII. & seqq.

*Gabriel Biel*, ceteri. Hucusque de æstatibus, nunc de natura ipsa.

1. Scholasticorum *Logica*, quæ erat mera ars Syllogistica, in syllogismorum argutiis, hoc est, in rebus levissimis ac fere iuanibus concludendis tota erat: in eaque adsidue exercebantur, quo de rebus omnibus subtilius & efficacius disputarent. Iccirco toti fuere in eo, ut subtiles quæstiones excogitarent: de ceteris *Logicæ* partibus pàrum aut nihil adtigerunt. [1]

2. Similis huic erat *Physica*: quam non ex adsiduo usu seu experientia, & principiis firmis ac perspicuis ducebant; sed ex Aristotelis sententiis secundum Averroesii interpretationem. Cumque Averroesii *physica* generalibus vocibus; & obscuris contineretur, de principiis, causis, ceteris; hunc secuti Scholastici, plures notiones abstractas admiserunt, quibus phænomena explicarunt. Quare eorum *Physica* vix aut ne vix quidem differebat a *Metaphysica*. Et quamvis Albertus Magnus, & Rogerus Baconius [2] & Arnoldus de Villanova [3] sèculo XIII. & pauci alii, quod linguas Orientales nossent, & Experimentalem physicam delibassent, aliquid efficere viderentur; tamen & ipsi aliquibus de caussis impediti sunt: hoc nomine præsertim, quod propter Chemicæ peritiam in Magiæ suspicionem inciderant. [4]

3. *Metaphysica* eorum ab Aristotelica penitus differebat. Nam Aristoteles in *Metaphysica* proposuit sibi, Veterum physicorum systemata evertere, vel enendare, idque Mathematicorum axiomatum adjumento. Quæ ingentem

ve-

[1] Confer quæ disputabimus L. II.

[2] Confer. Wadingus Annal. Minor. ad ann. 1266.

[3] Oudinus de Scriptor. Eccl. Tom. III. p. 616.

[4] Confer. Naudæus Apolog. Magiæ accusator. p. 128.

veteris historiæ lectionem , & meditationem requirunt . At Scholastici hujus eruditionis expertes , cum vetustatis non haberent rationem , omnia ad notiones generales revo- carunt : ea Aristoteli tribuentes , de quibus fortasse non cogitavit .

4. Jam *Ethica* in eo versabatur , ut Aristotelis libros de *Virtutibus* , & *Vitiis* explicaret . Proinde res omnes ad subiles disputationes reduxerunt . Hæc ex quoruindam Scholasticorum libris perspicue demonstrantur . Quos qui non legit , vix ea , quæ hucusque disputavimus , intelliget . Duos semper excipio , B. Bonaventuram , & præsertim B. Thomam Aquinatem , magnum hominem in disputando : qui & virtus saceruli sui penitus cognovit ; & quantum fieri potuit , necum invidia disputaret , sapientissime declina- vit . Quibus alios addere possum doctissimos & gravissimos Scholasticos , qui postremis sacerulis non rectum usum , qui utilitatem non pœnitendam adfert disciplinis , sed ubusum Aristotelicæ philosophiæ plurimis verbis condemnarunt . Sed de his alio loco pluribus .

### C A P U T XIII.

*De Philosophia XVI. Sæculi , ubi de germanis  
Aristotelicis .*

Porro autem incredibile subtilitatum studium , quod per idem tempus dominabatur , hoc damni adulit re- publicæ Litterariæ , ut litteræ omnes Græcæ , ac Latinæ penitus extinguerentur : propterea quod ad illam disputandi rationem accommodari non poterant . At sub initium sæculi XV. iterum disciplinæ Græcæ in Italia exultæ sunt opera *Manuelis Chrysoloræ* Bizantini , qui fine XIIIII. sæculi in Italiam veniens , Græcas litteras Italæ gentibus instillavit . [1] Paul-

[1] Wartbon. ad Cave p. 53.

Paullo post capta Constantinopoli a Mahometo II: imperatore Turcarum, quod anno CCCCCCLIII. evenit, litterati homines, qui in ea erant, penitus dissipati fuere, & in Italiam concesserunt. Cumque Florentiae Medicea familia [1] & Romae Nicolaus V. P. M. [2] non modo illis darent receptum, sed etiam praemiiis invitarent, ut libros Græcos, quos magna impensa undique comparabant, Latine transserrent; præfertim Aristotelem, & Platонem; litteratura omnis, & Græca philosophia iterum in Occidente in honore habita est.

Magna ergo ab eo tempore turba doctorum hominum exstitit in Italia: qui & veteres Philosophos Latine reddiderunt, & Græcam philosophiam explicarunt. Et quidem Platonicam fine XV. saeculi excoluere præter ceteros Georgius Gemistus, Bessario cardinalis, Marsilius Ficinus, Joannes Picus Mirandulæ & Concordiæ princeps, ut ceteros præteream. [3] Aristotelicam ex ipsis Græcis fontibus duxerunt Theodorus Gaza, Georgius Trapezuntius, Georgius Scholarius, ceteri, quorum exstant in bibliothecis scripta. [4]

Sæ-

[1] Varchius Hist. Flor. Angelus Polit. Epist. L. IV. p. 133.

[2] Egidius Cardinal. Viterbiensis apud Natal. Alex. Hist. E. Sæc. XV. p. m. 13. Confer. Bessario Cardin. Præf. Vers. Metaph. Arist.

[3] Hi Philosophi non meram Platonis philosophiam, sed Recentiorum Platonicorum propagarunt. Nam tametsi Platonem legerent, eum interpretati sunt ex sententia Procli, Porphyrii, Jamblici, aliorum, quos etiam Latinitate donarunt: ut ex scriptis eorum, præfertim Tici, cognoscitur, qui Pythagorico-Platonicam præferunt.

[4] De horum, quos nominavimus; scriptis consule Fabricium Biblioth. Græca, ceteros.

Sæculum autem XVI omnino in Philosophia maximam mutationem vidi. Nam cum Scholastica philosophia, quæ per id tempus regnabat, tot hugis & ineptiis scripta sua infusciret, ut ferri vix posset; de adhibendo remedio cogitarunt homines eruditi. Quod latum campum apernit emendandas Philosophiæ.

At cum tanta esset Aristotelis æstimatio, quantum oratione persequi non possumus; existimarent Scholastici doctiores nihil se melius facere posse, quam si Philosophiam non ex aliorum disciplina, & lutulentis rivulis Scholasticorum vulgarium, sed ex purissimis Aristotelis fontibus haurirent. Magna itaque animi contentione id hoc sæculo præsternunt in Italia Petrus Pomponatus, &c, qui ex hujus disciplina prodierunt, Simon Portius, Lazarus Bonanucus, alii: item Marcus Antonius Majoragius, Petrus Victorius, Jacobus Zabarella, Piccolomineus uterque, Andreas Cesalpinus, Cœsar Cremoninus, ceteri. In Hispania Joannes Ginesius Sepulveda, Joannes Baptista Monlorius, Franciscus Valesius. In Belgio Hubertus Gifanius. In Galliis & alibi Julius Pacius, Franciscus Vicomercatus, ceteri: quorum opera in manibus sunt, eaque scriptores historiæ Litterariæ recensuerunt. [1] Immo quanto opere eadem disputandi ratio exculta fuerit in academiis Protestantium, præsertim Philippi Melanchthonis opera, vulgatum est. [2]

K

Nec

[1] Confer. Antonius Augustinus *Bibliotheca Hispanica*, *Imperialis Museum Italicum*, *Jovius Elogia*, *Teissierius Elogia*, alii.

[2] Herm. ab Elsvicb *De Varia fortuna Aristotelis in Academiis Protestantium præfixa Libro Launoji de codem arg.*

Nec modo apud Protestantes, sed etiam Arminianos [1] & Socinianos [2] inveteravit. [3]

Verum cum tales Philosophi Aristotelem non libero iudicio, ut gravissimi Scholastici fecerant, sed impetu cæco sequerentur, ejus errores admiserunt, doctrinæ Catholicæ repugnantes: ut Pomponatius [4] Andreas Cesalpinus [5] Cæsar Cremoninus [6] alii. Quod etiamsi Aristotelis Rūdium non delevit, tamen non nihil diminuit.

Ipsi Scholastici graviores ab novis Peripateticis irrisi, nævæ illos vulgatos agnoverunt, & condemnarunt. Quod præter ceteros fecerunt post medium sæculum Melchior

[1] Confer. Vossius de Sectis Philos. c. xvii.

[2] Confer. Sandius Biblioth. Antitrinitar. p. 150.

[3] Plurimi Hæretici XVI. & sequenti sæculo in insultando Aristotele vehementer laborarunt, ut ostendit Morbofus Polyhistor. Litterar. Tom. II. L. 2. Quod eorum causa monemus, qui pro certo adfirmant, Aristotelis Logicam ceterasque Philosophiæ partes a Novatoribus, qui duobus his sæculis scripsierunt, esse rejectam.

[4] Pomponatius, aliquie Peripatetici utramque Aristotelis sententiam [eas Alexander Aphrodiseus, & Averroes. amplexati fuerant] defendebant, nimirum: Animam humanam [intellectum nempe patientem Aristotelis] esse formam hominis, sed esse mortalem: 2. Animam intelligentiam [intellectum agentem] esse immortalem, sed unam in cunctis hominibus. Hæ sententiæ damnatae fuere in Lateranensi V. sub Leone X. anno 1513. Post hæc Contarenus Cardinalis, & Augustinus Niphus, aliquie Pomponiatum scriptis refutarunt. Confer. Labbeus ad Concilium Lateranense V.

[5] Morbofus Polyhist. Tom. II. L. I. c. 2.

[6] Reimannus Hist. Atheismi. S. III. c. 4,

ebior Canus Dominicanus [1] & Joannes Maldonatus Jesuita, [2] viri doctissimi & ornatissimi: qui auctores fuere ceteris, ut subtile & inane disputations rejicerent, & bonam Scholasticam, quæ plurimum utilitatis adfert, amplexarentur.

Hæc dum Aristotelici meditabantur, Petrus Ramus, Gallus omnino a scholis Aristotelis dialecticam, & physicam ejicere tentavit. Fuit is litteris Græcis, & Latinis, ac disciplinis Mathematicis egregie eruditus: qui cum diuturna Veterum lectione intelligeret, Aristotelicam logicam ad Eloquentiam & usum vitæ non esse accommodatam, [3] aliam disputandi artem tradere constituit. Primum igitur homo triginta annos natu, Aristotelis vitia notavit, libro inscripto *Aristotelicæ Animadversiones*. Deinde suam ipse artem divulgavit, in libro inscripto *Institutiones Dialecticæ*.

Quam male Parisienses, qui in *Organo* Aristotelis consenserant, hæc habuerit censura, credi vix potest. Ad prætoris tribunal tamquam rens majestatis Ramus traducitur anno cœloxxxxxi. instituuntur publicæ disputationes coram judicibus: tota Academia rixis & contentionibus personabat. Existimares de summa rei Gallicanæ agi: at nihil aliud in disputatione versabatur, quam Dialecticæ definitio, & partitio, & hujus farinæ alia. Stabant pro *Ramo* indices non nulli: sed alii tam illi erant infensi, omnino ut potentiae, & audacie *Ramus* cedere cogē-

[1] *De Locis Theologicis L. VIII. c. 1. &c. L. VIII. c. 7.*

[2] *In Oratione de Reformanda Theologia apud Lan-*  
*nojum de Fortuna Aristotelis p. m. 164. Viriusque verba-*  
*dabimus Parte II. L. I. c. 9.*

[3] Legatur ipse *Ramus* L. IIII. *Animadvers. p.*  
*m. 136.*

retur. [1] Et quamvis Caroli Cardinalis Lotharingici favore professoris regii titulo postea fuerit decoratus, tam alie Aristotelicorum animis vulnus erat infixum, ut eum vix reliquo vitæ tempore quiescere permiserint. Tandem in Parisiensium civili bello anno 1572. a discipulis Carpenterii adversarii sui occisus est. Qui etiam crudeliter cadaver miseri Philosophi exceperunt, per plateas raptarunt, & indignis modis tractatum in Sequanam abjece-  
runt. [2]

Rami autem morte non omnino extincta sunt illius dogmata studia. Nam cum permoti doctrinæ fama ad eum plurimi accederent adolescentes Galli, Germani, Britanni; hi in patrios lares regressi Rameam logicam publice docuerunt. Hujusmodi fuere in Germania Thomas Freigius, & Franciscus Fabricius. [3] Immo vero eamdem illustrarunt, & adversus obrectatores defenderunt Beurbusus, Scribonius, Psaffadius, Treutlerus, alii. Ut etiam apud Helvetios Bernæ, Lausannæque usque ad finem superioris sæculi publica auctoritate Rami doctrina explicaretur. Nec id solum, sed etiam in Dania, Batavia, Anglia, Scotia, Gallia [4] publice Rami philosophia, quamvis a plurimis confutata, habuit sectatores. [5]

Fuere etiam qui tentarent, Aristotelis Dialecticam  
a Me-

[1] Historiam Rami calamitatum fuse enarrat testis ocu-  
latus Talæus theologus Parisiens. in Dedicat. Academiæ  
ad Carolum Cardinal. Lotharingicum. Confer. Launojus  
de Fort. Arist. c. xiiii.

[2] Thuanus Hist. ad ann. 1572.

[3] Teissier. Elog. Tom. II. p. 468.

[4] Joann. Cypriani Progr. de Fatis Philos. Rameæ in  
Academ. Gall. in Suppl. Biblioth. Phil. Struvianæ.

[5] Reimmannus Calend. Critic. Hist. Logic. p. 52. dicit  
Walchius Hist. Crit. Logic. Ramiistas plures percensent.

a Melanchthon expolitam cum Ramea conjugente, ut *Frisius*, *Bilstenius*, *Libavius*, *Buscherus*, *Goclevius*, ceteri. Irrito tamen conatu, qui proinde hoc nomine notantur ab iis, quibus hujusmodi *syncretismus* non probabatur. [1]

Feliciori fidere fine hujus saeculi in Stagiritam inventus est *Franciscus Patricius Illyricus*, qui & *Ferrariæ*, & *Romæ magna* cum omnium approbatione docuit: homo vastissimæ lectionis, & limati judicii, ac in Veteri philosophia insigniter eruditus. [2] Hic in libro *Discussionum Peripateticarum* [3] Aristotelicæ philosophiæ historiam fuse ac crudite exponens, errores Aristotelis non modo *Logicos*, quod fecerat *Ramus*, sed etiam *Physicos* plane demonstravit: atque diligenter indicavit, quidnam ab aliis Philosophis acceperit Aristoteles, & pro suis vendicaverit. Deinde in suo *Aristotele Exoterico*, *xxxxxi* II. capita percenset, in quibus Plato cum Catholica doctrina consentit, Aristoteles vero ab ea dissentit. [4]

Tanto autem in Platoneum amore, tantoque in Stagiritam odio *Patricius* ferebatur, ut cum *Novam de Universis Philosophiam* [omni ex parte erat Platonico-Alexandrina] ederet [5] & *Gregorio XIII. P. M.* inscriberet, Pontificem cohortatus sit, ut Aristotelicam veluti inpiam prosciberet, & illi substitueret Platonicam disciplinam.

K 3

Patri-

[1] *Bruckerus de Reformat. Phil. Ration.* p.m. 583. seqq.

[2] *Confer. Janus Nic. Erythraeus Pinacothec. L. I.*  
p. 203.

[3] *Exstant illius opera edita Basileæ*, 1581. fol.

[4] Ea adducit *Launojus de Fortuna Arist.* c. xiii. qui ab iis, qui *Patricium* non norunt, consuli potest:

[5] *Ferrariæ* an. 1591. iterum *Venetiis* 1593. *Confer. Sorellus de Perfectione Hominis* pag. 517.

Patricii æqualis *Guilelmus Postellus* Justini Martyris  
*Eversionem Dogmatum Aristotelicorum*, Latine convertit,  
 ac eidem Cardinali Lotharingico dicavit: in cuius præfa-  
 tione tam acriter Stagiritam reprehendit, nihil ut Patri-  
 cio concedat.

Alia via in Aristotelem investitus est hoc sæculo *Fran-*  
*ciscus Sanchezius* homo Lusitanus Bracarensis, qui in Gal-  
 lia, & Italia Philosophia, Medicina, ac Mathematica  
 mirifice eruditus, *Montispessulani*, & *Tolosæ* summo  
 cum plausu docuit. Hic tametsi Peripateticorum dogma-  
 ta peteret, ut ostendit notans Porphyrii, & aliorum er-  
 rores in Dialectica; [1] tamen ne invidiam subirét, aut  
 crimen, Dogmaticam philosophiam omnem tamquam ine-  
 ptam fugillavit, libro quem inscripsit, *De multum nobis,*  
*& prima universali scientia, quod nihil scitur*. [2] In quo  
 efficere conatur, incerta esse omnia, quæ de scientiis tra-  
 duntur. Iccirco Scepticorum recentiorum patens habe-  
 tur. Cui sæculo XVII. morem gesserunt *Petrus Be-*  
*lliarius*, vir dannatae memorie, *Huetius*, aliique Sce-  
 ptici.

Sed nemo majorein cladem adtulit Aristotelicæ phi-  
 losophiae, quam *Bernardinus Telefusus Consentinus* in  
 Neapolitano regno, homo veteris litteraturæ, & Mathe-  
 maticarum disciplinarum callentissimus. [3] Qui cum  
 Aristotelis physicam expenderet, & inutilem esse ad na-  
 turæ mysteria rimanda penitus cognosceret; Parmenidis  
 phy-

[1] *Nicol. Anton. Biblioth. Hispanic.*

[2] *Editus Lugduni an. 1581. & alibi. Confer. Nic.*  
*Antonius l. c.*

[3] *Vitam Telefisi* scribunt *Joannes Imperialis* in Mu-  
 seo Hist. p. 78. *Joannes Amato* in *Pantapolog. Calabria*  
*Neap. 1715. Lotterus Vita Telefisi Lips. 33. 17 & alii*  
*rei Litter. scriptores.*

PART. I. LIBER PRIMUS. 151

physicam instauravit, editis libris de Rerum Natura. [1] Qui tanto plausu excepti fuere a Neapolitanis, ut eorum precibus cogeretur Neapolim concedere, ad novam Philosophiam tradendam. Hac philosophandi ratione capti Neapolitani homines, ii præsertim qui doctrina excellebant; physicæ Experimentalis studium mutuis laboribus excoluerunt. Quæ merito suo prima Academia Physica nuncupatur. [2]

Quamquam vero Telesii systema aliquibus displicuerit, qui in eo aliquid reprehenderunt; tamen sectatores non nullos invenit: [3] & excitavit Physicorum industriam, ut liberius, id est, accuratius philosopharentur: nec in rimandis naturis rerum Dialecticis præfidiis, sed experimentis captis uterentur.

Telesii institutum secutus est hujus æqualis Thomas Campanella Dominicanus Calaber, vir egregie doctus, & Mathematicis studiis contritus. Hic Aristotelis flagitia confutavit: novamque Philosophiam partim ex Telesii placitis, partim ab experientia, & anticipatione deductam vulgavit: [4] quo facto Liberam philosophiam inducere conatus est: [5] quod ipsi maximos bellorum tumultus in omnem vitam suscitavit. Felicior sane in aliorum vitiis notandis, quam in proptiis dogmatibus confirmandis; nec omnino ab entusiasmo liberandus.

K 4

Post

[1] Romæ ann. 1565. [2] Gimma Idea Hist. Litter. Ital. T. I. l. c. 38. [3] Campanella Dominic. Telesium defendit contra Jac. Martam. [4] Edidit Philosophiam sensibus demonstratam: ubi errores Aristotelis. & adseclarum ex propriis dictis, & naturæ decretis. convincuntur. Neapoli 1691.4. item De Gentilismo non retinendo, ubi etiam Aristotelicos notat. Alia opera Physica, Moralia, Metaphysica vide apud Eckard. in Biblioth. Dominic.

[5] Confer. illius liber de Recta ratione studendi p. 328.

Post hos *Jordanus Brunus Nolanus* de reformandis philosophia cogitavit. Vir fuit in Physicis, & Mathematicis versatus: qui multum in his vedit ex vero, & lucem Cartesio, & aliis prætulit. [1] At monstrosi ingenii, & ultra modum luxuriantis: qui Pythagorismo suo occupatus, ad nova, paradoxa, falsa, inopia, & vix intelligibilia propendebat. Quo nomine pœnas dedit temeritatis suæ, usulatus Romæ ob inpietatem anno cœloc. [2] Ut integrum *Cardanum*, & alios prætermittam, qui ad emendationem Philosophiae non nihil operæ contulerunt.

Etiam Criticæ artis studium, quod hoc sæculo invalidit, & late propagatum est, homines impulit, ut Veterum lucubrationes scrutarentur, emendarent, vulgarent: & his præfidiis Græcæ philosophiæ lectas aliquas ab oblivione excitarent. Hinc cadente hoc sæculo *Justus Lipsius Belga*, Criticus, & Philologus præstantissimus, Physiologiam, & Ethicam Stoicam adornavit: [3] quod magnam ipsi peperit laudem.

Fuere etiam non nulli, qui cum sibi persuaderent, nec ex ullo philosopho Græco, nec ex ratione veram de rebus Physicis, & Moralibus sententiam duci posse; ad libros Mosis consigerunt, & ex his novum Philosophiæ sistema conglutinarunt sæculo XVI. sed præsertim sequente: atque Philosophiam Mosaicam, & Christianam ediderunt. Hos in duas classes Historici disperiunt. [4] Quidam Sacros codices ad verbum secuti, ex iis sy-

fle-

[1] Confer. *Huet.* in Censur. Phil. Cartes. c. 8.

[2] Confer. *Niceron.* Memor. Litter.

[3] Manuductio ad Phil. Stoicam, & Dissert. de Physiolog. Stoica: quæ in ejus operibus exstant.

[4] *Bruckerus* in Hist. Philos. Tom. IIII. de Philosoph. Mosaica p. 610. seqq.

stetna suum duxerunt: ut Lambereus Danæus [1] Alstedius [2] Pfeiferus [3] Aſſlachus [4] Dickinsonus, Burnetus [5] J. Ammos Commenius [6] Crellius [7] Scybanius [8] Alberti [9] ceteri Hæretici, quorum prostant scripta. [10] Hi tamen tales hypotheses induxerunt, quæ omnino percipi nequeunt: rationis, & divinæ locutionis fines non cognoverunt, sed mutarunt quadrata rotundis.

Alii scripturæ Sacræ historiam non ad verbum, sed ad allegoriam trahentes, aliud Philosophiæ systema excogitarunt. Itaque prætermissa omni ratiocinatione, in solo intellectu passivo, & centro animæ, uti vocant, divinam illuminationem perquirebant: adfirmantes, se hac via plurimam cognitionem esse adsecutos. Addebat tamen, interiorem cognitionem rerum Physicarum seu naturam rerum ignis præsidio esse explorandam: vi cuius & metallia mutari in alia, & exquisita remedia comparari poterant, quæ vitam ultra modum prolongarent. [11] Hæc illi.

In hunc censum referuntur Theophrastus Paracelsus, hujusque discipuli Oporinus, Dorneus, Sperbius, Weigelinus, Fludius,

[1] Edidit Physicam, Ethicam, & Politicam Christianam. [2] Triumphus Biblicus, seu Encyclopediæ Biblica: in qua eos percenset, qui de hoc argumento scripsierunt. [3] Pan Sophia Mosaica. [4] Physica, & Ethica Christiana. [5] De Originibus Mundi ex Moſe egerunt.

[6] Physica Divina. [7] Ethica Christiana.

[8] Politicus Christianus. [9] Compend. Juris Natur. Orthod. Theolog. conforme. 1676.

[10] Struvius Biblioth. Phil. c. 6. & 7: eos enumerat, qui scripsierunt Ethicas, & Politicas Christianas.

[11] Horum placita refert inter alios Bruckerus Hist. Phil. Tom. IV. p. m. 747. seq.

dus, Boehmius, Helmontius uterque, & alii XVI. & sequenti saeculo : [1] qui ab illa interna ioluminatione Theosophici appellantur. Viri fanatici omnes & enthusiastæ, indigni quibus Philosophi nomen tribuatur. Unum illis mirifice profuit, Chemicæ peritia, cujus ope plurimos vel rudes, vel semidostos egregie deceperunt. Verum & ipsi mature desierunt: postea quam inclinante ad finem saeculo XVII. Philosophia omnis verbosa & caliginosa prudenter, & clariori Philosophiae locum dedit.

## CAPUT X IIII.

*De Philosophia saeculi XVII. & XVIII. seu de emendatione Philosophiae.*

**R**ebus ad emendationem Philosophiæ omnino inclinatis, tandem XVII. saeculo negotium sæpe, & multo opere, sed frustra, tentatum, confessum est. Magna & præcipua laus erit hujus saeculi apud posteras gentes, quod in eo demum tanta lux Philosophiæ accesserit, quantam saecula ante omnia non adulterunt.

Id eo mirabilius haberi debet, quod tanta erat eo tempore Aristotelis existimatio, ut cum anno CICICI. Regis mandato, & Senatusconsulto academia Parisiensis legibus temperaretur; lex hæc fuerit præcipua, ut singuli Ari-

---

[1] Horum scripta, quos nominavimus, & aliorum bases apud Pfaffium Hist. Litter. Theolog. P. II. Colbergium Christian. Platonico-Hermet. P. I. Walchium Introd. in Hist. Controy. Theolog. P. I. & alios Litter. hist. scriptrores.

Aristotelis libri biennio exponerentur. [1] Res autem eo usque processit, ut cum anno cœlōcœxiiii. homines non nulli in concione universam Aristotelis physicam confutassent, collegium Theologorum, & senatus Parisiensis, ab iis temeritatis pœnas exegerit. [2]

At conspirabant omnia ad Aristotelis atque adeo *Dogmaticæ philosophiæ* ruinam. Nec in tanta rerum perturbatione labenti Peripateticis in sustinendo paucorum hominum studium sufficere videbatur. Ipsimet Aristotelis libri, qui in scholis legebantur, caussam dedere multis ut eum e throno dejicerent. Nam cum Veterum sententias, quas ipse in scriptis suis, præsertim *Metaphysicis*, & *Physicis* aliquibus percenset, cum Aristotelicis compararent; facillime cognoverunt, quænam ceteris esset anteponenda. Classicum autem belli Philosophici cecinere eodeni tempore Philosophi quidam inlustres: in Italia *Galilæus*, in Germania *Sennertius*, & *Keplerus*, in Anglia *Verulamius*, in Galliis *Baffonus*.

Duo autem præter cetera ad instaurationem Philosophiæ consentiebant: Mathematicarum disciplinarum, & Medicinæ, seu physicæ Experimentalis cultura. [3] Nam cum Philosophi non nulli interiori rerum Mathematicarum notitia exculti, ex hujus disciplinæ principiis phænomene-

[1] Primo anno interpretentur libros Aristotelis Logicos: secundo ejus Physicam manę, post meridiem Metaphysicam: ut vero Aristotelis disputationes adversus Veteres physicos, in quibus ingenii summa subtilitas cluerit. accurate examinentur, rejeclis inanibus quæstionculis, quas olim barbari invexerant, & ab humiori politioreque saeculo explosas, asperi durique horribiles non ita pridem redintegrare sunt conati. Apud apud Launcjum l.c. c.xv. [2] ibid. c.xviii. [3] Confer. Pasehius Catalogus Invent. Novo-Antiquor.

156 APPARATUS AD PHIL. ET THEOF.  
nomena quædam cælestia , & leges motus investigarent ,  
sine labore intellexerunt , ex istis principiis naturæ scien-  
tiam derivari debere . Hujusmodi fuere præter eos , qui  
sæculo XVI. floruerant , [1] hoc sæculo Keplerus [2] Ga-  
lilæus [3] Borellus , ceteri .

In aliam partem Medici tum Anatomici , tum Chemici , qui sese ignis , & cultri ope medicinam facere , plurimaque mysteria declarare posse sibi persuadebant , sensim intellexerunt , experientiæ ope plurimas rerum propri-  
tates investigari posse & demonstrari . [4] Ad hanc clas-  
sem referuntur Sennertus [5] Digbæus [6] Harvæus [7] Pecquetus , ceteri , qui vel in Anatomia [8] vel Experi-  
mentalí philosophia [9] inlustrauda laborarunt .

Hisce luminibus collustrati Philosophi inito sæculo  
XVII. plurima in Physica novare , & aperte pro Libera  
id est , Ecclæstica philosophia pugnare ansi sunt . Meinoran-  
tur cum laude in Anglia Nathanael Carpentarius [10]  
& Gui.

---

[1] Nicolaus Copernicus Canonicus Warmiensis , & Ty-  
cho Brabeus scriptis Astronomicis notissimi . Confer . Gassend .  
in hor . vita .

[2] Gassendus in Vita Tychonis L.V.

[3] Viviani in Vita Galilæi , inserta Fastib . Acad .  
Florent .

[4] Confer . Manetus in Biblioth . Chemica Curiosa .  
Boerhaave in Histor . Chemiæ .

[5] Reimmannus Hist . Litter . Germ . P . II . I . p . 450 .

[6] Woodius in Athen . Oxoniænl .

[7] Heumannus Acta Philos . Vol . II . p . 616 .

[8] Confer . Theodor . Janson . ab Almeloveen . in Inventis  
Novo-Antiquis c . 24 .

[9] idem . Confer . Paschius I . c .

[10] Edidit . Philosophiam liberam , in qua aduersus hu-  
jus

& Guilelmus Gilbertus : [1] in Italia Redemptus Baranzanus : [2] quorum postremi duo , ut alios taceam , Liberam philosophiam augere , & inlustrare cœperunt .

Sed omnium maxime Liberam & Eclecticam philosophiam perpolivit Franciscus Baco , Baro Verulamius Vicecomes S. Albani Anglus ; qui initio hujus saeculi & viam stravit ut in singulis disciplinis recte cogitaremus . [3] & scriptis suis ostendit , [4] quo modo in Physica & ceteris philosophiae partibus ratiocinandum : quo ipso magnum apud viros doctos nomen sibi fecit . [5]

Quamquam vero haec omnia prospere cederent Philosophis , & plurimi in Neotericorum castra transirent , tamen recentiori Physicæ fortiter repugnabat auctoritas Aristotelis , quam infirmare nec tutum erat , nec temere tentandum in tanta adversariorum potentia . Fuere tamen , qui in perterritu animo rem plenam laboris & invidiæ suscipere non recusarunt . Ac primum Sebastianus Bassonus vir eruditissimus , Parisiis errores Aristotelis scripto exposuit .

jus temporis Philosophos dogmata quædam nova discutiuntur .

[1] Edidit Philos. novam de Mundo nostro sublunari . Etiam Phil. novam de corpor. Magnet. & magno magnete Tellure . Confer. Morbus Polih. Tom. II. p. 410.

[2] Edidit l. de Novis opinionibus Physicæ , Lngd. 1619.

[3] Edidit librum de Augmentis scientiarum . Anno 1605. & post , Novum Organum seu Logicam , & alia quædam .

[4] In Novo Organo , & Historia ventorum &c. Sermonibus Ethicis , Politicis , Oeconomicis .

[5] Vide Doctorum de illo iudicia apud Pope - Eloungium Censura Cel. AA.

suit. [1] Quo tam copiose illius errata confutavit, tantumque animi reliquis addidit, ut ab eo tempore Stagiritam profligare non recusarint Philosophi.

Paullo post Petrus Gassendus Gallus, Praepositus Diniensis ecclesiæ, vir Græce, ac Latine doctus, veterisque Philosophiæ, & Mathematicæ callentissimus, cum publice Aristotelem Aquis Sextiis interpretaretur, & plurimum iudicio valeret, excussis & Philosophi libris, & eorum, qui enim refatarant, errata omnia Aristotelis penitus cognovit, & luculenter exposuit, & confutavit, editis libris *Exercitationum Paradoxicarum adversus Aristoteleos*. [2] Qui tantam veteris eruditionis notitiam produnt, tam acre iudicium, & acumen, ut uno omnium consensu fuerit judicatum, plus damni Aristotelicæ philosophiæ adtulisse juvenem **XXIIII.** annos natum, quam sæcula ante omnia. [3] Post hæc philosophiam Democriti, & Epicuri incredibili eruditionis copia inlustravit, ac ab inpietatis fôrdibus liberavit: tum demum Philosophiam nova methodo, novisque inventis, ex Recentiori physica perscrutatione communivit, adornavit, & per pulcrum doctrinæ syste- ma edidit. [4] Nam tametsi Sennertus, Verulamius, Bas-

fo-

[1] *Hoc titulo: Philosophiæ Naturalis adversus Arist. L. XII. in quibus abstrusa Veterum Physiologia restauratur, & Aristotelis errores solidis rationibus reselluntur.* Genevae 1621. fol. *Atomos defendit Bassonus esse principia rerum naturalium: sed ex Anaxagora, Platone, Democrito quædam sumvit, ex quibus suum sistema componit. Democriti vero vacuum rejectit, & pro illo posuit spiritum mundi creatum. Quo ipso totum Democriti sistema funditus perit.*

[2] Prodiit Gratianopoli 1624. Tom. II.

[3] Pope-Blount. Censura, in Gassend.

[4] Exstant opera omnia Gassendi VI. Tomis fol. Lugdu- ni 1658. & alibi.

sonis, Atomisticum sistema explicassent; unus Gassendus id pro dignitate perfecit & illustravit. [1] Obiit vir clarissimus anno cōcl̄o clv. ætatis Lxii. [2]

Eodem tempore Renatus Cartesius Gallus, primum miles, deinde longa peregrinatione litteraria eruditus, tandem Egmondum in Hollandiam concedens, ibi Philosophiae emendationi totis viribus vacavit. Is itaque, rejecta scholarum doctrina, talem philosophandi viam excogitavit, in qua mens deuudata præjudiciis educationis, & usus vitæ, propria meditatione ad veritatem perveniat. Edidit primo Logicam, seu *Dissertationes de Methodo rationis rectæ dirigendæ, & inquirendæ in scientiis veritatis*. [3] Deinde *Meditationes de Philosophia prima, Principia Philosophica, & alia plurima Physica, & Mathematica*. [4] Itaque de Physica, & Metaphysica copiose scripsit: Logicam tamen, & Ethicam tetigit potius, quam exposuit.

Hominis perspicuitas in dicendo, ac nexus systematis placuit initio plurimis in Batavia, ubi eam vulgaverat. Verum haud multo post tot homines in eum investi sunt, tantaque animorum contentione disputationem cum Cartesio, hujusque, fautoribus, Renero, Regio, ceteris instituerunt quidam philosophi, & theologi Batavi duce & auctore Voetio, ut ne conjectura quidem adsequi possit.

Le-

[1] Bruckerus de Restauratione Philos. Democr. Epicureæ Tom. IV. p. 533.

[2] Vitam Gassendi bene scripsit Sorbierius, auditor.

[3] Leyde 1636. 4. Gallice.

[4] Vitam, scripta, & facta Cartesii refert Bailletus in Vita Cartesii Lutetiæ 1691. 4. Gallice: Tepelius in Vita & Philos. Cartesian. Norimberg. 1674. 12. & Histor. Liter. scriptores, ut Niceron, Memor, Litter. T. XXXI. Morbosius, Stolius, ceteri.

Legi hæc possunt apud Bailletum , qui celeberrimæ controversiæ historiam dilucide enarrat .

Illud prorsus mirabile Cartesio accidit , quod haud scio an alteri ab mille ante annis usuvenerit , ut juvenis Philosophi opiniones , eo vivente , in celeberrimis Academiis publice inlustrarentur cum voce , tum scripto : nec modo Ultrajecti , & Lugduni Batavorum , sed etiam in Gallia , in Anglia , in Svecia fautores plures invenerit . Obiit celeberrimus Philosophus Holmiæ , quo iverat ut Christianam Sveciæ reginam imbueret Philosophia , anno cccccl. ætatis LIII.

Ab his duobus *Cartesio* , & *Gassendo* , familiæ Philosophorum , quæ post fuere , ortæ sunt : tametsi alii alia addiderint , & mutaverint , nec magistrorum vestigia presso pede secuti sunt . [1] Et quidem post obitum Cartesii tanta illius fuit æstimatio , tam late doctrina propagata est , ut undique scholas inundarit præsertim in Belgio , ubi acres dimications propter istam Philosophiam evenerunt .

Unum *Cartesio* repugnabat , quod Batavi quidam affirmabant , illi cum doctrina Catholica non cohærere . Verum alii editis scriptis efficere adorti sunt , Cartesi dogmata ad Catholicam & veram religionem sine negotio revocari posse . [2]

Sic magnis animorum motibus ad finem usque saeculi prædicti Cartesiana philosophia prolata est , accusantibus aliis , aliis defendantibus : idque tanta contentione , quanta nulla umquam disputatio litteraria instituta fuit . In Germania

[1] Pauci Cartesiam in omnibus secuti sunt . Cartesianæ philosophiæ epitomam exhibet Petrus Sylvanus Regius . Idem de Gassendo dici debet , cuius discipuli quædam addiderunt , & mutarunt . Sed de his iterum Libro III. c. 4. disputationibus .

[2] Confer . Pfaffius Hist. Litterar. Theolog. P.II. p. 292.

nia [1] Britannia [2] Gallia [3] eadem fortuna Cartesius usus est : in quibus tametsi undique concuteretur , tamen evelli omnino & extirpari non potuit .

Sed præsertim in Galliis hominis Philosophia egit radices . Nam præter viros plurimos honoribus , & eruditio- ne florentes , Patres Congregationis Oratorii , & Portus Regij familia , ut Paschalis , Nicolius , Arnaldus , ceteri , Cartesio palam patrocinati sunt . At cum Portus Regij son- dalitium Jansenii nomine male andiret , magnam invidiam Cartesiana philosophia sibi confiavit . Heterodoxiæ omnes Cartesiani accusati : quasi vero Jansenii errata a Cartesii placitis orta essent , aut e contrario . Nec id solum , sed delata caussa ad Regem ab iis , qui gratia apud eum vale- bant , lege sanctum est , ne in Academiis Parisiensi , An- degavensi , Cadomensi , ceteris Cartesianismus publice doceretur . [4] Quare qui Cartesio occulte favebant , ut plen- rique favebant , ad invidiam , atque adeo molestias fugien- das , sub Gassendianorum nomine latere voluerunt : qui me- liori successu in Gallia philosophabantur .

Dum hæc in Galliis geruntur , Experimentalis phi- losophia caput erigere cœpit in Italia , & Gallia , & Ger- mania , & Britannia , opera gravissimorum Mathematicorum , qui Mechanicæ auxilio plurima in re Physica invenie- runt : & Societates constituerunt , in quibus naturæ scien- tia mutuis laboribus augeretur .

L

Ac

---

[1] Eos qui Cartesium inpugnarunt enumerat Morhofius Polyhist. Tom. II.

[2] Scripsere contra Cartesium Cudvorth. in System. Intellectual. &c. Parckerus in Disput. de Deo . Defendit cum Morus .

[3] Confer. Huetius Comment. de Rebus ad sc. per- tin. L. VI.

[4] Conf. Pelissonius in Epist. de Tolerantia T.IV.p.16.

Ac primum *Fridericus Cesi*s Princeps S. Angeli, vir egregie doctus, & doctorum sautor munificus, anno *cl<sup>o</sup>ccxii*. in Urbe societatem instituit *Academiam Lynceorum* appellatam: [1] cuius institutum erat, Naturalibus disciplinis præsertim Mathematicis vacare, non neglegitis Philologicæ ornamenti. Numerantur in his *Joannes Ekius*, *Anastasius de Filiis*, *Franciscus Stellutius*, alii: extra Urbem vero *Galilæus Galilei*, *Fabius Columna*, *Joannes Baptista Porta Neapolitanus*, qui *Lynceorum* coloniam Neapolim duxit, ceteri. Verum hæc Academia *Fridericii* obitu pæne extinta est, nec ultra medium hujus sæculi protendi potuit. Princeps vel hoc nomine laudandus, quod cum ætate, & opibus floreret, iis non ad luxuriam fovendam, sed ad litterarum bonum, & ad Litteratorum præsidium usus est.

Plurimum Naturalem disciplinam juverunt *Lyncei*: nam præter scripta plurima de rebus Physicis, Medicis, Anatomicis, straverunt viam qua ad naturæ secreta pervenire possumus. Nam *Fridericus* in primis *microscopii* ope, cui nomen inposuit, secreta naturæ rimatus est. *Galilæus telescopio* plurima in cælis, astrisque detexit. *Porta sclopum pneumaticum* primus excogitavit: ex quo quanta vis aeris sit, manifestum fecit. Et sunt in manibus eorum scripta, ex quibus de *Lynceorum* studiis possumus judicare. [2]

Deinde Parisiis apud *Marinum Mersenum*, de Minimis *S. Francisci de Paula*, virum de litteratis hominibus opti-

[1] Hujus Academiæ leges editæ sunt b. t. Præscriptiones Lynceæ Academiæ, curante Joanne Fabro Lynceo Bambergensi, Simpliciario Pontificio, Academiæ Cancellario, prælo subiectæ Interamnæ in Typographio Thomæ Guerrerii *cl<sup>o</sup>ccxxiiii*.

[2] Lynceæ Academiæ historiam scripsit *Joannes Bianchi Florentie* 1744. præfixa *Fabii Columnæ* libro.

optime meritum, convenerunt circiter annum cīcōcōx, viri talibus disciplinis contriti, ut Physicam, & Mathematicam amplificarent. Hujusmodi fuere Hobbesius, Gassendus, Cartesius, Blondellus, Robervalius, uterque Paschalis, & alii. Deinde apud Montmortium, & Thevenotum conciones habitæ sunt.

In Germania vero eadem societates conditæ fuerunt circiter annum cīcōcōlī. a Laurentio Bauschio Medico, Suinfurteni. [1] Sed etiam Florentiæ, ubi ab Galilæi temporibus vigebat Physico-Mechanicæ studium, Leopoldus Medices Florentiæ princeps excitavit aliam societatem, quæ Academia del Cimento nominatur, circiter annum cīcōcōlvii. [2] In Britannia eodem pæne tempore alia societas exstitit Oxonii, quæ naturæ scientiam explicaret.

Porro harum societatum lucubrations tanto cum plausu exceptæ sunt a viris doctis, ut ipsi Reges, Leopoldi Medicei auctoritate moti, Societates ipsas confirmarint, dotarint, & curarint, ut omnibus munitæ præsidiis publico bono laborarent. Ac primum Carolus II. privatam Oxonii academiam Londinum venire jussit anno cīcōcōlx. & paulo post legibus confirmavit. [3] Deinde Ludovicus XIII. Regiam Scientiarum Academiam Parisiis condidit

[1] Edere coepit anno 1670. Miscellanea Curiosa, seu Acta Physico-Medica.

[2] Exstant Commentatii Academiæ del Cimento Italice, quos Latine vertit Muffchenbroeckius, 1731. 4.

[3] Spratt Hist. Societ. Reg. Londinensis, Genevæ 1667. Gallice. Hæc ab anno 1665. lucubrations suas edit hoc titulo: Acta Philosophica.

764. APPARATUS AD PHIL. ET THEOL.

anno C16CLVI. [1] Deinde Leopoldus I. imperator anno C16CLXXXVII. Academiam Curiosorum Naturæ imperatoria auctoritate firmavit. [2]

Ab hoc tempore omnino Philosophiæ facies in Europa mutata est. Nam talibus auxiliis muniti Philosophi nulli amplius dubitarunt, quæ sentiebant de Physica declarare, & pulcerrimam disciplinam experientiæ beneficio collocare in lumine suo. Et quamvis eorum plerique vel Cartesii, vel Gassendi doctrinam amplectentur, in illustranda tamen Physica naturæ observatione seu experientia usi sunt.

Floruit eodem tempore Isaacus Newtonius, nobilis Anglus Cantabrigiensis, qui plurimam lucem, & Physicæ, & Mathematicæ disciplinæ accendit. [3] Primus hic docuit Physicos non hypotheses, ut Cartesius, & Gassendus, pro fundamento ponere; sed ea tantum pro principiis adsumere, quæ diuturno usu seu experimentis captis explorata sunt. Hypotheses autem in Physica non recepit, nisi ut earum veritatem disputando investigemus.

Itaque mundani systematis explicationem ex theoria gravitatis deducit, ostendens gravissimis argumentis, gravitatem singulis corporibus inesse: terram, & solem, & corpora cælestia omnia se vicissim adtrahere: & particulas omnes materiæ hac virtute pollere, trahendi ad se alia corpora

---

[1] Joan. Bapt. du Hamel. Hist. Regiæ Academ. Scient. Paris. 1698. 4. Ab hoc tempore exierunt Comitent. Mathemat., & Phys. hujus Academ.

[2] Hæc Academia ab anno 1670. edidit Ephemerides Physico-Medicas Academiz Cæsarez Naturæ Curiosorum. Hujus Hist. refert Mich. Bern. Valentini Giessæ 1700. 4.

[3] Vitam Nevvoni scripsit Anonymus Londini. 1728. 12. Elogium habet apud Fontenellum, Academ. Scient. Paris. ab epistolis, Tom. III. Oper. Confer. Journal des Savans 1734. Maii art. 6.

poterat pro quantitate molis, cetera. Quam philosophandi rationem Litterariæ reipublicæ commodo edidit anno 1701. hoc titulo: *Philosophia Naturalis principia Mathematica*. Deinde anno 1703. edidit *Opticam*, ubi mirabilia lucis phænomena nova ratione perscrutatur, & explanat. [1] Mitto cetera Mathematica, & Chronologica, quæ & acre ingenium, & limatum judicium, & vastam lectionem produnt.. Obiit Nevvtonus anno 1727. ætatis LXXXV.

Quanta fuerit nobilis Mathematici, & Philosophi æstimatio apud Britannos, ostendunt funus regali pompa ductum, epitaphium honorificentissimum, [2] status in hortis regiis inter heroas posita, [3] nummus ipsi dicatus, [4] cetera, quæ illius merita deprehendunt. Eo autem vivente plurimi Philosophi, ut *Clarekius*, *Cotesius*, *Keillius* uterque, *Wiffbonus*, *Haleyus*, *Gregori*, *Pemberton*, alii in Anglia, ejus Philosophiam inlustrarunt, & contra quorundam vituperationes defenderunt. In Batavia *Gravesandius*, & *Musschenbroeckius*, in Gallia *Volterius*, ceterique, qui Naturæ mysteria non ab anticipatione aliqua, sed ab experientia & perspicua ratione deducunt.

Post obitum illius sententias ambarbus manibus exterrunt Angli, atque omnes sere Philosophi, qui in celebrioribus Academiis accuratius philosophantur. Inventi sunt tamen non nulli, qui partem aliquam Mathematicæ, vel Physicæ Nevvtoni reprehenderunt, & confutarunt: ut *Berckelius*, *Montmortius*, *Hartsoekerius*, *Rizzetus*, *Leibnizius*, & pauci alii Cartesiani, & Leibniziani: quibus egregie satis fecerunt anonymous quidam sub nomine *Philalete*, *Clarekius*, *Keillius*, *Gebringius*.

[1] Reddita est Latine a Clarekio anno 1720.

[2] Novel. Litter. Lipsiens. 1731. p. 697.

[3] Ibid. p. 497. 1732. p. 731. [4] Ibid. 1734. p. 108.

Per idem tempus celebris alter Philosophus apparuit in Germania, *Gotosfredus Guilelmus Leibnizius*: [1] mortuus anno 1677 vi. tum ixx. annum ageret. Fuit is vir polyhistor, omnino cuin Nevvtono in Mathesi conferendus. Ecclasticam philosophiam valde excoluit in Germania, & auctor fuit Principibus, & Regibus, ut eamdem amplificarent inunificantissime. Pauca de Philosophia ipse edidit, quæ Metaphysicam rem illustrant præsentim: [2] nam de Logica, & Physica reliquit parum. Hujus tamen summa hæc est. Vacuum cum Cartesio rejecit: tum vortices admisit, in materialiisque subtilein. Cetera systema quoddam in Physicā omnino Metaphysicum & abstractum excogitavit.

Quamquam vero hec *Nevvtonus*, nec *Leibnizius* se etiam de suo hominè existare voluerint, sed Ecclastice philosophari; tamen tanto cum plausu atriusque placita excepta fuere a suis popularibus, ut orta inde fuerit duplex familia, *Nevvtonianorum*, & *Leibnizianorum*, quæ usque ad præsens sæculum in honore est: atque sepissime alii cum aliis, & magna contentione disputatione disputerunt. [3]

Porro autem utraque familia tam late prolata est, ut contentiones omnes Cartesianorum, & Aristotelicorum penitus dissiparint, & extinxerint. Et, quod mirabilius, ipsius Aristotelici, qui tam acerbe in Cartesianos investi-  
fue-

[1] *Vitam Leibnizii plures scripserunt*. Legi potest *Niceronius Memoires Tom. II. p. 64.* & *Fontenellius in Elogiis*.

[2] *Præcipuum opus Leibnizii*, quod tantas lites suscitavit in Germania, fuit *Theodicea* 4. Indicem illius dabit *Ludovicus, & alii*.

[3] *Disputationes Leibnizii, Clarkii, & Nevvtoni inter se edidit Des Maizeaus vol. 2.* Fuere etiam illi contentiones cum aliis, quas habes in *Epistolis Leibnizii, & in ejus vita scriptoribus*.

fuerant, postea quam totum orbem *Nevvtonianis*, ac *Leibnizianis* plenum viderunt, Cartesii systema amplexati sunt, & utrique sectæ opposuerunt: quod fine superioris sæculi obtinuit.

Multum autem amplificavit [Experimentalem philosophiam copia instrumentorum, quæ hoc sæculo vel inventa fuere, vel perfecta ad naturæ secreta rimanda. Numerantur in his *Telescopia*, quæ Joanni Lippersenio tribuuntur, & quæ postea mirum in medium expoliverunt Hugenius, Campanus, Nevvtonus. *Microscopia*, quæ hoc item sæculo inventa, perfecerunt Divinius, Leeuvvenoeckius, Butterfieldius, Gray, alii. [1] *Barometra* a Toricellio inventa. *Antlia Pneumatica* a Guericcio excoxitata, polita vero a Boyleo, & multo melius a Muschenbroeckio. *Specula Caustica* a Tschirnhausenio confessa: & sexcenta hujusmodi instrumenta, quæ ex catalogis Parisis, & Amstelædami hac ætate editis cognosci possunt: quibus Naturæ historia ad id fastigium evecta est, ut si cum hoc præcedentia sæcula conferimus, nulla fuisse reputenius. [2]

Etiam *Ephemerides Litterariæ*, quæ ab anno 1600CLXV. in Gallia, Italia, Anglia, Batavia, Germania, alibi editæ sunt, incredibile adjumentum tulere Philosophiæ. Nam & nova inventa horum ope ad remotissimas regiones perven erunt: & aliorum ingenia excitarunt, ut eamdem viam tenerent: & occasio fuere eruditis, cur dissertationes exigui voluminis non delerent, aut

[1] *Conf. Transl. Philos.* Vol. I. p. 207.

[2] *Eos, qui singulas Naturalis historiæ partes inlustrarunt, dabunt Scheuchzerus Biblioth. Script. Hist. Natur.* Tigur. 1716. 8. Jul. B. de Robr Biblioth. Physic. c. 14. *Morhof. Polyh.* Tom. II. L. 2. p. 1. c. 2. *Confer. Comment. Acad. Regiarum.*

concederent, propterea quod aliis conjunctæ singulis membris, & annis, publico bono, idque nulla auctoris impensa, prodire possent.

Eadem philosophandi industria usi Philosophi, historiam Philosophicam iniustice coluerunt, eamque ab ineptiis & erroribus, quibus erat infecta, liberarunt: tum plane ostenderunt, quæ essent Græcarum sectarum germana placita, qui nexus systematum. Et quidem in illustranda Epicurea plurimum laboravit Bassonus, Bergardus, Gassendus. Stoicam dilucidarunt Gatackerus, Thomasius, Buddetus. Platonica Cudvorthus, Parckerus, Burnetius, Morus, Galeus. Aristotelicam J. Thomasius. Item Menagius, Huetius, ceteri, in hoc argumento operam posuerunt. Quo quanta & Philosophia, & Historiæ lux adfulserit, quisque his litteris vel leviter tinctus cognoscit.

Nec solum in Logica, & Physica, sed etiam in Jurisprudentia Naturali, quæ altera pars est Philosophia, Recentiorum cura consumta est. [1] Hugo Grotius Batavus disciplinam de *Officiis*, seu *Jus Naturæ*, & Gentium initio eodem sæculo primus excoluit. [2] Quod argumentum post Seldenum, ceterosque, Samuel Pufendorfius Ger-

[1] Quæ bis paragraphis ad finem usque bujus capitilis scribimus, eruditio scripta sunt, q̄i ut perfectam historicæ Philosophicæ imaginem exhibeamus. Nulli vero, Adolescentes, existimetis, bujusmodi libros vobis legendos proponi. Quidam enim ita noxiæ sunt e. g. Hobbesius, ut ne si liceat quidem, legendi sint: immo non sine venia sunt nominandi. Alii, et si per Ecclesiam id liceat, tamen tironibus apti non sunt. Verbo dicam, hæc augendæ eruditio gracia, non alia de causa, scripta esse putato.

[2] In Libro de *Jure Belli, & Pacis* Paris. 1625.

Germanus majori diligentia persecutus est. [1] Quem haec ætate imitati sunt Christianus Thomasius, Heineccius, Buddeus, aliquis Philosophi. [2]

Et quidem Grotius, Hobbesius, Pufendorfius ex principio socialitatis ducunt jus Naturale. Hoc tamen interest: Grotius in societate vivendum putat, propterea quod id congruit sanctitati divinæ: Hobbesius hoc nomine, ne oriatur bellum: Pufendorfius deinceps, quia voluntas divina id postulat.

Fuere etiam inter Recentiores, qui de *Politica* disputatione: ut Bodinus, Bocalinius, Conringius, Boeclerus, alii: [3] post quos id ipsum retractarunt hoc saeculo C. Thomasius, Buddeus, ceterique.

Duplex autem Politicorum secta inde orta est, Machiavellistarum, & Monarchomachorum. Dicit illa originem a Nicolao Machiavello Florentino, qui vixit saeculo XVI. [4] homine non sine venia memorando. Hic in tractatu de *Principe*, ubi quod homines non nulli in imperio facere soleant, non quod debeant, patefecit; Principum potentiam ita extollit, ut tyranus videatur. In hunc censem referri solet Lipsius, auctor *Politici Scelerati*, & Angli plurimi. [5]

Qui

[1] In Element. Jurispr. Univers. Hagæ Com. 1660. & de Jure Naturæ, & Gentium. 1672. De Officio Hominis & Civis.

[2] Confer. Stollius Hist. Litter. p. 938. Reimmannus Hist. Litter. Germ. P. II. I. p. 41. & Biblioth. Juris Imper.

[3] Confer. Stollius, & Reimmannus supra.

[4] Jovius Elog. c. 87.

[5] Confutavit Macchiavellum præter ceteros uterque Anonymus: alter editis Commentariis de Regno tranquillo administrando, Lausanæ 1576. alter Gallice, editus a Voltairio. Confer. Biblioth. Britan. Tom. XVI. & Novelle di Firenze Tom. II.

Qui *Macchiavellismo* occurserunt non nulli in contrarium inciderunt, & sectam condiderunt *Monarchomachorum*. Hæc jus omne regium vindicat populo: Principem autem eidem subiicit, ac populi judicio pœnis & suppliis adfici posse existimat. Hujusmodi fuere præter ceteros, *Salomonius*, *Bucananus*, *Junius Brutus*, *Gentilettus*, *Milton*, *Hottomanus*, *Altibusus*, *Sebelius*, *Danæus*, *Buscherius*, ceteri ex Anglis præsertim, qui ibi appellantur *Republicains*. Hæc autem duæ sectæ, quæ reapse antiquorem habent originem, quam non nulli suspicantur, quot turbas XVI. & XVII. sæculo tum in Anglia, tum in Gallia, tum aliis in locis suscitarint, historia illius ævi demonstrat. [1] Sed his nos in præsentia supercedemus.

## CAPUT XV.

*De Philosophia XVIII. sæculi, seu de cultura philosophiae Ecclesiæ.*

**M**Emorabile fecit initium XVIII. sæculi academia Philosophica a Friderico I. Borussiæ rege anno elecc. Berolini excitata auctore Leibnizio, & anno XI. perfecta. [2] Quæ naturalibus disciplinis sedulam operam navavit. [3] Paullo post h. e. anno hujus sæculi XI. Marsilius Comes Bononiæ aliam propriis sumptibus ere-

[1] Confer. *Carolus Stephanus Jordanus Recueil de Literatur* p. 69. *Eulæus Histor. Academ. Paris.* p. 868.

[2] Confer *Vitam Leibnizii*.

[3] Exstant *Miscellanea Societatis Regiæ Berolinensis*.

erexit, sub auspiciis Clementis XI. Pontificis Maximi: quod *Institutum Bononiense* nominatur. [1]

Horum vestigia secutus Petrus I. Moschorum imperator, anno hujus saeculi xxiii. celeberrimam Academiam, adscitis undique doctissimis viris, Petropoli condidit: quam duobus post annis Catharina perfecit. [2] Quae tres Societates Physicam, & Mathematicam disciplinam nullo minori cum plausu, quam Londinensis, & Parisiensis, augent & amplificant.

Imperatorum itaque, Regum, atque Pontificum Romanorum auctoritate Naturae scientia in Italia, Gallia, Batavia, Anglia, Germania, Moschovia, & aliis in locis colli cœpit & perpoliri. Cujus tot exstant testes luctucenti, quot opera singulis annis prædictæ Societates divulgent. In quibus Physica non hypothesibus, sed firmissimis experimentis inlustratur.

Ecclesiastice autem physicæ progressu excitati Philosophi, reliquas Philosophiæ partes ad trutinam revocarunt: & ex principiis lumine rationis notis, & diuturno usu confirmatis easdem deduxerunt: & philosophiam omni ex parte Ecclesiasticam ediderunt. Hujus Philosophiæ fundamenta iusta erant fine superioris saeculi. Tamen non nisi hoc saeculo perfecta est talis institutio, Anglorum, & Germanorum opera præsertim.

Multum ad eam rem contulit Christianus Thomasius homo

[1] Limierius Hist. Inst. Scient. Bononiens. Amstelæd. 1723. 8. Gallice. Exstant illius Miscellanea. Confer. Constitutio Clementis XI. quæ incipit, Superni dispositione consilii, & est ccxx. hujus Pontificis in Bullario Clementino, quæ Pontifex Academiæ Leges, seu Statuta confirmat: sed ed demum an. 1712. aperta est.

[2] Exstant Commentar. Societ. Petropolitanæ, aliquot voluminib.

homo Germanus, extinctus Halæ anno ccccxxviiij, qui jam fine superioris sæculi Logicam, & Ethicam emendare adortus fuerat: [1] qua de caussa & maximas turbas concitarat, & gravissimis molestiis fuerat adfectus. Sed felicioribus auspiciis hoc sæculo id ipsum adgressus est. Huic addi possunt Nicolaus Hieronymus Gundlingius, Andreas Rudigerus, Joannes Franciscus Buddeus, Christianus Wolfius, Samuel Christianus Holmannus, Jacobus Syrbius [2] ceteri, qui in dilucidanda historia Philosophica, & Ecclesiastica philosophia desudarunt, edideruntque Institutiones Logicas, Ethicas, Politicas, Metaphysicas.

Placuit autem præter ceteras hæc philosophandi ratio doctis viris, qui in celebrioribus Universitatibus Europæ instituunt juventutem. Religiosi vero nimis multi vel Cartesii, vel Gassendi philosophiam profiteri non dubitarunt: idque non in Gallia modo, & Belgio, & Germania, verum etiam in Italia.

Sed etiam Jesuitæ, qui cum Cartesianis in Gallia vicino sæculo bellum gesserant, tamdem aliquando intellexerunt, caussam nullam esse, cur Recentiores philosophos tanto animorum æstu reprehenderent. Nimurum cum viri illi docti sine partium studio negotium examinarent, cognoverunt plane, Cartesianorum sententias nihil cum Jansenianis habere commune, easque nullo negotio ad bonum sensum revocari posse: cetera vero systemata Physica in Catholicis & amplissimis academiis passim defendi, idque per Ecclesiæ leges.

Dein-

[1] Thomasii histor. & scripta babes in Biblioth. Germ. Tom. I. p. 138.

[2] Horum vitam, & scripta dabit Stollius Histor. Litter. & in Suppl. Nov. ad Hist. eamdem. Gottenius Europa Litterar. hodie vivente, Consuli possunt eorumdem Philosophorum scripta.

Deinde cum animadverterent, se se non modo nullis legibus impediri, quo minus doctrinam apud Catholicos vulgatam amplexarentur; verum etiam ex majorum praescripto habere, ut temporibus servirent; eaque docerent, quæ in celebrioribus Scholis & Academiis tradarentur; [1] sic circa pedetentim & ipsi de veteri institutione decesserunt. Ac primum Kircherus, Schotus, Scheinerus, Eschinardus, Bonnanius, Cabeus, ceterique elapso saeculo aliquid ediderunt magis accommodatum methodo, quæ per id tempus vigebat. Er quamquam non nullis Peripateticorum præjudicis sua scripta inquinaverint, multum tamen abest, quin Rigido-Peripatetici seu

Scho-

[1] In Ratione studiorum editionis 4. quæ Romæ in Collegio Romano ejusdem Societatis anno 1516. jussu Congregationis VII. Generalis condita est, & quæ etiam nunc vim habet legis; inter Regulas generales, quæ omnes professores complettuntur, num. 6. scriptum est hoc modo: Sequuntur potius universi probatos maxime doctores, & quæ, prout temporum usus tulerit, recepta potissimum fuerint in Catholicis academiis.

Inter Regulas professoris Theolog. Scholast. num. 6. sic exstat: Quæ opiniones, cùjuscumque auctoris sint in aliqua provincia, aut Academia Catholicos graviter offendere scirentur, eas ibi non doceat, aut defendat. Ubi enim nec fidei doctrina, nec morum integritas in discrimen adducitur, prudens caritas exigit, ut nostri se illis accommodent, cum quibus versantur.

Inter Regulas profess. Philos. n. 2. commendatur quidem Aristoteles, ut illorum temporum usus ferebat; sed adhibetur bæc ratio nostris temporibus valde accommodata: Nisi quid incidat a doctrina, quam Academie ubique probant, alienum. At celebriores Academie Catholicorum parum aut nihil in eo probant.

Scholastici habeantur. Deinde, qui eis successere scriptores, & inclinante ad finem eodem saeculo, atque hoc nostro lucubrations suas ediderunt, acutius multo videbunt, & aliquid melius cogitarunt.

Horum non nulli palam *Cartesio* patrocinati sunt; [1] alii plurima *Cartesii*, & *Recentiorum* placita in suam Philosophiam retulerunt: [2] immo vero editis libris demonstrarunt, illius doctrinam Theologiæ etiam Scholasticæ non repugnare. [3] Alii in instruenda *Corpusculari* philosophia ex *Cartesii*, *Gassendi*, *Newtoni*, aliorumque sententiis haud infelicititer elaborarunt. [4] Postremo alii ostenderunt, pleraque *Juniorum* placita Veteribus explorata fuisse: tum demum plurimis verbis demonstrarunt, quam utilis sit *Recentiorum* disputandi ratio ad naturæ mysteria facilius referenda. [5]

Nec in Gallia modo, sed etiam in Italia, præsertim in provincia Mediolanensi, & Bononiensi, Jesuitæ aliqui recen-

[1] *Josephus Maria Barbierius* Jesuita Lovaniensis Veritas Philosophiæ Cartesianæ evicta inventis Philosophi Germani, quam a censura calumniosa professoris Mathematici vindicat.

[2] *Honoratus Fabri* in *Physica*: qui edidit etiam *Logicam Metaphysicæ conjunctam* sub nomine *Petri Mousnerii*, Addi potest *P. Pardies*.

[3] idem *Fabri Summa Theologica* Lugduni 1669. 4.

[4] *P. Cassati de Natura Ignis*, *P. Franciscus Grimaldi de Lumine*, & *Coloribus*, *P. Franciscus Tersius de Lanis Magisterium Natur. & Artis*. fol. 1684. *P. Regnaultius Dialogi Physici* *Paris.* 1737. vol. 4. Gallice. *P. Castellus Noyum Physices systema*. *Paris.* 1724. vol. 2. ut alios prætermittam, qui in eam naviter incumbunt.

[5] idem *Regnaultius*, *Antiqua Origo Philos. Recensio* n. vol. 3. Gallice.

Recentiori & meliori philosophiae privatim dant operam : interdum eam aperte defendunt. [I] Ad quorum exemplum Germani aliqui se conformarunt, qui, jubente Hungariæ Regina, Vienæ, & Pragæ Recentiorum philosophiam aliquam tradunt adolescentibus : quod etiam Monachii, jussu electoris Bavariæ, iidem præsisterunt. Ex quo homines oculati conjectant, viros doctissimos, qui in omni eruditionis parte florent, non commissuros, ut quo tempore Europæ celebriores scholæ, totque viri & docti, & pii Eclecticam philosophiam tanto opere amplificant ; omnesque eruditi ad Recentiorum acroases certatim contendunt ; ipsi soli hujus laudis expertes esse videantur.

Sed & plerique eorum, qui strictiori vita instituto tenentur, & Religiosi nominantur, Eclectice amant philosophari, eamdemque ratiocinandi viam in Italia vel domesticis tradunt, vel extraneis. Numerantur in his Monachi Benedictini Cassinenses, Olivetani, Celestini, Camaldulenses, Hieronymiani Lombardicæ, ceteri. Item Clerici Regulares Theatini nominati, Clerici Regulares S. Pauli, vulgo Barnabitæ, Clerici Regulares vulgo Somaschi, Clerici Regulares Scholarum Piarum, Clerici Regulares aliqui S. Vincentii de Paulis, vulgo Missionarii. Præterea

Reli-

[I] P. Thomas Correa natus in Italia, sed oriundus a Lusitania, qui de Logica, Physica, Ontologia, Pneumatologia, ex Recentiorum præsertim Neuvtonianorum placitis publice disputavit Romæ anno 1747. Editæ sunt Theses typis Komareck. P. Rogerus Boscovik Mathematicæ professor in Romano collegio, vir doctissimus, qui Neuvtoni disciplinam dissertationibus suis egregie instruxit.

Religiosi S. Francisci de Paula : [1] nec non plurimi  
e Dominicanis [2] Franciscanis [3] Augustinianis [4]  
ceteri.

Horum nimis multi & in Urbe, & in cetera Italia  
Eclectica disciplina imbuunt juventutem. Quos inter fa-  
cere non possum quin nominem amicos nostros, Thomam  
Je Seur, & Franciscum Jacquier de Minimis B. Franci-  
sci

---

[1] Religiosi Minimi partim Maignanum suum sequun-  
tur, partim Eclectice philosophantur ex disciplina Nevvto-  
ni: quod praesertim faciunt Galli, qui Romæ in Colle Hortu-  
lorum Monasterium habent.

[2] Non nulli cum in Urbe, tum aliis in locis bona  
Philosophia dant operam Dominicani, hujusque usum edi-  
tis opusculis ostendunt. Hoc autem anno Generalis Ordinis  
Magister P. Bremondus permisit suis, ut Recentiorum philo-  
sophorum systemata in scholis Dominicanorum exponerent. Et  
in Comitiis Ordinis sanctum fuit, ut Nevvtoni Physi-  
cam amplecti possent, modo Thomam Aquinatem non de-  
sererent.

[3] Observantium non nulli in Urbe Recentiores doc-  
cent philosophiam. Eorum etiam, qui Reformati vocantur,  
aliqui domesticis eam tradunt: alii vero publice docent, ut  
Fortunatus a Brixia Mechanicæ Philosophiae in Universitate  
Brixieni professor, qui Logicam, Metaphysicam, Physicam,  
Mathematicam, & alia opuscula emisit. Tertia Franciscanorum  
classis, quos Conventuales appellant, & ipsi ali-  
quos habent, qui in eamdem naviter incumbunt, e qui-  
bus Laurentius Savorinius Venetus, in Archigymnasio Ro-  
mano Logicam, & Metaphysicam exponit ex Recentiorum di-  
sciplina.

[4] Aliqui ex Augustinianis Lombardiae, uti vo-  
cant.

sci de Paula<sup>a</sup>, [1] Joannem Baptislam Becariam de Clericis Regularibus Scholarum Piarum, Thomam Mariam Mamachium Dominicānum, Philippum de Carboneano Franciscanum, Antonium Franciscum Vezzosum Theatinum, viros clarissimos, quorum vel nomina profere, laudare est. Plurimos tamen prætermitto præstantissimos Philosophos, quos si vellem percensere omnes, vix id magno volumine efficarem.

His accessit Benedicti XIII. P.M. gravissimum judicium: qui in archigymnasium Romanum Recentiorē philosophiam introduxit: eamque instrumentis ad perscritionem naturæ necessariis insigniter locupletavit: tum etiam in collegio de Propaganda Fide eamdem tironibus tradi mandavit. Cuius sub auspiciis publica gymnasia in Urbe condita sunt anno CCCCCXXXVII. a Clericis Regularibus Scholarum Piarum: in quibus non modo Humaniores litteræ faciliori via docentur, sed etiam Mathematica, & Philosophica disciplina ad recentissimam observationem exacta traduntur pueris. Rara temporum felicitate! in qua modo Catholicæ religioni observantia tribuatur, quo nihil vero Philosopho debet esse antiquius, cuilibet libere philosophari, & quam velit Philosophiæ sectam publice interpretari licet, & amplecti. Quo vel solo quantum momenti accesserit recentioribus studiis, vel me tacente, intelligitur.

Quod non eo dico, propterea quia sub ipsis pœne Pontificis M. oculis scribo: sed eo confidentius dico, quod clarissimi viri, nec modo utroque Jure, & Ecclesiastica historia contriti, ut ostendunt eruditissima scripta,

M

quæ

[1] P. Jacquier Experimentalē physicam in Archigymnasio Romano docet juventutem: P. Le Seur Mathematicam profitetur. Utterque Commentariis suis in Newtonum celeberrimus.

quæ in omnium ore & sermone versantur ; sed etiam solis dñi Theologia ; & Eclectica philosophia a puerο exculti ; merita nulli ignota sunt. Hominem non solum de Catholica religione, & doctis hominibus, verum etiam de Lusitanis nostris optime meritum, laudo : [1] & quamquam haud patrem ipsius meritis ; at pro facultate nostra pusillo isto quidem, sed sincero, præconio debitam gratiam resestimus. Sed redē ad institutum :

Etiā in Hispaniam ; quæ tenax veteris disciplinæ præter ceteras gentes fuit, quæque pro defendendis Aristotelis lentiū ad rayū usque contendebat ; quasi una Ethnici & omniō in pīi hominis Philosophia reipublicæ Christianæ salus continetur ; [2] Gassendiana philosophia pèdetentium admissa est : atque Religiosi ipsi èamdein publicis scriptis defendere non dubitarunt : Ex his Thomas Vincentius Tosca Valentinus ; de Clericis B. Philippi Neri, eddit Compendium Philosophicum, [3] in quo Gassendi philosophiam [non tamē puram] exponit : quamvis sententias suas, ne crabroneis irritaret, callide inducat, & Aristotelis placitis conciliare videatur. Quæ duo possint in concordiam vocari ; an secus ; non est hujus loci

[1] Tot inter alia, quibus prolixam in nos voluntatem ostendit, condidit Colimbræ in cœnobio S. Crucis duas scholas ; ubi historia Ecclesiastica, & res Liturgica publice explicarentur, easque adtributis redditibus doceavit.

[2] Hispano plerumque Recentiorem & meliorem philosophiam contemnere, narrat, & dolet vir doctus Mayanus Hispanus & ipse, in Vita Emmanuelis Martinii præfixa ejusdem epistolis. Addo Feijoum in Théâtro Critico Tom. VII. Discurs. XI. XII. XIII. XIV. in quibus Hispanorum suorum studia depingit.

[3] Valentia anno 1721. Volum. V. iv. 8.

ci disputare : viderint ii , qui Veteri philosophia , & historia Litteraria ad plenum erudit i sunt . Valde id placuisse Hispanis non nullis , demonstrant libri censores : quorum unus Ludovicus e Flandria Cappucinus plurimis verbis Stagiritæ in scholis suis tyrannidem dolet , & Ecclesiasticam philosophiam extollit .

Naturæ itidem scientia ; præsertim *Medicina* , meliori ratione coli cœpit in Hispania ; opera *Societatis Medicæ* cum Hispalensis , quæ aliquot ante annis ; tum *Madritensis* , quæ anno cœloccxxxiiii. instituta est . [i] Quæ plane conficiunt , Hispanos homines cultissimarum gentium studiis ac lucubratioib⁹ excitatos aliquando intellectisse , debere se eamdem , quam illi , viam tenere ; si ad laudem doctrinæ pervenire aliquam cuperent , & in Litteratorum censum merito suo referri .

Toscæ institutum secuti Lusitani non nulli , illi præsertim , qui B. Philippi Nerei familiæ dant nomen , eamdem Philosophiam publice docent cum Ulyssipone , tum alibi . De quibus quoniam tempus admonuit , non alienum videtur eorum disciplinam breviter exponere .

*Philippini* itaque parentem habent Bartholomæum de Quental sanctissimum hominem , qui fine proximi sæculi sodalitium Ulyssipone constituens , ex disciplina B. Philippi Nerei , id etiam legibus sapientissimis temperavit : unum commendans , ut quam maxime fieri posset , aliorum commodo vacarent . Quod sodales in se receperunt , promissumque summa cum fide ac religione impleverunt . Nam præterquam quod in omni pietatis in Deum , atque officii adversus homines genere versantur ; scholas publicas ab eo tempore plurimis in locis aperuerunt ; in quibus Philosophia , ac Theologia imbuunt adolescentes . Isque viri sapientes , & ipsi reges Lusitanorum testimo-

[i] Vide Feijoum loc. cit. p. m. 344.

ninius haud semel probitatis, eruditio[n]is, ac diligentiae amplissimum præbuerunt. Libenter ego homines laudo, qui non mercede conducti, non religione sacramenti coacti, sed studio inferiendi populatibus provinciam docendi sumunt, tantamque adolescentium multitudinem pietate, ac litteris informant. Documento, quo pacto homines, qui vitæ disciplina strictiori & sanctiori adstricti sunt, tempus & operam collocare debent. Sed ad propositum revertor.

Hi itaque primi fuere, qui Aristotelis philosophiam apud Lusitanos rejecerunt, atque ex *Gassendiana* ratione illa, quam Tosca secutus fuerat, philosophati sunt, ex eaque non nihil lucubrarunt, ac ediderunt. Et quamquam Ecclæsticam illam & recentissimam disputandi viam non adtigerunt; quod ipsum in Logica nostra monuimus, [1] tamen monstrarunt viam, quam qui diligenter insisteret, ad eam haud ita magno negotio pervenire potest. Prudentissime illi quidem, & multo melius quam ii, qui ex Aristotelica seu Scholastica institutione ad Newtonianam sine ultra præparatione homines trahere conantur.

Cum enim Aristotelici peculiare id habeant, ut obscurissima quæque naturæ mysteria referare conentur, idque non tam captis experimentis, quam abstractis notionibus: Contra Nevytoniani atque Experimentales ceteri non nisi de iis philosophentur, quæ naturæ ratione; ac periculo facto expediri queunt; id est, quæ ex principiis certis perspicuisque demonstrari possunt; quæ duo longissime distant; oportet ut tironum animi apud eos, qui veteri disciplina innutriti sunt, nec aliquid de Experimentali audierunt, veluti per gradus manuducantur, & quodammodo præparentur, ad novam Philosophiam accipientem. Quare non inepte viri docti, qui primi hanc eruditio[n]em apud nostros invexerunt, a *Gassendiana* illa studium duxer-

duxerunt: quæ cum ex hypothesi plerumque disputet; omnino videtur accommodata, ut *Hypotheticos* philosophos fletteret quo vellet, & sensim sine sensu ad interiora perduceret sanioris Philosophiæ.

Neque vero isti solum, sed etiam Canonici Regulares aliqui *S. Crucis* nuncupati, plurimique, qui apud exteriores nationes solidioris Philosophiæ rudimentis imbuti fuerunt, eidem privatim dant operam, eaque mirifice delectantnr. Quæ spem nobis faciunt, homines nostros, qui nec ingenio, nec diligentia exteris concedunt, Eclecticam philosophandi rationem curiose esse secuturos. Quod si fecerint, eidemque vacaverint diligenter, maximum adjumentum Philosophiæ accessurum esse confido.


Hæc Philosophiæ historia est ab orbe condito ad nostram usque ætatem. Quam nos strictem persecuti sumus, ne infinitum negotium tironibus exhibereimus, in quorum gratiam vel maxime opusculum editur. Quare Orientali hujus temporis philosophia, & peregrinis aliis, [1] quod ad finem nobis propositum non ducunt, supersedemus. In historia autem proximi, & præsentis sæculi, in quo vel maxime Philosophia mutata est, fontes ostendere, satius duximus, quam tironem inmiscere disputationibus, quæ non sine labore, & invidia explicari possunt. Fuerit

[1] Orientalium populorum Philosophiam cum Religione eorum arctissimo nexu colligatam esse, secundum eos, qui apud illos fuerunt, & Itineraria conscriperunt, monet Bruckerus de Philos. Gent. Asiatic. fine V. codicis. Itaque qui aliqua scire cupit, præter Itineraria, legat Picartum Religiones omnium Populorum, Jovetum Hist. Relig. omnium, Abrabamum Rogerum. Patens Janua ad abdita Gentilissimi mysteria, ceteros, sed cum dilectu.

satis in præsentia nominare auctores, [1] ex quibus tota  
res nullo negotio hauriri potest. Quos nobis in hac histo-  
ria conscribenda & materiam dedisse, & viam indicasse,  
grata memoria profitemur.

---

[1] Stollius Historia Litteraria ; Struvius Bibliotheca Philosophica ; Morbosius Polyhist. Litterar. Fabricius Catalog. Biblioth. suæ, Reimannus Hist. Litter. Germ. Buddeus Histor. Philos. Ephemerides Litteratorum , Lipsienses , Lugduno-Batavenses , Amstelædamenses , Parisienses , Trivultienses , Italæ ; ceteræ . Horum tamen aliquos tum legent Philosophi cum per eruditionem , & Ecclesiæ leges licebit . Quod tametsi non semel monuerimus , tamen tironibus atque in historia Litteraria parum exercitatis , id ipsum sæpenumero reperere consensaneum puto .



## LIBER SECUNDUS.

IN Q U O

DE UTILITATE PHILOSOPHIAE DISPUTATUR.

### C A P U T I.

*Ostenditur interesse Reipublicæ Juventutem  
institui diligenter.*



N omni bene constituta & morata republiea  
Juventutis institutio & magistratibus , & vi-  
ris prudentibus curie fuit . Cum enim quæ  
cum primo lacte ebibimus alte defigantur in  
animo , & vix aut ne vix quidem deleantur  
ab ideis vel populi usu , vel meditatione comparatis ; fit  
consequens , ab institutione Juventutis & gloriam , & per-  
niciem reipublicæ omnem auspicari debere . Quæ , si re-  
cta est , multum rempublicam juvare ; sin autem mala &  
inordinata , leges , societates , religiones ipsas labefactari  
necessa est .

Atque si memoria repetimus veteres illas respubli-  
cas , quæ admirationi cultioribus gentibus fuere , ut Ju-  
dæorum , Aegyptiorum , Periarum , Lacedæmoniorum ,  
Atheniensium , & Romanorum , maximum earum in edu-  
catione Juventutis studium posicium fuisse intelligemus .

Sin autem juniorum , & toto orbe notissimarum rerum publicarum œconomiam consideramus , ut Venetorum , Batavorum , Anglorum , ceterorumque ; reperiemus eas non nisi recte instituendis adolescentibus , qui vel magistris gerere , vel exercitus ducere , vel commercium cum exteris gentibus augere & restituere deberent , ad illud opum & potentiae fastigium pervenisse , ex quo venerunt ad hominum famam , & universi orbis admirationem .

Atque quin ulla externa perquiramus , domesticis exemplis edocemur , quantum ad imperii felicitatem juvenum recta institutio , & bonarum artium studium conducat . Nam quo tempore majores nostri rempublicam senioribus legibus temperarunt , parentesque filiis antiquæ virtutis , & doctrinæ exempla tradidérunt , eodem nostri homines gloria incitati , tot tamque præclara moliti sunt , quæ nulla cum gente comparari queant . Nam & viam a nemine tentatam ad Orientem invenerunt : & vastissima regna obtinuerunt : & profligarunt exercitus validissimos , regnique vires constabilierunt : mansuetorunt efferas & barbaras nationes : & Catholicam doctrinam in gentes , quas ne fando quidem fuisse audiveramus , magno cum religionis nostræ & commodo , & gloria importarunt . Facile ut intelligamus , quantum ex recta educatione Juventutis unaquæque respublica capiat utilitatis .

Duabus autem , ut mihi videtur quidem , optima institutio partibus definitur , mente , & voluntate : id est , in exercenda mente ut recte intelligat , & ratiocinetur ; ac moderandis cupiditatibus ne hominem abripiant transversum , sita est erudiendæ Juventutis methodus verissima . Quarum altera si quis careat , pessimus ; altera vero si orbetur , inutilis civis erit .

Nam qui in perpolienda facultate intelligendi , & omni eruditionis supellestile ornanda totus est ; de frenandis vero nimiis appetitionibus , iisque rectæ rationi subjec-

ciendis , ne cogitat quidem ; is incommodus sibi ; popularibus suis erit perniciosus . Qui vero sola animi moderatione contentus , intelligentiae , & doctrinæ laudem vel tamquam ineptam contemnit , vel tamquam perniciosa profligat , is inutilis , atque haud scio an etiam noxius patriæ civis alitur .

Nam cum Deus hominem fixerit ad societatem ; humana autem societas duobus contineatur , justitia , & beneficentia : quarum altera in hoc consistit , ut ne cui noceatur : ut communi utilitati serviatur : altera , ut dando , accipiendo , concilientur inter se homines firma societate ; oportet hominem civile vinculum mutuae caritatis & societatis non modo non dissolvere , sed confirmare . Cumque justitiae leges , tum etiam beneficentiae , ac morum præcepta a recta ratione proficiscantur ; omnino ratio est excollenda , quæ veri , & boni leges agnoscat : suam , aliorumque felicitatem procurare possit .

## C A P U T . II.

*Rei am Juventutis institutionem ex Philosophia  
duci debere demonstratur .*

**S**It igitur constitutum , rectæ educationis rationem , qua & nostram , & aliorum felicitatem procurare debemus , ad hoc revocari , ut mentem animi acuamus , quo facilius in omni vitæ parte recte judicemus : & ut ad rationis præcepta actiones nostras exigamus . Hæc autem nos *Philosophia* nomine significamus . Et quamquam hæc latius pateat , ad duas partes præsertim revocatur : [1] alter-

[1] Cognitio de veri , de boni per argumentationem adquisita vel in re *Physica* [ hæc *Mathematicam* , & *Medicinam* ]

teram quæ docet hominem inquirere verum : alteram quæ  
gum manuducit , ut bonum consequatur . Cumque hæc  
duo ad felicitatem muniunt viam , sit consequens , rectam  
institutionem , atque adeo felicitatem ex Philosophia du-  
ci debere .

Nolite ergo errare , Adolescentes , existimantes ve-  
ram hominis felicitatem , aut in opibus , aut honoribus ,  
aut voluptatibus consistere . Quid enim homini prodest ,  
vel pecunia , vel hominibus imperare , si seruit ipse erro-  
ri , & nimiis appetitionibus , quibus quasi vento transver-  
sum abripitur & agitatur ? Quis eum dixerit beatum , qui  
numquam veritatem consequitur , qui perpetuo in errore  
versatur , qui nec se continere novit ; nec officia erga alios  
servare ? Ego vero hunc non modo beatum non dixerim ,  
sed inselicissimum præter ceteros mortales esse censeo .

Quem ergo beatum nominamus , aut hoc verbum in  
quo homine ponimus ? opinor in eo , qui cum mentem iis  
præceptionibus imbuerit , quibus in unaquaque re & ve-  
rum , & bonum percipiat ; ad has leges yitæ disciplinam  
conformat , & omnino tranquillum animum servat : neq;  
modo se bonum virum , sed bonum civem præstat repu-  
blicæ . Quæ duo cum Philosophiæ præsidii habeantur ,  
consequitur reipublicæ felicitatem bona Philosophia con-  
gredi .

C A

---

nam comprehendit ] vel Pneumatologia , vel Theologia Na-  
turali , vel Jure , est Philosophia . Verum cum Logica , &  
Ethica omnis Philosophiæ fontes aperiant ; & instrumenta ,  
ut ita dicam , sint , quibus notitia omnis Philosophica ad-  
quiritur , postori jure Philosophia nominantur .

## C A P U T III.

*Docet bonam Philosophiam non modo in gravissimis disciplinis, sed etiam in humanioribus, & in omni vita parte dominari.*

**E**rrant igitur qui censent, Logicam, & Ethicam angustis spatiis definiri: nam latius patent, quam indocti homines suspicari possunt. Principio Logice in omnibus scientiis praecipuus usus est. Cum enim disciplinæ omnes hunc finem habeant, veritatem investigare; plane conficitur, artem quæ docet, quo pacto veritatem investigabimus, omnino esse accommodatam ad omnem disciplinam accipientiam.

Percurramus singulas disciplinarum classes, & finem, quem sibi ponunt, consideremus, facile deprehendemus, eas sine Logicæ præsidio comparari non posse. Et quamquam de iis primo libro prætereuntes aliquid monuerimus, hoc loco copiosius sunt illustranda, idque alia ratione: quo facilius singularum naturam, & usum cognoscere possitis.

Ac primum Physica se offert: cuius munus est, Corporis cum generatim, tum singulatim proprietates explorare: deinde Medicina, quæ humani corporis fabricationem, ægritudines, & viam sanitatem recuperandæ quam sagacissime odoratur. At quis hic non videt, quam acutum & subactum ingenium necessarium sit, ut yeras, non fidas, rerum causas internoscamus? Sane qui hac facultate carent, ji quidem unum pro alio frequenter accipiunt. Testes locupletissimi sunt Veteres physici, & medici Galenici, qui etiamsi eadem phænomena vidissent, quæ nos, tamen quod eadem recte non explorarunt, ad causas fiditas consugerunt.

E. g.

E. g. Duæ tabulæ ex marmore levigato tam tenaciter adhærent, ut non nisi incredibili vi altera ab altera separari queat: quod si alterutram consrictando inpellis, sa- cillime móvetur. Peripatetici dixere, caussam esse repugnantiam vacui. Recentiores vero, qui sine ullo præjudicio caussas, & adjuncta examinarunt, facile cognoverant, unicam caussam esse pondus aeris.

Unde ergo habuere Recentiores, rem sine ullo præjudicio explorari debere: item oportere caussas omnes, & adjuncta sagacius odorari, excutere; nisi a Logica, quæ hujusmodi præcepta late persequitur? Itaque certum est, acutum & celere judicium Logicæ præceptis, eorumque adsidua exercitatione obtineri.

Consequitur Pneumatologia, quæ & Dei, & Mentiū existentiam, ac proprietates perscrutatur. Hic etiam Logica dominatur. Nisi enim in judicando simus exercitati; quo modo firmas ab infirmis ratiocinationes separare poterimus? quo pacto internoscere, quales sint utriusque naturæ germanæ proprietates? Quod si mente reputamus, quanta quamque erudita volumina de hac materia doctissimi Recentiores conscriplerint; [1] quamque intricate in iis disputationes se offerant, contra Atheos, Polytheos, Deistas & Naturalistas; sine labore intelligemus, non nisi hominem a præceptis Logicæ paratum, eumque valde exercitatum, de hac materia apte & sapienter judicare posse.

Jam Theologiz munus est ostendere, Sacros codices divini spiritus adflatu fuisse conscriptos: idque eodem sensu, quo ecclesia Catholica accipiendos esse docet. Turbant hic multa Hæretici, ac alienum sensum Scripturæ verbis adtribuunt. Quo ergo modo germanos libros ab apocryphis, quo modo sensum verum a' fiftio sejungemus; nisi leges

---

[1] Regis, Trevisani, Fenelon, Magalotti, ceteri.

leges probabiliter judicandi, atque interpretandi regulas cognitas habeamus? Quis autem nobis has leges suppeditat, nisi Logica disciplina? Et de theoreticis disciplinis hucusque...

Philosophiae practicæ si naturam exploramus, plane deprehendemus, eam tribus partibus absolvit. Harum altera vitia voluntatis examinat, & quo pacto emendari possint, ostendit: [1] nempe adsecutione Summi boni, quatenus argumentatione naturæ cognosci potest: quæ hominis summa felicitas est: seu bonum quærerit, quatenus mentem, & voluntatem emendat. [2] Hæc peculiare sibi Ethicæ

no-

[1] „ Philosophia nos primum ad Dei cultum, deinde, „ ad jus hominum, tum ad modestiam, magnitudinemque „ animi eruditivit. Cicero Tuscul. I:

[2] Cognitio Summi boni, quatenus naturæ ratione comparatur, per se it illa quidem emendat mentem, & voluntatem hominis, dum nos inpellit, ut adfectus nostros regamus, virtutes morales adquiramus, & tranquillitatem, eam animi consequamur, quæ nos vere facit beatos, & ad supernam felicitatem quodammodo perducit. Verum ea non sufficit homini, qui ad summam felicitatem contendit. Propter quod cum homo in hac vita vitiis undique obruatur, in tam frequenti occasione peccandi; Deus autem homini non conjungatur, nisi justitiae ejus omnino satissimat; consequitur fortiora præsidia esse necessaria, si cum pravis affectibus strenue bellum committere conamur. Vires unde tales habemus ratio non docet. Itaque aliud lumen sit oportet, quod nos ad felicitatem perducat, scilicet divinus sermo seu revelationis, quæ ea, in quibus ratio, cœcutit, ostendat, & doceat, quo modo divinæ justitiae & voluntati satisfaciendum sit, & ex quo fonte auxilia ad id necessaria consequi possimus.

Hæc est Divina scriptura uigilusque fœderis, quæ no-

bis

hōmēn fecit. Altera ex ipsa rationali natura leges justi, & honesti deducit, quæ in omni vita parte ea; quæ sacerē debemus, dēmonstrant. Itaque & ipsa bonum quærit, non quatenus animi flagitia emendat, sed quatenus justum, honestum, decorum est. Hæc pars de officiis hominum, & delegibus, quibus ea reguntur, p̄cipit, & vocatur *Jurisprudētia Naturalis*.

Tertia Practicæ philosophiæ pars prudentiæ regulas in universum exponit, quæ externam hominis felicitatem in omni vita parte dēmonstrant: Ex quibus & prudentia Civilis, & Ecclesiastica, ceteræque prudentiæ partes sua principia defūmunt. Hæc Prudentiæ Generalis nomine distinguitur: nec nisi hac ætate systematiko modo tradi cœpit. [1] Quoniam vero prudentia vel maxime nota fit

ex

---

bis ea tradit, de creatione rerum ex nihilo, de origine generis humani, de primi hominis integritate, & lapsus pœna; de essentia Dei, hujusque voluntate nos beandi, de extrema iſtaurazione corporum, ac publico iudicio, præmisit & pœnis post mortem, quæ humana ratio ignorat. Eadem docet, Christum pro nobis satiſfecisse Deo, ut quem si beneficio divino, & ex disciplina Catholice ecclesiæ per fidem accedimus, mēitorum ipsius particeps sumus, qui auxilia nobis p̄fstat, ut vitiis resistamus, ut eidem obtemperemus, ut cum amemus, ut in virtutibus semper majorēs progressus habeamus: cum deum summam felicitatem consequamur. Ex quod manifestum sit, religionem Naturalem ad Supernaturalem sensim conducere: & ex utraque Philosophum contra Naturalistarum; & Deistarum errores & in pia dogmata promere argumenta.

[1] Christ. Thomasius Primæ lineæ de Jurecons. Prudentia Consultatoria, & J. Fr. Buddeus Elem. Philos. Practicæ t. 2. Prudentiæ leges exposuerunt, & quod pacto ad singulos

972

Ex ratione, qua generales leges ad reipublicæ conformatiōnem, vel eos, qui reipublicæ partem aliquam adtingunt, accommodantur; siccirco præcipua pars prudenter Generalis est Civilis prudentia seu *Politica*: quæ statum reipublicæ, Regum; eorumque, qui publicam rem procurant, ex legibus prudenter moderatur: [1].

Quan-

ordines, præsertim ad reipublicæ Civilis administrationem accommodari possint, persecuti sunt:

[1] *Politica disciplina* quædam præcognita ponit, quædam vero tradit: Primo requirit notitiam legum Naturæ; quas Jurisprudentia Naturalis exponit: Deinde plenam notitiam originis, & conformatiōnis rerū publicarū, quæ pars est Jurisprudentiæ Naturalis: [Recentiores quidam hanc partem seorsum disputant hoc titulo, *Jus Publicum Universale*: ut *Justus Böhmerus Introduc[t]io in Jus Publicum Universale ex Juris Naturæ principiis deductum*. Ha-  
lae 1710. 8. Alii *Jus Publicum* cum Prud. Civili seu *Politi-  
ca conjungunt*] Hæc prolegomena quædam in *Politico* sunt. Peculiare autem habet *Politica*; quod quædam addit, & explicat, quo facilius Naturæ leges executioni mandentur: Ipsius libri Pandectarum, & Codicis ex utrisque constant: nempe ex Naturæ præceptis, & formulis hoc consilio constitutis, ut illæ leges in tuto essent & salvaæ. Quare si a legibus Civilibus Naturæ præcepta sejungimus, nihil nisi quædam formulæ restant, quæ omnino nullam vim habent.

Itaque & Civiles leges Naturali opitulantur: & vi-  
cissim cum illæ deficiunt, ex Naturæ præceptis judicandum  
est. Sensit id summus illè Romane reipublicæ Philosophus, &  
Jurisconsultus, idque docuit tum alibi, tum in Rhetorica, hoc  
modo . . . Omnes leges, Judices, ad commodum reipublicæ re-  
ferre oportet, & eas ex utilitate, non ex scriptione, quæ in  
litteris est, interpretari . . . Neque enim ipsi [qui le-  
ges,

Quanta autem homines a præceptis Logicæ nullo modo parati futilia invenerunt ! quot falsas leges excogitarunt ! quot ineptas consecutiones inde duxerunt non modo Gentiles , sed ii , qui se Christianos profitebantur ! quas & Romani pontifices notarunt , [1] & ipsi nobiliores Philosophi ostenderunt , decori & honesti legibus repugnare . Itaque omnino est necessarium peracre & limatum judicium , ut cognoscamus , quinam sint fontes moralium rerum , ex iisque germanas consecutiones cogamus : nec decipiamus a quorundam sententiis , quæ nos abripiant transversos .

Ex Morali philosophia jus Civile proficiunt , nemo vel mediocriter doctus ignorat . [2] Non hic juris Civilis nomine significo leges , quas singulæ respubliæ ad bonum subditarum sibi gentium promulgant , & juris Municipalis nomi-

ges scripserunt ] quod obesset , scribere volebant : & si scripissent , cum esset intellectum , repudiatum iri legem intelligebant . Nemo enim leges legum causa salvas esse vult , sed reipublicæ : quod ex legibus omnes rempublicam optime putant administrari . Cicero de Inventione . L. II. c. 38 . Quæ vero in Politico discipline requirantur , docet Conringius de Prudentia Civili , & de Civili Philosoph . ubi autores , qui de singulis partibus scripserunt , recenset . Confer . Naudæus Bibliograph . Politica .

[1] Conferantur Cardenas , Viva , Milante , Du . Bois , Ricci , Lumbier , Duarte d' Aragon , Sellari , ceteri , qui propositiones ab Alexandro VII . Innocentio XI . Alejandro VIII . Clemente XI . damnatas percensent , & expoununt .

[2] „ Est enim primo de ratione legis humanae , quod sit derivata a lege Naturali . B. Thomas , Prim . Sec . q. 25 . art . 4 .

nomine continentur : quæ , quamvis recte rationi plerumque sint consentaneæ , tamen , quod diversarum gentium moribus sint accommodatæ , longe absunt a natura juris Civilis . Sed ius Romanum intelligo , quod legibus XII. Tabularum , & Pandectis , & Codice , & Novellis Justiniani , ab Anonymo quodam e Græco conversis , continetur .

Has autem leges e media Philosophia sumtas esse , nescit nemo . De legibus XII. Tabularum auctor est Cicero , qui eas Philosophorum libris anteponere non dubitat . [1] Pandectæ vero , & constitutiones Justiniani , cum Philosophorum responsis , qui ex Stoicorum disciplina philosophabantur , [2] contextæ sint , Moralem undique philosophiam redolent . [3] Quæ nos luculenter probare poteramus , si id ageretur in præsentia : verum ne in re minime dubia vel argumenta , vel testimonia conglobemus ; & videamur lectori nostro copiam eruditionis ostendere ,

N

tare ,

[1] „ Fremant omnes licet dicam quod sentio: Bibliotheca mehercule omnium Philosophorum , unus mibi videtur XII. Tabularum libellus , si quis legum fontes , & capita viderit , & auctoritatis pondere , & utilitatis umerate superare : Cicero de Orator . L. I. cap. 44.

[2] „ Et quoniam , uti diximus , ad prudentiam Romanorum fuit attributa philosophia Græcorum ; plura dogmata versantur in jure Civili , quæ Philosophorum scholam , ac Stoicam præcipue redolent . Gravina de Ortho Progressu Juris L. I. pag. m. 33.

[3] „ Quoniam nihil est aliud jus Civile , nisi naturalis ad Romanæ reipublicæ institutionem relata , Romanisque moribus & litteris explicata ratio . . . . Idem Gravina loco citato initio libri .

tare , libenter supersedemus iis , quæ a gravissimis Juris-prudentibus copiose sunt disputata . [1]

Quod si jurisprudentia Civilis ad Naturalis leges referri debet ; [2] quis non videt , recte cogitandi artem , seu mentem hac arte exultam eidem percipiendæ penitus esse necessariam ? Et eo magis professoribus Juris est necessaria recte judicandi disciplina , quod eorum consilio , ac judicio salus aliorum , & fortunæ reguntur : quorum lapsus & patrimoniorum ruinam secum , & vitam etiam ducunt aliorum .

Non hic ego , Adolescentes , locutulejum , aut rabulam aliquem de foro advocabo , qui vobis originei juris Communis ostendat : sed excitabo hominem philosophiæ Moralis , ac Juris peritia nobilem , totius elegantiarum & eruditionis Græcæ , ac Latinæ thesaurum , Janum Vincentium Gravinam , qui justi , & injusti notitiam ex jurisprudentiæ Naturalis fontibus dicit : & plurimis verbis ostendit , quantum recte judicandi ars Jurisconsulto adserat adjumenti . [3]

Con-

[1] Idem Gravina loco citat . præsertim L. II. Heinicus , de Jur. Naturæ , & Gentium , Pufendorfius , Thomæfus , ceteri .

[2] „ Ergo est lex , justorum , injustorumque distinctio , „ ad illam antiquissimam , & rerum omnium principem „ expressa naturam , ad quam leges hominum diriguntur ; „ quæ suppicio improbos adficiunt , defendunt ac tuentur „ bonos . Cicero de Legib. L. II. c. 5.

[3] „ Tria omnino sunt Juris professori necessaria , Latinæ , „ linguae peritia , ratiocinandi ars , & notitia temporum . Idem Gravina Loco citato Præfat . Eadem fuis exponit alio loco : „ Quid enim est aliud jus Romanum , nisi ratio „ imperans , & armata sapientia , sententiæque Philoso-

pho-

Consequitur jus Pontificium : quod veterem , me-  
diām , & novam Ecclesiæ extēnam disciplinam exponit .  
Hæc vel pertinet ad Sacerdōtēs , seu viros divino ministe-  
rio mancipatos : vel ad Rēs Sacras , ut sunt Sacramenta ,  
templa , ceteraque , quæ ad ea referuntur : [1] vel ad Ju-  
dicia , seu modum quo Sacerdotum delicta justo judicio  
vindicari , ceterique magistratus Ecclesiastici de singulis  
rebus judicare debeant . Itaque & jus publicum Ecclesiasticum  
complectitur , & prudentiam Ecclesiasticam , quæ leges  
Pontificum ad singulos catus referre doceat .

Hæc vero leges naturæ ratione suadente latæ sunt , &  
pro varia temporis , loci , gentiumque differentia , vel abolitæ ,  
vel mutatæ . Non enim Romani pontifices , non ecclesia Uni-  
versa aliquid nisi ratione & consilio faciuit , ad augendum  
Dei cultum . Itaque primum leges Naturæ , & Divinæ  
cognoscendæ sunt : deinde Ecclesiæ disciplina omnis , seu  
jus publicum Ecclesiasticum : postremo leges probabilita-  
tis , & interpretationis in promtii habendæ sunt : ut le-  
gum , quæ pro varia disciplina , alio & alio tempore ,  
& auctore sunt latæ , germanus sensus eruatur . Ad eoque

„ pborum in publica iussa conversæ & prope finem : „ Sane  
„ qui Philologiam existimet a Jurisprudentia posse divelli ,

„ idem petierit , ut navis communis cum socio dividatur .

Oratione III. de Jurisprudentia .

[1] Liturgia , quæ ritus exponit , quibus Deum , & San-  
ctos colimus , pertinet ad jus publicum Ecclesiasticum :  
propterea quia ab Ecclesiæ consuetudine , & Pontificum consti-  
tutionibus proficiscitur . Et de cultu Sanctorum copiose dispu-  
tant Jurisprudentes : quibus merito suo anteponuntur Bene-  
dicti XIII. P. M. scripta copiosa ea quidem , & interiori  
eruditione polita .

lucem jurisprudentia Pontificia a logica Recentiori accipit, quæ in hoc occupatur, ut veri cum certi, tum probabilis investigandi viam muniat & sternat.

Jam theologia Moralis se offert, quæ in tres partes dividitur. Altera humanæ naturæ corruptionem, id est, peccatorum originem persequitur: &, quæ inde nascuntur, infirmitates animi exponit: viamque sternit, qua ex tantis miseriis emergamus, & in omni virtutum varieta te magis magisque proficiamus, Deoque conjuncti simus. Hæc theologia Moralis stricta significatione appellatur. Altera divinas leges, quæ in Sacris codicibus exstant, vel quasi de manu in manum ad nos venerunt, enarrat: & officia, quæ inde fluunt, exponit: tum ad extremum, quibus præsidiis actiones nostras ad prædictas leges exigere debeamus, demonstrat. Hæc a Recentioribus vocatur *jurisprudentia Divina*: Tertia pars de *prudentia Christiana* disserit: id est ostendit, quo modo Christianus homo, ille præsertim, qui docendū munus subit, actiones suas ad salutem tum suam, tum eorum, qui fidei suæ commissi sunt, consequendā componere debeat: quo facilius finem nobis propositum obtineat. [i]

Ex

[i] Hæc est Moralis theologiæ notio quatenus Morali philosophiæ ex altera parte respondeat. Nam hæc religione naturali, seu legibus Naturæ tantum: illa vero superna religione, seu lege Divina, & Pontificia continetur. Quoniam vero, qui legi Naturæ peccant, Deo peccant, qui voluntatem suam non modo revelatione; sed etiam ratione hominibus patefecit; siccirco disciplina morum late patet: atque philosophiam Moralem [id est, Ethicam lata significatione, prout tres partes complectitur] & Moralem theologiam comprehendit.

Ex iis autem, quæ hucusque disputavimus, efficitur, etiam in theologia Morali bonam Philosophiam regnare: nec Logicam modo, verum etiam Ethicam, & jurisprudentiam Naturalem ad eam requiri. Primum, quia nisi legi Naturæ obtemperemus, quæ Divinæ legi adamussim consentit, innocentem vitam non agemus, nec in virtute prosciemus. Deinde, quod in singulis vītæ partibus quædam frequenter occurunt, quæ non nisi ex Naturæ præceptis finiti possunt. Quo enim modo si de legibus, de pactis, de contrahilibus, de ultimis voluntatibus, de pœnis, ceterisque rebus, quæ in Sacris libris non nisi obscure traduntur, agatur, non cognitis justitiae fontibus, illoque recte perpensis, apposite dicere poterit Moralis theologia consultus? Postremo, quia nisi arte, confilio, industria humanae mentis vires, actiones, legesque nobis inditas vestigare non possumus. Cum igitur morum responsa, quibus officia reguntur, non modo ex Divinis legibus, verum etiam ex germanis Jusli, & Injusti fontibus derivari debeant; plane conficitur artem ratiocinandi, legesque interpretandi, morum doctori esse necessarias, ut veras Jusli, ac Honesti leges internoscat, & ex iis deducat germanas conclusiones.

Quid? in ipsis etiam disciplinis, quæ ab humanitate nomen habent, quid nos sine Judicio exercitato boni cogitare possumus? Quod enim judicium de poemate aliquo, de oratione, de historia, de libro faciemus, nisi & acerrimo ingenio valeamus, & præceptis non solum Rhetoricæ, sed Logicæ artis sumus exculti? Quot enim ineptiæ, Dens bone, funduntur ab illis, qui sine talibus adjumentis vel ea audient componere, vel de iis judicare presumunt! Percurrantur vel sola scripta, quæ hoc, & proximo saeculo prodierunt, in quibus nobiliorum Grammaticorum, Rhetorum, Poetarum, Historiorum

ricorum [1] vitia ac virtutes exponuntur; & intelligemus, quanta doctrinæ copia, quanta Logicæ, ac Criticæ artis supellex est necessariæ, ad hæc commode adornanda, & percipienda.

Neque vero putetis, Adolescentes, rectam rationem, [2] quam Deus posuit in animo, satis esse; ut hæc & certo, & nullo negotio præstemus. Nam quemadmodum Homo facultate numerandi, saltandi, canendi, persuadendi, natura gaudet; nec quisquam dubitat, Arithmeticam, Artēm commode saltandi, Musicam, Rhetoricam, esse necessarias ut id faciat; ita quamvis logica Naturali polleat, nullus nisi iniuptus dubitabit, artem ipsam Logicam esse necessariam, ut & facile, & recte ratiocinetur.

Itaque, vel hoc nomine commendari debet Philosophia, quod mentem tam acuit & polit, ut qua facultate homi-

[1] *De Historicis Langletus* in Meth. Histor. agit, & virtua, ac virtutes percenset. Confer. Wbear. Relectiones Hiemales: 1700. *Vossius de Historicis*, Rapin Reflexiones super Historia. *De Poetis Bailletus* Judicium Eruditorum, *Vossius*, & Scaliger in Poetica: *Rapinus de eodem*. *De Rhetoribus*, & *Orator. Gibertus* Judicia Eruditorum, *Rapinus* Reflexiones de Eloquentia, *Vossius de Rhetorica*, ceteri. His addi possunt Ephemerides Parisienses, Lipsienses, Lugduno-Batavenses, Trivultienses, Italæ, ceteræ, in quibus de libris, qui prodeunt continententer, fertur judicium. Confer: potest Junckerus Schediasma Ephemeridum, ubi histor. Ephe meridum usque ad annum 1692. describit: & Morhof. Polyhistore Litterar. Popeblountius Censura Celebriorum Authorum, ceteri.

[2] Recta ratio est, facultas veritates alias ex aliis per necessariam conclusionem ducendi: hæc vocatur, logica Naturalis.

homines maxime belluis præstant, eadem tam alii aliis anteponantur, ut alterius ordinis, & multo præstantioris mentis esse videantur. Quis enim si Galilæi, Borellii, Cartesii, Gassendi, Malebranchii, Hospitalii, Poleni, ceterorumque cogitata, cum Hotentotis, Aethiopibus, Canadensibus, aliisque efferis nationibus conferat, putet ex simili facultate percipiendi utrorumque cogitationes manare?

Quid autem illud est singulare & excellens, quo homo ab homine differt, & eum supra humanam conditib-nem, ut ita dicam, evehit, nisi adsidua exercitatio, quæ & mentem aptam reddit, quæ singula recte percipiat; & ex iis aliqua derivet, quæ necessario nexus cum prima colliguntur? Nam quemadmodum gladius acutissimus, qui plures annos aeri objectus rubigine incrustatur, ad aliquid commode cedendum non est idoneus; idem vero si probe expoliatur, omnia facillime dividit, & ad opera mirabilia efficienda aptus est; ita mens nostra nisi recte judicando exerceatur, & optimis præceptis tamquam obrussa expoliatur, ad aliquid percipiendum non erit apta. Sed de his hucusque.

Reliquum est ut doceamus, Philosophiam non modo ad litterarum disciplinam esse necessariam, sed etiam in usu vitae valere. Quæ quoniam ex iis, quæ copiose differuimus, perspicue consequuntur, supervacaneum est ea longo sermone explicare.

Cum enim homines, si non ferino more, sed eo modo, quo decet animal ratione præditum, agere volunt, actiones suas ex Naturæ lumine, seu philosophiaæ Moralis Iontibus ducere debeant; hæc autem collectio non nisi per argumentationem habeatur; conficitur, Ethicam, & Logicam ad hominum actiones moderandas per quam utiles esse & congruentes.

Nam tametsi homines, ne ipsis quidem efferis gentibus exceptis, si mente recte utantur, domesticis præ-

diis bonum & honestum cognoscere possint ; adeoque & bene agere , & recte de re morali jndicare ; tamen cum in hac vita ad festibus pravis , & ineptis præjudiciis undique obruamur ; [1] & pauci sint , qui rationem recte exerceant , & lumina Naturæ consulant meditando , sine quibus leges honesti non cognoscuntur ; [2] interdum vero difficultates occurrant in humana societate , quæ etiam viros doctos fatigant ; consequitur , disciplinam , quæ leges honesti distincte tradit , mentemque acuit ; ut ex iis perspicuas conclusiones deducat ; qnibusdam utilem , quibusdam penitus esse necessariam .

Sive enim homo secum agat , doctrina Morum , & recta ratio est necessaria , ut se & bonum virum , & optimum civem esse ostendat . Sive cum privatis agat hominibus , & ad utriusque legis præcepta , pactiones suas & contractus conformare debet . Sive aliquam rei publicæ partem adtingat , & ita leges justi , & injusti in promptu habere debet ; ita populorum mores , atque art em eos continendi exploratam habere ; ita exercitato judicio uti ; omnino ut populos justo imperio regat , & tranquillam ac florentem faciat rem publicam . [3]

Pro-

[1] „ Parvulos nobis dedit [ natura ] igniculos , quos celeriter malis moribus , opinionibusque depravati sic resinguimus , ut rurquam Naturæ lumen appareat . Cicero Tuscul . Quæst . L . 111 . c . 1 .

[2] „ Desideras dici , quomodo ad nos prima boni honesti notitia pervenierit . Hoc nos docere natura non potuit : semina nobis scientiæ dedit , scientiam non dedit .... Nobis videtur observatio collegisse , & resum sœpe fararum inter se collatio , per analogiam nostro intellectu & bonum , & honestum judicante . Seneca Epist . 120 . p . 457 . edit . Gronov . [3] Conferantur quæ de Politica admonuimus supra in adnotazione quadam .

Profecto si humanas actiones examinamus, & qua de causa laude digna sint, curiosius vestigamus, reperiemus hanc esse, quod rectæ rationi sint consentaneæ. Quidquid enim homines boni cogitant, quidquid moliuntur, & agunt; a ratione proficiuntur: [1] quæ & nos docet quid agere debeamus, & quo modo cogitemus, ne in usu vita decipiatur. Quare etiam in humana societate utraque disciplina usum habet: & ad utriusque præcepta virtutis institutum conformare debeimus.

## C A P U T . III.

Demonstrat bonam Philosophiam non repugnare veræ Theologie, immo vero esse necessariam  
ad eam addiscendam.

**E**X hucusque disputatis fit manifestum, lectissimam Philosophiam Theologiae addiscendæ penitus esse necessariam. Quod ut facilius demonstremus, quid ipsa Theologia sit, fasius, quam alibi fecimus, declaremus oportet.

Quidquid nos de Deo certo scimus, id Theologiam vocamus. Dupli autem via ad notitiam certam rerum divinarum pervenimus, argumentatione naturæ, & divina declaratione. Nimurum sunt quædam, quæ constant per argumentationem naturæ consentaneam: ut existare unum Deum, esse perfectissimum; habere procreationem mundi, & rerum humanarum, esse colendum, cetera. Hanc vocamus theologiam Naturalem. Quædam non nisi declaratione divina nota fiunt: ut Deum esse unam naturali & tres personas: creasse mundum ex nihilo hoc & il-

lo

[1] Sermo est hoc loco de virtutibus moralibus tantum: & de ratione boni naturalis, non superni.

lo modo, ac tempore: condidisse angelos, & hominem hoc consilio ut ad felicitatem contendant, eosque etiam post Adami lapsum adjuvare: venisse in orbem terræ, mortemque sponte obiisse confixum cruci ut hominem servaret: vivum rursum adscendisse in cœlum: constituisse rem publicam suam, seu ecclesiam: legibus temperasse, eamque perpetuo gubernare: venturum extrema die ut homines instauret, eosque publico judicio pro meritis donet: post quæ mundi erit interitus, cetera. En *theologia Supernaturalis*.

Utraque autem pars ex bona Philosophia instratur & confirmatur. Et quod ad primam pertinet, perspicuum est, Naturalem theologiam nihil aliud esse, quam Philosophiam de rebus divinis disputantem. Cum enim ejus scopus sit, Atheos [1] Polytheos [2] Deistas[3] ceterosque in-

[1] Athei nomine hoc loco significamus eos, qui vel Deum omnino tollunt: vel Dei nomen retinentes, ejusdem proprietates reficiunt, & adfirmant, Deum, vel intelligentia carere, vel necessitate agere: vel contendunt, argumenta, quæ Deum esse demonstrant, non id efficere: vel aiunt, non posse certo sciri an Dens sit, sed cum dubio esse dicendum: qui alio nomine vocantur Sceptici.

[2] Polythei sunt, qui plures Deos admittunt, ut Idolatriæ: vel duo principia ponunt, unum bonum, aliud malum: ut veteres Persæ, & Aegyptii, ex Christianis Marcionitæ, & Manichæi, ac recentiores non nulli.

[1] Deistæ sunt, qui eti dicunt simulate, Deum conditorem materiæ existere, tamen procurationem mundi illi tollunt, eumque ab humanis rebus sejungunt: contendentes, ex materia cum motu a Deo creata fortuito omnia effici. Alii adfirmant, Dei providentia res naturales administrari: contendunt tamen, actiones bonas, & malas non a natura

inpios confutare , qui non auctoritate , sed rationibus disceptant ; plane conficitur , Naturalem theologum iisdem armis Religionis decreta esse defensurum .

In hoc autem negotio duo Theologo curanda sunt : alterum , ut cum hos inpios confutat , argumenta non sumat ab Scripturæ , Patrumque sententiis , quæ ipsi non admittunt : sed religioni Naturali , & Supernæ fines constituant , alteramque ab altera seorsum tractet . Quod quia non nulli Philosophi [1] non animadvertisunt , nihil efficiunt adversum Naturalis religionis hostes , qui divinum sermonem contemnunt . Alterum , ut ostendat , Naturalem religionem Divinæ opitulari , & vicissim a Divina juvari : [2] adeoque utramque ab eodem Dei numine profici-

sci ,

---

tura hominis esse , nec a Deo regi justitia , & bonitate ; sed legibus humanis esse constitutas . Itaque & religionem naturalem , & revelationem omnem tollunt : tum rationis , & honestatis leges depravant & rejiciunt ; atque humanas leges suo modo interpretantur . Alii Deo mundi , & hominis creationem , administrationemque concedunt : hoc agunt , mentem cum corpore perire : atque plurimis verbis persuadere conantur , præmium , & pœnam diverso modo accipi debere . Postremo alii & religionem naturalem profitentur , præmia , ac pœnas post mortem agnoscunt : nihiloseius bæ rationibus naturæ se habere contendunt : declaratione divina non item , quam aperte rejiciunt .

[1] Conferatur Toscæ , Compend. Philos. Tom. V. de Metaphysica Reali , qui hoc peccat .

[2] „ Legem ergo destruimus per fidem ? abſit , sed legem statuimus . Paull. Roman. III. In quem locum ait Chrysostomus : „ Verum illa quidem lex nimirum præstare hoc non valuit , omnes enim peccaverunt : fides autem ei superveniens id præstitit : simul enim ut quis creditit , justificatus

sci, qui ea, quæ a nobis postulabat, utroque modo patefecit. Nam Sacra scriptura non omnia, quæ facere debemus, persequitur minutatim: sed tamquam rem minime dubiam ponit, hominem naturæ præsidiis multa cognoscere, posseque ex principiis vel ratione, vel beneficio divino cognitis, conclusiones inferre. Atque ea tantum addit; quæ necessaria sunt, ut præcepta moralia tutius & firmius custodiat. [1]

E. g. Naturæ ratione perspicuum est esse Denm, eumque sapientem, omnipotentem, bonum, supremum legislatorem, humanæ societatis conditorem. Hæc tamen cum Sacri scriptores dicunt, non suse exponunt, & argumentorum copia confirmant; sed quasi rem omnibus notam tangunt tantum: immo vero plane adseverant, omnia, quæ de Deo scimus, adeo Philosophis de pago nota fuisse, ut excusari non possint, quod animum ad ea non adverterint. [2] Deinde declarant, Divinæ legis

,, catus est. Igitur legis voluntatem firmavit: atque  
,, ipsius illud ad finem deduxit, cuius gratia omnia lex ea-  
,, dem faciebat: non igitur fides legem irritam, sed ratam  
,, absolutamque fecit.

[1] ,,, Lex Vetus manifestabat præcepta legis Naturæ,  
,, & superaddebat quædam propria præcepta. Quantum  
,, igitur ad illa, quæ lex Vetus continebat de lege Naturæ,  
,, omnes tenentur ad observationem legis Veteris: non  
,, non quia erant de Veteri lege; sed quia erant de lege Na-  
,, turæ. Thomas Aquinas Prim. Secund. q. 98. art. 5.

[2] ,,, Quod notum est Dei manifestum est in illis, Deus  
,, enim illis manifestavit. [naturæ lumine.] Invisibilia  
,, enim iphus a creatura mundi per ea, quæ facta sunt, in-  
,, tellesta conspicuntur: sempiterna quoque ejus virtus  
,, & divinitas, ita ut sint inexcusabiles. Quia cum cogno-  
,, vis-

legis præcepta . Gentilibus cognita suisse rationis auxilio . [1]

Præterea ipsi scriptores Divini dum morum præcepta tradunt , non ea ordine digerunt & inlustrant ; sed ita cum hominibus loquuntur , quasi cum iis , qui horum notitiam habent . Adeoque quædam interdum adjungunt : quædam , quæ pravis moribus contaminata erant , emendant : tum demum cum opus est generalia præcepta ponunt , ex quibus plurimas conclusiones mente prædicti homines colligere possint , easque ad res singulas sapienter accomnodent .

Ex quibus fit manifestum , Divinam legem non nova jubere : sed ea , quæ natura nobis pandit , explicare tantum . Itaque altera ab altera inlustrari debet : atque vel hoc nomine , quod præcepta Divina Naturæ legi sunt contentanea , adversariis nostris luculenter probare possumus , Christianam religionem a Deo esse , & dignam esse quæ cetèris anteponatur .

Neque vero existimetis , Adolescentes , hujusmodi inpios , pervivaces , perduelles aut nullos existare , aut sine judicio & eruditione confutari posse , ut non nulli contendunt . Utrumque enim non ita se habere tenses non suspecti autores sunt . Principio innumeros in Europa , præsertim in Anglia , esse Atheos , & Deistas ; nostra , & parentum memoria fassi sunt viri doctissimi ,

Hue-

, trissent Deum , non sicut Deum glorificaverant , aut gratias egerunt . Paullus Romanos I. 19. seqq.

[1] , Gentes quæ legem non habent ( scriptam ) natura-  
,, liter ( id est sine locutione divina ) ea , quæ legis sunt ,  
,, faciunt : ejusmodi legem non habentes ipsi sibi sunt lex :  
,, qui ostendunt opus ejus scriptum in cordibus suis , testi-  
,, monium reddente illis conscientia ipsorum . Idem ibid.  
C. II. v. 14. seq.

Huetius, Magalottius, Fenelonus, ceteri, [1] qui eos dedita opera eruditissime refutarunt.

Quanto autem opere hujusmodi infideles præsertim recentiores, in litteras incumbant; quanta animi contentione recentioribus studiis dent operam; norunt qui eorum scripta legerunt, vel Litterariam historiam a limine salutarunt. Nimurum homines isti inpii adjumenta polliendæ mentis, & investigandæ veritatis temere & superbe flectunt ad religionem Naturalem evertendam, extinguendaque humanæ rationis lumina. Quis enim ignorat quanta sophismatum multitudine, quam impudenti & affectata eruditione, inpii illi homines, & non sine venia memorandi, Hobbésius, Spinoza, Bælius, Burnetius, Collinus, Beausobrius, Wolstonus, ceteri, vel religionem Naturalem, vel Christianam adorti sunt: quantaque moliti fuerint ut eam, si possent, tollerent e medio?

Quid autem proficies cum hominibus disputando, qui non dico generales notiones, & vocabula incertæ significationis, quæ nihil etiam apud Catholicos, qui veræ Philosophiæ dant operam, efficiunt; sed ipsa perspicuationis decreta interdum irrident, interdum revocant indubium; nisi judicio ab optima Logica parato, multa & exquisita doctrina excuto in pugnam descendas?

Non hic generalibus notionibus, non vocabulis inanibus, sed firma & perspicua ratione pugnandum est. Separanda sunt vocabula, quæ nihil significant, vel incertam habent significationem: utendum vocabulis usitatis, quæ accurate sunt definienda: lefftissimæ rationes adducendæ sunt: eaque ordine collocandæ, ut facilius, in animum legentis inlabantur. Adversariorum fallaciæ, quæ vel voce, vel re continentur, diligenter patescien-

[1] Fabricius De Veritate Religionis Christianæ cap. 22. recenset eos, qui contra Doctas scripserunt.

ciendæ : infirmandaque reliqua argumenta clarissimis & minime dubiis argumentationibus . Nihil pro certo ponendum , quod firma ratione perspicue non deducatur : nullæ hypothæses , nullæ res libere cogitatæ sunt recipiendæ : omnia argumentatione certissima efficienda sunt . Quis autem non videt , ad hæc præstanta quanta quamque selecta Philosophia sit necessaria ?

At enim , falsa defendunt ipsis , rectæque rationi repugnantia . Utinam Adolescentes , omnia , quæ ab hostiis Catholicæ religionis per fallaciam objiciuntur , sine labore possent consutari ! non enim tantam cum adversariis nostris dimicationem , tamque diuturnam fusciperemus : non has pestes frequenter offendemus , quæ & pacem ecclesiæ Catholicæ turbare non cessant ; & gravissimos Theologos armant ut eorum impudentiam perfringant . Sunt autem multa , quæ nos falsa esse & certo scimus , & perspicue deprehendimus , quæ tamen non nisi ab homine summo mentis acumine prædicto , & exercitatione disputandi contrito infirmari possunt : & quæ nisi pro merito resuntur , [ possunt enim ea omnia funditus labefactari ] maximum religioni nostræ adferre possunt detrimentum . Quæ cum & viri clarissimi disertis verbis testati sint , & diutinus usus illis , qui cum Infidelibus , & Hæreticis disputando contendunt , ostendat ; supervacaneum est de iis ulterius verba facere . Et de *Naturali theologia* hæc tenus .

Venio ad Theologiæ partem , quæ superna locutione continetur . Duo bic argumentis firmissimis confidere debemus : alterum est , Deum ea manifestasse viris divinis , quæ ipsi scriptis consignarunt : alterum , eo sensu tradidisse , quo Romana ecclesia accipiendum esse docet . Quanta autem ex hoc dupli fonte disputationum seges enascitur , quam acres , quamque diuturnæ !

Probemus vel unam partem nimirum , Mosen divino spi-

spiritu adflatum Pentateuchum scripsisse. Hic illico quædam argumenta se offerunt ex Historia desumpta, quæ primo adspicere tales libros Moysi abjudicare videntur. Quibus quo pacto occurremus, nisi & multijugi lectio, & limato judicio valeamus? Legatur vel unus liber clarissimi Huetii de *Demonstratione Evangelica*; & planum fiet, quanta Ecclesiastice, & Prosanæ historiæ, quanta solidioris Philosophiæ notitia est necessaria, ut iis occurramus, qui codices vel Veteris, vel Novi fœderis divino spiritu conscriptos suisse negant.

Deinde qui divinum sermonem rejiciunt, ii quidem Deistæ sunt, qui non nisi rationibus naturæ sacra dogmata adoriuntur. Iis igitur dupli modo est occurrentum: primum, ratiocinatione naturali, quæ ostendat, ex religione Naturæ perspicue sequi, supernam locutionem & Divinam religionem homini esse necessariam: deinde, argumentis ab Historia ductis, quæ efficiant, Judæorum, & Christianorum doctrinam Deum auctorem habere: Deistarumque objectiones solide diluat, & perspicue. Quæ cum e media, & solidiori Philosophia, interdum vero e physica Recentiori [r] argumenta sumantur; conficitur, divinam auctoritatem utriusque Testamenti, quæ omnis religionis & Theologiæ est fundamentum, Philosophia lectissima adversum hos inpios esse confirmandam ..

Jam vero cum iis disputemus, qui Sacros codices Divinos esse non negant; sed qui, quo sensu Scripturæ verba accipienda sint, examinant. Nounne in gravissimam disputationem, quæ nos ab Hæreticis sejungit, incidimus? Negant Sociniani, Calviniani, Lutherani, Christum Iesum dogma ullum Apostolis verbo tradidisse, seu, ut alii

vo-

---

[i] Derham, in *Demonstratione de Existentia Dei*, pleraque omnia argumenta ex Recentiorum physicorum perscrutacione sumit, ut id efficiat.

Vocant, negant *Divinam traditionem*: & efficere. contendent, in omnibus Fidei disputationibus ad Scripturæ verba esse recurrendum. Id præter ceteros Hæreticos recentiores urgent *Rivetus de Patrum auctoritate*, & *Dallæus de Vero Patrum usu*, & *Hottingerus de Abusu Patrum*: & tot machinis Veterum episcoporum auctoritatem labefactare conantur, ut nihil supra: contendentes, se non contemnere Patrum. eruditionem, sed solam scripturam. Sacram pro Fidei regula habere. [1] *Quis autem ad respondendum se comparet*, qui præter vastissimam lectio-  
nen, arte Logica, & Critica ad plenum non sit instru-  
ans? *Quis veros libros a falsis*, quis nævos ab erroribus,  
quis fallacias a firmis ratiocinationibus sine Philosophiæ:  
ope separare poterit?

Primum Hæretici argumenta sua promunt ab Scriptura, & Ratione, & Historia: & minutatim percep-  
sent nævos aliquos & veros, & falsos [2]. nostrorum Do-  
ctorum ab ipsis Apostolorum temporibus. ad sæculum  
usque XV. Pugnantia primo adspicere eorum loca, Conci-  
liorumque si qua occurrunt, adducunt: plurimam addunt

O

fal-

[1] *Ex Hæreticis Joannes Clericus in Epist. Criticis*, præsertim Epist. IIII. audacter PP. eruditionem minuit.  
*Contra Georg. Calixtus in Apparatu Theologico p. 35.*  
seqq. eorum eruditionem extollit.

[2] *Heretici plerique omnes accusant Patres*: *Gundlinius Observ. Tom. II. disputat de Nævis Justini Martyris in ratiocinando*. *Basnagius de Hæresi Apollinaris Epiphanius accusat*. *Barbegracbus Moralem eorum exagitat*. *Alii, ut Chemnitius, Calovius, & Claudius Judicium de PP. Græcis, & Latinis, pæne omnes reprobendunt*: qui ab iis, quibus jus est, consuli possunt. *Illis tamen recentiores Catholici pro merito responderunt*, eosque penitus labefactarunt.

fallaciam , ut eos ad perversum sensum detorqueant : totam Ecclesiasticam historiam excutiunt , ut efficiant , eos tales esse , quibus nulla fides habeatur , propterea quod per eorum manus , ut inquiunt , ad nos usque pura Christi doctrina pervenire non potuit . Hæc & alia multa perduelles Hæretici . Iis autem ut resistamus , totam historiam Ecclesiæ , Patrumque scripta examinanda esse , nullus non videt . Hæc vero omnino requirunt Criticam artem , & peracre judicium , ut verum sensum explorare possumus . Quæ cum Recentioris logicæ pars sit , fit consequens , sine bona Logica , Theologica dogmata defendi non posse .

Cetera lubens prætereo , cum ex iis , quæ diximus , manifesto inferatur , acerrimum ingenium , id est , mentem bona Logica , & Critica exercitatam , omnino esse necessariam ad res omnes facras pro merito earum accipiendas , ne aliud pro alio intelligentes decipiamur .

Atque hæc ego , Adolescentes , quæ de Hæreticis dico , non sponte , sed coactus dico , nec sine ingenti animi dolore comminemoro . Non enim illorum industriam , non eruditionem memoro interdum , ut vos ad eorum lectiōnēm iniciam : quinimmo nihil magis commando vobis , quam ut hujusmodi homines , tamquam hostes religionis nostræ , pestes reipublicæ Christianæ , toto animo fugiatis . Sed eo tantum consilio facio ut intelligatis , quanto opere bonis studiis vacare debeatis , ut veram & Catholicam religionem adversus hos vel inpios , vel Hæreticos strenue defendatis : quod ante me plurimi viri Catholici , iisque doctissimi , monuerunt .

Neque vero illorum consilium probo , qui contendunt , hæc diligenter & summo studio Adolescentibus esse occultanda . Ego vero existimo , nihil Theologo consentaneum magis , nihil religioni aut Naturali , aut Catholicæ magis esse gloriosum , quam ut omnes intelligent , utramque tam firmam , tamque inconcussam esse ; ut etiam si a Philosophis

phis summo ingenio , acerrimo judicio , ingenti eruditione præditis , non uno genere armorum , sed & variis , & plurimis , & validissimis machinis sit oppugnata ; tamen immobilis & invariata remanserit . Ex quo omnibus notum fiat , eam non hominis opus esse , sed Dei .

Itaque quinvis nos aliquorum Hæreticorum eruditionem interdum commemoremus , non eos legendos Adolescentibus proponimus : sed viris ætate , & doctrina proœctis , quibus Ecclesia legendi potestatem fecerit : qui que vel eos dedita opera refutare , vel Dogmaticam & Polemicam theologiam e superiori loco tradere adoriantur : ubi Hæreticorum argumenta infirmare necesse est . Tironibus vero hæc dicenda existimavimus , primum ut eis persuaderemus , & ostenderemus , quam male homines non nulli , ii præsertim , qui a vera & Catholica religione se junsti sunt , ingenio & eruditione utantur , [ tametsi iidem non in omnibus male utantur ] quod sacre & Historici , & Doctoris officium nos cogit . Deinde , ut eorum industriam incitaremus , quo facilius rei & Philosophicæ , & Theologicæ naviter dent operam : & religionem vel Naturalem , vel a Deo traditam , & ab ecclesia Romana propositam , ab hostium impetu & incursione defendant : nec ab adversariorum calliditate & astutia imprudentes circumveniantur . Sed de his plus satis .

## CAPUT V.

*Ostenditur bonam Philosophiam non esse eam ,  
qua argutiis , & inanibus quæstionibus , aut  
generalibus notionibus continetur .*

**B**ene habet . Satis in superioribus ostendimus , bonam Philosophiam esse eam , quæ mentem hominis aptam reddit , quæ in omni vita parte verum perscrutetur :

eamque optimis præceptis imbuit, ut actiones suas naturæ rationi consentaneas faciat. Nunc separatim disquirendum est, quibusnam hæc Philosophiæ notio accommodari possit. Quod proœcto faciemus, si naturam & usum præcipuarum partium prius examinabimus: idque diversa ratione quam superioribus capitibus fecimus. [I]

Et quidem cum finis Logicæ sit verum investigare, oportet Logicam eas præceptiones tradere, quæ ad verum inveniendum sunt accommodatae. Veritas autem in hoc sita est, ut ego talem notionem habeam, quæ sit conveniens rei ut in se est. e. g. Videam Petrum e longinquo, & judicem esse Petrum: vera est propositio, quia adfirmat quod est. Videam hominis picturam, judicem esse verum hominem: est falsa, quia non est consonantia rei ut in se est. Est ergo veritas in re tamquam fundamento: in mente tamquam subiecto: in verbis tamquam in signis. Quare Logici est cognoscere, quid sit mens, quæ illius operationes, quæ signa, quo facilius intelligat, qua ratione veritatem investigare queat.

Porro veritas vel est certa, vel probabilis. Veritas certa est, quæ indubio sensu, vel perspicua & certa cognitione nititur. e. g. Cum video Petrum e regione stantem, certo scio, idque sensus ope, Petrum existere. Hæc cum longo usu, & factis experimentis adquiritur, vocatur Experientia. Sin autem ex eo quod clare cognosco, Petrum vivere & sentire, colligo, Petrum esse animans; certo scio, idque ratiocinationis præsidio, Petrum esse animans. Hæc vocatur Demonstratio.

Cum autem animi percepio, vel sensus, vulgo sensio, per organa sensuum externorum adquiratur; organa autem

---

[I] Hæc tironum gratia monemus, qui fortasse non animadventent, qua de causa eadem plurimis in locis tangamus.

autem si male sunt affecta , si longe distant ab objecto , si objectum , uti par est , non consideratur , aliud objectum , quam , quod est , oculis repræsentent ; [t] minus erit Logici eas præceptiones tradere , quibus perceptiones , & sensiones recte comparari queant .

Demonstratio autem certa [ hæc sola Demonstratio vocatur ] non habetur , nisi comparem evidens principium , & ex eo cognitiones alias perspicuas colligam . Oportet ergo primo intelligam , quid sit idea clara & perspicua , & quo modo comparetur . Deinde , quid demonstratio directa , & indirecta , cetera . Hæc de veritate certa : venio ad probabilem .

Veritas probabilis est , quæ non evidenti propositio ne , sed hypothesi innititur tamquam fundamento . Est autem hypothesis propositio , quæ habetur vera , quia ex ea phænomena , quæ occurunt , commode & verisimiliter explicantur . e.g. Videam colorem lapidis scabri mutari , si polias superficiem , & hujusmodi phænomenon explicare coner . Sumo pro hypothesi , luminis radios si in superficiem magis aut minus scabram incident , diverso modo oculos adficere . Hinc commode expōno , colores non in obje cto corpore esse , sed ex refractione varia radiorum lucis , quæ oculos adficiunt , proficiunt . En veritas probabilis .

Jam veritas probabilis vel habet pro fundamento & hypothesi significationem verborum , vel testimoniū autoritatē , vel rerum eventum , horumque signa , vel phænomenorum explicationem . Primo casu , vocatur probabilitas Hermeneutica seu Interpretativa : secundo , Historica : tertio , Moralis & Politica : quarto , Physica . Nisi autem penitus cognoscamus , quo modo verborum sensum , aut testimoniū fidem , aut eventus , aut caussas phænomenorum ex-

---

[t] Conferantur , quæ disputavimus in Logica L. II. p. 2. c. 5. & 6. & L. III. p. 1. c. 4.

plorare possimus, omnino probabilem cognitionem non adipiscemur. Oportet ergo Logicam tradere leges, quæ omnia perspicue exponant, quo probabilem veritatem facilius investigemus.

Veritatem miselli homines investigamus meditacione, lectione, disputatione. Hic vero occurunt præjudicia nimis multa *auditoritatis*, & *præcipitantia*, quæ caliginem quamdam veluti menti obducunt, ne veritatem perspicue intelligat. Quæ nosse necessarium est, ut ea studiose fugiamus.

Logici autem est, non modo sibi, sed etiam aliis philosophari: id est, non modo verum investigare, sed inventum aliis tradere & explicare. Porro veritatem cum aliis communicamus *voce*, & *scripto*. At in his plurimam observatu digna sunt, quæ nisi facimus, vix eam viam insistemus, quæ ad veritatis interiora perducit. Quare oportet in Logica talia præcepta iradi, quæ ad id efficiendum expedita & accommodata videantur.

Hæc in pauca conserendo, constat, debere Logicum cognoscere, quid sit humana mens, quæ illius operationes, qua ratione comparenur, & aliis innotescant, quod sit ad eas consequendas iter facilius. Deinde, veritatis cum certæ, tum probabilis naturam, & gradus, quibus ad eam pervenimus, cognitos habere; quæque obstant removere. Postremo, habere exploratum, quæ sit ratio viaque perscrutandi verum, & inventum aliis tradendi. Quæ ex iis, quæ paullo ante explicavimus, perspicue fluunt. Et de Philosophia, quæ mentem expolit, hucusque.

Nunc eam partem consideremus, quæ voluntatis medicinam parat, viamque munit ad verum felicitatem. Homo enim nascitur expers omnis felicitatis, imino plurimis miserijs obnoxius, quæ enim retardant, ne ad felicitatem perveniat. Hæc autem mala vel a mente, vel a corpore proficiuntur, & pravos affectus ac vitia ginunt,

gnunt, quæ nos a vero bono divertunt. Vitia autem & adsestus certas notas habent, ex quibus facile dignoscuntur. Porro sumum bonum unica est medicina, quæ infelicitatem homi nisi moralem delet, & nos vere facit beatos, si modo ad illud pervenire meditatione possimus. His fere Ethica continetur:

Ex hac investigatione jurisprudentia *Naturalis* proficietur, quæ disputat de humanarum actionum fontibus, & omni varietate officiorum hominis, quantum naturæ ratione cognosci possunt. Et quamquam hæc pars ab illis plerumque tractari soleat, qui Jurisprudentiæ dant operam; tamen ad Philosophos pertinere dubitat nemo, qui principia, ex quibus fluit, perpenderit.

His constitutis apertum fit, quo ordine & via Moralijs disciplina debeat explanari. Ac primum demonstrandum est, quid sit natura hominis moralis: quoque modo humanæ actiones ex animo, & corpore nascantur. Deinde, quid sint mores hominum, quid vitia, quibusque notis secerni queant. Tum per singula currendo examinare oportet, quid illud sit, cui nomen summi boni convenit: qui effectus: quibusque adjumentis ad illud accedere valleamus. Postremo, disciplina de Officiis accuratissime tradi debet.

Hactenus qualis Philosophia sit, quæ cognitiones, & appetitiones humanas moderatur, demonstravimus. Hinc facile exitimare possumus, an qui in contrariam sententiam disputant, id prætent, quod nos bonæ Philosophiæ munus esse ostendimus. Nam si animadvertisimus quædam in iis desiderari, nulli dubium erit, emendari, & clariori ordine disponi debere. Quare & Veteres, & Recentiores accurate sunt conserendi, ut intelligamus, utri ea præcepta tradant, quæ ad finem, quem Philosophia sibi posuit; idonea & necessaria sunt.

Tres faciunt partes Philosophiæ Aristotelici philoso-

phi , Logicam , Metaphysicam , Physicam . Ex iis autem , quæ longa oratione persecuti sumus , efficitur , Antiquiores logicos tametsi quædam belle ac ingeniose excogitarint , tamen aliqua addidisse , quæ ad recte ratiocinandum accommodata non sunt . Deinde desiderantur in ea quædam , quæ ad Logicam , uti antea demonstravimus , necessaria sunt . Etenim totum illud de comparandis claris rerum ideis , de modo investigandi verum tum certum , tum probabile , de gradibus probabilitatis , de arte Critica , de arte interpretandi auctores , de præjudiciis , quæ nos a vero rejiciunt , de modo veritatem cum aliis communicandi voce , disputatione , scripto ; in hisce scriptis non occurrit . Quæ qui non callet , non is omnes Logicæ partes habet exploratas : nec eam facultatem comparabit , quæ necessaria est , ut in disciplinis severioribus , & negotiis ant forensibus , aut domesticis recte percipiamus , & argumentando colligamus .

Sequitur Metaphysica , quæ pars Logicæ merito suo vocari debet , propterea quia & ipsa viam monstrat , ad verum in singulis disciplinis investigandum . Nam unaquæque disciplina habet quædam cum ceteris communia , quæ qui non intelligit , difficulter de singulis disputabit . Rem exemplo inlustrabimus .

Omnia , de quibus docti homines disputant , vel sunt , vel esse possunt : iccirco omnia entis nomine continentur . Quidquid ergo enti generatim tribuitur , & singulis entibus tribui potest . Jam vero ea , quæ sunt , aut esse possunt , suas habent naturas seu essentias : durant magis , & inhius : producunt aliquid , vel ab aliquo producuntur , cetera . Oportet ergo , antea quam de unaquæque singulatim differamus , ut intelligamus , quid ens sit , quæ illius proprietates , quid duratio , quid causa , quid effectus , reliqua .

Accedit quod graviores disciplinæ res singulas seorsum

fum non persequuntur , sed de omnibus explicant generaliter . Quare oportet mentem adsuferi generalibus notioribus , quo facilius ea , quæ in disciplinis traduntur , percipiat : atque , objectum singularum quale sit , internoscere queat .

Itaque Metaphysica est quoddam proœmium disciplinarum omnium , in quo axiomata generalia & indubia traduntur , quæ omnibus ideis convenient : atque ex iis conclusiones colliguntur , quæ ad reliqua penitus , faciliusque cognoscenda necessaria esse videntur . Deinde nomina tradit , explanatque , quibus ea communius explicare possumus : idque sine ullo verborum ambitu , sine subtili disputatione , quæ ad verborum , & axiomatum intelligentiam idonea non sunt . Quapropter hæc Philosophiæ pars *Ontologia & Ontosophia* , seu scientia de ente commode nominatur .

Antiquiores autem Metaphysici plura illi quidem dote , subtiliter , & graviter disputant : quædam tamen adiungunt , quæ haud scio an in institutione puerili locum habeant . Saltim magnam ingenii vim , & incredibile acumen , & haud mediocrem exercitationem postulant : quæ in pueris , & qui hisce mysteriis non sunt initiati , frustra requiras .

Ac primum consentaneum esset & loco , & institutioni , non ea miscere , quæ ex diversis fontibus fluunt : sed quæ ad theologiam Supernam , quæ ad Physicam , quæ ad Logicam pertinent , accurate distinguere , & suis in locis disputare : ne puerorum mentes & copia , & varietate obruantur . Deinde , & illud esset accommodatum ad intellectum puerorum , temperare ab investigatione rerum possibilium , quæ vix a nobis intelligi , nedum plane explicari , possunt . Deinde , necesse esset definitiones nominum , & axiomata perspicua adferre ; quo facilius tirones argumentum , de quo agitur , perciperent , ex eoque commode dispu-

disputarent: Ad extreum oporteret refescere magnam illam rationum, quæ e contrario opponuntur, multitudinem, quæ negotium obscurant multum. Quæ qui facerent, bene illi consulerent tironum commoditatibus.

Sed ad Physicam veniamus: cuius finis est, naturas & proprietates rerum omnium, quas Deus condidit, investigare. Cum autem nos rerum naturas non nisi ex effectis cognoscamus, oportet primum singulos effectus plane cognitos & exploratos habere: quod est historiam naturæ cognoscere. Deinde ea, quæ cum omnibus corporibus communia sunt, nosse. Tum ex principiis certis, id est, ex clara notione proprietatum materiæ, & ex ratis ac constantibus legibus motus, phænomenorum causas explorare. Quod si phænomena occurrant, quæ ex principiis perspicuis inlustrari non possunt, ex hypothesi sunt inlustranda: quæ talis esse debet, ut omnes rei verisimilis characteres præferat, & omnibus effectis exacte respondeat.

At qui ex veteri disciplina philosophantur, diversa ratione id faciunt. Nam primum generalibus notionibus plerumque detinentiur. Tum quædam *possibilitas* examinant, quæ ad explorandas proprietates materiæ idonea non sunt. Præterea aliqua adjungunt ex superna Theologia de promta, quæ tirones vix percipiunt, & quæ ipsi acute & copiose edisserunt. Hæc in Physica generatim. Particulatim vero qui Physicam persequuntur, eadem ratione philosophantur. Numquam vero singulorum viventium generationem, atque phænomena omnia Physica, quæ in hoc orbe terræ occurrant, singulatim explorant, & persequuntur minutatim. Quare eorum Physica disputatio vix aut nullo modo differt a Metaphysica.

Hæc ex librorum ad libros comparatione multo facilius, quam diserta aliqua oratione, cognoscuntur, & demonstrantur. Conseramus itaque, si placet, Antiquiorum

rum philosophorum , de quibus hoc loco est sermo , lucubrationes cum commentariis academiarum Regiarum , ut Florentinæ , Londinensis , Parisiensis , Leopoldinæ , Berolinensis , Bononiensis , Petropolitanæ , ceterarumque , in quibus perscrutationes Physicæ accuratissime institutæ se offerunt . Conferamus cum scriptis Recentiorum , qui Naturæ contemplationi se totos dederunt , & vel *plantarum* historiam & naturam perscrutati sunt , ut Malpighius , Grevius , Vaillantius , Tournesortius , Halesius , Triumphetus , Bradleyus , Michelius , ceteri : vel *animalium* proprietates , ut Willugbius , Jonstonus , Vallisnerius , Reaumurtius , Ruysschius , Borellus : vel *mineralium* , ut Haleyus : vel minutissima quæque *viventia* , & id genus alia insensibilia microscopio detexerunt , ut Leeuwenhoeckius , Hookius , Bonanius , Hartsoekerus , Vallisnerius : vel *aeris pondus* , ac incredibilem demonstrarunt vim , ut Boyleus , Mariotte , Sturmius , Guerikius : vel *luminis* proprietates , ut Ne vtonus , Grimaldius , Hugensius , Castellus : vel *mutationes mirabiles* Chemiæ præsidio patefecerunt , ut Boerhaavenius , Lemeryus , ceteri nimis multi . Conferamus itidem cum iis , qui instrumenta & machinationes , quibus ad naturæ interiora pervenimus , describunt , & exponunt , ut Desauguliersius , Nölletus , Perraultius , Gallonius , reliqui . Sane si horum , & similiū lucubrationes adtente meditamur , nullo negotio intelligemus , Veteres in Physica particulatim paucos progressus habuisse .

Nam si verum est , quod profecto verum est , Recentiores physicos multa & præclara Naturæ mysteria patefecisse : item si verum est , non nisi plurimis , & exquisitis instrumentis , quæ alio & alio tempore inventa fuere & perpolita ; idque non ab uno homine , sed a variis , & differentibus in locis ; tum multo labore ac sudore , longi temporis decursu , incredibili impensa , innumeris captis experi-

perimentis, ad eam cognitionem pervenisse; nullus dubitabit, eos, qui hanc viam noui insistunt, ad Naturæ interiora vix esse perventuros.

Venio ad alteram Physicæ disciplinæ partem, *Pneumatologiam*. Hic primo constituendum est, quid illud sit de quo hoc loco est disputandum. Nos autem de animo nihil scimus præter hæc: esse rem, quæ non est corpus, sed spiritus; indivisibilem, & inmortalem: cognoscere hoc & illo modo: omnino libere velle, & noile: movere corpus humanum, & ab eo vicissim adfici. Hæc & ratione naturæ, & testimonio divino constat, de quo hoc loco non disputamus. Verum cum animus in sensu non incurrat, non nisi ex effectis proprietates hujusmodi probare possumus. Quare & singula explorare debemus, & inlustrare: &, quæ ex adverso opponuntur, infirmare.

At Veteres philosophi etiamsi quædam ex illis, quæ memoravimus, disputent sub titulo *de Anima*; tamen in Iucubrationibus illis, quæ sunt in manibus, ea brevissime tangunt, & toti sunt in eo ut quædam generalia persequantur *de anima in communi*, *de intellectionibus*, & *notitiis*, uti vocant, de rebus spiritualibus, quæ a Deo fieri possunt: ubi pluriina ad abstractiorem Theologiam spectantia suse exponunt: adeo ut difficulter, quid ratione, quid auctoritate habeatur; quid sermone divino constet, quid ex doctorum fluat opinionibus, a tirone secerni queat.

Quod si hæc suis in locis distincte disputarentur, utilitate non carerent: at hoc loco, ubi rationibus naturæ solum est disceptandum, ex usu non sunt. Finge te cum quibusdam inpiis contendere, quorum nimis multos hac ætate extare supra demonstravimus: certe non nisi ex perspicuis rationibus eos pro merito confringes, eorumque systemata penitus infirmabis. Legite, Adolescentes, non modo Catholicos juniores, qui religionem Naturale in

ab hac inpiorum classe , nostra & parentum memoria strenue defenderunt ; sed etiam antiquiores , gravissimos Scholasticos , qui aliquot ante saeculis in eodem argumento versati sunt , praesertim beatissimum Thomam , [1] & reperietis , eum , ut theologiam Naturalem exponeret , Genitumque deliria confutaret , non ex Dialeticis argutiis , aut ex Philosophorum paradoxis opinioibus ; sed ex perspicuis rationibus naturae doctissime disputasse . Ex quo efficitur , in illa Pneumatologiam tradendi methodo , quam non nulli sequuntur , plurima desiderari , quæ facile novo ordine , paucisque adjectis emendari possunt , & suppleri . [2]

Su-

[1] Libris Contra Gentes .

[2] Aristoteles in libris Metaphysicorum proposuit sibi , de Deo , & Intelligentiis agere : tamen non nisi breviter id effecit , & in terminorum explicatione , ac principiis curam omnem consumpsit . Arabes vero , quod ad hæc animum non adverterent , missa tractatione de Deo , in considerando ente generatim toti fuere : quod Aristotelii in mentem non venerat . Conferatur Jacob . Thomas . Hist . Metaph . § . 26 . 38 . Etiam Scholasticorum metaphysica fere tota entis est disputatione : tamen si alia de spiritu adjungant . Itaque Pneumatologiam partem Metaphysicæ seu Ontologiæ esse dixerunt : rari eam separatim disputatione . Hos inter primum locum habet Theophilus Raynaudus in Theologia Naturali Lugduni edita 1622 . 4 . Verum & ipse eo ordine scribit , qui doctioribus non probatur . Nam primum Ontologiam cum Pneumatologia initio libri conjungit . Deinde non necessariis disputationibus sepiissime detinetur . Tum addit quedam , quæ non nisi declaratione divina cognosci possunt . Ad hæc ex præjudicata sententia aliquando disputat : e. g. in prologo Aristotelis theologiam Naturalem valde extol-

Supereft ut de Practica philosophia dicamus . Hanc plurimi in scholis relinquunt intactam , & ad theologos Morales , uti vocant , pertinere existimant : Jurisprudentialm vero Naturalem ad caffarum patronos . Qui vero ex Aristotelis sententia de Ethica scriperunt , ii quidem in virtutibus , & vitiis exponendis operam suam consumunt : reliquas partes plerumque non adtingunt . [1] Verum si rem ,

tollit : quo plane ostendit , seſe Philosophi germanum ſyſtema non habere cognitum . Hec & alia , quae congerit , in theologia Naturali locum non habent .

Fuere quidem Scholastici non nulli praesertim antiquiores , ut Scotistæ , qui in suis scriptis quædam egregie diſputarunt , quæ ad Pneumatologiam inlustrandam accommodata fuit , & quæ Recenſiores nobiles quidam studioſe collegerunt . Nam certum eſt , Scholasticos nimis multos ingenio & acumine valuisse , & plurima ingenioſe conſcripſiſſe , quæ merito ſuo laudantur . Sed in eorum lucubrationibus Pneumatologiacæ corpus omnibus suis partibus abſolutum non invenitur : propterea quia ad eam pro dignitate inlustrandam animam non adjuuerunt : nam ſi qui alii , ad id efficiendum erant idonei . ſi libero iudicio uerentur .

[1] Aristoteles Libris X. Ethicorum ad Nicomachum , quos expoſuerunt Victorius , Gifanius , Muretus , viri Politici tantum [ non pii ] & ad honores contendentis , virtutes exponit . Haec enim in vita civili & aulica uſum habent . De pietate vero mentionem non facit , quippe quæ ad eum finem conſequendum Politicis Græcis non neceſſaria videbatur . Haec itaque virtutes non praesidia ad ſummum bonum conſequendum , ſed partes ſummi boni Aristotelis ſunt : quod bonum earum complexione continentur . Quare qui ex his libris doctrinam morum , ut a doctrina civili ſeſunctam ,

rem , uti par est , examinamus , sine labore intelligemus , tum Ethicam , tum iurisprudentiam Naturalem ad Philosophos spectare . Primum , id nos docent Veteres illi , qui lumine Fidei perfusi non fuere , Xenophon , Aeschines , Cebes , Plato , Aristoteles , Cicero , Seneca , Plutarchus , M. Aurelius , Epictetus , Arrianus , Theophrastus , ceteri de pago Philosophi , qui & de re Morali copiose differuerunt , & ex rationis praeceptis duxerunt voluntatis medicinam . [1] Deinde , ex rationibus naturae praecepta , quibus Ethica , & jus Naturae continetur , sumuntur . Quare Philosophi est utramque diligenter explanare , ut inde promant tirones gerinana rationis decreta , quae & ad mores recte formandos , & ceteras disciplinas percipientias , necessaria sunt .

## C A P U T VI.

*Planum sit bonam Philosophiam esse eam , quam  
Recentiores philosophi colunt .*

Ergo Peripatetici philosophi , tametsi ingeniose ac subtiliter disputarent ; tamen cum in iis argumentis plenumque versarentur , quae ad finem , quem Philosophia sibi posuit , non ducunt , dubium non est , haud commode in non nullis esse philosophatos . Neque enim juvat , quam copiosa , quam subtilis , quamque intricata sit Philosophia : sed quam clara , quam firma , quamque ad investigationem veri expedita & accommodata . Nam que-

---

ducendam putaverunt , plane ostenderunt , Philosophi mentem sibi exploratam non fuisse .

[1] „ Est profecto animi medicina Philosophia : cuius „ auxilium , non ut in corporis morbis , petendum est foris . Cicero Tuscul . L . III . c . 3 .

quemadmodum , qui ab Ulyssipone ad Indiam facturus esset iter , ut exercitum ducat , & illi provinciae praesit ; inepte ageret ; si domum amplissimam Ulyssipone dedita opera ædificaret , hortos amoenissimos coleret , sereret arbores in quincuncem , & id genus aliis detineretur , quæ utilitate , & delestante non carent : de paranda vero nave ab omni re instructa , de copiis , de historia politica , & naturali regionis , ad quam tendit , nihil omnino cogitat : ita qui ad veritatis gynecæum ; ut ita dicam , contendit , agit incommodo , si subtilibus , sed inutilibus disputationibus occupatur : de iis vero , quæ ad perscrutationem veritatis penitus sunt necessaria , ne cogitat quidem .

Id cum penitus intelligerent Recentiores philosophi , hoc unum curarunt , ut non quid Aristoteles , quid Cartesius , quid Gassendus , quid ceteri Philosophi dixerint ; sed quod recta ratio ostendit , ad investigandum verum esse necessarium , sequerentur . Hac de causa Cartesius , qui in primis Ecclesiasticam philosophiam excoluit , desiderat in Philosopho , ut præjudicia omnia , tum ea , quæ vocant auctoritatis , tum præcipitantiæ , semoveat , si modo veritatem explorare contendit , & Philosophiæ laude cupit esse perfectus . Et quamquam ipse Cartesius , ut erat conditæ sectæ studio inflammatus , leges , quas condidit , non semper ad usum revocariit ; dubium non est , illius mentionibus Philosophos excitatos fuisse , ut sapientius philosopharentur . Quæcum superiori libro fuse demonstraverimus , hic repetenda non sunt .

Ab eo tempore quantum philosophandi ratio fuerit mutata , quantumque lucis ex ea ad ceteras disciplinas pervenerit , ii. solum non intelligunt , qui numquam Literariam historiam voluntarunt . Quod si consideramus , quid causæ fuerit , cur a medio seculo XVII. tantos in litteris progressus fecerint homines eruditæ , quantos bis

mille ante annis non fecerant, facile intelligemus caussam esse, propterea quod cum sine præjudicio rerum caussas investigassent, & constituisserent fines. uniuscujusque disciplinæ, facillime inutilibus amputatis disciplinas omnes cum humaniores, tum graviores, præsertim Philosophiam, quæ in omni disciplina dominatur, perpoliverunt & amplificarunt.

Hinc qui Gassendi, Claubergii, Thomasi, ceterorumque artem cogitandi cum Veteri logica confert, inultum interesse animadvertisit. In hac enim inutilia multa, & intricata occurruunt, & sine ullo ordine disputata: ut postea quam hujusmodi libris volvendis annum consumimus, nihilo magis, quam antea, expediti sinus, ad reliquias disciplinas percipiendas. Illi vero res ad inquisitionem veritatis idoneas ordine, ac perspicue edisserunt: nec in Philosophia solum, sed etiam in aliis disciplinis rete ratiocinandi tradunt præcepta.

Tacendum non est, primos, qui in polienda Logica laborarunt, vel Cartesianos, vel Gassendianos, ut Regium, Claubergium, Sylvanum Regisium, Auctorem Artis Cogitandi, Malebranchium, Hamelium, ceteros, tametsi plurima utilia tradiderint, atque doctorum suorum emendarint lucubrations, quædam tamen reliquise, quæ omnino emendationem desiderabant: partim, quod placitis illis, quæ in scholis regnabant, se conformare necessarium existimassen: partim quod præjudicatas in Physica opiniones omnino non deposuerant.

Id ipsum de Physica, & Metaphysica iudicamus, quæ, tametsi a Junioribus philosophis, post Cartesium, & Gassendum, mirifice fuerit inlustrata, tamen non fuit pro merito expolita, nisi postea quam iidem hypotheses omnes a Philosophia eliminarunt: & proposuerunt sibi, ex principiis certis, & omnino perspicuis ratiocinari.

Hac ergo ætate, qua Eclectica philosophia in boreo

lumine posita est, omnia diverso modo se habent. Nihil jam auctorum nominibus, nihil præjudicatis opinionibus tribuitur: omnia sine partium studio expenduntur. Quæ ad finem, quem disciplinæ habent, conducunt, anteposuntur reliquis: cetera prætermittuntur. Si qua penitus involuta occurunt, in medio relinquuntur: ne lectoribus inponamus ambitu, & insolentia verborum, quæ plerumque certam significationem non habent.

Et hoc nomine Recentior philosophia a reliquis discriminatur. Nam Veteres nihil suis oculis videbant, nihil doméstico judicio odorabantur: sed ex præceptorum suorum placitis omnia finiebant. Quæ vero illi non traherant, non erat in usu vestigare. Iccirco quamvis per tot sœcula tanta animi contentione disputassent, parum prosecerunt: nec aliquod lumen humanis disciplinis adtulerunt; quæ post tot ac tantas disputationes imperfæctæ & inpolitæ reperiebantur.

Cartesiani autem, & Gassendiani etiamsi Ecclæticam philosophiam præ se ferrent, & in multis vel a Cartesio, vel a Gassendo dissentirent; tamen utriusque placita sequebantur plerumque; sententiasque interpretabantur: multa itidem ex antiquioribus admiscebant. Cumque rerum omnium caussas perscrutari vellent, ne iis quidem exceptis, quæ a mortalibus nequeunt explorari definiri-que; ad eas hypotheses confugerunt, quæ & libere confitæ sunt, & phænomenis omnibus exacte non respondent.

At Recentior philosophia omnino se ab hypothesis liberavit: singulaque non ex Veterum opinionibus, sed ex rationis præscripto definit: quod ipsum est philosophari. Principio hoc curat, ut rationis, & divinæ declarationis fines cognoscat: illa namque ad Philosophiam, hæc ad Theologiam pertinet. Non quod ea, quæ divino sermone constant, pugnant cum iis, quæ ratione

tione continentur: utraque enim a Deo est, qui veritatem singulis hominibus, vel humana ratione, vel divina locutione declaravit; Deus autem sibi ipsi constat omnino: Sed quod non bene quis ea, quæ rationibus naturæ confirmari debent, præsertim contra Infideles, qui testimonia divina rejiciunt, cum iis misceat, quæ divina declaratione innotescunt. Si qua tamen sunt, quæ Deus hominibus perspicue declaravit, & vel ad Physicam, vel ad aliam disciplinam pertinent, hæc amplexatur reverenter: reliqua nihil moratur.

Deinde omnia ex perspicuis, & firmissimis deducit principiis. Si qua vero se offerunt, quæ hoc modo inlustrari non possunt, ex hypothesi inlustrat, & exponit: eamque non certam, sed verisimilem esse declarat. Quæ vero solide explicari non possunt, aut quorum major est labor, quam utilitas, prætermittit omnino.

Itaque Recentiores philosophi non insolentibus verbis, non obscuris, aut ambitiosis epithetis; sed domesticis & propriis vocabulis res nominant, & *scapham* vocant *scapham*. Nec etiam hypotheses, quasi essent certæ perspicuae probations; aut res a natura involutas, tamquam res perspicuas, obtrudunt. Sed dum ea explicare non possunt, ignorantiam profiteri non dubitant: nec recusant mutare sententiam si probabilior hypothesis se offerat.

Quis autem, quæso, in hac philosophandi via non veræ Philosophiæ characteres animadvertit? Quid hic nisi rationi consentaneum, nisi ad verum in singulis disciplinis inveniendum per quam utile & expeditum occurrit? Habetur honos divinæ locutioni, habetur humanæ rationi: quæ amico sèdere consentire videntur. Ita tamen habetur, ut utrinque limites constituantur: nec in rebus Philosophicis ex divina auctoritate argumentemur, nisi in iis, quæ sine ulla dubitatione a Deo dicta esse cognoscimus.

scimus: quæ & pauca sunt, & ex humana ratione instruari possunt. Ratio autem diligenter excolitur, ut veritatem, quam quaerit, facile & secnre perscrutetur.

Quod si ea præter ceteras addiscenda est disciplina, quæ me item optimis præceptionibus adornat, & omnino aptam reddit, quæ non modo in singulis disciplinis, sed etiam in omni vitæ parte recte ratiocinetur; dubium non est, Philosophiam ad recentissimam observationem examinam, & vere hoc nomine dignam esse, & ceteris, quæ a quibusdam excoluntur, multis nominibus esse anteponendam.

### C A P U T VII.

*Non omnia, quæ Recentiores philosophi excogitarunt, bona Philosophiae nomine contineri.*

Am si omnia, quæ Recentiores de Philosophia tradiderunt, veræ Philosophiæ characteres pre se ferrent, beatissimum in magna illa librorum copia, qui hoc, & superiori sæculo conditi sunt. Sed humanarum rerum ea est conditione, ut non nisi per quosdam gradus ab infimo statu ad aliquam præstantiam & excellentiam perveniant. Insigne documentum nostræ misericordie, e qua non nisi pedetentim, & multo cum labore ac sudore possumus emergere. Ut illa ipsa animi medicina Philosophia veluti nobis exprobet primi parentis lapsum, nosque ad Dei opem in omni vitæ parte implorandam, cohortetur, & flectat.

Hæc si accurate nobiscum reputaverimus, mirari desinemus, cur tametsi sæculo XVII. tot viri acuti ingenii, & summæ industriæ in Philosophia operam suam omnem consumferint; adtamen non nisi fine ejusdem sæculi, &, ut verius dicam, hoc XVIII. eam viam homines insistant, quæ ad Philosophiæ mysteria referanda manu-

manuducit : cum nihil eodem tempore & natum , & perfectum in rebus humanis esse videatur .

Hac de causa homines non nulli , qui res merito suo non expendunt , tam graviter de Recentioribus philosophis sentinnt , ut nihil supra . Nam cum nec etatem auctorum , nec eorum philosophandi viam , nec vicissitudines disciplinarum penitus cognoscant ; plurima & longe diversa miscant : & vel omnia laudant , vel imprudenter reprehendunt .

Profecto si Cartesii logicam cum Arte Cogitandi conserimus , multum interest . Ille brevis & exsuccus , & si paucos canonas demis , inutilis : hic copiosior , & bonis præceptis refertus . Quod si hunc cum Mariotte , ceterisque comparamus , quanta , Deus bone ! quamque insignis differentia ! quot nos in ultimis offendimus , quæ in Cartesio frustra perquireremus ? Age conferamus iterum hos cum Thomasio , Wolfio , Rudigero , Baumeistero , Heineccio , Syrbio : & hic magnam differentiam internolcemus . Quo enim recentiores sunt auctores , eo meliora & utiliora excogitarunt , multaque addiderunt de præjudiciis , de re certa , de probabili , de modo veritatem cum meditatione , tum usu & experientia investigandi , & aliis tradendi : quæ a superioribus vel nullo modo disputata , vel per viam tacta , & obscure tradita sunt : & quæ omnino ad veritatē investigandam sunt necessaria . Nec id solum , sed etiam clarior ac expeditiori via id præstiterunt .

Quid ? in iis etiam Logicorum libris , qui jure laudantur , omniane ad finem , quem Logica sibi posuit , utilia & accommodata ? Utinam , Adolescentes , ita se res haberet : non enim in tanta librorum multitudine , tantum felicendi laborem experiremur . Sed cum de his primo Logicæ libro disputaverimus , hoc loco prætereunda sunt . Et hæc de Philosophia dico : nam quædam Catho-

licet religioni non consentanea in non nullis se offerunt; quæ studiose explorare debemus, atque cavere, ne nos aliquo errore perniciose commaculent. Sed nos de Philosophia eaque fana disputamus.

Venio ad Physicam disciplinam: quæ vicino saeculo tanto opere exulta fuit a viris doctis, ut explicari vix possit. Verum & hic eadem fors, quæ in Logica, dominata est. Nam qui primi Experimentale in philosophiam exculerunt; id est, ex certa experientia ratiocinati sunt, tamen si gravissimi Mathematici essent, interdum male ratiocinantur; propterea quod ad hypothesis recurrunt, & ponunt pro certis, quæ certa nullo modo sunt. Hujusmodi fuere Borellus, Bellinus, Bernoulius, Keilius, alii.

Illi vero, qui systemata considerunt, quæ phænomena omnia explicarent; ut Cartesius, Gassendus, Malebranchius, ceteri, qui ab his nomen habuerunt; cum ex hypothesis falsa plerunque ratiocinentur, quamvis explorata phænomena explicent, verum tamen plerumque male philosophantur. [1]

Aliam philosophandi viam tenuit Newtonus, quæ ex principiis perspicuis & omnino firmis, cuiusmodi sunt Mathematica, res Physicas illustrat. Quid autem dissimilium, quam Cartesianus & Newtonianus? Ille ex falsa hypothesis fere semper ratiocinatur: & omnia, ea etiam, quæ mente percipi non possunt, confidenter exponit.

Hic

---

[1] Exemplo sint hæ hypotheses: Materia universa est homogenea, omnis autem varietas formarum ex affectionibus particularum componentium nascitur. Partium autem figura, magnitudo, situs, motus, est talis vel talis. Datur aliquod fluidum occultum, incredibili præditum facultate, occulto motu concitatum, quo l poros facillime penetrat, & mirabilia efficiat. Et hujusmodi hypotheses aliae.

Hic ea tantum pro certis adfirmat, quæ experimentis captis certa & firma esse videntur: atque ex legibus motus per argumentationem perspicuum explicari possunt: cetera ad quæstiones refert, quorum veritas explorari, & probabili argumentatione expediri possit.

Quid autem Leibnizius? quid Wolfius? quid Rudergerus? quid ceteri Germani recentiores, eamdemne cum Newtono omnes philosophandi viam tenent? minime: at & ipsi tametsi multa utilia adjungant, tamen ad hypothesis non omnino firmam interdum consugiunt. Itaque non omnia, quæ ipsi pro certo adfirmant, ex bonæ Philosophiæ fontibus manare existimabimus.

Quid? illi qui phænomena omnia, quæ in hac rerum universitate se offerunt, ex principiis mechanicis ducunt; & illi qui principium aliquod *activum* Deo subjectum ponunt; & illi qui principia mechanica, si sola in auxilium vocentur, ad Atheismum recta ducere defendunt; tum etiam illi, qui Veteres, & Recentiores philosophos in concordiam vocare adorti sunt; ceterique, de quibus primo libro commemoravimus, nonne in contrarias opiniones ferantur? nonne plurima adferunt, quæ & sine ulla ratione excogitata sunt, & ne a viris quidem oculatis aperire intelligi possint? At enim docti erant: fateor: at interdum ad scopum collineant, interdum non item, sed in rebus gravissimis cœcentiunt, & delirant.

Sed jam Metaphysica, seu Prima philosophia, seu Ontologia, seu Ontosophia [ idem enim significant ] est consideranda. In qua quot mutationes superiori sæculo factæ fuerint, ex historia Litteraria fit notum. [1] Quinam, post Ramum, Metaphysicam omnem rejecerint,

---

[1] Confer. Jacobus Thomasius, Hist. Metaphysicæ: in Erotematibus Metaphysic. & Joan. Christ. Langius, Dissert. de Doctrina Metaphysica.

ut D. Hofmannus, Amesius, Zeidlerus, ceteri. Alii Metaphysicam esse Lexicon eruditum tantum existimarent: q̄itod hoc nomine pervolvi debeat, ut philosophantium sermonem intelligamus: cujusmodi suere Jac. Thomasius, & J. Fr. Buddeus. [1] Non nulli, ut Verulaminus, partim ad Physicam retulerunt, partim seorsum explicarunt. Alii pleraque ad Logicam revocant, ut Malebranchius, Auctor Artis Cogitandi, Crouzazius. Plerique cum doctrina de Spiritibus eam conjunxerunt: ut Cartesius, Morus, Hamelius, Purchotius, Rudigerus, Syrbius, ceteri. En plures philosophandi modi prorsus differentes. Quid autem, quæso similitudinis habet Metaphysica Cartesii, aut Claubergii, aut Hamelii, aut Purchotii, aut Toscae; cum Ontologia Vvolfi, aut Hollmanni, aut Syrbii? parum profecto.

Age vero consideremus ipsam Pneumatologiam, seu scientiam de Spiritibus: quot enim hic, Deus immortalis! quamque differentes ratiocinandi viæ se offerunt! Alia ratione philosophantur Cartesius, & Cartesiani omnes, ac Semicartesiani, ut Malebranchius, Hamelius, Regius, Trevisianus: alia longe diversa Morus, Cudvorthus, reliqui: alia Leibnizius, Wolfius, Syrbius, ceterique. Quid? etiam contrarias opiniones aliquando defendunt, ut eorum scripta excutienti planum erit.

In ipsa etiam theologia Naturali, in qua & Catholici, & Protestantes omnes seu Hæretici eundem scopum habent, nimirum Dei existentiam, & proprietates firmissimis argumentationibus demonstrare, & cum Atheorum, tum Polytheorum impudentiam perfringere; aliæ & aliæ longe dissimiles ratiocinandi viæ se offerunt, quibus ad eamdem veritatem perveniunt: quarum aliæ bonæ, aliæ præ-

---

[1] Ille Histor. Metaphys. f. xvi. seqq. Hic in Element. Philos. Instrum. P. iiii.

pravæ sunt. Cartesius, & ad seclæ ex idea innata Dei demonstrationem duxerunt. Alii nimis multi, ut Gas-sendus, Huetius, Brillonius, ceteri a Cartesio, quod ad modum probandi, recesserunt. Ipsimet, qui in exis-tentia Dei demon stranda curas omnes posuerunt, ut Fenelonius, Trevisanius, reliqui, aliam & aliam rationem sequuntur. Nonne illi Ecclædicam philosophiam perpoli-verunt? fateor: at non eadem presserunt vestigia, interdum vero non omnia distincte internoverunt: quod humanæ condicioni ac infirmitati tribuendum est. Cete-ra, quæ addi possent, ptermitto.

Hæc, ut alia non essent, conficiunt evidenter, philosophos Recentiores plurima & præclara excogitasse, quibus Philosophia majori luce persunderetur: interdum vero quædam addidisse, quæ vix probabilit̄ sunt: præterea plurima manifesto falsa & perniciosa per imprudentiam, aut malitiam admisisse. Quare præstantissima eorum inventa pondus iis, quæ inconsulte & temere dicta sunt, addere non possunt: & vicissim si qua ab illis non commo-de cogitata, aut obscure & haud recte tradita sunt, nihil hæc detrahunt ceteris utilissimis inventis, quæ in publicam utilitatem ediderunt. Quamobrem singulæ res pro merito sunt æstimandæ: & ad ecclesiæ Catholicæ leges studiose expendendæ: ex iisque Philosophus ea debet excerpere, quæ ad verum investigandum, & singulas disciplinas perpoliendas, præsertim vero ad Catholicam religionem inlustrandam & defendendam, idonea sunt. Quo nihil debet esse antiquius vero Philosopho. In ceteris vero duo præsertim effugiat, gratiam, & similitatem: quæ duæ res etiam viros d' octissimos in errores grandiusculos frequenter inpellunt.



## LIBER TERTIUS

I N Q U O

DE CELEBRIORIBUS PHILOSOPHIS FERTUR JUDICIUM.

### CAPUT PRIMUM.

*De Platone, Aristotele, Epicuro.*



Uemadmodum si omnia , quæ de nobilio-  
ribus Philosophis memoriae prodita sunt a  
Veteribus , & Recentioribus historicis , re-  
ferre vellemus , copiosa historia esset con-  
scribenda , quæ nos a fine , quem nobis ini-  
tio constituimus , longissime duceret ; ita nisi de iis ali-  
qua in præsentia dicamus , qui Philosophiæ laude præter  
ceteros floruerunt , aliquid tractationi nostræ defuturum  
arbitramur , nec nos officio erudiendi juventutem pro me-  
rito defungi . Quare , quæ de hoc argumento clarissimi  
homines fusi s scripserunt , in angustum reducentes , ea  
in præsentia libabimus , quæ satis sint ut intelligatis ,  
Adolescentes , quales ii fuerint , qui nobis vel rudimenta  
Philosophiæ tradiderunt , vel eam perpoliverunt , &  
emendarunt : quo facilius de auctoribus ipsis judicium  
faciatis , & iis cum operæ pretio sciatis uti : nec facile  
decidi-

decipiātū ab eorū falsois iudiciis, qui cum hanc historiæ Litterariæ partem ne a limine quidem salutarint, veluti ex tripode omnia finiunt: auctores, qui ipsis placent, laudant: alios insipient vituperant. Cum autem e Veteribus tres fuerint, qui etiam hac ætate in honore sunt, de iis primo dicemus.

Primus igitur se offert *Plato* Atheniensis: de quo primo libro brevem scripsimus historiam: quare hoc loco de philosophandi ratione dicemus. Quanto in honore fuerit Plato Veteribus; quanta de eo mentiti fuerint Gentiles non nulli, vix oratione complecti possumus. Nimirum hic mos veterum Græcorum præsertim fuit, ut eos, qui ingenio, & eruditione præter ceteros claruerant, etiam si interdum dum viverent morderent, mortuos tamē extollerent in cælum. Id Pythagoræ, id Socrati, id Platonii, id Aristoteli usuvenit: ut alios minorum gentium prætereramus. Quæ in memoriam revocare necesse est, quo de iis accuratius dijudicemus.

Hoc iudicio dñsti discipuli, vel qui a discipulis talia acceperant, nihil non cogitarunt, quod præceptoris suo non libenter tribuerent. Hinc veteres Judæi, Josephus, Aristobolus; & Christiani doctores aliqui, ut Justinus Martyr, Clemens Alexandrinus, Cyrillus Alexandrinus, Eusebius, Theodoreetus, Ambrosius, ceteri, cum sibi persuaderent, se se in Platone non nulla Judæorum, & Christianorum decretis consentanea offendere, existimatunt, Platonem in Aegypto a Judæis quædam hauiisse. Cui sententiæ Recentiores aliqui doctissimi subscripterunt: [i] tametsi iis parum favente Historia, & Chronologia, ut alii demonstrarunt.

---

[i] *De Laudibus Platonis librum scriptit Speusippus: illius elogia colligit Popeblounius Censura Celebrior. Author. in Platone.*

runt. [1] Hiuc etiam ceteræ , quæ illi a Recentioribus quibusdam tribuuntur , laudationes derivantur : ut di-  
vinum hominem nuncupent , Philosophorum maximum ,  
& hujusmodi amplissima elogia , quæ in tanta laudum  
profusione hominem res pro merito æstimantem fortasse  
non movebunt . [2]

Quod si ad Platonem sine præjudicio accedimus , de-  
prehendemus , multa eum , & præclara scripsisse : ad tamen  
longe distare ab iis landibus , quæ plena manu eidem tri-  
buuntur . Et quod ad inventionis laudem pertinet , ex  
Veterum testimoniis conficitur , Platonem ex aliorum lib-  
bris sua omnia scripta sumisset & composuisse : nihil ipsum  
de suo excogitasse . Nam Dialecticam ab Euclide Megari-  
co sumisset : cui junxit formam Dialogisticam , quam a So-  
crate acceperat . Ab Hermogene , & Cratyllo , Eleaticis phi-  
losophis , sumisset Naturalem philosophiam : [3] cui alia  
addidit , quæ Pythagorei tradebant . Ab eodem Pytha-  
gora Metaphysicam . [4] Moralis vero , & Civilis disci-  
plinæ initia premisit a Socrate : immo etiam a Protago-  
ra , & Sophrone Syracusano . [5] Quid ? illa ipsa forma  
per dialogos philosophandi , quam ipse perpolivisse dici-  
tur , [6] ab aliis acceptit : nam præter Socratem , Zeno

Elea-

[1] Huetius Demonstr. Evang. P. II. c. 2. *Baltus* ,  
Defensio PP. qui Platon. accus. L. III. c. 22. *Lamius* de-  
recta Christianorum in eo quod myster. Divinæ Trinit.  
adtinet , sententia. 1733.

[2] Lenfantius Bibliotheq. German. Tom. II. art. 5.

[3] Plato in Cratyllo Tom. I. p. 401. [4] Appale-  
ius de Dogmate Platonis. p.m. 284. [5] Est in hac sen-  
tentia Aristoxenes apud Laertium L. III s. 37. & s. 18.

[6] Veteres quædam in ejus dīal gīs reprehendisse ,  
narrat Paschius , de Variis modis tradendi Moralia .  
c. 1. §. 9.

Eleates, & Alexemenus Tejus ante eum scripsierant dia-  
logos. [1]

Duo ei summo consensu tribuuntur: 1. Quod Gram-  
maticæ naturam & usum primus expanderit. [2] 2. Quod  
Geometriam ab aliis acceptam primus apud Græcos indu-  
xerit, hujusque ope cubi duplicationem invenerit. [3]  
Falsum autem est, Platonem methodum analyticam, seu  
revocandi controversias ad sua principia, invenisse: id  
enim ante eum cognitum erat. [4] Adeoque ingeuii, &  
inventionis laude extolli Plato non potest.

Venio ad philosophandi rationem. Omnia per dialo-  
gos differuit Plato: quorum, qui germani sunt, exstant  
XXXV. quibus addi solent ejusdem XIII. Epistolæ. [5]  
Id eo consilio fecit Plato, ut mentem suam lectoribus oc-  
cultaret ad odium fugiendum. Nam cum Anaxagoræ, &  
Socratis exemplo [hi duo, quod mentem suam de Diis  
aperiuerint, ab Atheniensibus religionis nomine damnati  
fuerant] didicisset, plenum periculi esse, sententiam suam declarare; ipse autem novam de Divinis opinionem ex Italia, & Aegypto adsportaret; quam in tanta Athenien-  
sium superstitione in vulgus efferre tutum non erat; dedi-  
ta opera colloquentes in contrarias partes disputantes in-  
ducit: ut tot tamque differentibus sententiis lector occu-  
patus, quid ipse sentiat, ignoret: nec nisi ab iis, quos  
arcanorum sensuum conscientios volebat, posset intelligi.

Inpellet etiam hominem ad obscuram disputandi  
rationem arcana philosophandi methodus, quam a præce-  
ptoribus didicerat. Nam cum Heracliti, qui præter cete-  
ros

[1] Laert. ibid. f. 24. 48. [2] Laert. ibid. f. 25.]

[3] Plutarch. de Socratis Genio.

[4] Bruckerus in Platone p. m. 642.

[5] De Platonis dialogorum numero disputat Joannes Albertus Fabricius Biblioth. Græca Volum. II. p. 28.

ros Philosophos obscure loquebatur ; & Pythagoreorum , ac Aegyptiorum , qui symbolis omnia occultabant ; principiis esset innutritus , eosque deperiret ; facile vel nullo inpellente in eamdem Philosophiam incidit . [1] Cumque esset gloriae magnopere appetens , & nullo negotio inteligeret , hanc differendi viam obscuram & intricatam , valde idoneam esse ut laude reconditae doctrinæ prædicaretur ; nihil prius habuit , quam ut hac methodo dialogos suos adornaret . Ab hoc autem fonte cetera incommoda orta sunt , ut postea demonstrabimus .

Hinc dialogos ita texit , ut numquam propriam sententiam declareret , [2] sed committat invicem colloquentes : verisimilitudinem modo huic parti , modo illi adtribuit : in inductionibus vero tam multus est , ut , quid ipse sibi velit , lector non adsequatur . Deinde definitiones nusquam tradit : divisiones autem tam minute persequitur , ut obscuritatem , quam vitare cupiebat , pariat rursum : adeoque nequeat intelligi . Hoc amplius : Fabulas interdum Aegyptiorum more excogitat , & arcanam Philosophiam his latebris occultat .

Quo autem tutius & facilius lateret , in subsidium adscivit dictiōnēm Poeticā , & translatam , quæ obscuritatem argumento etiam claro inducit . Deinde significatum vocum mutat pro lubitu , & ex ambiguo loquitur . [3]

Præ-

[1] Confer. Menagius ad Laertii L. VIII. c. 15.

[2] „ In Platonis scriptis nihil adfirmatur , & in utramque partem multa differuntur : de omnibus queruntur , nihil certi dicitur . Cicero Acad. QQ. L. I. n. 46.

[3] „ Nominibus utitur variis , ut ne illius opera in peritis & rudibus conspicua sint . . . diversis utitur saepe significationibus , iisdem nominibus : immo contrarias saepe voces adhibet , ad idem significandum . Laertius L. III. s. 63. 64.

Præterea quemadmodum Pythagoras omnia ad numeros revocabat, ita Plato res Physicas ad Mathematicas & generales rationes, proportiones, & figuras Geometricas reducit: adeo ut ob nimiam abstractionem vix aut nullo modo intelligi possit.

Præterea cum in schola Pythagorea didicisset, vocibus vagis & incertæ significationis uti, & in subtilissimis abstractionibus versari; hanc autem ad Deum philosophandi viam adhiberet; talia excogitavit, & scripsit, de principiis divinis, de emanationibus intelligibilium, de ideis seu formis sensibilium, & intellectualium, & hujusmodi sexcentis, quæ non alii modo, sed ne ipse quidem intellectus. Cumque ea pro exquisita sapientia venditet, [1] non nullis entusiasta esse videtur. [2]

Ad hæc cum sectæ condendæ desiderio adficeretur, quæ Socraticam gloria vel superaret, vel æquaret; ipse autem non ea esset ingenii ubertate, & judicii præstantia, quæ necessaria erat ad novum systema condendum; talia ex diversis Philosophorum placitis sibi repugnantibus excerpit, quæ nullo modo consentire possunt, [3] nec intelligi: in quo syncretismum suum præsertim in Physicas & Metaphysica prætulit. Et ut paucis comprehendam, Platonica philosophandi ratio talis est: de omnibus in utramque partem disputare: firma, & infirma utriusque par-

[1] „ Curiosius neglecta sobria Socratis philosophia,  
„ de Diis querendo, gloriam de multis intempelivis; ac  
„ vanis rebus adfederavit: dicit Aegypti, ac Pythagoræ  
„ τεραπολεύτης ac prodigiosæ sapientiæ amore captus, ad ri-  
„ dicula superciliosus sapientiæ professor delapsus fuit:  
Auctor Epistolæ ad Aeschinem apud Xenophontem.

[2] Confer. Hanschius de Enthusiasmo Platonicō.

[3] Confer. Joann. Bapt. Crispus de Platone caute legendo.

240 APPARATUS AD PHIL. ET THEOL.  
partis argumenta adducere : adeo ut lector non ea lectio-  
nē eruditus , sed dubius evadat . [1]

Hæc sunt quæ in Platone statim legenti se offerunt :  
ex quibus homo ingenii peracris , & vetustatis præjudicio  
non occupatus , quid de ejus Philosophia judicare debeat ,  
cognoscet .

Principio perspicuum est , non bonum Philosophum  
esse Platonem , qui eo consilio scripsit , ut ne ab aliis in-  
telligeretur . In quo , mēa quidem sententia , nimis ille  
est ineptus : qui maluerit veniam deprecari , quain culpa  
vacare : quod facilius consequeretur , si nihil scriberet .  
Cur enim operam consumes in eo Philosopho . legendo ,  
qui omnino intelligi nequit ?

Deinde alio nomine condemnari debet , quod iis vo-  
cibus , iis notionibus , iis sententiis usus fuerit , quæ  
inextricabilem obscuritatem præ se ferunt : adeo ut oleum  
& operam in eo volutando consumere necesse sit . Quod  
non recentioribus modo , sed ipsis veteribus Platonis ama-  
toribus exploratum fuisse animadverto . Cicero [2] rem  
obscurissimam Platonis nūmeris comparat . Sextus Empi-  
ricus [3] Platoneūm intelligi non posse præ se fert . Idem  
efficitur ex tot interpretum discrepantia , qui in contra-  
rias partes Platoneūm suum trahere conantur .

Atque istam quidem interpretes [4] obscuritatem  
ma-

---

[1] Confer . Cl. Huetius Cogit. Miscell. seu Huetianis ,  
p. m. 218. [2] Epist. ad Atticum L. VII. ep. 13.

[3] Advers. Mathem. L. I. c. 13. s. 301.

[4] Platonis interpretes Græcos si cum ipso Platone  
conferimus , planum fiet ; eos non , quid Plato dixerit ; sed  
quid ipsi existimarent veritati esse consentaneum , posuisse .  
Latini vero , ut Ficinus , illius amore capti , nihil tam ab-  
sonum offendunt , quod allegoria ad rectum sensum non tra-  
hesur .

maximo Platonis acuminī tribuunt: nos vero cum Recentioribus doctissimis tarditati mentis tribuimus. Quis enim non rideret Philosophum, qui in hac Europæ luce ea scriberet, quæ post longum examen percipi animo, & explicari non possent? Cur ergo id Platonī laudi ducamus, quod in philosopho Recentiori vitio tribueretur? Itaque quamquam præclarissima multa cogitasset Plato, vel hoc nomine male ratiocinatus est, quod ea scribat, quæ plane adsequi nemo possit. Quid? si talia tamque repugnantia scribit, quæ ne ipse quidem adsecutus est? Profecto ita se res habet: & si ea, quæ de Diis, de anima mundi, & his similibus scripsit, sine ullo partium studio, examinamus, hujusmodi sunt, quæ non nisi a deliro homine, & enthusiastā profici scī possent. At intellexit Plato. Itane vero? qui igitur fieri potuit ut ipse intelligeret, nos vero non intelligamus? Id sane non fit verisimile.

Præterea corpus doctrinæ non compegit, sed hinc inde sparsa orationia exposuit in dialogis, sine ullo ordine atque nexu. Iccirco qui ex ejus dialogis sistema aliquod doctrinæ componere conati sunt, ut Appulejus [1] & Alcinous, [2] plane ostenderunt, quam inutiliter tempus ipsi; & operam collocaverint. At id in Philosopho vitium est vel maximum, qui & aperte loqui debet, &

Q

sene-

---

batur. Serranus vero dicit Platonem depravatum allegorice exponit, quæ non intelligit. Vide Fleurzum Diff. de Platone, in Meth. Stud.

[1] Libris tribus de Dogmate Platonis, quorum in primo de Philosophia Naturali, in secundo de Morali, in tertio de Rationali agit.

[2] In Delineatione doctrinæ Platonis, apud Stanlejum in Hist. Phil.

sententias verisimiles ordine atque via lectoribus explicare.

Ad hæc pauca bona tot inter incommode dicta scripta reliquit. Principio in Logica quædam non inepte de definitione, divisione, ratiocinatione, & fallaciis scripsit: hæc tamen tam multis aliis obscuris & perperam cogitatis, de judicio veritatis, de intellectu, de præexistentia animarum, de reminiscencia, de innatis notionibus, sunt admixta, ut separari vix queant.

In theologia Naturali, quæ illius Philosophiae scopus est, vix aliquid, quod sit ex usu, scripsit. Nam creationem ex nihilo negavit. Deum, & Materiam, duo principia æterna, quorum alterum ab altero non dependeat, exflare dixit. Naturam Dei tam obscure adumbravit, ut verisimilius videatur, Deum fecisse corporeum. De ideis æternis a Deo separatis, de anima mundi, de trinitate quadam, de Diis, dæmonibus, miras fabulas cogitavit, & scripsit.

In Physica de ortu mundi ita loquitur, vix ut percipi possit. Ubi de anno magno, de Diis animantium conditoribus, magnas nugas scribit: nihil boni præterea. De anima vero incredibilia cogitat: eamque ex materia componit. & ex Deo dicit per quosdam gradus emanationis. Ex materia originem deducit mali moralis. Plurima de animis per sidera sparsis fabulatur. De fabricatione hominis panica quædam bona plurimis falsis adjuncta conscripsit. Hæc Physica.

Mathematicas disciplinas extollit: non quatenus Physicæ doctrinæ opitulantur, sed quatenus animum ad notiones abstractas, & rerum essentias contemplandas patrunt, & excitant: quod est ignorare usum Mathematicarum. Sapientius loquitur de Ethica, & Politica: In quibus tamen plurima de republica illa sua scribit falsæ, nugatoria, & quæ vix in pueri ferri possent.

Hæc

Hæc philosophiæ Platonis adumbratio est. [1] Ex his autem sit notum, Platonem etiam in singulis sententiis, ut disputandi rationem & methodum in præsentia omittam, ea dixisse, quæ ferri non possunt: quæque nec lumen ullum adferunt bonæ Philosophiæ, nec ullius usus sunt. Quidquid dicant Platonis amatores, Picus; Ficinus, immo interdum Cudvorthus, qui cum animadverterent a Veteribus Platonem magnopere laudari, exsilarunt, sub illis verborum involucris incredibilem eruditio[n]em latere.

II. Alter philosophorum Veterum coryphæus est *Aristoteles* Stagirites, Platonis auditor, qui & a Veteribus fuit laudatus, & a Recentioribus, præsertim a sæculo Christi XII. usque ad XVI. præ ceteris Philosophis in honore habitus. Gloriam hic Platonis quodammodo obscurasse videtur, adeo ad eum interpretandum certatim plura sæcula concurrerunt. Neque vero hic nos in illius vita describenda tempus consumemus, cum id & a viris doctis fuerit factum, [2] & a proposito nostro sit alienum: sed de philosophandi ratione dicimus.

Jam primo libro docuimus, Aristotalem scripsisse de Rethorica, Poetica, Logica, Physica, Metaphysica, Ethica, Politica. Ac de Rhetorica quidem, & Poetica in præsentia non disputamus: sufficit monere, in utraque magnum ingenium, ingentem eruditio[n]em, & peracre judicium ostendisse: Quod si in reliquis disciplinis.

Q 2.

eodem

[1] Qui plura cupit de Platone, legat, præter autores adductos; Stanlejum Hist. Philos. Tom. I. p. m. 670. seqq.

[2] Præter ceteros illius vitam scripta Andreas Schottus Jesuita Vita Aristotelis, ac Demosthenis: Aug. 1603. 4. Patricius in Discussionibus Peripateticis. Tom. I.

eodem modo se haberet, parum fortasse in iis desideraremus. De quatuor igitur ultimis sermo est potissimum.

Magno ingenio pollebat Aristoteles, & acutissime incredibili: quibus cum adjungeret vastissimam lectionem, & maximam diligentiam, erat enim helluo librorum; doctrinam brevi tempore evasit. Cumque doctrinam suam etiam ad aulae ritum conformaret, omnino erat aptus qui res magnas aggrederetur, & politissima atque ex omni parte utilia scripta nobis relinqueret. Efficerit, an non, non ex Peripateticorum judicio, qui plerumque haec non expendunt; sed ex praceptoris scriptis dijudicandum est.

Ergo Aristoteles, non secus ac Plato, desiderio datus novam sectam condendi, quae ab se nomen haberet, in hoc scopo cogitationes suas omnes defixit. Cumque vollet ipse mentem suam declarare, ne aliorum indignationem suscitaret, de industria suas opiniones occultavit. Haec illi cum Platone communia sunt vitia. Unum ei peculiare: quod non poeticam dictionem, & insolita vocabula adhibeat, sed maxime purum & planum sermonem. Tamen in tanta dicendi elegantia obscurissimus est. Causae haec sunt.

1. Philosophorum opiniones ita exponit, non indicatis fontibus, ex quibus haesit, ut an de sua, an vero de aliorum sententia loquatur, constitui non possit.
2. Metaphysicis, & abstractis notionibus omnes Philosophiae partes referit, praesertim Naturalem, & Moralem. Adeoque res satis claras tali disputandi ratione obscurat.
3. Interdum vero, quod non habeat claram ideam rerum, quae ipsis notionibus respondent; utitur notionibus vagis, quae rem faciunt obscuriorem.
4. Probationes plerumque brevitatis causa non adhibet, vel alio loco ponit, quam deberet.
5. Quædam ex Mathematica ad Naturalem disciplinam adducit, quæ non nisi ab homiē talibus studijs contrito intelligi possunt.
6. Exempla vel plane non

non adfert, vel obscura adfert, ut mentein suam aperiat.  
7. Occurrunt etiam plura sibi repugnantia, quæ caliginem scriptis ossundunt. 8. Definitiones nominum plerumque non adhibet: cumque res diversas eadem voce saepe designet; saepe differentibus vocabulis eandem rem nominet, obscurus fiat necesse est. 9. His actedit stricta dictio, & breves propositiones, & abruptus sermo, & peculiaris syntaxis vocum a communi longe diversa: quæ hujusmodi sunt, ut nec lectorem commode legere sinant, nec plane adsequi mentem scribentis. Hæc ab ipso Aristotele incommoda profecta sunt.

Alia autem eaque gravissima ab aliorum vel imperitia, vel negligentia sunt orta, de quibus primo libro commemoravimus. Nam cum vernibus, & humore autographæ fuerint corrosa, & imperitæ manus multa ex ingenio & conjectura supplererint, atque librarij indocti pleraque pessime exscriplerint; tum etiam librorum ordo, & nexus systematis fuerit perturbatus & mutatus; sperandum non est fore ut intelligamus, qualis fuerit Aristotelis germana sententia.

Ad hæc cum de plerisque, quæ exstant, scriptis dubitatum fuerit, essent Aristotelis, an secus; nemo sapiens adfirmaverit, sibi esse exploratum, quid sit Aristotelicum, quid aliorum. Ut mittam Interpretes, qui Philosophum in contrarias partes trahunt, & cogitata sua pro Aristotelis sententiis interdum proponunt.

Quod si partes Philosophiae singulas minutatim consideramus, facile dignoscemus, quam multis, quamque insignibus nævis inquinentur. Et de Logica proximo libro jam diximus. Agnovit ille quidem, finem Logicæ esse *verisimile* seu probabile, & *verum* seu certum investigare, uti demonstravimus. Id tamen, quod advertit, non præstit. Nam de veritate probabili consequenda nihil dixit. De certa seu demonstrativa tam obscure locu-

tus fuit; ut qui veram demonstrandi viam ignorare vellit, nihil aliud, quam *Analyticorum Posteriorum* libros, legere debeat. Quod illi dubium non erit, qui praedictos libros cum iis, quae nos ex *Recentiorum* disciplina in Logica tradidimus, comparaverit.

In Physica vero cum novum systema differens ab aliis comprehendere vellet, ipsi vero non succurrerent meliora; novitatem non in rebus, sed in verbis posuit incertis, & omni sensu vacuis, quibus replevit Philosophiam. Itaque aliorum Philosophorum sententias ita plerunque expavit, ut penitus depravet, quo facilius queat reprehendere. Eas vero auteposuit, quae non modo inverisimiles, sed ne intelligibiles quidem sunt. Quod ex libris VIII. *Physicorum*, & de *Animā*; & contra *Zenonem*, *Xenophanem*, *Gorgiam*, perspicie deducitur.

Hinc illa sua *materia*, & *forma* stukere: quae vocabula, et si aliquid novum prae se ferre videantur, tamen nihil reapse ponunt; sed sunt vocabula abstracta, quae singulis opinionibus; Anaxagorae, Eleaticorum, Leucippi, Thales, Empedoclis, Pythagoreorum, Platonis applicari possunt. Reapse autem eamdem ipse materiam cum Pythagora, & Platone admittit. [1] Eodem modo cetera, quae ad Physicam pertinent, generalibus verbis, & notionibus exponuntur, quae nihil explicant: ubi falsa plurima manifesto inculet. [2]

Metaphysicæ autem hanc metam posuit, naturam rerum spiritualium praesertim Dei explanare: ad quod efficiendum per multa de ente generatim, & allis ideis generalibus prius disputat. Hic vero si usquam alibi tam obscurè loquitur, ut ipsi interpretes in gravissimis argumentis, ut illud est de Dæmoniis, ceteris, quid ipse sibi velit,

[1] Confer. Morhof. *Polyhist.* Tom. II. L. 2. p. 1. c. 12.

[2] Confer. Joann. *Launojus de Varia Fort. Arist.* c. 1.

lit, constituere non andeant. [1] Nam Veterum opinio-  
nes ita exponit, & confitat, ut an de' sua, an de aliorum  
sententia loquatur, definiri certo non possit.

Longum esset errores omnes, & inopia dogmata;  
quæ vel in Physica, vel Metaphysica admisit, enumera-  
re. [2]. Nam & materiam primam fecit æternam, & di-  
vinis proprietatibus fruentem, & creationem ex nihilo ne-  
gavit. Deinde talem nobis Dei imaginem adumbrat,  
quæ naturam Dei plane evertat. Nam ponit ille quidem  
Deum primum motorem inmobilem: sed adfixum primæ  
sphæræ, & suæ contemplationi unice intentum, sine ul-  
la cura reliquarum sphærarum, improvidum, & inutiliem  
Deum. Inferiores spheras ab intelligentiis moveri putat  
necessario, quæ cum primo motore conjunguntur necessa-  
ria quedam emanatione & influxu: nullos esse dæmonas  
præterea. Itaque nec Deus, ex illius sententia, mun-  
dum condidit: nec illius procreationem habet: nec sphæ-  
ram suam libere movet: nec ulla hominibus beneficia dare  
potest, nec mala punire: nec gratia, nec ira moveri:  
adeoque nulla est caussa cur ab hominibus coli debeat. Ad  
hæc intelligentiam, quæ ultimæ sphæræ præficiatur, unam  
mentem esse per omnes homines pertinentem, qui dicatur  
intellectus agens, adfirmat. Intellectum vero patientem,  
quæ peculiaris hominis sit forma, putat esse mortalem.  
Quæ hujusmodi sunt, ut Aristotelem ab Atheismi flagi-  
gio, inti quibusdam videtur, liberare vix possint. [3]

Q. 4

Quare

[1] Confer. Coqueus ad Aug. de Civ. Dei L. 11. c. 4.  
Mosheimus ad Cudworthi Syst. Intellect. c. 4. Conringius,  
Conringiana p. 127.

[2] Confer. Launous l. cit. & Patricius in Discurs.  
Perip. qui errores illius percensent.

[3] Confer. Walchius de Atheismo Aristotelis in Parerg.  
Academ. p. 298. & Reimmannus Hist. Atheism. S. I. c. 27.

Quare vel ex Peripateticorum sententia [1] qui in hanc partem nihi odio , nihil amori tribuisse verisimile est, efficiunt viri docti , nullum aliud systema Physicum occurrere , quod religioni a Deo traditae magis aduersetur , quam illud est Aristotelis : quod iidem Philosophi plurimis argumentis conficiunt . [2].

Eadem flagitia in Ethica se offerunt . Nam tametsi in libris ad Nicomachum , & Magnorum moralium , & Virtutum , quædam non inepta dixerit , multo plura tamen noxia in iis occurrunt . Nam cum fontes honesti ignoraret , & facultates animi humani penitus non cognosceret ; omnia Metaphysicis notionibus & falsis expedivit , & præclaram Ethicæ disciplinam deturpavit . Cumque in aula regia educatus esset , eam viam stravit , quæ hominem ad Politicam felicitatem conduceat , & doceat omnia ad Principis mores adtemperare . De formando vero honesto & probo viro , aut rara , aut nulla præcepta tradidit . In Politicis vero , & Oeconomicis multa utilia scripsit : sed quæ magis Græcorum moribus , quam nostris , accommodata videantur .

Concludamus igitur , Aristotelis philosophiam aliquo in pretio haberiposse , sed multo minori , quam plerique interpretes persuadere conantur . Quædam utilia reliquit de Logica . De Physica bene scripsit , dum historiam animalium

[1] Hermannus Conringius loco citato : Confer. Launus , & Patricius locis citatis .

[2] Possevinus , etiamsi nullum non lapidem moveat . ut Aristotelem contra Cani ratiocinationes defendat ; tamen plane facetur , ab Aristotele spoliari Deum libertate in agendo , facultate creandi ex nihilo , & providentia . Tum ait , dixisse eum , materiam esse æternam . Bibliotheca Selecta L. XII. Tr. 3. c. 6.

maliū persequitur. De Metaphysica nihil. Ex Ethica vero parum, quod usum habeat; excerpti potest. [1] . . .

Tertius est Epicurus Atheniensis, de quo hoc loco dicturi sumus: & primo quidem de vita disciplina; deinde de Philosophia: nam altera ab altera illustratur. Jam primo libro [2] in Epicuri historia posuimus, quod cum nollet ipse Stoicorum, Platonicorum, Pythagoreorum, Aristotelicorum infirmis hypothesisibus, & canoris nugis Sophistarum tempus consumere; clariorē philosophandi viam quæsiverit, partim ex Jonicorum, partim ex Democriti, ac Metrodori scriptis; ut Græcos ab tali morbo liberaret, & indicaret viam, quæ ad aliquam duceret felicitatem.

Ita-

[1] „ Errant & peccant, qui cum Aristotelem prælegendum sibi sumunt, ea præfantur, quibus teneri adolescentium animi majorem de Aristotele existimationem, quam de ipsa Christiana & vera philosophia, concipiunt.... potius illud est præfundum, quod ipsemec [Aristoteles] tantus demonstrationum flagitator dixit in Prima philosophia, aciem mentis nostræ ad manifestissimam naturæ, non secus quam noctuæ oculum ad solis lumen, caligare. Deinde demonstrandum [id quod] etiam tritum est apud omnes Aristotelicos] nullam esse in Aristotelis libris scientificam demonstrationem; quo perfectissima sit, & omnibus numeris absoluta: itaque non esse ejus doctrinam inconcussam. Possevinus Jesuita, Bibliotheca Selecta L. XII. c. 9. Idem c. 10. exemplis conficit, Aristotelem in quibusdam errasse: & c. 12. ait, Aristot. si in suam ætatem, sæculum nempe XVI. incideret, alia ratione fore scripturum. Quid didurus esset. doctus ille Jesuita, si philosophandi rationem; que hac ætate est in usu, animo conceperisset!

[2] Cap. 4.

Itaque scholam ipse suam aliorum scholis opposuit: præsertim Zenonis disciplinæ, quæ eodem tempore primas ferebat. [1] Cumque Zeno subtristis esset, & difficilis naturæ, & invidus, & qui humano generi persona gravitatis, ac exquisitæ Philosophiæ nomine inponere cupiebat: contra vero Epicurus hilaris, humanus, & qui plenè amabat philosophari, atque fructum aliquem ex Philosophia capere cupiebat; tanto in eum odio exarsit Zeno, ceterique Stoici, ut eum inhumane prorsus conciderint: illis verba in deteriorem sensum detorserint: plurimam fallaciā addiderint; ut homini incredibilem invidiam consarent. Quibus cum vicissim Epicurus fortiter resisteret, Sophistarumque fallacias detegeret, ineptiasque & personam virtutis, quibus vitia nimis multa tegebant, omnium oculis expōneret; in placabile dissidium inter utrosque exarsit, magno cum nominis Epicuri damno.

Hinc Diotimus Stoicus<sup>L.</sup> epistolās lascivas, quasi ab Epicuro conscriptas, edidit: cui junxit alias a Chrysippo exaratas, quæ Epicuri nomine ferebantur. [2] Et quamquam Zeno Sidonius Diotimum in jus vocasset, & calumniæ convicisset, isteque pœnas fraudis capite dedisset; [3] tamen calumnia propagata est, & per omnem Græciam, & Italiam, & universum pene orbem diffusa, ab iis præsertim Philosophis, quorum intererat Epicuri famam & gloriam minuere. Gulosus, libidinosus, inpius, palam prædicatus fuit. Quibus ex fontibus cum hauisissent Veteres, mirandum non est, hanc persuasionem invente.

[1] *Systema Epicuri direkte repugnare systemati Zenonis, et, qui alium cum alio conferat, erit apertum: quod secundum Gassendū, & alios monet Bruckerū de Secta Epicurea.* p. 1253.

[2] *Laert. L.X. s. 3.*

[3] *Athenaeus L. XIII. p. 611.*

Vetefavisse usque ad renatas litteras : qua etate viri in historia Veteri valde exeritati Epicurum ab hac labo liberarunt. [1]

Id certum ex Veteribus est ; ne ipsis quidem exceptis , qui parum eidem favebant ; Epicurum sobrie & temperanter vixisse , polenta , & aqua contentum . [2] Natura sua ab amore seminorum abhoruisse ; qua de causa eae liberi vitam egit , quo quietius vacaret Philosophiae id quod disciguli illius docuerant . [3] Praterea continuasse se ab omni amore insipito : [4] immo ne potuisse quidem aliter , ob infirmitatem validinis . [5] Tum Deos posuisse , quorum natura ob praestantiam suam coli debeat : [6] Postremo scriptisse libros de sanctitate , & pietale adversus Deos . [7]

At negavit creationem , & procurationem mundi : Fateor : sed haec illi cum Aristotele communia sunt ; qui pejora dicit : nec unus debuit Epicurus ea de causa ad invidiam adduci . Addo quod cum Anaxagorati , Socratem , Aristotelem , Theodorum , Diagoram , Atheneenses viti superstitionis , inpietatis postulassent , & damnassent a nusquam legitimus in Epicurum aliquid molitos fuisse : tametsi Epicurus ab Stoicis saepissime accusatus , quod Deorum numen tolleret , coactus fuerit semel & iterum apologiam suam contexere :

Quod

[1] Bonciarius , Andreas Arnaldus , Gassendus .

[2] Confer . gravissimus Stoicus Seneca Epist . 21. & 18. Laert . L . X . s . II .

[3] Laert . ibid . s . 119. & ibi Casaubon . Theodorest . Sermon . xxi . [4] Chrysippus apud Stobaeum .

[5] Exstitit liber i Metrodoro scriptus de Infirmitate Epicuti . Conf . Laert . L . X . s . 24.

[6] Seneca de Benef . L . 111 . c . 19. [7] Cicero & ipse infensus Epicuro , de Natur . Deor . L . I . c . 41.

Quod vero seminas non pudicas inter auditores habuerit, id quidem exemplo Socratis, & Platonis, ceterorumque Græcorum fecit: ad quorum scholas frequenter hæ mulieres accedebant, ut litteris vacarent: [i] quin ea de causa Philosophi illi gravissimi in aliquam reprehensionem inciderent. Quæ, ut reliqua non adesseuit, evidenter conficiunt, ea; quæ de Epicuro atrocia prædicantur; calumnias esse Stoicorum, & Academicorum, ac Sophistarum, quorum intererat Epicurum opprimere, ne ipsi regnum, quod usurpaverant, amitterent.

Venio ad Philosophiam. Agnovit Epicurus, Philosophiam esse rectæ rationis usum, qui vitam beatam pariat. Hinc Ethicam præcipuam Philosophiæ partem fecit. Deinde Physicam, propteraquod ea talia principia suppeditat, ex quibus Ethica inlustrari potest. Quo vero utramque facilius consequamur, aliqua præparatio necessaria est; quam ipse vocat *Canonicam*, seu *Logicam*.

Primus itaque e *Systematicis* philosophis Epicurus cum sermonem adhibuit, qui ab omnibus posset intelligi. Quod eo consilio fecit, ut adolescentes morbo illo, Academicis, & Stoicis hereditario, curaret, utendi vocibus, quæ nihil significant. Hinc in Logica adornanda ea præcepta trudit, de criterio veritatis, & usu votum; quæ non solum ad finem, quem sibi posuit, idonea erant; sed etiam nostra ætate, si pauca demas, aut mutes de anticipationibus, ceterisque, a præstantissimis Philosophis recepta sunt: propterea quia & summo judicio excogitata, & ad verum investigandum utilia, & accommodata judicantur. Qua quidem laude Epicurus Græcos philosophos superare videtur.

Hicce canonibus paratus, ad Physicam animum adjunxit: atque deposito omni præjudicio & anticipatione,

ex

[i] Confer. Menagius, in Hist. Mulier. Philosoph.

ex iis, quæ sensibus comparantur, sistema suum compo-  
suit. Itaque putavit, omnia; quæ in mundo sunt, ex  
atomis diversæ figuræ constare: quæ cum per inmensum  
inane moverentur, concurso fortuito colligatae sunt hæc  
& illa ratione, ex quibus hæc rerum species & figuræ na-  
scuntur. Vedit enim Epicurus, sine inani motum nullum  
fieri posse, adeoque inane systemati suo adjunxit.

Plurima quidem falsa, perniciosa, & quæ ne sine hor-  
rore quidem audiri possunt, adseveravit Epicurus: e.g.  
Cum negat aliquid ex nihilo fieri, adeoque materiam po-  
nit æternam. Cum tollit Dei providentiam a mundo, &  
omnia concurso fortuito facta esse ait. Cum Deos in spa-  
tiis intermundanis concludit, eosque privat attributis  
divinitatis. Cum mentem facit corpoream: nihil enim  
præter atomos, & inane admisit: & hujusmodi alia, quæ  
in systemate cum Physico, tum Theologico occurunt  
flagitia, quæ viam sternunt pro lastralem ad inpietatem.  
Hæc tamen illi partim cum aliis Philosophis communia  
sunt, qui alio & alio modo eadem deliria & inopia dogma-  
ta obtruserunt: partim mutari possunt & emendari, quin  
omnis Physica pereat. Id certum est, Recentiores doctissi-  
mos [1] rejectis Epicturi flagitiis, corpusculare sistema  
secundum religionis nostræ canones amplexatos esse: hu-  
jusque Physicam, & Logicam, mutatis iis, quæ omnino  
mutari debent, post instauratas disciplinas doctissimis Phi-  
losophis placuisse. Quod in Epicuri laude ponendum est:

In Ethica vero Epicurus felicitatem hominis ponit  
voluptatem. Sed Philosophi gravissimi, veterumque secta-  
rum callentissimi ostenderunt, [2] voluptatem Epicuro

ni-

[1] Præter ceteros Gassendus in Syntagma Phil. Epicur.: & saepe alibi.

[2] Idem Gassendus, cui addi potest Anonymus auctor

Moz

nihil aliud esse , quam expertem esse perturbationis & doloris : id est , summam indolentiam corporis , & animi . [ 1 ] Non vero illam voluptatem , quæ in quadam titillatione sensuum [ qualem ponebant Cyrenaici ] præsertim venerea consistit . Quod per summam injuriam Epicuro adfictum fuisse , contendunt iidem : idque tum systemati Epicuri , tum vitæ disciplina repugnat .

Quod si hanc personam tollis ab ethica Epicuri , certa plena erunt : tum sine labore intelliges , Epicurum in Ethica plurima falsa , & omnino noxia conscripsisse , quæ juri Naturæ , ac religione nostræ sunt repugnantia , & quæ a viro Catholico studiose vitari debent , & proligari : quædam tamen addidisse , quæ commode cogita ta videntur : tum multo clarius scripsisse , quam vel Pla to , vel Aristoteles fecere . Itaque si Ethicam , & errores alios excipiamus , dicendum videtur , ex Gentibus plus Epicurum prosuisse Philosophiæ , quam ceteros .

## C A P U T II.

### De illustrioribus Ecclesiæ Patribus , qui usque ad VI. saeculum floruerunt .

V Eteres Episcopos , & Doctores , qui Philosophiæ fama claruerunt , in duas veluti classes dividi debe re , quarum altera eos comprehendat , qui ante se statt Ecclesiasticam ; altera eos , qui post eam condi

Morale d'Epicure avec des Reflexions . Paris . 1685 . Alios numerat Heumanus in Act . Philosoph . Vol . II . p . 645 .  
seqq . n . numerat Borelli in Act . Philosoph . Vol . II . p . 645 .  
[ 1 ] Laert . L . X . f . 131 .

tam [i] scripserunt, monuere ante nos viri doctissimi. Et merito quidem: nam ex Ecclæticæ sectæ origine, quid nos de illorum Philosophia judicare debeamus, manifestum fit.

Cum enim Veteres doctores, non illi modo, qui ab Ethnica religione ad Christi anam confugerant; sed etiam illi, qui a prima ætate Christianorum doctrina erant imbuti; ad scholas Gentilium confuerent, ut eorum systemata penitus cognoscerent, & facilius refutare possent; plurimi antem Christiani Gentilem philosophiam docerent; fit consequens, ex Ethnica philosophia lumen eorum sententiis adferri debere: nec de illorum scriptis nisi ad systema respiciendo, quod acceperant, oportere judicare. Quod qui non faciunt, quin album cum atro misseant, & Patribus alienas sententiasatribuant, fieri non potest.

Et hæc regula satis esse videbatur, ut de Patrum philosophandi via iudicium ferremus, si modo exploratum haberemus, qua ætate scripserunt, & ex quo fonte hauserunt placita sua. Cum enim sanctissimi homines sibi persuaderent, Græcos philosophos, præsertim Platonem, ab Hebræis pleraque sumisset; si qua in illis occurrebant, quæ nostris consentanea viderentur, ad Christiana dogmata reducebant, & Christiano modo explicabant: tum demum Philosophorum phrasibus, & dicendi via pleraque exponebant.

Hinc qui I. & II. a Christo saeculo libros condiderunt, quo tempore Platonica philosophia in plurimis mutata Alexandriæ vigebat, & cum Orientali, & Aegyptiaca pedentim cœperat conjungi; ex illorum systemate plerumque philosophantur: ex eoque plurimæ ad dispu-

[i] Libro I. c. 9. diximus, exortam fuisse Ecclæticam sectam initio saeculi III.

tandum in re Christiana contra Gentiles desumunt. Iustinus Martyr [1] & Theophilus Antiochenus [2] & Athenagoras [3] Platonis philosophandi viam interdum adhibent. Tatianus Orientalem philosophiam prodit. [4] Eodem modo ceteri Philosophiae laude ea ætate præstantes, qui si minus systema[5] Platonis systema iidem rejecerant, uti demonstravimus] at sententias Platonis aliquando declarandi mysterii alicujus gratia usurpant. [5] Nihil secius confirmandi gratia unum & alterum producemus.

I. *Irenæus* episcopus Lugdunensis, vir Sacris litteris, & philosophia Græca perfete eruditus, cum zelo Christianæ doctrinæ defendendæ inflammatus esset, Hæreticorum opiniones infirmavit, quas ex Orientalis, & Aegyptiacæ, ac Platonicæ philosophiæ placitis cum doctrina Christianorum copulatis scelestissimi Hæretici derivabant: Laudatur ea de causa [6] quod plane errores exposuerit: fontesque, unde fluenter, indicaverit, quo facilius eos labefactaret. At quædam Platonica usurpavit, in explicando mysterio Trinitatis, de angelis corporeis, de animo humano, cetera, ut expeditius occurreret adversariis: [7] quæ in tanto viro ob consuetudinem ætatis,

[1] Apolog. II. pro Christ. p. 50. 51.

[2] Confer. ejus L. II. §. 14. & Petavium de Trinit. L. I. c. 3. §. 6. [3] Confer. ipsa Apologia Athenagoræ.

[4] Confer. Petavi. loco citato. §. 5.

[5] Epiphani. Hæres. 31. c. 33. Hieron. Epist. 83.

[6] Massuet. Dissert. III. ad Irenæum; art. 9...

[7] "Ac mihi videntur illi, cum aduersus Gentiles doctos, & Philosophiæ deditos pro Christiana fide discepularent, quo eam vendibiliorem facerent; ac magis persuaderent, minus accurate, ac subtiliter illius intima-

tis, & scriptorum scopum excusari possint. Quod ipsum fecit Cl. Massuetius, qui de Irenæi scriptis luculenter disputavit. [1]

II. Jam Clemens Alexandrinus memorandus est: homo & Græca, & Barbara philosophia mirifice exultus, quique ingenio, & eruditione reliquos sui sæculi antecelluit. Ex singulis lectis excerptissime Clementem plurima, quæ ad Christiana decreta applicaret, ex ejus verbis perspicuum est; illud etiam addentis, hac via sperare se, ut Catechumeni ad religionem nostram facilius ducerentur. [2] Verum hac methodo virum doctissimum quod ad modum explicandi interdum lapsum fuisse, & Veteres [3]

R & Re-

„ Et arcana commississe libris istis, quos emanare in vulgus cuperent: atque ad Platonis decreta, eamque, quam illi combiberant, Theologiae formulam, Christianum istud conformasse mysterium. Petavius Dogm. Theol. Tom. II. Praef. c. 3. §. 3. Conf. Huetius Origen. L. II. c. 2.q. i. §. 14.

[1] „ Omnia fere, quæ paullo incuriosius ab Sanctis illis Patribus de hoc mysterio interdum jacta sunt, causâ sailla primaria videtur esse, quam dixi, quod cum Gentiles philosophos alienos a Christiana professione concilia-re vellent, Et probabilem iis caussam fidei nostræ redere, salva dogmatis ipsius, ut loqui soleo, substantia pleraque illorum more, institutoque declararunt. Petav. Præf. ibid. §. 6.

[2] „ Varia ac multiplex doctrina Et varie probat id, quod adducitur, Et Catechumenis admirationem adserens, ea, quæ sunt præcipua, dogmata, ad eorum, qui audiunt, persuasionem, Et ad veritatem constituit: Stromat. L. I. p. 279.

[3] Eusebius Cæsariensis apud Fabricium Biblioth. Græcæ Vol. V. p. 112. Photius Cod. CVIII. p. 154.

& Recentiores oculati animadverterunt. [1] Ut illud erat de materia ex Dco genita: de ideo doctrina, quam Plato, ut ipsi videtur, accepit a Moze: de λόγῳ imagine Patris, ut homo est imago verbi; de angelis propter incontinentiam ex cælo pulsis, cetera: quæ plane conficiunt, ex Academicis, & Stoicis placitis Clementem quædam mysteria Catechumenorum gratia adornasse & exposuisse. [2]

Et de Patribus, qui ante seftam Ecclæsticam floruerunt, hucusque. Hi enim, ut diximus, ex Ecclæstica disciplina [hæc Alexandriæ jam nata erat, eaque Patres sapientius, quam ceteri, utebantur] id est, ex Philosophorum sententiis, præsertim Platonicorum, Stoicorum, & Orientalium, aliqua Christi placita inlustrare & confirmare conati sunt,

Laudantur quidem doctissimi, ac sanctissimi: homines ob religiouis Christianæ propagandæ studium, ob labores hac de causa susceplos, ob librorum copiam, qui undique & eruditione in valtissimam, & sanctimoniam redolent. At, quod pace beatissimorum virorum dictum sit, in aliquibus argumentis non eam Philosophiæ peritiam ostenderunt, quam ipsi, si vellent, ostendere poterant, propterea quod in Philosophia ad plenum erant erudit. Nam primum ex Gentilium placitis disputantes, eosdem ad religionem Christianam dextere detorquebant. Quæ etsi per opportune & sapienter erant excogitata, tamen firmior esset ratiocinatio, si ex nostris principiis duceretur,

[1] Huetius Origenian. L. II. c. 1. q. 4.

[2] „ Clemens Alexandrinus ... Christianum dogma „ de Verbo Dei, ac Filio, Platonis ad mentem accommodare statuit, sine erroris plerumque suspicione. Petavius de Trinit. L. I. c. 4. §. 1. Conferri possunt Caveus Hist. Liter. & Baltus Defens. Patrum, qui eum defendunt.

tur, ut alii Patres fecerunt. [1] Deinde ea, quæ non nisi divina locutione constant, ad Platonis sententias interdum revocare non dubitabant: e. g. cum trinitatem Platonicam ex nostris principiis illustrabant, quo facilius inlicerent Gentiles. Quæ disputandi ratio fines humanæ rationis, & divini sermonis accurate non sejungit.

Hæc non nulli: nam alii dextere, & accurate cum Gentilibus disceptando contenderunt, eorumque errores solide & nervose labefactarunt. Sunt tamen sanctissimi illi ac eruditissimi homines excusandi multis de caussis: [2] primum, quod bona fide egerunt: deinde, quod id cum pretio sacrificarunt: postremo, quod de religione Christiana præclare meriti sunt. Quare vel hac de caussa eorum memoriam sancte colere, & summis laudibus efferre debemus.

Venio ad eos, qui ineunte III. sæculo, id est, post conditam ab Ammonio Ecclæticam sectam scripsere. De quibus, quid nos judicare debeamus, tum ex iis, quæ paullo ante, tum quæ primo libro disputavimus, [3] colligitur. Tamen ne sine ullo exemplo decedamus, aliquem adducemus celebriorem.

III. Eorum, qui hoc sæculo Philosophiæ eruditione

R. 2

cla-

[1] „ Minus sâpe rectam usurparunt Ecclesiæ patres „ differendi methodum: ex pluribus etiam, quibus uti „ poterant, argumentis minus valida, minusve apta quam „ docebat adhibuerunt. Quid tum? nimisrum omnium bac in „ re mortaliū sorteū subiere, qui falluntur nonnum- „ quam . . . Ipsa quoque SS. PP. critice non omni mendo „ caret: immo plerisque Veteribus parum omnino perspe- „ clâ fuit hæc scientia. Bonaventura Argonensis Chartu- „ fianus de Optima Legend. Patr. Methodo. P.Lc.7.p.m.44.

[2] Vide Petavium in præfat. dg L. I. locis citatis.

[3] Cap. VII.

clari habiti sunt , præter ceteros memoratur *Origenes Adamantius* , Clementis Alexandrini primum , deinde Ammonii Saccæ Apostatae discipulus : vir sollerti ingenio , summa eloquentia , & multa ac recondita doctrina instrutus : qui tanta eruditionis fama docuit Alexandriæ , quanta nullus e Græcis doctoribus alius : adeo ut ad eum non modo Christiani , sed etiam Hæretici , & Gentiles , & seminæ eruditæ quædam audiendum concurrebant . [1] Cumque a Clemente didicisset disciplinam dogmata Philosophorum aliqua ad usus Catholicos revocandi ; ab Ammonio vero rationem hausisset non modo sacerdtales doctrinas , verum etiam religiosa dogmata conjungendi , quam *syncretismum* vocant ; eamdem tanta animi contentione persecutus est , quantum verbis declarare vix possumus .

Profecto cum esset Origenes innutritus Aegyptiaca philosophia , quæ & majorum traditiones , & Deorum suorum historias ad notiones Philosophicas reducebat , omniaque allegorico modo interpretabatur ; primus videatur esse , qui publice eamdem docendi viam in scholas Christianorum invexerit , atque sacra Christianorum dogmata ad Platonicæ philosophiæ , quæ Alexandriæ obtinebat , placita revocaverit . Ex quo fonte longa errorum series manavit , quibus Origenis scripta , ceteroquin eruditissima , inquinantur . Quæ cum Recentiores [2] copiose persecuti sint , prætereunda hoc tempore videntur .

III. Alter est *Eusebius Pamphili* , episcopus Cæsa-

[1] *Euseb. Hist. Eccl. L. VI. c. 2. & 12. & 20.*

[2] *Ex Catholicis Huetius Origen. L. II. c. 11. q. 13.*  
*Carolus de la Rue Præf. Tom. I. Oper. Origenis. Ex Hæreticis hoc etiam protractant Clercius Hist. Ecclesiast. Prol. Sect. I. c. 5. §. 8. & Buddeus Parerg. Hist. Theolog.*

sariensis , vir peracris judicii , & selecta eruditione excus-  
tus . Hic cum religionem Christianam strenue defendere  
conaretur , duplex opus edidit , *Præparationem* , & *De-  
monstrationem Evangelicam* : in quibus Gentilium philoso-  
phorum , & theologorum absurdia , & repugnacias col-  
legit , ut Philosophorum audaciam confingeret , & præ-  
pararet animos ad fidei Christianæ lumina recipienda :  
quod cum pretio effecit .

Itaque Eusebius , ut & ceteri doctores Christiani  
sæculo III. & IIII. omnia Philosophiæ systemata rejicit ,  
& Ecclæstico modo philosophatus est . At cum ex communis  
opinione existimaret , veritatis omnes per traditionem ,  
& ἀληθὸν λόγον ad Philosophos pervenisse , & per seatas o-  
mnes sparsas esse ; Platone inque de Deo , rebusque diuinis  
quædam dixisse , quæ nostræ religioni sunt consentanea ;  
ex his fontibus infirma quædam ducit argumenta ad Gen-  
tiles conficiendos . Deinde cum non adverteret , quantum  
interest inter Platonicum systema , & Platonorum Ale-  
xandrinorum , qui eundem Platonem depravaverant ;  
quantumque inicereos , & Christianorum doctrinam in-  
tersit ; plurima & diversa miscet , & Græcorum systemata  
confundit : siisque talia tribuit , de quibus numquam co-  
gitarunt . Quæ ipsi cum ceteris , qui Alexandrinorum  
placitis erant eruditæ , ut Didymus Alexandrinus , Chal-  
cidius , Aeneas Gazæus , Zacharias Scholasticus , Joannes  
Philoponus , reliqui , qui V. & VI. sæculo in Orientali  
ecclesia claruerunt , communia sunt .

V. *Syntaxis* vero Cyrenæus , Ptolemaidis episco-  
pus , & is quidem eloquentissimus , & doctissimus , initio  
sæculo V. eadem ratione philosophatus est : nisi quod Pla-  
tonico-Alexandrinum systema majori conatu defendit , &  
in suis *epistolis* , & *hymnis* expressit . Ex quo systemate ,  
quod dicitur *emanativum* , conspicui errores fluxerunt ;  
ut periodica reversio rerum omnium ad primum fontem :

hegata corporum resurrectio: cetera, quæ viri docti [r] non alia ratione defendunt, nisi dum adfirmant, Synesium cum est factus Episcopus, errores prædictos detellatum esse. Id certum est, Synesium aperte fassum, [z] Platonica placita cum Christianis dogmatibus convenire non posse: adeo vir oculatus Ethnicorum errores penitus cognoverat. Verum hic, & Pseud. Dionysius Areopagita ab Ecclæstica Patrum philosophandi via ad Ecclæsticam; quæ in usit erat apud Gentiles, haud obscure digressi sunt. [3]

VI. Sed etiam Christiani doctores in Occidente saeculo IIII. Seculari philosophiae operam dederunt; quo facilius Gentilium errores profligarent, eosque ad Christianam religionem pertraherent. Numerantur in his Ariobius Afer, ex Philosopho Christianus, qui edita Apologia contra Gentiles, magnum sibi nomen fecit in Ecclesia:

Sed virum doctissimum magis à Rhetorica arte, quam a Philosophia, esse paratum, ei, qui ejus scripta legit, manifestum est. Primum omnium Philosophiae systemata non admittit, idque recte, sed quædam ex Platone sumit interdum. Deinde cum humanae mentis imbecillitatem & tarditatem defendere velit, ut Gentilium impudentiam confringat, ita rationem deprimit, ut ad Scepticorum castra transire videatur. [4] Præterea artem differendi non uno tantum loco contemnere videatur. [5] Postremo ita disputat, ut Oratorem, non Philosophum, te audire existimes; qui Ethnicorum super-

stili-

[1] Photius.

[2] Confer. Synesii Epist. 105. p. 247. ad fratrem Theophilum.

[3] Confer Petaviani de Trinit. L. I. c. t. §. 6.

[4] Confer. illius L. I. c. 27.

[5] Consule cap. XXXVIII.

sitionem Rhetorum phaleris, non perspicuis & firmissimis rationibus, labefaciare interdum conatur.

VII. Hunc addimus discipulum L. Cæliuni Laetantium Firmianum, Rhetorem præstantissimum, qui eam Latini sermonis copiam & elegantiam, eamque eruditio- nem ad nostra dogmata adulit, ut merito suo Christianus Cicero nominetur. Edidit Libros de Ira Dei, Insti- tutionum Divinarum, de Opificio Dei; cetera: in quibus quot errores & repugnantias Græcæ festæ in Philosophia, & Naturali theologia aduferint, dilucide exponit: & argumentis Philosophicis conquisitis Gentilium adoritur delicia.

Nullum philosophiae Græcæ systema amplexatur La- etantius: sed cum ex disciplina doctorum III. & IIII. seculi sibi persuaderet, Christianas veritates per singulas festas sparsas esse; omnia exploravit, eaque excerptis, quæ accommodata videbantur ad religionem Christianam confirmandam, & defendendam.

Verum enim vir doctissimus præjudiciorum expers non esset, quædam interdum addit, quæ nec Philosophum decent, nec Christianum. Nam primum ex libris suppositiciis argumenta sua non uno loco dedit. [1] Deinde contendit, hominem sine divina locutione nullum verum comparare posse. [2] Præterea ex hypothesibus falsis sumit non nulla argumenta. [3] Ad hæc se Physicæ disciplinæ valde peritum non esse singulis paginis ostendit. [4] Postremo Oratorio sermone, ubi argumen- ta perspicua erant necessaria, uitetur frequenter. Præte-

[1] Confer. L. I. Inst. Divini. c. 6.

[2] Inst. Divini. init. pag. 4. & L. III. c. 2. 3. 16.

[3] Confer. Inst. L. I. c. 5.

[4] Confer. Joani. Justus Rau' Diatriba de Philosophia Laetantii. Confer. Journal des Savans 1734. Maii art. 4.

re errores de animarum præexistentia , de futuro mille annorum regno , de angelis , cetera , quæ viri docti copiose persequuntur .

VIII. Sed præter ceteros B. Augustinus episcopus Hippensis , IIII. sæculo exeunte , & sub initium V. maxima ingenii ubertate , & eruditionis copia ad philosophandum accessit . Plurimæ vir beatissimus scripsit , quæ in argumento Theologico versantur : sed etiam quædam reliquit , in quibus Philosophica ejus eruditio elucet : ut sunt libri *Contra Academicos* , de *Immortalitate Animæ* , de *Quantitate Animæ* , de *Duabus Animis* , cetera , sed præsertim libri de *Civitate Dei* .

Augustinus primum Peripateticæ logicæ operam dedit , quam postea abjecit , propterea quod cognovit , ex *Categorij* falsas se de Deo notiones accepisse . [1] Deinde Manichæorum placitis de duobus principiis Bono , & Malo iubatus est : [2] quæ ex Orientali philosophia orta erant . Quorum deliria cum animadverteret , de veritate inquirenda desperavit , & ad Academiam Medium , & Scepticorum castra se contulit . [3] Sed lectis Platoniconum libris ex schola Plotiniana , ad Academiam Veterem transivit , quod sibi persuaserit , videre se in Platoniconum scriptis multa doctrinæ Christi consentanea , quæ eum ad incorpoream veritatem , & invisibilia exploranda allicerent & incitarent . [4] Itaque ex Platonico-Alexandrinorum scriptis , quantum per Christianam re-

li-

[1] Aug. *Contra Academicos*. L. IIII. c. 16.

[2] Ibidem L. III. c. 6.

[3] „ Sæpe mibi videbatur , non posse inveniri verum ,  
„ magnique fluctus cogitationum mearum in Academicorum  
„ suffragium ferebantur . August. *de Utilitate Credendi*  
c. 8. [4] Aug. *Confess.* L. VII. c. 9. & 20.

ligionem licebat, perpetuo philosophatus est. [1] Persuaserat enim sibi vir eruditissimus, Platonicos Recentiores non solum in Logica [2] & Physica [3] & Ethica [4] ceteris praeslitisse; sed etiam in theologia Naturali longe reliquos Philosophos superasse, [5] & Christianæ fidei magis consentane locutos esse. [6] Ex quo conjectat, eos non modo ab Judæis pleraque accepisse, [7] verum etiam a divina providentia per *spiritum logon internum*. [8]

Quamquam vero Augustinus Platonicos tantum laudaverit, tamen numquam eorum sistema & doctrinæ nexum admisit: quinimmo non semel hypocrisim s. idolatriam, stultitiam, & hujusmodi vitia iis exprobavit: & in

[1], Nam si primo sanctis tuis litteris informatus esset, & in earum familiaritate obdulcisses mihi, post in illa volumina [Platonicorum] incidissem; fortasse aut abripuissent me a fundamento pietatis; aut si in affectu quem salubrem imbiberam, persistissem, putarem etiam ex illis libris eum posse concipi, si eos solos quisquam dicisset. Aug. L. c. c. 20. Confer. idem Contra Academ. L. III. c. 38. & Retract. L. I. c. 5. in quibus declarat, ex qua disciplina ratiocinatur, nimirum ex Platonico-Plotiniana.

[2] De Civitate Dei L. VIII. c. 7.

[3] Ibidem c. 6.

[4] Ibidem c. 8.

[5] Ibidem c. 1. & 4.

[6] „ Quod de Deo summo & vero ista senserint: quod rerum creatarum sit effector, & lumen cognoscendarum, & bonum agendarum: quod ab illo nobis sit principium naturæ, & veritas doctrinæ, & felicitas vitae. ibid. c. 9. [7] Ibid. c. 10.

[8] Confer. de Civit. D. L. II. c. 40.

[1] & in plurimis turpiter errasse eos ostendit. Immo vero, quo erat iudicio, & animi moderatione, disertis verbis satetur; se sibi interdum displicuisse; quod homines inpios impensius landarit. [2]

Itaque Augustini philosophia erat Ecclæstica, seu Platonico-Alexandrina; quantum per Christianorum dogmata fieri poterat; nam plurimos errores defendisse Alexandrinos, nemini dubium est. Deinde ex Platonis disciplina Logicam scripsit, quæ hodie desideratur; uti primo libro demonstravimus. Tum Veteri philosophia prudentissime usus est, præsertim in libris de *Civitate Dei*, ad Christianam doctrinam defendendam; & inlustrandam:

At cum nihil in hoc mundo omnibus suis partibus perfectum reperiri possit, aliqua vir eruditissimus in Philosophia admisit contra artis Ratiocinandi præcepta. Hæc ex triplici fonte, ut viris oculatis videtur; proficiuntur. 1. Quod per omnes sectas vagatus, in Academica conqueivit, uberrimo fonte contentionum, & abstractarum idearum; quæ judicandi aciem interdum retundunt. 2. Quod ingenti eruditione, qua erat ornatus, in mentem animi obruerit potius, quam acuerit: quod viris multi jugæ lectionis non semel usu venit: 3. Quod ex communi sententia ætatis extulerit utilitatem & usum

Pla-

[1] Confer. Baltus Jesuita Defens. PP. qui de Platonismo accusantur, Gallice. L. IIII. p. 488. seqq. qui loca Augustini adfert.

[2] „ Laudem ipsam, inquit, qua Platonem, & Platonicos sive Academicos philosophos tantum extulerit, quam inpios homines non oportuerit; non inmerito si, sed dislocuisse; præsertim contra quorum errores magnos defendenda sit Christiana doctrina: Aug. Retractat. L. I: c. I.

Platonicæ disciplinæ. Quæ quidem hujusmodi sunt, ut quin hominem, quantumvis peracris judicii, transversum abripiant, fieri non possit. Sed hæc, meæ quidem sententia, quantus vir fuerit Augustinus, ostendunt: & potius in Augustini laude, quam vituperatione, ponenda sunt. Qui quidem etiamsi non nullis præjudiciis tenetur, tamen si quis alius ingeniose, apte, sapientissime ratiocinatus est: cuiusque tot exstant, tamque singulæria in litteras, & in Ecclesiam merita, ut inter magnos viros, quos ecclesia Catholica peperit, merito referendus sit.

VIII. Augustino adjungimus Anicium Manlium Torquatum Severinum Boethium Römanum, qui inito VI. saeculo ingenii, & eruditionis præstantia claruit. Dedit is operam Eclecticæ philosophiæ sub Proclo, qui maxima cum laude Athenis docebat. Ex quo illud suum studium hausit, Platonis, & Stoicorum sententias cum Aristotelicis conjungendi: quod præsertim libro de *Consolatione Philosophiae* præstitit: in quo diversarum sectarum dogmata collegit, & veluti obtorto collo ad aliorum sensus pertraxit. [1]

Scripsit Boethius de *Unitate in Uno*, de *Musica*, de *Arithmetica*, reliqua: quædam Dialetica ex Aristotele, & Porphyrio Latina fecit: quædam vero a Mario Victorino conversa commentariis illustravit. Et quamquam Aristotelis amore adficeretur, tamen non eum ex Alexandri Aphrodisiensis disciplina [hæc stricte & presso pede Aristotelem sequebatur] sed ex Ecclæticorum mente, qui cum depravaverant, interpretatus est, & cum Platone omnino in concordiam revocare est conatus. Ex quo conficitur, male Boethium ab aliquibus inter germanos Peripateticos numerari: cum ex præceptoribus, quos au-

di-

[1] Confer. Lib. III. & IIII. de Consolat.

davit; & ex libris, quos scripsit; & ex ipsa philosophandi ratione, quam prae se tulit, perspicuum sit, eum ad Ecclasticos jure referri debere. [1] Adeoque quid de Boethii philosophia judicare oporteat, lector oculatus nullo monente intelliget.

Et hi sunt Doctores, qui usque ad VI. s. ecclum a Philosophia nobiles habentur. Nam paullo post Philosophiae studium extinctum est, ut jam ante demonstravimus. [2] De horum vero Philosophia cum eo loco dixerimus, in praesentia, ut brevitat consulamus, omitto iterum dicere.

## CAPUT III.

*De Arabibus, & Scholasticis celebrioribus.*

**G**RÆCOS, & LATINOS doctores philosophi Arabes excipiunt, uti suo loco diximus. [3] Hæc gens tam multis abundat scriptoribus, qui Philosophiæ, & Medicinæ, & Mathematicæ, pro more illius ævi, vacarunt, ut eos vel enumerare velle infinitum esset. Legatur ex Arabibus Leo Africanus, [4] ex Recenticribus vero Hottingerus, [5] qui ex ipsis Arabum monumentis catalogum clarorum hominum texit, qui apud Arabes seu Saracenos singulis Philosophiæ partibus operam dederunt: nec id solum, sed etiam Geometriæ, & Astronomiæ, & Astrologiæ, & aliis partibus non invita Minerva vacarunt. [6]

Lau-

[1] Vide Holstenium Vita Porphyrii c. 1. p. 10.

[2] L. I. c. 11. [3] L. I. c. 11.

[4] De Viris Inlustribus Arabum.

[5] Bibliotheca Orientalis, præsertim c. 2. Confer. etiam Herbelotius Bibliotheca Orientalis.

[6] Confer. Vossius de Scient. Mathem. c. 35.

Laudantur inter alios *Alkendi Thabet Ebn Korra*, *Avicenna*, *Effachalli*, *Al-Gazel*, *Thophail*, &, qui primus nominari debuit, *Aben Rois*, seu *Averroes*, qui & priorum gloriam superavit, & sectam de suo nomine reliquit: ex qua plurimi viri nobiles apud Saracenos existere. De horum vero scriptis singulatim judicium serre longum esset, & supervacaneum: primum, quod de philosophia Saracenica, quæ necessaria erant, jam primo libro docuimus: deinde, quod eadem sine ulla necessitate plurimis in locis repeteremus. Nam cum plerique omnes Saraceni Philosophiæ ex sententia Aristotelis, Medicinæ vero ex Galeni, interdum vero Hippocratis; atque etiam Mathematicæ operam dederint; quibus addebant plerique jus Canonicum, & Theologiam suam; qui unum noverit, omnes noverit. Incirco de Averroesio tantum dicemus.

Maximo ingenio praeditum fuisse Averroesium nemo dubitat, qui librorum, quos scripsit, catalogum legerit: [1] cui cum acceserit incredibilis discendi ardor, & adsidua exercitatio, mirum non est eum in Rhetorica, Musica, Logica, Physica, Ethica, Politica, Astronomica, Jurisprudentia, magnos progressus secisse: adeo ut Philosophiæ nomine etiam apud Christianos in pretio fuerit. Erant præterea in eo virtutes plurimæ: candor, modestia, patientia, humanitas, liberalitas, animi magnitudo, studium in viros doctos, pietas in patriam, ceteraque virtutes Philosopho dignæ: quæ demonstrant, eum Philosophiam non mera contemplatione finivisse, sed ad usum vitae revocasse: nec ulli philosopho Græco concessisse virtute.

Sunt tamen quæ in eo haud absque ratione vituperari

[1] Enumerat eos Nicolaus Anton. Biblioth. Hisp. Tom. II. p. 240.

xi possint . 1. Quod Aristoteli tanto furore operam dederit, ut ejus sententias, quasi divina oracula, summa veneratione admiserit, prædicaverit, & Aristotelem errare non posse audacter contenterit. [1] 2. Quod linguae & Græcae, & Latinae, & Philosophicæ historiæ expers, versionibus malis innixus, iisque non ex Græco, sed ex Syriaco factis, ad Aristotelem interpretandum animum adjunxit: adeo ut Aristotelis mentem aliquando non sit adsecutus. 3. Quod plurima, quæ Aristoteli ne per somnium quidem venerunt in mentem, tamquam Aristotelica venditarit lectori. 4. Quod philosophorum Veterum sententias, quas commemorat Aristoteles, turpiter depravaverit, miscuerit: ut cum Anaxagoram, Democritum, Empedoclem entia Mathematica pro principiis naturalibus posuisse putat: cum Empedoclem, & Democritum primos Physicos suisse adfirmat: cum Pythagoreos ab Italicis secernit, & Anaxagoram jungit Italicis: cum Herculeorum septam quamdam fingit: cum numeros, & formas miscet: & hujusmodi sexcenta . [2]

5. Præ-

---

[1] „ Laudemus Deum, qui separavit hunc virum „ [Aristotelem] ab aliis in perfectione, appropriabit- „ que ei ultimam dignitatem humanam, quam non omnis „ homo potest in quacumque ætate attingere. Avertioes L. I. de Gener. Anim. Et alibi: „ Aristotelis doctrina est „ summa veritas, quoniam ejus intellectus fuit finis intel- „ lectus humani: quare bene dicitur de illo, quod ipse fuit „ creatus, & datus nobis a divina providentia, ut non „ ignoremus, possibilia sciri. Idem in Destructorio L. I. diff. 3.

[2] „ At quam confidenter audet pronuntiar, hoc aut „ illud ab eis [philosophis Græcis] dici; & quod in- „ pudenter est, non dici: quum solos viderit Alexandrum,

Tb,

7. Præterea Aristotelis errores omnes Metaphysico-Theologicos, de æternitate Mundi, de intellectu universalis, qui pars essentialis hominis non sit; de anima hominis mortalib[us], & hujusmodi alia, vel ipsi Islamiticæ legi pugnantia, sua fecit. 6. Totque commentis Aristotelem oneravit, ut si non primus, in primis fuerit qui ineptissimis commentariis, quæ post viguere, causam dederunt. Itaque tantum abest ut Aristotelem recte interpretatus sit, ut, quæ ad eum explanaudum necessaria erant, ne fama acceperit quidem.

Quare merito miraremur, Averroesium tanto interpretio apud aliquos suisse, ut hoc dicere non dubitarint, eum solum Interpretis nomen mereri, & hoc magnifico titulo eum maſtarint; nisi certo sciremus, hujusmodi laudatores melioris commatis non esse. Ex hoc autem Arابum coryphæo, quid de reliquis sperandum sit, judicatoe.

### De Scholasticis :

Averroesium, ut tempore, ita etiam doctrina proxime sequuntur Scholastici, qui sæculo XI. nati tamdem

¶ Themistium, & Nicolaum Dæi nascenum: & hos, ut ap-  
paret, versos in Arabicum perversissime, ac corruptissi-  
me. Aristotelem vero quomodo legit? non in sua origine  
purum & integrum, non in leycunam Latinam derivatum,  
non enim potuit linguarum expertus; sed de Latino [ Sy-  
riaco ] in Arabicum transvaluatum. In qua confusione ex  
Græcis bonis facta sunt Latinia non bona, ut ille dicit;  
ex Latinis vero malis Arab. ita peccata. Ludovic. Vives  
de Caussis Corrupt. Art. L. 17. p. 167. Ubi errores A-  
verroesii numerat & exagit. ut: quem legere erit pre-  
sum operæ.

dem XIII. settam aliquam condiderunt, ut anteā diximus : [1] ubi etiam tres Scholaſticæ ætates definivimus, & in ſingulis nominavimus Scholaſticos inluſtriores. Et quamquam ex ætate, qua ſcriperunt, de eorum philoſophandi via judicare quis poſſit ; tamen quædam ſunt per-ſtingendæ, ut tirones de libris recte existimare diſtant.

Ex iis vero, qui prima Scholaſticæ ætate clari habiti ſant, jure meritoque nominandus eſt *B. Anſelmus Benedi-tinus*, Lanfranci auditor, Cantuariensis epifcopus, qui obiit anno cccciiii. Is plurima ſcripsit, quæ partim ad theoſiam Naturalem, partim ad Revelatam per-tinent, de qua alio loco. Præcipua ſcripta ſunt, *Monologium* ſeu ſoliloquium, & *Proſlogium* ſeu allocutio: in quibus naturæ rationibus de Deo, & proprietatibus di-venis diſputat : & utitur argumen-to deſumto ab idea entis, quo nihil majus excogitari poſſit, ut efficiat, *Deum eſſe*: quo poſtea Carteſius delectatus eſt. Eadem ratione diſpu-tat contra *Inſipientem*, & libro *Cur Deus homo*, in quo adverſum Infideles Christianam religionem defendit. Præ-terea ſcripsit *Dialogū de Grammatico*, ubi Dialekticas aliquas, & Metaphysicas quæſitiones iſtituit, & diſfolvit.

In quatuor primis libris quanto acumine eſſet prædi-tus, quam accurate res meditaretur, quanta Dialekticæ peritia valeret, plane oſtendit Anſelmus. Unum illud recentioribus doctoribus non omnino probatur, quod Dialekticis quæſitionibus nimirum indulget: talibusque no-tionibus argumentationes ſirias, ceteroquin perspicuas, red-diſt obſcuriores. Verum hæc facile doctiſſimo homini con-donari poterunt; ſi mente reputaverimus, eum XI. ſæcu-lo ſcripſiſſe, e. g. contra *Inſipientem*, & *Roscelinum*, qui Dia-

Dialecticas tricas ex Stoicorum disciplina sumtas in compitis crepabant: ut alia ratione beatissimus vir scribere non potuerit.

Alter Scholaſticæ philosophiæ conditor est Petrus Abælardus Gallus, qui sub initium XII. saeculi floruit: Adeo is acumine & memoria valuit, tamenque in Dialectica insignis exstetit, ut præceptoris sui gloriam obscuraret: & cum Parisiis, & alibi doceret, innumeris ad eum audiendum confluebant auditores acuminè inlecti, & subtilitate disputationum. Quos inter doctissimi, ut iis temporibus, Philosophi numerantur, Petrus Pictaviensis, Petrus Lombardus, Joannes Sarisberiensis, Yvo Cardinalis, ceteri: qui a Dialectica, & Metaphysica admodum prædicantur.

Ipse autem cupiditate incensus ostentandi acumen & ingenium, omnes ad aciem evocabat: [1] tota enim illius ævi Philosophia erat contentio, & acumen. Dum se intra Dialecticæ suæ cancelllos continuit, laudem habuit Abælardus: at vero cum Dialecticas argutias & tricas ad dogmata Fidei applicavit, in gravissimos errores lapsus est, ut plerique omnes, qui ea ætate Dialectica intemperantius usi sunt: de quibus alio loco commemoravimus.

## S

[1] „ Quoniam Dialecticarum rationum arinaturam omnibus Philosophiæ documentis praetuli, his armis alia commutavi, tropæis bellorum conflictus prætuli disputacionum. Proinde diversas disputando perambulans provocavicias, ubicumque bujus artis vigore studium audiebam, Peripateticorum emulator factus sum. Pervenit tandem Parisios, ubi jam maxime disciplina hæc florente consueverat, ad Guilelmum scilicet Campellensem, præceptorem meum in hoc tum magistro re fama precipuum. Abælardus Hist. Calamit. suar. c. 3.

mus. [1] Quare vel ab hoc præceptore, quid de ceterorum philosophia, qui sæculo XII. nobiles prædicabantur, jut dicare oporteat, conjicere potestis. Duos excipio, Guilelmum de Conchis, & Joannem Sarisberensem, qui & multo ceteris politius locuti sunt; & in Morali, ac Naturali philosophia operam posuere; & non nihil etiam de Orientalibus linguis delibarunt. Verbo dicam, supra ætatis suæ homines sapuerunt.

III. Medium circiter XIII. sæculum clarus est habitus *Albertus Magnus Germanus*, qui diem suum obiit anno ~~CLXX~~ CLXXX, cum annum ageret LXXXVII. [2] Is incredibili secunditate ingenii, & multa lectione exultus, & scriptiori præter modum deditus, cum Aristotelem interpretandum sibi sumeret, ingentia in eum volumina scripsit; in quibus non modo Aristotelis libros Dialeticos, & Metaphysicos, sed etiam Ethicos, & Physicos exponebat. Erat enim Albertus naturæ investigationi maxime deditus: cuique Mathematicas artes, raro exemplo, cognoscerebat; plurima & præclara de Metallorum natura, de Chemia, & similibus scripsit, quæ frustra apud alios ejusdem ætatis quæsiveris: si Michaelem Scotum, & Rogerum Baconum ab hac classe sejungamus, qui non nihil temporis his studiis dederunt. Ferunt, Albertum aliquot ante obitum auni omnia esse oblitum; sed fabula est.

Quid vero de Philosophica investigatione Alberti judicandum sit, vel ipsa voluminum multitudine, & moles declarat. [3] In Dialeticis quidem de more suæ ætatis sub-

[1] De iis mentionem fecimus. L. I. c. 12.

[2] Trithemius in Annalib. Hirsaugiensibus Tom. I. p. 610.

[3] Exstant Alberti opera omnia XXI. Tom. fol. edita Lugduni 1651, cura Petri Jammy,

subtiliter disputat : & distinctiones , abstractiones , & huiusmodi alia plerumque adhibet . Cumque eas ad Theologica dogmata explicanda applicaverit , vel ipsis æquivalentibus displicuit . [1] Aristotelem haud recte interpretatus est : erat enim Græce indoctus , ac historiæ Philosophicæ imperitus : sine quibus adjumentis frustra ad Aristotelem instruendum accedas . Præterea nullo ordine nullo criterio scribit : ut omittam obscuram , & inconcinnam distinctionem : quæ erant illius ævi flagitia . Quod vero Aristotelem Parisijs , postea quam P. M. ejus lectione Parisiensibus interdixerat , explicavit , facile excusari potest , si reputayerimus , Pontificis interdictum eo tempore , ob contrariam consuetudinem , abrogatum fuisse : qua de causa iterum , & tertio eodem sæculo renovatum fuit . Eo magis , quod Albertus de hoc argumento plura Colonizæ lucubravit , ubi Pontificium interdictum non obtinebat .

III. Præceptoris famam longe superavit eodem sæculo *B. Thomas Aquinas* , vir ingenio , industria , eruditione , pietate magnus : qui vitam cum morte mutavit quinquagenarius anno *ccccclxxiiii* . Hic cum ab Alberto M. Colonizæ Peripateticæ philosophiæ gustum accepisset , cumque Parisijs confirmasset , tandem Bononiæ , Pisii , Romæ Aristotelem est interpretatus , in eumque commentarios conscripsit .

Varia de hac disputandi ratione Aquinatis sunt doctorum hominum judicia : quæ nos copiose persequi nolumus hoc loco : aliqua tamen tangemus , ut Historici munere fungamur . [2] Vitio ei dant , quod Græcae linguae

S 2 igna-

[1] *Paulus Langius Monachus Cizensis* in *Chronico ad ann. 1258.*

[2] *Launojs de Fortun. Arist. c. x. quedam contra The-*

ignarus, atque ab arte Critica, & historia Philosophica inparatus; Philosophum difficilis intellectus explanandum sumserit. 2. Quod versionibus ex Arabico infelici fidere factis fidem habuerit. 3. Quod præceptorem, qui cæco impetu Aristotelem non illum quidem Græcum, sed Saracenorum pigmentis ornatum, amplexatus erat, vestigia proxime secutus fuerit: malueritque Aristotelis, & Averroës, quam suo multo meliori, judicio uti. 4. Quod eamdem philosophandi viam in primis ad Theologiam detorserit: ex quo non nulli postea Sacram scientiam inanibus quæstionibus onerarunt.

Verum hæc tot tamque ingentibus virtutibus vir beatissimus redemit, ut qui ætatis illius disciplinam perpendat, pro nihilo tales nævos reputet. Nam primum et si illi linguarum peritia, & bonarum litterarum non contigit supellex; tamen id non hominis vitium fuit, sed ætatis. Deinde distinde magis, & ordinate, & minus ineleganter magistro locutus est: quod ea ætate præcipuum habet laudem. Præterea in tanta Græci sermonis ignoratione, quæ per id tempus dominabatur, hac industria usus est, ut Aristotelem in Latinum accuratissime transferri curaret, vel a Thoma Cantipratensi, vel alio: [1] quæ alia est atque illa, quam Frideticus II. imperator fieri mandaverat. Præterea etiam in eo explicando interdum scopum non adtigerit, tamen rarius id admisit quam ceteri: tum acumine incredibili, & judicio peracri

Ari-

---

*Thomæ philosophiam ex Academiæ Parisiensis commentariis producit: quod etiam facit Buleus Hist. Acad. Paris. Tom. II. p. 433. Contra Fr. Sylvius Apolog. pro S. Thoma, & Oudinus de Script. Eccles. Tom. II. p. 365. eum defendunt.*

[1] *Natalis Alexander Hist. Eccles. sæculi XIII. & XIII. c. 4. art. 4.*

Aristotelis mentem interdum adsecutus est , præsertim in Logica , & Metaphysica : immo vero etiam Logicæ epitomam edidit præter ceteras elegantem . [1]

Ad hæc Saracenos adsidue ille quidem , at sapienter legit . Nam scripsit librum de unitate intellectus adversus Averroistas , ut planum saceret , Averroesianorum sectam , quæ per id tempus inveteraverat , multorum errorum esse parentem . Et quamquam curiosas aliquas quæstiones , & non necessarias , pro sæculi more aliquando disputet , tamen cautius ceteris id fecit : atque Scholasticos vetustiores , quo erat judicio & candore , cavillationis , inutilitatis , & obscuritatis condemnavit . [2] Præterea contra Gentes non ille quidem argutiis Dialecticæ , sed rationibus naturæ aceritate disceptat : in secunda secundæ parte doctrinam de officiis erga homines , & erga Deum , acute & solide pertractat .

Verbo dicam , quidquid in B. Thoma Aquinate se offert , quod doctis viris non placet , id quidem multo

S 3 sapien-

[1] Exstat. Opusc. xxxvii. p. 14.

[2] „ Consideravimus hujus doctrinæ [ Theologiæ ] „ novitos in his , quæ ab diversis conscripta sunt , plu- „ rimum impediri . Partim quidem propter multiplicatio- „ nem inutilium quæstionum , articulorum , & argumento- „ rum ... Hæc igitur & alia hujusmodi evitare studentes , „ tentabimus cum confidentia divini auxilii , ea , quæ ad „ Sacram doctrinam pertinent , breviter , & dilucide pro- „ sequi . B. Thomas Aquinas Proleg. in Prim. Part. Summæ Theologicæ : Quod vero B. Thomas Geometria , & Mathematica eruditus fuerit , fuse ostendit doctissimus vir Josephus Maria Thomas Tavella Dominicanus , in Ora- tione de Laudibus B. Thomæ , ejusque doctrina , edita anno 1738.

sapientius ab eo , quam a ceteris suæ ætatis ; præsumum est : ut etiam si qua in scriptis suis non co[m]mode dicta occurrant , habeat excusationem . Qui nisi tam anxie secutus esset vestigia præceptoris ; si suo ; quam Arabum , iudicio uti maluisset ; si linguarum , & vetus statis peritiam adquisisset ; si in ea tempora incidisset , in quibus res Philosophica summo iudicio perpenditur ; do[minus]issimorum hominum summo consensu supra omnes Philosophos prædicaretur . Unus enim Thomas , quo erat & iudicio , & eruditione , bonarum artium amorē in tantis ignorantiae tenebris susciare poterat , & ceteros ad meliora studia revocare , si ad id animum adjungéret . Verum cum se ineptientis saeculi præjudiciis opponere vel noluerit , vel justis de causa veritus sit ; & ea saecula meliori Philosophia , & nos tantas eruditio[n]is fructu privavit . Hæc ego , Adolescentes ornatusissimi , de sapientissimo homine vobis prædicto ; quem summa veneratione prosequor ; vobisque commendō , ut eum pro innumerabilibus suis in Litterariam rem publicam , ac in Ecclesiam meritis , debitibus laudibus extollatis .

V. Eadem ætas peperit Aegidium Columnam Romanum , ex familia Augustiniana : qui doctore B. Thorna Parisiis usus est ; & ibidem docuit : mortem obiit Avenione anno clcccxvi . Edidit is Commentarium in Aristotelis libros de Anima , quem inscripsit Ednardo Angliae regi , & alia opuscula Metaphysica : Atque ego supervacaneum puto iudicium de illius scriptis facere : sat fuit monere , eum in philosophia Aristotelico-Saracena nulli concedere : seu , quod idem est , summo acumine subtilem quæstiones edidisse in singulis Philosophiæ partibus , præsertim in Physica perscrutatione : ubi de materia , formis , privatione , tales tamque obscuræ & intricatae controversiae occurrunt ; quæ difficulter possunt intelligi .

VI. Joannes Duns vulgo Scotus, Anglus [1] & fine  
XIII. & inito saeculo XLIII: claruit. Ajunt, eum non  
modo Philosophiae, & Theologie, sed etiam Juriſpru-  
dentialium utriquè, & Mathematicis disciplinis tanto ope-  
retio operam dedisse, ut condiscipulos omnes equis al-  
bis, ut ajunt, antevertitur. Sed nullum certum existat  
monumentum tantæ eruditioñis: Immo vero qui ejus  
scripta anxiæ explorat, nec Jurisprudentiaz, nec Mathe-  
maticaz exquisitæ indicium ossendit: Docuit Oxonii, Pari-  
sis, & Coloniæ magno cum plausu: Alii anno ætatis  
XXXIIII. alii XXXIII. non nulli LXIII. obiisse dicunt:  
sed de obitu incerta omnia: Scripta multa Philosophicæ  
in Aristotelem. [2]

Hominem fuisse uberrimo, & acutissimo ingenio  
praeditum, & dignum qui in politiorem ætatem incidet,  
nemo non agnovit. Sed plurima obsuerunt, ne scri-  
pta omnibus numeris perfecta nobis relinqueret: Primum,  
quod ea floruit ætate, quæ magis magisque ferebatur ad  
inutiles controversias: Deinde, quod cupiditate flagrans  
cohendi sectam; quæ ab se nomen habéret; & Thomisti-  
æ gloriam minueret, nullum non lapidem móvit; ut id  
adsequeretur. Cumque novis sententiis non posset; nec  
secundum publicum gustum esset, mirifica subtilitate, id  
est, præcisionibus, distinctionibus, & novis terminis  
efficere adortus est. [3] Quæ illa, quidem ætate magni-

[1] Warthon Appen. ad Caveum Histor. Litterar.  
S. E. p. 2.

[2] Exstant opera omnia Tomis XII. fol. Lugduni edi-  
ta 1630. Illius vitam scribit Wadingus, Balaeus, alii.

[3] Legatur liber Questionum miscellanearum de For-  
malitatibus, qui est Tomo III. operum Scoti, & vel ex  
hoc uno; quæ natramus; vel significamus; discēs:

ingenii laudem præ se serebant, nostra vero non item. Ex quibus in ejus scripta obscuritas inducta est propemodum incredibilis. Itaque laude sua privandus non est Scotus, sed respiciendo ad mores ætatis, & sæculi disciplinam. De laude Theologica alio loco. Et hi in secunda ætate Scholasticæ habiti sunt Coryphæ.

VII. Jam tertia ætas hoc nomine a secunda differt, quod minora ingenia tulerit, sed magis magisque a recta via deflexerit. Causa fuit æmulatio incredibilis inter Thomistas, & Scotistas: ex qua disputationes subtiles sine ullo fine oriae sunt, quæ philosophiam Aristotelicam non modo difficilem, sed ne intelligibilem quidem fecerunt. Antesignani illi duo Guilelmus Durandus a S. Portiano, & Guilelmus Occam faciunt fidem: qui ceteros docuere, novas sententias excogitare: & præceptorum suorum auctoritatem contemnere. Ille contra Thomam scripsit: hic Realium, & Formalium fententia, quæ apud Scotistas vigebat, opposuit sectam Nominalium. Quod si id moderate & eclectice ficeret uterque, laudari profecto possent: sed ea de causa fecerunt, ut Saracenicam disciplinam novis præsidiis munirent & confirmarent. Ingeniosus uterque, & mirandum in modum Metaphysicæ subtilitati deditus, in augendis inanibus quæstionibus modum non tenuit. Quare qui hos duos noverit, is ceteros plane cognoverit, & de hujus sæculi Philosophis, atque adeo de tertia Scholasticæ ætate sine labore faciet judicium. Iccirco a ceteris percensendis abstinemus.

VIII. Aliqui tamen per id tempus floruerunt Scholastici, qui & sapientius ceteris philosophati sunt, & æquallum disputandi rationi se opponere non dubitarunt: ut Gerfo, Clamengius, Aliaco cardinalis, ceteri, de quibus suo loco.

VIII. Quartam Scholasticorum classem facio Recentiorum: eorum nempe, qui post renatas Græcas, & Latinas

tinas litteras; id est postea quam Aristoteles, homo Græcus, in Occidente Græce est locutus, iisdem studiis operam dederunt, quod sæculo XVI. & prima parte superioris sæculi erat in usu. Hi plenius Religiosi sunt, apud quos hæc philosophandi ratio ea ætate radices egit. Horum ut nioleatum esset scripta omnia dinumerare, iisque tyrones detinere, ita non alienum videtur nomina percensere: ut adolescentes, si quando ea audiant, quo in pretio sint habenda, cognoscant.

Ex Dominicanis celebrantur, Dominicus Sotus, Franciscus Victoria, dominicus Bannez, Hispani: Franciscus Silvester, & Zanardus, & Favellus, Itali: Joannes a S. Thoma Lusitanus. Ex Franciscanis, Joannes Ponzius Hibernus, Bartholomæus Mastrinus, Bonaventura Belluto Siculus, Claudio Frassenus Gallus. E Cisterciensium Solidatio præ ceteris laudantur, Angelus Manriquez, & Bartholomæus Gomez, Marsilius Vasquezius, Petrus de Oviedo, Joannes Caramuel, Hispani.

Sed præter ceteros Scholasticos Jesuitæ gravissimos Philosophos pepererunt. Quos inter primas habent, Petrus Hurtadus de Mendoza, Gabriel Vasquezius, Franciscus Suarezius Granatensis, Toletus cardinalis; Rodericus d' Arriaga, Antonius Rubius, Franciscus Alfonius, & Gonzales, doctores Hispani. Collegium Conimbricense ab Emmanuele Goefio, Sebastiano do Couto, & Baltasarre Alvarezio conscriptum: Baltasar Telezius, & Suarezius alter, Lusitanus. Paullus Vallius Romanus, Thomas Comptonus Britannus, Joannes Baptista Ricciolus, & Maurus, Itali: ut alios omittam, qui apud Alegambe, & Sotuelum in Bibliotheca Societatis reperiri possunt. Mitto minorum gentium Philosophos non nullos vel Religiosos, vel Laiicos, propterea quia ex his fontibus hauserunt omnes.

Jam Scholasticorum, quos nominavimus, plerique omnes laude ingenii, & doctrinæ claruerant: unus item

& alter elegantiori litteratura politus suit : sed rara tñvis erat . Nec negandum , Recentiores scholasticos , a duobus ante nos saeculis , abstinuisse a non nullis questionibus inanibus , quæ præcedentium ingenia exercuerant ; & multo prudentius iis disputasse : Verum cum altissimas Saraceno-Peripatetica philosophia radices egisset , in explicando Aristotele vix a nñvis quibusdam , qui in Veteribus scholasticis reprehendi solent , ipsi sibi temperare potuerunt . Itaque & subtile disputationes , & nullius iusus admiscent : & cum lingua Græca , ac historiæ Philosophicæ , & veteris memoriam plerumque expertes sint , Aristotelem ad contrarios sensus contra historiæ fidei detinquent : & barbara distione , ac incondito scribendi genere infuscant scripta sua .

Præterea plerique , qui secundum Aristotelem systemata condiderunt , eum Philosophum non legerunt : sed ex præcedentium commentariis excerpterunt sua ; ut eorum scripta consilenti perspicuum est . Immo ne commentaria quidem ipsa , sed epitomas eorum , qui ante se de Peripatetica explicaverant , ad verbum desribentes ; eamdem doctrinam rudem & indigestam , sub nomine germanæ Peripateticæ reliquerunt posterioribus . Ad hæc qui Aristotelem interdum legunt , non liberè id faciunt , sed studio septæ impediti . Quare eo legendo parum ipsi aut nihil proficiunt : ceteri vero ex eorum lectione vix aliquid capiunt utilitatis .

Quod ne à me , Adolescentes , odio in Peripateticos dictum videatur , ut illi , quibus veritas non placet , objectere solent ; vos non ad Peripateticos de trivio , sed ad viros doctissimos , & gravissimos interpres , Conimbricenses uostros , remittam : quos si adtente , & post accusatam historiæ Philosophicæ noticiam , legeritis ; vel nullo monente cognoscetis , eos , tamen si Græce , & Latine docti sint ; & magno apparatus eruditionis ; ut iis tempo-

tibus, instruisti; tamen vix, aut ne vix quidem errores Aristotelis internoscere: sed omnia bona, prava clementissime interpretari, repugnante sumpenumero Aristotelicas doctrinæ contextu. Uisque adeo verum est; præjudicatae opiniones aciem mentis retundere solere. Et de Scholasticis plus satis:

## C A P U T III.

*De inlustrioribus Philosophis Recentioribus.*

**R**ECENTIORES, qui a Philosophia meliori nobiles extiterunt, tanto in numero sunt, ut eos enumerare, & de singulis iudicium ferre, multorum voluminum esset negotium. Quare præcipuos & antesignanos, ut ita dicam, indicabimus, idque paucis. Eo in agis quo jam supra [1] eorum historiam tetigimus: ut si dictis aliquæ adjungamus, abunde tirones habeant, ex quo & Recentiorum scripta cognoscant, & dilectum auctorum habeant, esque cum pretio legere sciant.

Sed ante quam de iis singulatim dicere aggredior, hoc moniere non alienum puto, inter eos, qui lucem Philosophiae adtulerunt, eamque coluerunt & amplificarunt, numerari Hæreticos bene multos, Anglos, Bavaros, Germanos, ceteros; quorum philosophandi ratio in Catholicis iisque celebrioribns academiis, & etiam in Italia amplexatur summo consensu: Quare eos hoc loco prætermittere, aut cum de iis separatim dicamus, eorumque scripta memoremus; non iis jus suum tribuere, id esset abuti humanitate lectoris: vosque dimittere ignaros terum. quæ Philosophum scire necesse est.

Quemadmodum vero qui audit aliquem de laudibus

Pla-

Platonis, Aristotelis, Hippocratis, Galeni, Averroësi, Ciceronis, Homeri, Virgilii, Lucretii, Horatii, ceterorumque Gentilium, qui præclara scripta reliquerunt, dicentem; aut Socratis, Epicteti, M. Aurelii, L. Senecæ, virtutes extollentem, non is quidem suspicatur, laudari Paganorum religionem, inpietatemque, quam singulis paginis ostendunt: sed eruditionem vastissimam, ingenium, & judicium limatum: Ita qui Hæreticorum, qui a Philosophia inlustres habentur, scripta me extollentem audiverit, injuria suspicabitur, eorum perversa dogmata una cum Philosophia prædicari. Nos enim eruditionem laudamus: morales virtutes, si quas habent, laude sua interdum non privamus: quidquid vero ipsi cogitarunt, quod Romanæ fidei consentaneum non sit, uti Catholicum decet, detestamur: eorum vero lectionem non nisi illis, qui per Ecclesiæ leges id possint, permitti posse existimamus: nec id nisi caute admodum, habita ratione loci, doctrinæ, ætatis: tantum, quæ Catholicæ gravissimi de eorum eruditione judicarunt, exponemus.

Primum itaque de Catholicis celebrioribus, *Cartesio*, & *Gassendo* dicimus: deinde vero de Hæreticis, *Nevotono*, *Leibnizio*, *Thomasio*. Monemus autem vos, ut antea quam ad aliquem Philosophum animum adjungatis, consulatis indicem Romanum *Librorum Prohibitorum*, & animadvertisatis, an eju'dem auctoris scripta aliqua in eo contineantur. Nam etiam Catholicorum libri quidam justis de caussis ab Romana ecclesia notantur, eoruinque lectione filiis suis eadem interdixit. E contrario Hæreticorum libri aliqui, qui humanas disciplinas tractant, in Indice non continentur. Quod memoria teneare oportet, ut intelligatis, qui legendi libri, qui vero reiciendi sint.

I. *Renatus Cartesius* in primis numerari debet: nam ejus scripta ad emendationem Philosophiarum maxi-

mum adulere momentum. Hujus vitam, & res gestas, & scripta horumque fata, & quo modo primo a Jesuitis, & a Batavis benigne exceptus, postea ipsis invisa fuerit, postremo de illo in Gallia, & Belgio sine superioris saeculi egerit triumphum; copiose & erudite refert Hadrianus Bailletus. [1]

Edidit primo, *Dissertationes de Methodo Rationis, rebus dirigendae, & inquirendae in scientiis veritatis*: porro *Dioptrica, Meteora, & Geometria*, tamquam specimen hujus methodi. [2] Deinde *Meditationes Philosophiae primæ*, ubi demonstratur exsistentia Dei. & immaterialitas Animæ. [3] Tum *Principia Philosophiae*, ubi de Physica. Tum librum de *Passionibus Animæ, de Homine, de Formatione foetus, de Mundo, Epistolas, &c alia*. [4]

Plurima de Cartesio amici, & sectatores sui prædicarunt: multo plura vituperatores objecerunt ei: in quibus si dicendum quod res est, neutri modum tenent. Nos, quæ vera nobis esse videntur, sine gratia, & simultate declarabimus. Laudatnr 1. Quod ausus fuerit præjudicium auctoritatis, & vetustatis, in rebus Philosophicis, quo ingenia tot saecula impedita fuerunt, rejicere, & proprio judicio philosophari. 2. Quod docuerit philosophandum esse ex ideis claris, vocibus perspicuis, & certæ significacionis, idque ordine, habito rerum dilectu. 3. Quod quædam de Critica utilissima docuerit. 4. Quod in Physica non nulla præclara tradiderit aliis non animadversa, vel tradita ab illis obscure, distinctius, & eleganter explicarit: & quæ illi ipsi, qui in nullius magistri iurant sententias, sumunt ab eo. 5. Quod in Mathematica

ca-

[1] Vita Cartesii 4. Parisiis 1691. Gallice. exstat Compendium 12. Parif. 1693.

[2] Leyde 1636. 4. Gallice. [3] Anno 1641.

[4] Scripta percenset Bailletus l. cit. c. 20.

ea quædam omnino præclara vel cogitarit, vel perfuderit maiori luce. Adeo inter maxima ingenia, quæ ad Philosophiam accesserunt, Cartesium referendum esse, sapiens, & harum rerum peritus nemo dubitat.

Quædam tamen in ejus scriptis se offerunt, quæ merito suo reprehendi debeant, 1. Quod studio ardens sectam condendi, libertatem modestam philosophandi, quam sibi vindicabat, lectoribus suis denegarit. 2. Quod reliquos Philosophos alte contempserit, & machinas interdum adhibuerit, ut sibi gloriam vindicaret: ut ex ejus Epistolis constat. 3. Quod Scepticismum valde amplificari, dum postulat, ut præjudicia tanta contentione profligemus, ut etiam dubitemus de notionibus certis & perspicuis: in quo novo ipse præjudicio inquinatur, [1] 4. Quod hypothec-

[1] Ratiocinatio Cartesi est talis: Semel in vita oportet dubitare de rebus omnibus, etiam perspicuis, quo clariori cognitione certiores simus de iis. Videmus enim nos interdum falli: & ignoramus, an Deus tales nos creare voluerit, ut semper fallamur, etiam in iis, quæ clara nobis esse videntur. Hanc autem dubitationem eximemus hoc modo: Ego cogito: ergo sum. cetera.

Verum hic duplicitate præjudicio infuscatur. 1. Ponit, & putat fieri posse, ut Deus ita nos formaverit, ut perpetuo decipiāmur: vel ut somniando imaginemur, esse verum illud, quod tali præjudicio accepimus. 2. Prædictus syllogismus supponit hanc majorem: Qui cogitat, est. Adeoque dum omnia præjudicia delere Cartesius vult, duo nova præjudicia ponit. Ut mittam talem ratiocinationem esse circulum vitiosum. Nam ponit fieri posse, ut a Deo fallamur: & tamen ex nostra perceptione ducit, nos esse: ex nostra vero existentia & innata idea concludit, Deum fallere non posse, quia bonus est. Quid autem est, si non hic circus est?

theses, vel plane falsas, vel sine ratione factas pro fundamento Philosophiae suae posuerit: ex quibus etiam si comode ratiocinatur, tamen propter infirmum fundamentum, quod nullo experimento confirmatum sit, temere in rerum naturam aliquid insert. e. g. Cum ait, Deum contradictria efficere posse: [1] cum actionem omnem tollit a rebus creatis & Deo tribuit: cum spiritus naturam in cogitatione ponit: cum materiam, & extensionem confundit: cum belluis denegat perceptionem, & sensum: cum vortices quosdam, & globulos, & particulas stratas secundi elementi libere flingit: & hujus generis alia,

5. Quod notiones novas sibi fixerit, & verbis insolentibus, nec ex Philosophorum disciplina sumitis, res significarit. 6. Quod novas definitiones non adferat, & explicet, sed ponat quasi omnibus cognitas. 7. Quod certa ab incertis, sua ab alienis non separarit. Quæ tria maximam in ejus scripta obscuritatem inducunt: nec nisi cum labore, quid ipse sentiat, percipi potest. 8. Quod plurima & præcipua ab aliis accepta præsertim in Mathematicis, posuerit tamquam sua, [2] non laudatis iis per quos profecerit. Quæ plane conficiunt, eum hominem fuisse, tametsi tantis dotibus ornatus fuerit. Et de Cartesio hanc.

Cartesiani autem præceptoris opinione presso pede secuti nou sunt: si Cleyselierium, & La Forge separare: sed aliqua addiderunt, & mutarunt, ut suis opinionibus, aut veritati magis consentaneum videbatur. Inlustriores

ta-

[1] Legatur Responsio ad Object. VI. p. m. 139. 141. Confer. Cudworth. System. Intellectual. c. v. f. I. §. 21.

[2] Quid ab aliis & Veteribus, & Recentioribus, tum in Physica, tum Mathematica acceperit Cartesius, & in schema suum retulerit, accurate explicat Leibnizius Leibnizianus p. 181. seq.

tamen , qui Institutiones Philosophicas lucubrarunt , sunt , Claubergius , Le Grand , Petrus Silvanus Regius , Malebranchius , Robaultius , Franciscus Bælius [1] Henricus Regius , Ruardus Andala , Adrianus Horebordus , Purchoarius , Mariotte , ceteri . Non nulli pro ejus theologia Naturali , ceterisque hypothesis defendendis laborarunt : de quibus alio loco commemoravimus . Conjungi debent cum iis non nulli Jesuitæ , ut Barbierius , Fabri , Pardies , ceteri , qui vel aperte , vel astute in illius castra transierunt .

II. Petrus Gassendus inter maxima ingenia ; quibus Gallia , virorum doctissimorum parens secunda superiori saeculo floruit , numeratur . Plurima & præclara de ejus virtutibus narrantur , quæ cum ex ipsius scriptis magis , quam alieno testimonio , manifesta sint , aperte conficiunt , nihil in iis tempori , nihil amicitiae esse tributum . Nos hominis historiam persequi nolumus , sed præcipua capita prætereuntes tangemus . Laudatur 1. ob ingenii ubertatem , & in explicando perspicuitatem , & ordinem . 2. Ob singularem & multijugem eruditionem præsertim Philosophicam : sefas enim veteres omnes exacte tenebat . [2] 3. Ob litteras Græcas , & Latinas : nam si quis alius suæ ætatis pure & eleganter scripsit . 4. Ob judicium peracre : accurate siquidem & systematum nemum internoscebat , & fontes errorum . odorabatur , & præjudicia , quæ inde manabant , animadvertebat . 5. Ob mirificam ratiocinandi artem : ita enim efficaciter & solidet eos , quos sibi proposuerat refutandos , adortus est , ut , argumentationibus illius quid reponerent , vix haberent ipsi

[1] Nè confundatis hunc cum Petro Bælio , auctore non sine venia nominando .

[2] Ex Commentariis in Laertium ; & ex libris de Vita & Moribus Epicuri conslat .

ipſi 6. Ob animum præjudiciorum expertem, quo ad philosophandum accessit.

7. Præcipuam autem laudem habet, quod ita ſyſte-  
ma ſuūm condidit, tam apte ornavit, tamque viriſimiliter  
proposuit, ut etiam reprehēnſores ſuos rapuerit. ad ſui  
admirationem. 8. Ob ſacrarum litterarum notitiam. 9.  
Muliūt etiam in eo vii docti extollunt Mathematicarum  
disciplinarum peritiam, adeo ut cum Galilæo, Cartefio,  
ceterisque Mathematicæ primipilis, conſerri mereatur.  
10. Mitto' modestiam in philoſophando, qua nemini ſe  
antepoſuit, non ſe oſtentavit, inſcritam ſuām fæpeuum-  
ero profeffus eſt, vera pro veris, veriſimilia pro talibus  
habet. Mitto ceteras virtutes dignas viro Philoſopho: hac  
una laude, quæ præcipua haberi debet, concludam: ma-  
ximam in eo elucere pietatem in Deum, & in Catholicam  
religionem ſtudium: qua de cauſa viris probis, & doctis in  
ſummo pretio habetur. [1] Hæc ſatis oſtendunt, Gaffen-  
dum in magnorum virorum numero, qui litteras excolue-  
runt & inſlaurarunt, eruditorum omnium judicio eſſe po-  
nendum.

Verum etiſi tanta fuerit celeberrimi Philoſophi æſti-  
matio, ut ipſius ſyſtema alio & alio modo politum gravifl-  
mi Recentiores ſint amplexati, tamen quædam in eo re-  
prehendenda videntur. Nam etiamsi rerum formas & ſpe-  
cies ex particularum componentium proprietatibus ſimpli-  
cissimis ducat, atque ex legibus Mechanics coſmode ra-  
tioſinetur; veruntamen hypotheses aliquas ponit, quæ  
nullis experimentis ſint comprobatae: ut eſt figura quæ-  
dam partium, & inæqualis magnitudo libere excogitata:  
tum earumdem motus, ſitus, cetera, quæ ab experientia

T

non

[1] Legatur Sorbierius in Vita Gassendi: Pope Blount,  
Censura Celebri. Auctoſ. p. 564.

non ducuntur; & huiusmodi sexcenta, quæ frēquenter  
in ejus scriptis se offerunt.

Duo ei cum Cartesio communia. 1. Quod hypotheses pro fundamento libere ponat: id est, sine ulla ratione cogitatis. 2. Quod ex iis Geometrico more, & secundum Mechanicæ leges uterque philosophetur. In hoc differt Gassendus: quod hujus hypotheses magis sint verisimiles, quam illæ Cartesii sunt: tamen cum experimentis captis non confirmantur, non veræ hypotheses; sed possibiles tantum sunt habendæ. Quia de causa tale systema a Recentissimis philosophis repudiatur, qui Hypothetica philosophia rejecta, ex certis fundamentis philosophari amant.

Gassendo igitur, ut Cartesio, etiamsi adhæserint plerique, tamen vix aliquem inveneris, qui purum Gassendi systema tenuerit; sed cum ex eo sumserint placita præcipua, alia & alia ratione ea ornarunt, & expolivérunt. Ipse met Gassendi auditor, & maximus fautor, Bernierius, qui Compendium Philosophiae Gassendianæ conscripsit, [1] non enim preesse fecutus est: sed plurima tum in Physica, tum Astronomia, post Gassendi obitum inventa, addidit, idque dilucide: quo ipso & eruditionem suam, & acre judicium viris litteralissimis probavit. Ceteri tamen si Gassendiani sunt, tamen magis Ecclœstice sunt philosophati. Inter primos sunt Gualterus Charletonus Anglus, qui edidit Physiologiam Epicuro-Gassendo-Charletonianam. G. B. de Sancto Romano Gallus in Physica ab Scholasticis tricis liberata; Senguerdus, Stair, [hic partim Gassendum, partim Cartesium fecutus est] ceteri satis multi, qui sculo superiori de Philosophia disputavunt.

His adhiberi possunt P. Maignanus, & P. Saguenus de

---

[1] Gallica lingua VII. Tomis 12.

de Minimorum familia; *P. Casinirus Tolosates*, *Du Hamel* presbyter Gallus; *Tosca Philippinus Hispanus*. Ex Jesuitis vero plurimi, qui vel palam, vel obscurius eamdem Philosophiam secuti sunt. *P. Regnaultius* in *Physicis Dialogis* systema suum ex atomis deduxit, tametsi subtilem materialum sumiserit ex' *Cartesio*. *P. Caffati*, *Grimaldi*, *de Lanis*, ex atomis sua componunt: sed alij alio modo. Idem de *Castello* est dicendum.

1. *Isaacus Newtonius* Anglus tot inter laudes, quibus floruit, hanc sibi vindicat præcipuam, quod in primis numeratur, qui *Physicam disciplinam perpolaverunt*, eamq[ue] non modo verbis nihil significantibus, quod alii fecerant, sed etiam hypothesis libere excogitatis liberarunt. Nempe vir acutissimus, & in Geometrīcīs si quis alias exercitatus, cum penitus cognovisset, *Cartesium*, & *Gassendū* hoc peccare, quod ex hypothesis non usu & experimentis probata, sed pro lubitu fista ratiocinarentur; huic malo remedium adhibendum esse putavit.

Itaque laudatur primum, quod non alias hypotheses reperit, quam quæ longo usu & experimentis essent confirmatae. 2. Quod ex principiis omnino firmis ratiocinatus sit. 3. Quod principia Mathematica & Mechanica, quorum in *Physica* usus est, & ex quibus ipse *Cartesius*, & *Kepleri* disputaverant, collegerit, & legitime demonstraverit. 4. Qnod luminis naturam & proprietates primus pro merito investigarit, exposuerit, in eoque ostenderit, qua ratione naturæ mysteria explorari possent. Verbo dicam, quod *physicam Mechanicam* in bono lumine collocarit. 5. Laudatur etiam a peritiq[ue] Criticæ artis, & Historiæ, quam ostendit in libro inscripto: *Fundamenta Chronologicæ*. Nihil dico de scientiâ sublimioris Geometriæ, in qua pares paucos habuit, nem-

nem superiorem. Hac una laude concludam, non modo Anglis, viris & Philosophia, & Sublimiori geometria contritis, sed etiam exteris clarissimis admirationi eum fuisse. Adeo ut *Nevvtonus* non jam hominis, sed insignis Geometrae nomen habeatur.

Nihil de Logica, Metaphysica, Ethica reliquit *Nevvtonus*: ut nihil agant qui Metaphysicam quamdam *Nevvtonianam* cum Voltairio nobis offerunt. Physica vero illius non omnibus ingenii est accommodata, sed hominem requirit Geometriæ callentissimum.

Innumeros adseclas habuit *Nevvtonus*, quorum non nulli præceptoris systema, quod non nisi pervium est illi, qui Sublimiori geometria ad plenum est eruditus, tironum gratia inlustrare adorti sunt. *Guilelmus Jacobus S<sup>r</sup> Gravesande* edidit *Physices Elementa Mathematica experimentis confirmata*, sive *introductionem ad Philosophiam Nevvtonianam*. [1] Verum tametsi proponat sibi, difficillimas & abstrusas viri summi demonstrationes inlustrare: tamen observatum est viris doctis, eum experientia quidem plurima adserre; sed parum aut nihii lumen accendere demonstrationibns *Nevvtoni*. *Joannes Keilius* Anglus scripsit *Introductionem ad veram Physicam*. Uterque tamen requirit lectorum Geometriæ non expertem. *Voltairius* vero etiam de hoc arguento tractavit. [2] Item *Henricus Pemberton* Anglus emisit *Introductionem ad Philosophiam Iсаaci Nevvtoni*. [3] Sed non omnibus probatur. Magis Adolescentibus est accommodatus *Georgius Petrus Dumckius* in libro *Philosophia Mathematica Nevvtoniana inlustrata*. In eo enim & elementa Ma-

[1] *Lugduni Batavorum* 1640: 4. Vol. II.

[2] *Elemens de la Philosophie de Nevvton mise a la portee de tout le Monde*. Amst. 1738. 8.

[3] *Londini* 1728.

Matheos, quæ necessaria sunt, ponit, & cetera breviter sed dilucide pertractat. Franciscus Algarottus Venetus edidit *Nevvtonianismum pro Feminis*: [1] ubi theoriam colorum, lucis, & ad tractionis perspicue exponit. Sed omnium maxime Nevvtoni textum commentariis illustrarunt clarissimi viri Thomas le Seur, & Franciscus Jacquier, idque magno cum reipublicæ Litterariæ & commodo, & plausu. Sed ad alios veniamus.

II. Gorofredus Guilelmus Leibnizius inter eos referri debet, quibus litteræ, atque eruditæ omnes multum debent. Multa, & præclara ingenii produxit monumenta, quæ si singula percensere vellemus, plus quam L. annorum esset historia conscribenda: iccirco, quæ præcipua laude sunt digna, tangeamus. Laudatur primo in eo mirifica ingenii fecunditas, quæ plurimas & difficillimas in omni varietate litterarum peperit lucubrations. Tum eruditio: nam non in una aut altera disciplina, sed in singulis, qui vir esset, ostendit. Fuit enim Poeta, Historicus, Philosophus, Mathematicus, Jurisperitus, Politicus. [2] In Mathematica vero æternum sibi nomen fecit *calculo differentiali*: cujus inventi gloriam etsi plerique vindicent Nevvtono, qui methodum fluxionum cum *calculo differentiali* consentientem edidit, tamen verisimilius videtur, Nevvtonum, & Leibnizium eodem tempore propria ingeni vi, nullis externis adjumentis eumdem invenisse. In arte ratiocinandi, seu Instrumentali philosophia pauca scribit de ideis. In Physica plurima invenit, quæ aliorum labores juvarent. In historia autem Philosophiae mirificos fecit progressus, & plurima animadvertisit, notavit, perfecit ceteris non explorata. Nec illud minimam habet

[1] Italice 4. Sed etiam in *Anglicam*, & *Gallicam* conversus est. [2] Legatur Ludovicius, qui catalogum librorum Leibnizii texit.

laudem ; quod systema suum Metaphysicum ingeniose ex-  
cogitavit , & ex principiis , quæ posuit , apte & conve-  
nienter coegerit conclusiones . Acutus verò in Politica plu-  
tima vidit ; quæ alii non animadverterunt : sed eam dedita  
opera hoti disputavit . Ethicam vix tetigit ; Metaphysico  
argumento unice intentus .

Ad hæc in eo extolluntur virtutes aliquæ , quæ non  
semper magna ingenijs comitari solent . Primum humani-  
tas , & studium bene merendi de litteratis hominibus ,  
quos & opera , & consilio juvabat , & epistolis incitabat ,  
ut disciplinis opitularentur , nullum ex eo præmium ,  
nullam laudem sperans . Tum modestia in iudicando : mo-  
derate enim & sapienter eorum vitia , & errores [ si ea ,  
quæ de Pufendorfio dicit , excipias ] si qui essent , no-  
tabat : virtutes , & res præclare dictas extollebat : non  
se ostentabat , nemini præponebat se se : quod in tantâ  
eruditio[n]is copia res est haud parum difficilis . Præterea in  
eo laudatur animi moderatio ; quam ostendit fotissimum ,  
cum adversariis suis occurreret necesse habuit iis enim sine  
stomacho respondit ; humaniter & in meliorē partem  
omnia detorquens . [i] Quæ satis efficiunt , Leibnizium  
plurimis virtutibus frustis ornatum .

Verum ea est humanae mentis condicio ; ut nihil tam  
elegans tamque emendatum generet , in quo non nævi ali-  
qui reperiantur . Itaque quædani in Leibnizio desiderant  
viri docti , qui scripta illius , & philosophandi viam cetero-  
quin præstantissimam inquinant . 1. Princípio illud repre-  
hendunt , quod vetustatis amore impeditus . Platonis so-  
mnia , & tricas Peripateticorum , novo vestitu ornatae re-  
vocavet in scena , & tamquam aliquid exquisitum  
exhi-

---

[i] Ex Epistolis Leibnizii ad viros doctos , que edi-  
tae Lipsie 1734. 12. Volum: IV. hæc facile cognoscet  
possunt .

exhibuerit; idque tam obscure & intricate, ut suspicione ingerat lectori, ne ipsum quidem Leibnizium suum systema penitus percepisse. 2. Quod paradoxas hypotheses, & vix intelligibiles excogitaverit: ut illud est de *Monadibus*, de *Harmonia præstabilitate inter corpus & animam*. 3. Quod quædam in iis defenderit, quæ libertatem tollere, & materialismum, ac deismum quemdam inducere apta sunt; & ex quibus perniciose consecutiones ecclig possunt. [1] Quæ tamen non malitia, sed imprudentia Leibnizio excidisse, contendunt quidam. [2] Verum alii ostendere conantur, Leibnizii decreta Christianæ religioni non repugnare. [3]

Præterea hoc etiam viri accurati contendunt. eum in ratione philosophandi peccasse. 4. Nam hypotheses habet in deliciis: eas autem non inductione ex captis experimentis efficit, & excogitat: sed admitti postulat, antea quam veræ esse ostendantur. 5. Deinde studio hypothesis actus nonnumquam quædam in iis, quæ antea posuerat, parum consentanea scripsit. [4] 6. Præterea paralogismis

[1] *Præcipues errores, quos in Leibniziano systemate, quod suscitavit Wolfius, invenerunt viri docti, refert Langius*, Recensio XXVI. Scriptorum adversus philosophiam Wolfianam editorum. Halæ 1725. 4. Confer. Kortboltus. Præfat. ad Tom: 1111 Epist. Leibnizianar.

[2] *Jesuitæ in Commentariis Trivultiensibus. 1737.* Febr. art. 1.

[3] *Kortboltus l. c. ubi contendit*, Philosophiam Leibnizianam Christianæ religioni non esse perniciosa. Et *Isaïel Canzius Philosophiæ Leibnizianæ, & Wolfianæ in Theologia per præcipua Fidei capita usus. Bylfugerius, Harmonia Corpor. & Ment. ex mente Leibnizii.* Sed hæc nos non defendimus.

[4] *Jesuitæ loco laudato.*

plurima inædificat. 7. Ad hæc ex nimio Metaphysicarum, & Mathematicarum notionum usu, ad abstractas ideas vel nullo impellente descendit, quibus argumentationes & ingeniose & subtiliter excogitatas inquinat; involvit, obscurat; ut non ab eodem homine, qui ceteris viam sternit ratiocinandi, profectæ videantur. Supersedeo ceteris, quæ illi vituperatores objiciunt: vel quod ea non credam, vel quod a proposito nostro sint aliena. Nobis vel hæc satis sunt ut efficiamus, *Leibnizium*, in tanta virtutum multitudine, nævis insignibus, non caruisse.

Philosophiæ systema ex omni parte perfectum non reliquit *Leibnizius*: sed Incubratiunculas & dissertationes alio & alio tempore in *Ephemeridibus Litterariis* emisit in lucem: [1] in quibus singularia argumenta tractantur. Præterea edidit *Theodiceam*, [2] quo libro Metaphysica ejus continetur. Exstant etiam *Epistolæ*, quas diligentia Kortholti debemus. Quare qui, illius systema quale sit, cognoscere havet, oportet *Theodiceam* cum ceteris scriptis cōparere. [3] Quod qui non faciunt, vix illius mentem & sensum animo comprehendent.

Porro Leibnizii sectatores multi nominantur: sed perpauci illius opiniones sine ulla mutatione sunt amplectati. Inlustriores sunt, Michael Gottlieb Hanschius in libro, quem inscripsit, *Meditatio Philosophica de unione mentis, & corporis secundum principia Leibnizii*: [4] cui junxit *Theorematum Metaphysica*. Deinde edidit *Princi-*  
pia

[1] Eas diligenter enumerat *Ludovicus Hist. Philos. Wolfsianus*. Lipsiæ 1737. 8. quin etiam promisit eas uno fascie doctorum commodo edere.

[2] Hujus synopsin habes in *Ephemeridibus Lipsiensibus* ann. 1711. Mart. p. 110. & April. p. 159.

[3] Ita judicavit *Leibnizius Epist. ad Remondum*, Recueil Tom. II. p. 161. [4] anno 1722.

pia Philosophiae more Geometrico demonstrata. [1] Alter est Christianus Wolfius, qui tametsi non omnes Leibnizii hypotheses admiserit, tamen præcipuas fecit suas, & iustum philosophiae Leibnizianæ corpus condidit. De cuius philosophandi ratione in Logicæ historia non nihil diximus. Etiam Bylfingerus edidit Harmoniam Mantis, & Corporis ex mente Leibnizii, dilucide, & ordine conscriptam. Thunigius autem Wolfi scripta compendisecit: & Baumeisterus Logicam, & Metaphysicam secundum methodum Wolfi conscripsit. Alios percensere non est neceſſe: qui vero Gallice scriperunt, in Ephemeridibus Galli-  
cis sunt perqnirendi.

III. Christianus Thomasius Lipsiensis. Hic in iis habitus est viris, qui labente superiore ſeculo ad Philosophiam exornandam animum adtulerunt præjudiciis liberum, eique incredibilem operam navarunt. Nimirum inerat Thomaso ingenium excellens, & ad omnia factum eruditio exquisita, & limatum judicium: quibus adju-  
mentis disciplinarum nævos; & docentium errores penitus cognovit: cumque magno animo eſſet prædictus, exti-  
tit, ut libere, quæ ſentiebat, ſine metu, ſine ſpe, dicere non dubitarit. Ex quo illi malorum ilias nata eſt.

Nam cum per id tempus Peripatetica philosophia in Protestantium Academiis inveteraffet, ut ſunt ſectarii Philosophi doctrinæ a majoribus traditæ tenacissimi custodes, eorum vero, qui in nullius jurant verba magistri, hostes implacabiles inexpiabilesque; ad eas artes confuge-  
runt, ad quas, qui poffimam caſſam defendunt, ſolent confugere, nimirum ad calumniā, & potentiam. Itaque pedibus manibusque effecerunt, ut ſenatus & Civilis, & Ecclesiastici decreto Thomasius tacre cogeretur: eum-  
que de majestate, de religione, de atheismo, & quid non?

po-

postularunt: tum abire fecerunt e patriis lariibus: tum ejus domesticam supellec̄t̄ilem retinuerunt: tum omni contumeliarum genere adfecerunt, & imp̄ecari sunt ei viam perpetuam. Scilicet licebat adversariis, *Thomassum* strategemate opprimere, idque non alia de causa, quam quod Eccl̄eticam philosophiam in Germaniam inducere conatus esset: *Thomasio* vero non licebat, ut a se tantam injuriam depelleret. adversariorum artes, pervicaciam, inscientiam patefacere. Ita occ̄ēcant animos pr̄judicia!

Nimirum hæc magnis viris, qui disciplinas emendare apud cives suos sibi proposuerunt, usuvenit frequenter, ut qui civi de patria bene merito monumentum ponere deberent, eidem, tamquam reipublicæ hosti, ac pietatis osori, nullum non malum intentent: & cogant ut procul a patria clerus fiat, atque ab ext̄eris gentibus eum honorem habéat, quem ipsi denegant cives sui. Quod *Thomasio* nostro evenit. Tandem Halam concedens, auctor fuit Electori Brandenburgico, ut Fridericianam academiam excitaret anno 1700.

Atque Princeps munificus, qui viros doctos non ex calumniatorum accusationibus, sed ex propriis scriptis metiebatur, non modo *Thomassum* antecessorem Juris in eadem Academia designavit, sed ejus Pr̄sidentem & Directorem, uti vocant, tum Consiliarium suum esse jussit. Documento, quo pacto Reges, & Dynastæ maledicentissimorum honiūnum vituperationes possint constringere. Obiit *Thomassus* Halæ anno 1700.

Multa lucebravit *Thomassus*, quibus homines excitaret, ut in singulis eruditioñis partibus Eccl̄eticæ philosopharentur. Exstant scripta Logica, in quibus & histriam Sectarum narravit, & earum errores patefecit. [1]

Tuni

[1] Introductio in Philosophiam Anticam, seu primæ lineæ libri de prudentia cogitandi, & ratiocinandi. Ubi ostendit.

Tum ex Veterum, & Recentiorum scriptis, quæ magis ad finem propositum accommodate dista videbantur, excerpit, nova forma composuit; plurima addidit, & Logisticam omni ex parte Ecclæticam adoptnavit. [1] ejusque usum ostendit: [2] Deinde Physicam, & Pneumatologiam emendare adoptus est, edita lucubratione; in qua efficere est conatus, Physicam sine Pneumatologia non posse consistere: [3] Tum Ethicam [4] expolivit, & Peripateticorum cavillationibus denudatam edidit. Præterea de Charakteribus adlectionum animi egregie disputatione. [5] Præterea jurisprudentiam Naturalem mirandum in modum perfecit; tum in *Jurisprudentia Divina*, tum in *Fundamentis Juris Naturæ, & Gentium*. Item prudentiam Politicam illustravit in libro, *Primæ lineæ de Jurisconsultorum prudentia Consultatoria*. [6] In cujus parte alter-

12

---

ostenditur media inter præjudicia Cartesianorum; & ineptias Peripateticorum veritatem inveniendi via. Lipsiæ 1688. 12.

[1] *Introductio in Philosophiam Rationaliem*; in qua omnibus hominibus via plana & facilis panditur, sine Syllogistica, verum, verisimile, & falsum discernendi, novoque veritates inveniendi 1691. 12.

[2] *Praxis Philos. Rationalis Halæ 1691. 12.*

[3] *Tentamen de Natura & Essentia Spiritus 1699.*

[4] *Introductio in Philos. Moralē. 1692. 12.* & Pars Practicā Moralis Philos. 1695. 12.

[5] *Sciencia recens inventa arcana mentis hominum etiam invitorum ex consuetudine quotidiana dignoscendi 1691. 12. Germanice.*

[6] *Halæ 1705. 8. Pars altera sequenti anno luctem vidit h.t. Specimen prudenter judicialis ex J. Naturæ, & Gentium; negotiis & controversiis, quibus sparsim immiscens-*

ra argumentis confecit, Jurisperitos Ethica, Politica, Historia, Mathematica, ceterisque disciplinis excusios esse debere. Ad hæc alia opuscula vulgavit, in quibus easdem disciplinas inlustrat: quæ ex conditoribus historiæ Litterariorum cognosci possunt. [1]

Quæ Thomaso præcipue laudi tribui solent hæc sunt.  
 1. Quod animo præjudiciis vacno ad philosophandum venit, & projecto jugo servitutis Philosophicæ, non modo in Physica, quod alii fecerant in Anglia, & Gallia; sed etiam in Logica, Metaphysica, Jurisprudentia, docuit Germanos sine præjudiciis ratiocinari, & proprio uti iudicio. [2] 2. Quod in perterritio animo, tametsi undique contumeliis, & molestiis gravissimis esset vexatus, rem plenam laboris & periculi suscepit, & ad finem perduixerit. Nam ab eo tempore Germani Eclecticam philosophiam valde excoluerunt. 3. Quod non acuminne modo & ingenio, sed iudicio limato valens, & plurima ac interiore eruditione politus, disciplinarum errores acute vidit, notavit, patefecit. 4. Quod Logicæ, & jurisprudentiæ Naturali tum veteri, tum recentiori, & Philosophicæ, ceterarumque disciplinarum historiæ plurimam lucem adtulit. 5. Quod systemata ingeniose excogitavit. 6. Quod errores suos & agnovit, & emendavit, & incredibili magnitudine animi fateri non dubitavit. 7. His addi possunt virtutes aliæ, industria, diligentia in docendo, mores integræ, fides in amicitia, humanitas, lepos, facetiæ; gratus animus, cetera. Quare inter eos, qui nomen sibi lucebantur,

---

scenatur, genuina principia definiendi prætensiones inlustrares. 8.

[1] Excellunt Cautelæ circa Præcognita Jurisprudentiæ. Vide Niceronium Histoire des Hommes Illustres.

[2] Vide Heumannum Acta Philosophic. Tom. I. p. 458. 609. seq.

brationibus Philosophicis fecerunt; Litterariæ historiæ conditores referre Thomassum non dubitarunt. [1] Adeo ut iidem, qui eum vivum momordernit, mortuum pro concione laudarint.

Sed homo erat Thomasus; id est, humani animi infirmitatibus obnoxius. Quare in quosdam errores incedit, quos nolle tali Philosopho excidisse. Eos nos in transitu tangemus, it intelligatis, Adolescentes, nihil in hoc mundo omnibus numeris esse perfectum. 1. Reprehenditur hoc nomine, quod dicax cum esset, & ad satyricum scribendi genus pæne factus, adversarios, quos est nactus, semel lacesitus in odium, & risum adducere numquam cessavit: Tametsi ætate progressus, hoc scribendi genus publico scripto fuerit detestatus: caussas, cœr id fecerit, exponens. 2. Quod in historia Philosophica non nulla errata admisit. 3. Quod Poireti somniis deceptus, rejecta physica Mechanica & Experimentali, aliam Mosaiicam; Cabballisticam, & Christianam physicam, quod Theosophicum systema vocant, inducere adortus est: in quo & scepticismum Physicum valde roborat: & ex paralogismis, quibus inædificat, planum fecit, sibi non esse exploratum, qua via ad Naturæ adyta pervenire possemus. Itaque de Physica, & Pneumatologia male meritus est.

4. Quod hypotheses suas non semel mutavit, præsertim in jurisprudentia Naturali: ubi non solum Juris N. principia nova posuit, sed etiam naturæ humanæ aliam ideam formavit. [2] 5. Quod eas hypotheses sibi finxerit, ex quibus

[1] Illius laudes lege apud J. A. Fabricium, Hist. Biblioth. suæ. Tom. IIII. p. 142.

[2] Consule Thomasi Cautelas Circa præcognita Jurisprudentiæ, ubi, quæ mutarit, exponit: item Fundamenta J. N.

bus conclusiones pernicioſæ, ſaltim ex vocabulorum inſolentia, & obſcuritate, eiici poſſint. 6. Quod magis ex locis extrinſecis, quam intrinſecis, fuerit ratiocinatus. 7. Etiam ei viatio dant, quod ſcientiarum nævios aliquando magis indicarit, quam abſterſerit, & emendarit. Cetera, quæ de Religione, de Naturaliſmo ei exprobarunt adverſarii, prætermitto. Et de Thomaso haſtenus.


Porro autem Thomæſii excipio, & scriptis excitati homines Germani, hoc ſæculo præſertim, id ſibi negotii proposuerunt, ut in ſingulis eruditioñis humanae partibus Ecclæſice philoſopharentur, atque ea excogitarent, & ſelligerent, quæ veriſimilis legibus eſſent conſentanea: tum eo ordine ſeu methodo ſcriberent, quæ ad rem facilius percipiendam magis idonea eſſe videatur. Quorum primi pilos, ut ita dicam, yobis hoc loco nominare inopportunum non erit. Ex quorum fontibus ii, qui judicio valent, & omnibus præſidiis muniti ſunt, haurire poſſint.

In Logica præ ceteris prædicantur, Joannes Franciſcus Buddeus, Gottlieb Gerardus Titius, Joachimus Langius, Ephraim Gerardus, Nicolaus Hieronymus Gundlingius, Joannes Jacobus Syrius, Andreas Rudigerus, Heineccius. In Physica, Joannes Christopherus Sturmius, tametsi hic ad Carteſium interdum accedat, & idem Buddeus. In Pneumatica, Buddeus. In Jurisprud. Naturæ prædiſti Buddeus, Gundlingius, Heineccius, Rudigerus, ceteri.

Hoc tamen, Adolescentes, vos monitos volumus, hujusmodi Philoſophos, etiamsi tales ediderint lucubrations, ex quibus ad emendationem Philoſophiæ utiliſima multa ſumi poſſunt; tamen interdum addere quædam, quæ viriſlimati judicii non probantur. Nam priuum non nulli ſystemata nova condendi amore capti, talia excogitant, quæ vel experientiæ, vel rationi conſentanea non ſunt. Deinde hypothefes infirmas aliquas amplectuntur,

ex iisque labiles conclusiones deducunt. Usque adeo difficile est rectam viam philosophandi tenere, ut ii etiam, qui eam sunt ingressi, aliquando aberrent. Quare non cæco obsequio eorum placita Philosophica sunt osculanda, sed accurate & cum judicio legenda. Moderatores namen sunt *Syrbius*, & *Buddeus*, & multo ceteris accuratius ratiocinantur.

Ex eadem Ecclæstica disciplina disputant viri docti, qui in ceteris Europæ regnis cultissimis litteratum, & Philosophiæ gloriam pulcre sustinent. Ex Batavis Jacobus Ode, *Institutiones Physicas* per quam elegantes edidit. Ex Ialalis, Soria *Institutiones Logicas* divulgavit, itemque *Theologiam Naturalem*. Crivelius de Clericis Regularibus S. Pauli, & Petrus de Martina *Institutiones Physicas* accurate conscriptas emiserunt. Item Eduardus Corsinius de Clericis Regularibus Scholarum Piarum, & Fortunatus a Brixia, Franciscanus Reformatus, uti vocant, singulas Philosophiæ partes ex Recentiorum disciplina inlustrarunt. Qui tametsi non in omnibus punctum tulerint, vobis iam meū adjumento erunt, ut meliora cogitetis. Eo magis, quod hi omnes, si primum excipias, Catholici sunt. Ceteris Philosophis percensendis, qui Ecclæsticam philosophiam persequuntur, supersedeo: neque enim ad vestrum palatum sunt accommodati: nec omnia dilucidare necesse est. Atque haud scio an Ecclæsticorum, quos superiori sectione seu paragrapho nominavi, vobis usus concedi possit, etiamsi per Ecclesiām liceat; sine cuius facultate nullus eos Catholicus audeat adtingere. Nam cum plerique omnes Heterodoxi sint, quædam in iis se offertunt, quæ explicari nollem adolescentibus, qui in Theologia ad plenum eruditæ non sunt. Sed de his videant præceptores & eruditæ, & pii.





ALOYSII ANTONII VERNEII

EQUITIS TORQUATI ARCHIDIACONI EBORENSIS

APPARATUS

AD PHILOSOPHIAM, ET THEOLOGIAM

AD USUM

LUSITANORUM ADOLESCENTIUM

PARS ALTERA

IN QUA

DE THEOLOGIA SERMO EST

LIBER PRIMUS

DE HISTORIA THEOLOGIAE

CAPUT I.

*De Theologia generatim differitur.*



Ntequam de Theologiae historia dicamus, quid ipsa Theologia sit, quæ illius partes; quibusque nominibus distinguatur, dicendum esse videtur: ne, his incognitis, tirones nostri ea, de quibus disputaturi sumus, ignorant. Theologia est, rerum divinarum, earumque, quæ ad supernam hominis felicitatem pertinent, disciplina.

Hæc vel ratione naturæ habetur , vel divina locutione ; quæ primo modo comparatur , *Naturalis theologia* , de qua alio loco diximus : [i] quæ secundo modo , *Supernaturalis* , seu *Revelata theologia* vocatur : de qua hoc libro est considerandum .

Revelata theologia nititur verbo Dei vel scripto , vel tradito . Quamquam vero una sit , tamen pro diversa ratione , qna a Theologis tractatur , diversa nomina habet . Nam si Sacrorum codicum sensum pervestigamus , & ex iis salutis doctrinam haurimus ; vel Traditionem sequentes , quid tenere , vel agere debeamus , exponimus ; vocatur theologia *Exegética* . Si ea , quæ credere debemus , excerpimus , argumentis confirmamus , & corpus aliquod doctrinæ componimus ; appellatur *Dogmatica* , seu *Positiva* , seu *Thetica* . Si Fidei decreta seu dogmata adversus hostium oppugnationes defendimus , & munimus , est *Polemica* seu *Elenchica* . Sin ex iisdem codicibus Sacris , vel Traditione præcepta cogimus , ad quæ actiones nostras exigamus , appellatur *Moralis* . Ea porro , quæ credere debemus , *Dogmata* ; quæ vero nos docent , quid agere debeamus , a Theologis canones nominantur .

Jam vero Dogmatica theologia si omnia , quæ ad æternam felicitatem necessaria sunt , via ac ratione exponit , & accurate ac firma ratiocinatione confirmat , vocatur theologia *Systematica* , seu *Acroamatica* . Sin autem religionis nostræ rudimenta explanat , non servato ordine ac nexus , quo disciplinæ graviores traduntur , vocatur *Catechetica* , seu *Exoterica* , quæ Fidei decreta rudioribus exponit .

Porro autem cognita natura , & partibus disciplinæ , de qua hoc libro historiam condituri sumus ; cetera ex iis , quæ

quæ prima parte[1] de Philosophiæ historia explicavimus, vel me taçente intelligent tirones. Itaque Theologica historia vel Theologiæ ortum, progressum, & vicissitudines persequitur: vel systemata, quæ excogitata fuere, ut dogmata aliquæ facilius explicemus, enarrat; vel demum Theologorum gravissinorum vitam, & quibus adjumentis ad amplificandam eam disciplinam pervenerint, percenset. Hæc nos si singula pro merito narrare & dilucide veliemus, non unius voluminis res esset. Quare de more nostro Theologiæ vicissitudines summatione enarrabimus; cetera ea tantum tangemus, quæ magis necessaria videntur ad Theologiæ variam disciplinam inlustrandam. Et eo magis modum adhibebimus, quod ea, quæ de Philosophia discernimus, plurimam lucem iis, quæ hoc tempore dicturi sumus, adferre possunt..

## CAPUT II.

*De theologia Patriarcharum usque ad Moysen.*

**Q**Uæ fuerit Adami, quæque ceterorum Patriarcharum theologia, Sacri codices haud obscure tradunt. Homo enim, qui cum Deo aperte in horroto illo amœnissimo verba commutabat; & oculis, & auribus accepit scientiam rerum, quæ ad beatitatem erant necessaria. Itaque & notitiam conditoris habuit: & cognovit se conditum esse ut divino aspectu frueretur: & posse se, si modo vellet, eadem condicione uti perpetuo: ad hæc debere se Dèmum creatorem suum amare, colere, officiaque erga homines servare: hoc amplius, Dei disto audientem esse. Si secus faceret, una cum omni posteritate multis miseriis obnoxium fore.

Postea vero quam peccato suo humanum genus omne morti , ægritudinibus, insectiæ , ceterisque iniurias objectis ; plane cognovit , idque Dei beneficio , se non nisi divino adjumento , & sincero animi dolore peccati maculam diligere posse : prolem vero originis peccatum , quo erat affecta , divina medicina extinguere debere . [1] In tanta misericordiarum multitudine hoc solatium habuit , quod intellexit , Christum filium Dei certo tempore in mundum fore venturum ut homines liberaret : id est , ut omnes , qui crederent in eum , talibus præsidii munirentur , quibus & se a peccato liberarent , & innocentem vitam vivere possent , & æternam felicitatem mererentur .

Iisdem præceptis Adamum filios , posterosque [2] imbuuisse , [3] & pietas sanctissimi hominis , & Abelis , Sethi , Enoch , Noachi , Semi , Japheti , ceterorumque innocens vita , vel ipsi Deo probata , persuadent . Accedit , quod plerique omnes & longum tempus vixerunt , adeo ut nepotes nimis multos videre & alloqui potuerint ; & cum Deo sermones miscuerunt . Ex quo perspicuum fit , eos & in iis , quæ a majoribus acceperant , confirmari debu-

[1] Qua ratione originale peccatum prisci illi homines deterent , exploratum non est . Certe fidem suam sacrificiis declarabant . Confer . Gregor . Mag . Moral . L . IIII . c . 3 .

[2] Haud multo post conditum mundum tempore depravari cœpit religio in familia Cainitarum . Sunt qui putent , eos idolatriam admisisse , sacrificia corrupisse , Messiam negasse : ut Spanheimus Hist . Eccles . V . T . p . 279 . Seldenus de Diis Syriis prol . c . 3 . Vossius de Idololatr . L . I . Alli in atheismum prolapso fuisse contendunt : veluti Jurieus Hist . Crit . des Dogm . P . 3 . c . 2 . Buddeus Hist . Eccl . Tom . I . p . 125 . Sed neutrum probari potest : ultimum autem verisimile non fit .

[3] Consule Genes . c . XVIII . 19 . Roman . IIII . 13 .

buisse , & ea aliis tradere , & explanare potuisse , quæ cognoscabant .

Neque solum ante diluvium universale , sed etiam eo exacto eadem disciplina homines usi sunt . [1] Testes sunt luculentii Abrahamus , Isaacus , Jacobus , viri sanctissimi , & prophetæ . qui virtutæ disciplina suæ ostenderunt , se majorum placita esse amplexatos , & ad præcepta Naturalis legis actiones suas instituisse . Eo magis quod Deus iis plures promisit , ex semine eorum Messiam humani generis Liberatorem oriri debere . [2] Unum hi præ ceteris habuere , quod Deus expressis verbis præcepit , ut peccatum originale masculorum infantium circumcisio dearent : [3] seminarum vero mundandarum remedium traditione servabatur .

V 3

Quam-

[1] Doctores Judæi ajunt , sex præcepta juris Naturæ in prima rerum conditione a Deo hominibus tradita fuisse . Quibus addunt septimum , quod Noemo Deus credit . Hæc septem vocantur præcepta Noachidarum : id est , omnium gentium , quæ a Noacho sunt profectæ , si Hebreos excipias , qui nominantur Abrahamidæ , & alias deinceps leges habuerunt . Noachidarum autem præcepta hujusmodi sunt . 1. De cultu extraneo seu Idololatria . 2. De Maledictione nominis Sanctissimi . 3. De Effusione sanguinis seu homicidio . 4. De Inlicito concubitu . 5. De Furto . 6. De Judiciis . 7. De Membro animalis non comedendo . His præceptis Naturalis religio prisorum hominum , seu jus illud Divinum continetur . Confer . Maimonides in Halach Melakhim . c. 9. & R. Jebuda Ben Samuel in Sepher Cozri T. III. S. 73. Ex Recent. Selden de Jure Natur. & Gent. L.I. c. 9.

[2] Genes. c. XII. 3. & c. XVIII. 18. & c. XXII. 18. & xxvi. 4. & c. xxviii. 14.

[3] Genes. c. xvii. 10. Sive id præstaret circumcisio ex opere operato , uti vocant , sive ex opere operantis . Qua de re multa Theologi .

Quamquam vero Veteres homines dogmata, quæ illa ætate ad beatitudinem erant idonea, cognoscerent, atque Ethices præcepta vel traditione, vel ratiocinatione cognita virtutem exprimerent disciplinam; tamen non ea scriptis censignarunt, sed ore tenus filiis tradiderunt, & quasi per manus miserunt ad posteros. [1] Nimirum pauca illa religionis Naturalis, & Revelata præcepta nullo negotio quasi de inanu in manum servabantur in familia Patriarcharum. Nam Patriarchæ ipsi Sacerdotum officia in sua quisque familia inplebant, Deo rem divinam facientes, & antinuntiantes ecclesiam Dei, exiguae sane, mysteria, quæ Deus illis clementer manifestabat. [2] Non illi de condendis scriptis cogitarunt, & multo minus compendia Theologiae scripserunt, ut posteri erudirent. Non enim ars systémata componendi illa ætate ne Græcis quidem, qui eam matutius ceteris agnoverunt; erat explorata. Adeoque ante Moysis tempora frusta Theologiae corpus aliquod quærerent eruditii.

Hac ætate Theologia apud homines corrupi cœpit admissione idolatriæ. Nam post Diluvium exactum, & ante Abrâhami vocationem; quæ anno circiter <sup>lxxxiii.</sup> secundum Usserium evenit, invaluit mos, ut Plahetæ, Elementa, atque hominum virtute praestantes pro Diis colerentur. Immo & imaginum usum Jacobi ætate viguisse, ex historia Labani saceri perspicuum est. [3] Sed hæc in

[1] Libros aliquot Adamo, ceterisque Patriarchis attribui, in quibus plurima Theologiae capita continentur; jam primo libto monuimus. Verum haec sine ulla ratione certoque monumento Patriarchis adfigi, viris doctis exploratum est. Confer. Scipio Sgumbatus in Archiv. Veter. Test. L. II. t. 2. Et Sixtus Senensis Biblioth. L. II.

[2] Confer. Onkelos Paraphras. ad Genes. XLIX.

[3] Genes. xxxi. 19.

PART. II: LIBER PRIMUS: 317  
In transuersu monusse fatis sit; quæ alii copiose disputar-  
funt. [i]

### C A P U T III.

*De theologia Hebræorum a Moysis aetate usque ad  
primit templi Hierosolymatii eversionem.*

**M**Oysi Dens non nova dogmata credenda tradidit; eam demum enim apud Hebreos dogmata post Moysen, quæ anteā, obtinebant: a Sancis quidem hominibus per Fidem retenta, in ceteris pene oblitterata: [nempe certo tempore venturum Messiani, qui Deus, & homo esset: hominumque suo sanguine peccata esset expiaturus: quod haud obscuram Trinitatis notitiam complectebatur] sed triplicem legem tradidit in Sinai, Naturalem, Sacram; & Politicam: quarum duæ ultimæ ad fidem in Messiam confirmandam omnino erant accommodata: Prima Decalogo continetur, in quo Naturæ leges ad decem capita revocantur: quarum tria prima officia erga Deum, seu Naturalem religionem exponunt: reliqua septem officia adversus homines persequuntur. Altera lex ritus omnes, quibus res divina esset facienda, minutatim exponebat. Tertia reipublicæ formam ostendebat; legesque singulis flagitiis decernebat: ut iis exequendis publica res Hebræorum in tuto esset, & salva. Quæ sacris Pentateuchi codicibus explicata videmus. [2]

[1] Maimonides de Idolatria ex versione Vossii.  
Eduar. Herbert. de Religionē Gentilium. c. 2: alii.

[2] Leges Naturales trudit Exodi c. xx. Iudiciales  
xxi. usque ad xxxiii: Sacras c. xxv. usque ad xxx: Sed  
iterum eodem libro, q̄i in Levitico de his agit; ubi alii  
adjsngit Iudicia, q̄i Moralia:

Frustra tamen in his aliquod doctrinæ compendium & sistema quæsiyeris. Decalogum etenim etiamsi præcipua officiorum capita contineat ; tamen nec omnia expresse & singulatim persequitur , quæ in illis continentur ; nec ea ipsa , quæ complectitur , eo ordine nequit & ponit , ut alia ex aliis deducantur , lucemque accipient . [1] Quod eo magis de duabus postremis legibns dicendum est : quarum alia cum aliis ita sunt præcepta conjuncta , ut non nisi post accuratam lectionem ordine cogi , & seorsum explicari possint . [2]

Jam vero scriptores Divini , qui vel dogmata , vel præcepta morum scripta reliquere , nt David , Salomon , Daniel , Jeremias , Jesaias , Ezechiel , ceterique vates , qui ante , & post caputvitatem Babyloniam scripsere ; ii quidem non aliquam Theologicæ epitomam perscripserunt , nec systematica methodo usi sunt : sed hinc inde sparsa tradiderunt quædam Orientalium more . Methodus autem Orientalium in hoc sita erat : ut parabolis , & metaphoris , & similitudinibus ex rebus obviis desumptis omnia significarent , explicarentque , ingenioso illo quidem & vehementi , sed obscuro dicendi genere . Quod vel ipsa Divinorum codicum lectio satis superque efficit .

Fuere quidem a tempore Samuelis usque ad Mal-

[1] Compendium est , in quo omnia , quæ ad aliquam disciplinam pertinent , distincte & ordine exponuntur . Sistema est , in quo ita singula necluntur , ut alia ex aliis ordine fluant , & rationibus confirmentur .

[2] Confer . que de his disputat August. Calmetus Benedictinus in Historia Veteris Test. ubi leges alias ab aliis separat . Præcepta Naturalia , & Politica exponit L. II. p. m. 152. usque ad 158. Sacra vero p. 187. usque ad 198. ubi etiam quædam Politica memorantur , quæ diversis temporibus sunt constituta .

Iachiam collegia Prophetarum , ut in Bethale , Jerichunte , Gilgale , qui Dei lumine persusi [1] & futura prænuntiabant , & legem Dei populos edocebant , & hymnos pangebant , rerumque conficiebant annales : sed hi non arte ac methodo scripta lucubrabant , non altercando disputabant ; sed vel vaticinationes suas , eo modo quo a Deo acceperant , mandabant scripto ; vel legis Divinæ mentem , cum ab Hebræis erant interrogati , simpliciter aperiebant . Nimurum cum Hebræorum natio in Idololatriam nimis esset propensa ; Reges autem eorum invitatos cogerent populos ut nefarium illud scelus admitterent ; propterea Deus suscitavit homines auctoritate plus quam huinana armatos , qui Israeliticæ gentis , Regumque flagitia reprehenderent , iisque mandata Dei audacter perferrent , tum futura prænuntiarent , tum veram & falsam doctrinam secererent ; populosque in Orthodoxa religione & monitis , & miraculis continerent .

Quare eorum unica cura erat , ut legem , quasi cunctas a Deo positi , puram & intemeratam servarent . Non illi disceptationibus vacabant , non alia , quam quæ supra memoravimus , mandabant scriptis : sed austera vitæ disciplina , & legis meditatione unice occupati , in hoc erant toti , ut divinæ legi auscultarent , ceterosque edocerent , & cohortarentur , ut Deo in rebus omnibus essent

[1] Confer. Regum L. I. c. 10. & 19. & L. IIII. c. 20.  
In his aliisque & Regum , & Jesaiæ locis quidam viri doctri cum Altingio Histor. Academ. Hebræar. Auliso , aliisque distincte se se videre ajunt , academias prophetarum apud Hebræos , qui litteris operam darent : quod etiam placuit Levi ben Gerson , aliisque Judæis . Sed homines præjudiciis non impediti nihil aliud offendunt , quam collegia Prophetarum , non vero scholas disciplinarum ceterarum .  
Confer. Sigonius de Republic. Hebr. L. II.

essent morigeri. Quod si aliqui Pseudoprophetæ falsam doctrinam prædicabant, Isrælitasque à Dei cultu avertabant; hos non argumentationibus refutabant vates divini, sed vaticiniis & factis. Nimirum veri Prophetæ certa Dei mandata exponebant, eaque, quæ essent eventura, annuntiabant: eventus autem confirmabat vaticinia, atque mortalium ineptas hæsitationes, & disputandi intemperiem resecabat. Adeo sine labore, qualis esset Orthodoxa doctrina, intelligi poterat.

Itaque Judæorum Theologica disciplina a Moysis ætate usque ad captivitatem Babyloniam in eo posita erat, ut legem a Deo traditam, & Sacris litteris contentam executioni mandarent: ac ceteros informatent iisdem præceptis, continerentque exspectatione venturi Messiae, cuius characteres distincte exposuerunt vates recentiores.  
 [1] Quod munus docendi Sacerdotes, qui a Deo doctores erant constituti, [2] & Prophetæ ipsi etiam in Captivitate

[1] Constant hæc ex ipsis Prophetiarum scriptis, qui passim hæc prædicant. Nam Jesaias, & Michæas nasciturum ex Virgine prænuntiant, idque Betheleemi: nec id solum, sed etiam Deum fore. De triplici Messie munere, regio, prophetico, sacerdotali, iisdem Jesaias, & Michæas, itemque Jeremias. Rursus de miraculis Jesaias, & de passione, & morte, & redēptione. De resurrectione Christi inter alios Hoseas. De vocatione gentium per Apostolos Jesaias passim; nec non Jeremias, Amos, Michæas. Postremo de reprobatione Judæorum Jeremias prædictus. Loca brevitatis cauſa non addo.

[2] „ Dixit Dominus ad Aaron: . . . . . ut habet scientiam discernendi inter sanctum, & profanum; „ inter pollutum, & mundum: doceatisque filios Israël omnia legitima mea, quæ locutus est Dominus ad eos per manus Moysis. Levitic. c. x. §. 10. II:

te [1] præter ceteros adimplebant. Et hæc sub Judicib[us]  
& Regib[us] ad exitum usque Babylonie captivitatis.

## CAPUT IIII.

*De theologia Judæorum ab instauratione posté-  
rioris Templi usque ad ejusdem eversionem  
sub Vespasiano Cæsare.*

**U**SU & consuetudine Chaldeorum in servitute Babylonia homines Judæi si noni dogmata præcipua, quæ divino præsidiō, idque opera Danielis, & Ezechieliſ [2] intermerata manerunt, saltim domesticos ritus, externumque Divini numinis cultum, destructo templo, ac remotis sacrificiis, ex animo deleverunt. Qua de cauſa cum ipsi ad patrias fides reverterentur, quod annisccccxxxvi. ante æram Christianam evenit, ducibus Zorobabele, Nehemia, Mardochai, ceterisque viris principibus; urbemque Jerusalēm, & templum a fundamentis etigerent; Deus suscitavit Esdrām, Haggæum, Zachariam, Malachiam, viros divino spiritu adflatos, qui & rempublicam Judæorum sapientissimis legibus temperarent, & rem omnem sacram ac ritus ad veteris religionis formam instituerent.

Esdras itaque, qui & scriba legis, seu divini sermonis callentissimus, & critica eruditione politus erat; Divinos codices emendavit; ordine posuit, descripsit; & religionem ad pristinum exemplar formavit. Ajunt Judæi, tantam fuisse Esdræ eruditonem, tam multis & reconditis disciplinis valuisse, ut cum nemine mortalium sit comparandus. Sed hæc ulterius non persequemur.

Ce-

[1] Conferantur Ezechieliſ c. viii. i. & xiii. i. & xxxiii. 31. seqq.

[2] Confer. c. viii. i. xiii. i. xxxiii. 31. seqq.

- [1] Ceteri autem vates monendo, docendo, reprehendendo, Judæos in officio continuerunt: eosque identidem excitarunt Messiaæ adventu, ut veterem religionem retinerent: quod præsertim fecit Zacharias, & Haggæus.
- [2] Quædam etiam religionis nostræ capita explicatiæ tradita sunt ab iisdem prophetis. Nam sacrosanctum Trinitatis mysterium haud obscure descripsit Haggæus.
- [3] De scriptura Sacra, de Deo uno, & trino luculenter Zacharias egit.
- [4] Item de resurrectione mortuorum, ac purgatorio clarius locuti sunt.
- [5] Cetera eodem modo, quo antea, exposuerunt in synagogis suis.
- [6]

At post Malachiæ obitum, cum desisset inter Judæos adflatus divinus, & jam nusquam essent divinorum ora-

[1] Quæ de eo referunt Judæi habentur apud Basnagium Hist. Jud. L. III. c. 5. §. 1. seqq. & Buxtorffium Tiberiad. c. x. p. 99. seqq.

[2] Confer. Raym. Martini in Pugione Fidei P. II. c. 9.

[3] C. II. 4. 5.

[4] Confer. Joan. Georg. Dorscheus in Theologiae Zcharianæ synopsi, parte altera.

[5] Habetur ex Machab. L. II. c. VII. 9. & c. XIV. 46.

[6] Sub posteriori templo conditæ sunt plures synagogæ, in quas confluenter Judæi, ut sectionem quandam legis singulis diebus auscultarent, ibique orarent: quibus currente tempore addiderunt sectionem aliquam ex Prophetis. Plurimæ in Jerusalem memorantur, itemque aliis in locis. Præter synagogas fuere itidem schole plurimæ, in quibus interiora Sacrae doctrinæ capita exponebantur a doctoribus Judæis: id est, Sacra scriptura ad allegoriam trahebatur: traditiones proponebantur & explicabantur. Hæc eodem fere tempore apertæ sunt. Confer. Maimonides in Tract. Thephillah. cap. xi. Etiam peregrini Judæi scholas suas Hierosolymis habuerunt: ut habetur ex Actor. vi. 9.

oraculorum consulti, in quorum verbis inesset plena fides, continuo Judæi doctores proprio ingenio indulgentes, planam illam ac simplicem docendi viam, quam a majoribus acceperant, contempserunt: & novis controversiis seu quæstionibus, quas ex Sacris libris promebant, totam implicarunt familiam Judæorum. Nam cum aliqui doctores divinæ legis præceptis, quæ in Bibliis continebantur, contenti non essent; scirent autem quædam ore tenus apud eos servari, [1] iis alia multa addiderunt, & traditiones quædam fixerunt, quibus legem interpretati sunt: & ad externam quædam disciplinam, diversam a veteri Judæorum, flexerunt, ac legem *Oralem* appellaron. Alii e contrario legis verbis tenaciter adhæserunt, eamque contra primos desenderunt. Ex quorum discrepantia natæ sunt sectæ Sadducæorum, Karaitarum; Phariseorum, & Essenorū, quæ Judaicam omnem theologiam absolvunt. [2]

De iis vero ante quām singulatim dicimus, in universum monemus, has sectas non in omnibus dispareare Fidei articulis, sed in quibusdam convenire. Principio in eo

[1] Præter dogmata, quæ in lege Naturæ traditione servabantur, de quibus supra, quædam etiam ore tenus tradita fuere Hebræis, & quasi de manu in manum pervenerunt ad ultimos. v. g. Libros canonicos esse divinos. Esse aliquod remedium, quo deleretur originale peccatum mulierum. Cruenta sacrificia significare mortem Christi, cetera. Hæc divina erant. Verum Pharisei germanis istis traditionibus postrema ætate falsas plurimas addiderunt.

[2] Fuere inter Judæos aliæ sectæ minoris momenti, ut Herodiani, Galilæi, Legisperiti, Scribæ. Sed bæ dogmatibus non discriminabantur. Consule Eusebium Hist. Eccl. L. IIII. c. 22. ex Recentioribus Buddeum. Introd. ad. Hist. Philos. Hebræor.

eo conveniebant , quod unum Deum mundi conditorem colendum esse putarent . Quod legem a Mose Iam Deum auctorem habere . Quod Israelita s præter ceteras nationes a Deo delectos esse censerent , ut sempiternum cum iis fœdus sanciret . Qua de causa iis , non reliquis , omnia officia erant præstanda , [1] Hæc communia : cetera discrepabant , de quibus ordine est considerandum .

I. *Sadducæorum origo incerta & obscura . Verisimilius videtur , paullo post Esdrām non nullos Judæos , qui Traditionem omnem respūsset , nec nisi legem ad verbum sequi voluissent , hujus sectæ conditores extitisse . His accessit Antigonus Sochæns , qui cum auctor esset Judæis , ut Deum non amore servili , & propter mercedem temporariam & terrenam , ut plerique omnes faciebant Judæi , sed amore filiorum , & quasi nullam umquam mercedem essent habituri , servirent ; occasio fuit Sadocko discipulo , ut ex verbis præceptoris perperam intellectis sectam quamdam institueret ; quæ & mature inter Judæos floruit , & tanta auctoritate gavisa est , ut nobiliores , & ditiones in sinu suo numerarit : præseriūm postea quam Hyrcanus Judæorum princeps , & pontifex summus illi nomen dedit . Verum hæc secta post eversam sunditus Jerusalem sub Tito Cæsare tantum non omnis extincta est , & locum cessit Pharisæis .*

*Præcipua Sadducæorum dogmata hæc sunt , 1. Retinendam esse Sacrorum codicūm litteram : traditiones vero omnes , quæ scriptis non continentur , abjiciendas . [2] 2. Ange-*

[1] Ex veteribus aliquot scriptoribus hæc colligit Mosheimus Hist. Eccles. sœculi, I. Part. I. c. 2. pag. 76.

[2] „ Nunc enim judicandum est , quo multas constitutio-  
„ nes a majoribus per manus acceptas Pharisæi tradi-  
„ derint populo , quæ non sunt scriptæ inter leges Mosai-  
„ cas :

Angelos, & spiritus per se subsistentes nullos esse. [1] 3. Animam seu spiritum extingui cum corpore. [2] 4. Nullam fore humanorum corporum instantiationem, seu resurrectionem. 5. Nullum esse influxum Dei in actiones humanae, sed quemque propriis voluntatis praesidiis posse & bonum, & malum agere: id est, sine Dei adjutorio felicitatis, & infelicitatis suæ conditorem sibi esse posse. Tamen admitebant, Deum in hac vita & præmia, & poenas tribuere pro meritis. [3] 6. Bonorum operum mercedem, scelerumque pœnari non nisi in hac vita admitti posse dicebant. [4] Polygamiam esse damnandam putabant. [5] Verbo dicam, si unum excipias, nimisrum prætasse eos, Deum creasse mundum, & providentia sua eundem administrare, cetera erant Deistæ Epicurei. Reliquis, quæ ad eorum mores, severitatem in judicando, & cultum Leviticum spectant, in quibus non nihil ipsi recesserunt a Pharisæis, hoc tempore supercedemus. [6]

Quinquam vero tam perversa dogmata defenderent Sadducei; [7] tamen quia externam disciplinam Judæam

cas: & ideo Sadducei his autoritatem abrogant, dicentes, oportere eas tantum servari, quæ scripto continentur. Atque hinc magna inter utrosque exorta est controversia, dum ditiores stant à partibus Sadduceorum; Pharisæi multitudinis utuntur favoribus. Josephus Antiquit. Judaic. L. XIII. c. 18. p. m. 453.

[1] Lucæ Actor. c. xxiii. 8. Joseph. ib. L. XVIII. c. 2.

[2] Josephus ib. p. 617.

[3] Id. de Bello Jud. L. II. c. 12. p. 788.

[4] Huc respicit Paulus in Actis Apostol. c. xxii. 6.

[5] Basnag. Hist. Jud. L. II. c. 14. p. 358.

[6] Conferantur Calmetus, Sigonius, Serarius de Saduceorum secta.

[7] Eorum errores castigat Christus Matth. xxii. 23.

cam admittebant , sacrificiisque Deum placabant , idque  
situ Levitarum , atque Messiam sperabant ; & ad Syne-  
drium , seu sumnum Judæorum consilium , & ad Pontifi-  
catum aditus illis patebat : nam Caiphasus , & Ananus ju-  
nior Pontifices Maximi , ex Sadducæorum familia erant  
profecti . [1]

II. Alteram Judæorum sectam faciunt Karaitæ seu  
Karæi , qui eodem tempore , quo Sadducæi , nati viden-  
tur . Hi medium quamdam viam tenent inter Sadducæos ,  
& Phariseos . Nimirum Scripturam ipsam sequuntur ad  
verbum , ex quo nomen habuere Karaitarum , [2] quod  
erat Sadducæorum : tamen horum inopia dogmata rejiciunt , quod illis cum Phariseis commune est . Verum  
tempore invalescentibus Phariseis , qui Karæos vatiniano  
odio prosequebantur , valde exinanita fuit Karæorum se-  
cta , præsertim post Jerusalem postremum excidium . Sed  
iterum renata fuit medio VIII. seculo Christiani nominis :  
& etiam hac ætate apud Turcas , Moscovitas , & Lithua-  
nos eorum plurimi inveniuntur . [3] Sed Karæorum no-  
men adeo invisum est Judæis , ut citius cum Christianis , &  
Turcis foedus ineant , quam cum illis : & Karæi nomen  
apud Judæos non secus ac perverxi Hæretici , & impuden-  
tissimi Athei nomen habeatur . [4]

Karæorum dogmata alicuius ponderis huc redeunt . 1.

Nul-

[1] Josephus Antiq. L. XX. c. 15. Conferatur Auctor. Ap.  
c. v. 17.

[2] Hoc vocabulum significat textuarium , sive scriptu-  
arium : vide Buxtorfium Lexic. Thalmudic. p. 2111.

[3] Hottingerus. Thesaur. Philolog: inter addenda .  
p. 583.

[4] Basnag. l. c. p. 438. seq. Forsan Karæorum nomen  
non nisi multo post Christum natum , iis . qui ex hac discipli-  
na disputatione tributum fuit ,

Nullam aliam Fidei, Morumve regulam esse admittendam, præter libros Mosis, & Prophetarum. Ex hoc dogmate cetera fluunt. 2. Non esse admittendam legem *Oralem*, qualem ponebant Pharisei, ejusdem autoritatis cum lege scripta. 3. Admittendam esse interpretationem legis eam tantum, quæ litteræ sit consentanea, innixam legibus hermeneuticis: ceteras interpretandi formas rejiciendas. 4. Fundamentales articuli, ut loqui solent, decem sunt. Quod quidquid in orbibus est, creatum est. Quod creator sit increatus. Quod sit unicus, & nullus illi similis. Ceteri articuli ad veritatem legis Mosaicæ, ac Messiam, & Resurrectionem pertinent. Addunt alia quædam tum ad Fidem, tum Mores spectantia, quæ contemnenda non sunt: quæque hoc loco copiosius inlustrare me vetat consilium operis. Legi possunt apud eos, qui de his dedita opera pertrastrarunt. [1]

III. *Phariseorum* sectæ initium, ut ceterarum, ignotum est: sed haud longo intervallo post Esdram ea ortum babuit, & sensim crevit: nam Hyrcani, filiorumque Aristobuli, & Alexandri ætate magna in veneratione fuit. [2] Et nisi nos omnia fallunt, condendæ sectæ Sadducæorum fuit occasio. Nam cùm mature post redditum e Babylone traditiones obtinuerint, iisque, non secus ac legi, qui pietati magis dediti videbantur, servirent; factum est, ut traœ temporis magis traditioni cuidam fistæ, sub *legis Oralis* nomine, quam Sacro textui, auscultarent *Pharisei*. Quibus ex altera parte responderebant Sadducæi, qui traditam doctrinam omnem respue-

X bant.

[1] *De Karœis agit Triglandius singulari libro. Basnagius Hist. Jud. l. c. Morinus Exercit. Biblic. L. II. exerc. 7. Simonius Hist. Critic. Vet. Test. c. 28. &c. alii.*

[2] *Jonathæ Pontif. ætate jam nabilem fuisse hanc se-  
ctam, ait Josephus l. c. c. 5. p. 442.*

bant. Id certum est, *Phariseos* currente tempore nimis multas ineptias admisisse, & legem scriptam omnem suis commentis depravasse: [1] magisque sicutæ pietati, quam veræ, operam dedisse: ex quo in magna innocentia & pietatis opinione apud Israelitas fuere: quos propterea, quo vellent, flebant, & cogebant servire eorum cupiditatibus. De quibus flagitiis eos non semel reprehendit Christus, eorumdem calliditatem, versutiam, hypocrisim, & malas artes patefaciens. [2] Et ab hac striciori vita ratione, quam adfestabant, ostentabantque, & qua a ceteris Judæis sejuncti esse cupiebant, habuere nomen *Phariseorum*. [3] Hæc secta præter ceteras celebris fuit & copiosa: & multo latius patuit post sæculum II. Christianum: id est, post conditum Thalmud, qui ex his traditionibus pñne totus componitur. Immo hac ætate omnes Judæi, si Karæos excipiás, ex eadém disciplina phantasphantur, etiamsi nomen *Phariseorum* non habeant. [4]

Porro autem *Phariseorum* dogmata nimis multa memorantur: nos inlustriora percensēbimus. 1. Est, præter legem Scriptam, lex quædam Oralis, quam Deus in Sinai tradidit Moysi per angelum Metraton, & quæ quasi de manu in manum ad ceteros Judæos venit: cui obtemperare debemus, immo vero legi Scriptæ aliquando eam anteponere. 2. Ex observantia utriusque legis adquiritur sanctitas & justitia: ad quam adquirendam habet homo tot

[1] Matthæi XV. Marci VII.

[2] Matth. C. XXVIII. i. seq. &amp; XV. 6. XXIII. i. Lucæ XI. 32. seqq.

[3] A roce פָּרָשׁ pharas, quæ significat separare. Nicolai ad Sigonium de Repub. Hébræor. p. 421. Buxtorf. Lexic. Rabbinic.

[4] Confer. Menasse Ben Israel de Termino Vitæ L. I. f. 3. p. 19.

tot ac tanta præsidia, ut arbitrii sui viribus non solum *justitiam* conseqnatur, sed etiam eligat opera *supererogatoria*, id est, quæ superent *justitiam* a lege præceptam. Merito aiunt eruditi, hoc dogma esse uberrimum fontem, ex quo cetera placita Pharisæica fluunt. 3. Ad obtinendam *justitiam* necesse est, ut homo satisfaciat Deo vel jejuniis, vel eleemosynis, vel alio expiationis genere. 4. Hæc *justitia* externis operibus adquiri potest: nam prava cogitatio cordis inter peccata non ponitur, nisi actionem externam eliciat: quod liberi arbitrii viribus acceptum referunt. 5. Deus conditor cœli, & terræ provideret rebus mundanis: hominumque actiones adjuvat salva libertate humana, ita ut bonum facere, vel non facere possit. 6. Deus & in hac vita, & in futura præmia, & penas pro meritis tribuit. 7. Est quædam *metempsychosis* seu transmigratio bonorum animorum in alia corpora: nam mali æternis cruciatibus addicuntur. 8. Anima sejuncta a corpore, angelique sunt spiritus per se subsistentes. 9. Expectanda est corporum resurrectio. Et hæc de dogmate: nam quæ ad ritus Pharisæicos pertinent, in quibus eorum cura omnis consumebatur, non est hujus loci exponere. [1]

III. Quarta Judæorum secta est *Essena*, cuius initium liquido cognosci non potest. Id scimus, Jonathæ Maccabæi, Hyrcanique regis ætate iam natam esse. [2] Nec injuria suspicantur viri docti, vastantibus Assyriis, &

[1] De Pharisæis plurimi scripserunt præter Josephum. In hoc argumento versati sunt ex Catholicis Serarius, Languis, Calmetus, Natalis Alexander, & Sagonius de Reipubl. Hebræor. Ex Hæreticis, Buddeus Hist. Philos. Hebræor. Basnagius, Drusius, Scaliger, ceteri. Confer. Wolfius Biblioth. Hebr. P. II. p. 815. seqq.

[2] Josephus, Antiq. Jud. L. XIII. c. 9. p. 442.

Babylonis Palæstinam , Judæos aliquos ad Aegypti deserta loca confugisse , quo facilius tñtiusque laterent : qui tempore succedente ex consuetudine Pythagoreorum , quorum ultimi Italia pulsi , fugatiq[ue] , necatis sociis , ætate Ptolcmæi Lagi ad Aegyptum confugerant , & eremiticam vitam faciebant ; Pythagoreorum placita non nulla , & vivendi formam admisisse : ex quo cursu temporis hæc secta extitit : quæ non modo in Aegypto sedem posuit , sed etiam alias provincias pervasit .

Hi homines in vicis & pagis habitabant , urbes suffiebant , agriculturæ præsertim dabant operam , & magis vitæ disciplina austerrissima , quam placitis , a reliquis Hebræis erant sevoti . Veruntamen in non nullis ab iisdem dissentiebant . 1. Ponebant animam inmortalem , sed ex subtilissimo æthere carptam , quæ corpore tamquam carcere naturali quadam inclinatione includeretur . A quo cum separantur , quæ bonæ sunt , in locum quemdam perpetuæ voluptatis ultra Oceanum dimittuntur : quæ malæ ; in tenebris & horridas detruduntur specus , ut ibi dies noctesque torqueantur . 2. Deinde putabant , ex divinæ providentiæ decreto cuncta derivari : nec quidquam hominibus præter Fati decretum accideret posse : ideo absolvant prædestinationem , uti vocant , ponebant , tollebantque libertatem . 3. Matrimonium non nulli admittebant , alii non item . 4. Morali disciplinæ anxiè vacabant , eamque non disputationibus colebant , sed vitæ actionibus exprimere curabant : tamen qui doctiores erant , aliis explanabant præcepta , iisque discipuli religiose auscultabant . Præcepta vero ad hæc tria revocabantur : amorem Dei , amorem virtutis , amorem proximi . 5. In patriis legibus explanandis præcipuum curam ponebant : & tum scriptam , tum traditam legem , instar Pharisæorum , amplexabantur . Legem autem ceteraque præcepta symbolis , Pythagoreorum more , velabant : suisque , &

pue-

pueris , quos in disciplinam recipiebant , declarabant eamdem ratione . [1]

Præter Eſenos , qui in Palæſtina , & Aegypto habitabant , & qui vitæ adiuvæ , uti vocant , dabant operam ; aliam Eſenorum classem memorat Philo , quos Therapeutas vocat , qui in Aegypti ſolitudine vixerunt . Hi contemplationi rerum diuinarum ante alios vacabant : ex quo Therapeutarum vocabulo nominauti ſunt . Scripturam ad allegoriam fleſtebant Therapeutæ , & Aegyptiorum , ac Pythagoreorum dicendi via verba omnia ſententiasque interpretabantur : eaſque consignabant scriptis , interpretationesque adſervabant . Adeoque ex Gentilium philofophorum placiris , quæ in Aegypto celebrauitur , eodem quædam ſumifſe veriſimile eſt .

Incredibile diſtu eſt , quot jurgia , & altercationes hæc Philonis narratio inter viros doſtos commoverit : dum alii contendunt , fuiffe eos Judæos , alii Gentiles putant , quidam vero Christianos . [2] Nobis ſine præjudicio rem omnem æſtimantibus dicendum videtur , magis Philoni , qnam Recentioribus , eſſe credendum , qui eos Judæos facit ex Eſenorum disciplina : & talia de illis prodidit memoriæ , quæ non niſi in Eſenos quadrant . Nihil

[1] De Eſenis præter Josephum de Bello Jud. L. II. 12. & Antiq. Jud. L. XVIII. 2. & Philonem in libro Omnis probus liber. p. 876. edit. Parif. disputant illi paullo ante nominati : quibus addi potest Trideaux Hist. Judæor. Tom. V. L. XIII. p. m. 73. seqq. Mosbemius Inst. Hist. Eccles. Sæc. I. P.I.c. 2. §. 12. ceteros dabit Wolfius loco citato pag. 817. seqq.

[2] Therapeutas fuiffe ex Judæis Christianos , contendit inter alios le Brun , & Cl. Montfauconius singulari libro demonſtrare : cui respondit doſiſſimus Bouhierius . Adde Cotellerium Patres Apostolici .

igitur prohibet suspicari , fuisse collegia aliqua Essenum, qui maiori contentione meditationi legis vacaverint : cum certo sciamus , Esseños non omnes iisdem artibus additos fuisse , tametsi communia præcepta ad unum omnes servaverint : nec eodem tempore ortos , nec ab eodem Legislatore leges accepisse : sed sensim & pedetentim societas constituisse , quarum aliæ aliis severioribus legibus adstringi potuere . Quare sua veritas flat narrationi Philonis .

Hæ sunt Judæorum sedis , quæ sub Templo posteriori nati , altercationes gravissimas suscitarunt , totamque exercuerunt Judæoruni gentem . Dogmata quæ fuerint , vidisti : quod vero ad tradendi viam , disputandique pertinet , pauca dicenda sunt . Ac primum nullis extantibus antiquis monumentis , vix certo cognosci potest , quo ordine & ratione disputarint . Unum superest , ut partim ex Sacris libris Sapientie , & Ecclesiastici , qui post captivitatem Babyloniam conscripti fuere ; [1] partim ex fragmentis librorum Hillelis senioris seu Babylonii , qui CXII. annos ante Christum natus est ; [2] quæ habentur in Thal-

[1] Confer. Bartoloccius Biblioth. Magna Rabbinic. Tom. I. p. 683. seqq.

[2] Senior Hillel pater Simeonis illius , qui Christum uulnuscepit , celebris doctoř inter Judæos fuit : discipulum habuit R. Schammai doctum hominem . Ex his duplex disciplina orta est , quarum altera cum altera strenue deceratavit . Confer. Liber Juchasin p. 19. Tanta utriusque fuit apud Judæos auctoritas , ut utriusque dicta licet sibi repugnantia vera esse , immo tamquam divina oracula recipienda esse , dicant doctores Thalmudici in Cod. ic. Erubhim c. 1. Confer. Bartoloccius . l. c. Tom. II. p. 787. seqq.

Thalmude; [1] & ex scriptis Philonis Alexandrini, qui sub Caio, & Claudio imperatoribus floruit; ceterisque, qui haud multo post litteris operam dederunt, conjecturam faciamus. Cum enim Sapientia a Philone seniore, ut putant aliqui, vel ab alio Judæo Græcis litteris eruditus, eoque divinitus inspiratus, ex Salomonis regis sententiis decerpta fuerit; [2] Iesu vero Siracidis ab nepos Ecclesiasticum divinum librum in Aegypto invenerit, & ex Hebreo Græcum fecerit; [3] omnino est verisimile, utrumque ex disciplina sui sæculi scripsisse: eo magis, quod Sapientia dicendi ratio Græcam, ut ait Hieronymus, eloquentiam redolet. Quod si prædictos libros pervolutamus, reperiemus, non modo scriptores Divinos, [4] verum etiam doctores ceteros morales sententias allegorica disputandi via exposuisse: quæ consuetudo in Aegypto invaluerat, & Palæstina.

Quare haud injuria suspicantur viri docti, Judæos doctores reliquos eadem scribendi, legemque interpretandi ratione usos fuisse: [5] nisi quod non solum talem dicendi viam admiserint non nulli, sed etiam placita quædam Philosophica, quæ in Aegypto dominabantur, ad-

[1] In Mischna Cod. Avoth. Cap. I. § II. existant dicta quædam Hillelis, quæ ad doctrinam moralem pertinent. Confer. Abarbanel in Nachaloth Avoth. C. I.

[2] Conferatur Huetius Demonstratione Evang. P. 4.

[3] Confer. Præfatio Ecclesiastici.

[4] Legatis præter analysin prædictorum librorum, quam facit Graveson loco cit. libros ipsos sacros Ecclesiastici, § Sapientia.

[5] Confer quæ de Eleazarē refert Ariæas in Histor. Lxx. Interpret. & de Aristobulo refert Origenes Contra Celsum L. III. p. 198.

misceuere domesticæ eruditioni. [1] Testes sunt luculentí Therapeutæ, qui symbolis, & allegoriis sua docuerunt & tractarunt, legeinque hac ratione interpretati sunt. Quem morem ab Aegypto ad Palæstinam pervenisse, testis est gravis auctor Josephus. [2] Id ipsum ostendunt scripta Philonis: in quibus vir doctus, & ingenio valens, placita quædam Alexandrina cum lege conjungit, eamque ad allegoriam de more inflectit, idque plerumque sine ullo ordine. Addi his possunt, quo facilius Judæorum scribendi ratio cognoscatur tota, ceteri doctores Judæi, qui paullo post eversionem secundi Templi floruerunt: ut Rabbi Akibba, auctor libri *Jezirah*, & Rabbi Schimeon Ben Jochai, qui librum *Sohar* scripsit, ceterique, qui de philosophia Cabballistica copiose conscripserunt. [3] Sed præter ceteros codices, *Talmud*, in quo & Veterum, & Recentiorum traditiones expositionesque continentur, plane ostendit, Judæos allegorica scribendi ratione summe esse delectatos: itemque conciso & obscuro dicendi genere capita quædam moralis doctrinæ exposuisse, idque nul-

[1] Florente ecclesia Judæorum, Etnicorum doctrina ab Judæis sedulo rejecta fuit: immo cum Hasmonæorum ætate quidam Judæi Hellenisticæ, id est, qui apud Græcos vivebant, eorumque lingua utebantur, Græcam philosophiam ediscerent; ne quid respublica eorum caperet detrimenti, cokditum fuit ab Synagoga tale decretum: Maledictus sit quisquis filium suum docuerit sapientiam Græcam: ut habetur in Gemara tract. Hav. Kam. f. 82. Sed paullo post intrat malum, & placita quædam Græcorum, præsertim Aegyptiorum ab doctoribus Judæis admissa sunt & Alexandria, & in Palæstina.

[2] Antiquit. Jud. Præmio p. 3.

[3] Confer. Wolfius Biblioth. Hebr. P. I. p. 955.

nullo ordine, exiguo judicio. [1] Sed hæc nos a proposito longe ducerent, quod hoc tempore non est necesse. Satis enim est ea adtingere, ex quibus cognoscatur, qualis fuerit Sacram doctrinam tradendi ratio, tum publicas tum arcana, quam sequebantur Judæi. [2]

Unum

[1] Thalmud est codex universæ doctrinæ, ac religionis Judæorum. Nimirum Esdras, ut veterem synagogam instauraret diligenter perscrutatus est, quænam fuerat majorum doctrina, germanamque ab aliis separavit, & sapientioribus narravit. At qui post suere, cum ex ea quædam argumentando dederent, occasio suere, cur ineptæ interpretationes sine ullo fine augerentur, & eadem exciperentur veneratione, ac lex ipsa. Quare medium circiter secundum saeculum Christi Simeon Hachadosh Tiberiensis eas, ne e memoria deterentur, litteris consignavit, & sex libris disposuit, quam vocant Mischna. Corpus hoc doctrinæ primus doctores Hierosolymarii exposuerunt copiosissime, idque circiter annum Christi CCC. quam expositionem vocant Gemara. Deinde Judæi Babylonii idem præstiterunt initio saeculo VI, & ex Mischna, & Gemara constat Thalmud uterque Hierosolymarii Thalmud exigua apud eos est auctoritas, obscuritas vero incredibilis. Contra Thalmud Babylonius summo in pretio est: & in eo, qui litteris vacant, & Rabbi vocari amant, laborem & operam consumunt. Incredibile dictu est, quot nugis, & ineptias contineat uterque Thalmud. Eum tamen Maimonides vir doctus inter Judæos compendifecit, resecatis nugis & fabulis. Quo ipso magnum apud doctos homines sibi nomen fecit.

[2] Cabbalam vocant Judæi artem eruendi ex Sacris codicibus mysticum & arcanum sensum: [allegoricum, tropologicum, anagogicum, eosque reconditissimos] quæ ars ostensus, ut aiunt, tradita fuit sub symbolis, non omnibus Ju-

dæi o

Unum prætereuntes monemus, Judæos ante Christum natum nullum aliud Theologæ compendium, præter Decalogum, habuisse: nec animum induxisse, ut dogmata, quæ credebant, certo ordine ac ratione consignarent scriptis: quod ipsum longo post tempore fecere. [1] Et de Judaica theologia haec tenus,

C A-

---

dæis, sed doctioribus. Hanc veteres Judæi præsertim Pharisæi ante Christum sequebantur, eaque plerumque constat Thalmud. Recentiores post conditum Thalmud alias addidere Cabbalæ speciem, quæ tota occupatur in reperiendis mysteriis in ipsis litteris alphabeti, quæ in Bibliis occurruunt, bac & illa ratione conjunctis, & separatis: hæc tota est nugatoria. Utique tamen usque ad hoc tempus mirifice delectantur ipsi. Tertium Cabbalæ genus, quod morborum curationem, incantationes, miracula, & similia jagat, à magia non differt, adeoque execrandum est. Vide Morinum Exercit. Bibl. L. II. Exerc. II. c. 5. De Cabala agunt Archangelus Burgoniensis Minorita Interpretationes in selectiora Cabalistarum dogmata, & Reuchlinus de Arte Cabalistica. Ex Recentioribus Henricus Morus, & Christianus Knorrius a Rosenroth luculenter de Cabala disputatione: & ii qui dem non sine cura legendi.

[1] Primus, qui dogmata Judaica ordine conscripsit, & ad certa capita revocavit, fuit Saadias Gaon, qui saeculo Christi X. librum Arabice scripsit b. t. Sepher Haemunah, seu Liber de Fide, cuius compendium fecit Hottingerus in Biblioth. Id ipsum condidit saeculo XII. Maimonides, & ceteri deinceps: sed, præter ceteros Maimonides suorum planum babuit: isque auctor fuit Judæis, ut Aristotelicum philosophandi genus amplecterentur,

## CAPUT V.

*De Theologia Christianorum usque ad III. saeculi finem.*

**P**Ervenimus ad Theologiæ firmam ætatem , scilicet ad tempora Jesu Christi , in quibus ipsa incrementum omne , quod habitura erat , obtinuit : immo quamdam maturitatem adepta est , in qua usque ad finem mundi divino præsidio duratura est . Erat enim Christus veteris legis scopus præcipuus : cui operi præluserat Deus per quartu[m] mille annos & amplius , mirifico apparatu excitans Fideles ad illius contemplationem . Omnia enim , quæ contingebant Hebreis , venturi Messiaæ erant figura : omnia ad Christum referebantur , quem Vetus ecclesia sperabat , & Nova conditiorem habitura erat . Qui quidem non legem Mosis abrogare venit , sed adimplere : e qua iota unum , aut unus apex non præterit .

Et quidem Spiritus S. beneficio omnia Fidei dogma-  
ta uno eodemque tempore Apostolis tradita fuere , & ex-  
plicata : ut divina mysteria intelligerent ipsi , eamdemque  
doctrinam Ecclesiæ traderent . Nullum deinceps novum  
dogma , quod lauisset Apostolos , faciendum erat . Omnia  
provisa erant & constituta . Unum promiserat Deus , ni-  
mirum Ecclesiæ suæ mirabili modo opitulari , eamque mo-  
derari , ne aliam , quam divinitus traditam doctrinam ,  
amplecteretur ipsa , ceterisque instillaret . [i]

Quamquam vero dogmata omnia summa religione  
in Ecclesia servata fuerint , tamen non eodem tempore ,  
nec eadem explicandi ratione & claritate Fidelibus mani-  
festata sunt : sed pro varia occasione , mature alia , alia  
serius ; quædam aperte , alia subobscure tradita sunt . Ex  
quo

[i]. Matth. C. ult. v. 19. 20.

quæ varietas hæc existit, quæ historiam Theologicam facit. Quare de hac historiæ parte disputabimus hoc loco, si primum monuerimus, non de natura Theologiz, quæ invariata permanet, sed de vario usu, ac ratione explicandi Sacram scientiam futurum esse sermonem. Sed ad rem ipsam veniamus.

Christus Liberator noster docturus Judæos ea, quæ in Veteri ecclesia præfigurata erant, ea disputandi ratione usus est, quæ apud Judæos, & Orientales inveteraverat. [1] Nimirum non solum cum apud rudiores loqueretur, [2] sed etiam cum ad discipulos de rebus divinis diceret, parabolis & similitudinibus utebatur. Tametsi interdum plane atque aperte, quæ necessaria erant, exponeret. [3]

Certe præceptor nosler, qui ad populorum intellegitum se accommodare volebat, non alia ratione efficere id debuit, quam quæ ipsis esset cognita & usitata. Iccirco divino & sapientissimo consilio dogmata sua non ordine ac via exposuit, nec systematica methodo texere voluit: pròpterea quia hæc disputandi ratio ea ætate non nisi quibusdam Græcis philosophis erat explorata: Judæis vero tam erat incognita, ut qui eadem apud eos uteretur, intelligi omnino non posset. Ut illud mittam, Judæos, rebus sensilibus, & mundanis occupatos, tantam lucem fer-

re

[1] Confer. Petr. Daniel. Huetius De Origine fabularum Romanensium. p. 23. seqq.

[2] „ Hæc omnia locutus est Jesus in parabolis ad turbas: & sine parabolis non loquebatur eis. Matth. C.XIII: v.34.

[3] Ibidem. v. 36. seqq. ubi dicit. metaphoras proponit, & explicat discipulis. „ Hæc in proverbiis locutus sum vobis: Venit hora cum jam non in proverbiis loquar vobis, sed palam de Patre anuntiabo vobis. Joann. C.XVI. v. 25.

re non potuisse , ut illis Christi decreta facili sermone possent explicari . Adèoque parabolaruni velo doctrina illa divina erat occultanda , ut paullatim iis adsueti , & quasi e tenebris per gradus ad lucem perducti , verum Scripturarum sensum animo perciperent : Christum Dominum , cuius exspectatione tenebantur , agnoscerent , & ipsius dictis essent audientes .

Præceptoris decreta Apostoli voce populis nuntiabantur . Neque enim Christus doctrinam suam , id est leges , & consilia , monumentis mandavit : nec discipulis injunxit , ut scriptis consignaretur . Illud voluit , ut eam voce populis instillarent . [1] Erat enim doctrina Christi divini numinis beneficio Fideliū animis impressa : atque eodem dirigente , & animos præparante , apud innumerā gentes investita fuit & propagata , ante quam scriptis confignatur . Quod animadverentes Apostoli , & Discipuli , non illi quidem de hoc cogitarunt , ut doctrinam Christi tum quæ dogmata , tum quæ mores spectat , ordine scriberent : sed ut eandem publice prædicarent , atque Prophetarum vaticiniis illustrarent : tum miraculis conficerent esse veram , & sanguine fuso confirmarent : cetera Deo reliquerunt . [2]

Ipsi , qui Evangelia conscriperunt , non eo consilio fecerunt quod putarent , sine scripto religionem nostram consistere non posse ; sed ut morem gererent populis , qui aliquid tale scriptum habere desiderabant . Matthæus , qui

[1] „ Euntes in Mundum universum prædicate Evangelium omni creaturæ . Marci C. XVI. v. 15. Euntes ergo docete omnes gentes . . . . docentes eos servare omnia quæcumque mandavi vobis . Matth. C. XXVIII. 19. 20.

[2] „ Ego plantavi , Apollo rigavit , sed Deus increvit mentum dedit . Paulus I. Corinth. III. 6.

qui primis Evangelium composuit , Judæorum causa , qui ad Fidem venerant , id fecit , & Palæstinorum lingua conscripsit . Marcus Romanorum fidelium gratia scripsisse videtur . Lucas initio Evangelii fatetur , se ea de causa Evangelium lucubrasse , quia cognoverat , plurimos Christi historiam parum feliciter esse aggressos . Atque non modo Theophili gratia , viri inlustris , Evangelium condidit , sed etiam Acta Apostolorum . Joannes vero , tametsi vitam bene longam docendo consumeret , tamen non nisi postremis vitæ suæ temporibus , idque ut morem gereret Episcopis Asiae ; Evangelium mandavit scriptis : ut haberent quæ opponerent invidentiæ Ebionis , Cerinthi , Nicolaitarum , qui perversas opiniones de natura Christi prædicabant . [1]

Ceteri Apostoli Evangelium non scripserunt : qui vero epistolas aliquas dederunt , de iis tantum dogmatibus disputatione , quæ scire eos oportebat , ad quos scribebant : vel contentionum , quæ in Ecclesia identidem instituebantur , ratio postulabat . Nusquam compendia Theologica dedita opera considerunt : sed voce , idque facili oratione , sine ulla forma disciplinæ Philosophicæ , dogmata exposuerunt : quod ipsum Paulus profitetur . [2] Et quamquam sanctissimus doctor quodam loco [3]

præ-

[1] Confer . S. Hieronymus de Scriptorib. Eccles.

[2] „ Et ego cum venissem ad vos , fratres , veni non „ in sublimitate sermonis , aut sapientie , annuntians vo- „ bis testimonium Christi . I. Corinth. II. 1. & C. III. 2. „ Lac vobis porum dedi , non escam : non dum enim pote- „ ratis , sed ne nunc quidem potesis . In quem locum ait Clemens Alexandrinus „ Catechizavi vos , b. e. per audi- „ tum in Christo institui simplici & per se naturali alimento „ spirituali . L. I. Pædagog. c. 6. p. 98.

[3] Ad Hebreos VI. 1.

præcipua capita nostræ religionis enarret, tamen non jum  
sum compendium fecit: nec ut id efficerent beatissimi ho-  
mines animum induxerunt: immo nec aliter potuere,  
propterea quia eorum vita fuit perpetua contentio, &  
dimicatio cum adversariis Christianæ doctrinæ. [1]

Sed & Apostolorum symbolum, [2] in quo præcipua  
de-

[1] Quadruplicis generis fuere illi, quibuscum Apostoli disceptando contenderunt: Gentiles, Judæi non dum conversi, Judæi Neophyti, Hæretici. Cum Ethnicis disputabant: An esse possit aliqua felicitas æterna: & si pos-  
sit, an Apostoli ad eam consequendam viam, certam munirant. Confer. Actor. XIII. 17. ad Ephes. II. 1. ad The-  
salonic. I. 9. 10. . Judæorum vero cum Apostolis hæc era:  
controversia: An Jesus Nazarenus sit verus Messias: id est,  
an felicitas æterna hominis ex legis Mosaicæ observatione,  
an ex Christi lege sit speranda. Et quoniam Neophytis Ju-  
dæis quibusdam erat persuasum, legem veterem non esse re-  
pudiandam, constituit altera quæstio: Utrum Judæorum ri-  
tus cum doctrina Christi sint conjungendi, an ea sola sufficiat:  
quam quæstionem vehementer Paulus urget contra pseudo-  
apostolos, præsertim Galatas, & Philippenses. Hæretico-  
rum autem, ut plurimi erant errores, ita quæstiones diver-  
sæ natæ sunt: ut illa Hymenæi, & Phileti: II. Timoth.  
II. 17. 18. item Nicolaitarum Apocal. II. 6. 15. Simonia-  
norum, Cerintianorum, ceterorum. Præcipue hoc re-  
deunt: Disputabant de emanationibus rerum a prima caus-  
sa, seu de mundi creatione, de Christi natura divina, de  
cultu Angelorum, de mortuorum corporum instauratione,  
& his similibus. Confer. Epiphanius, & Irenæus libris  
vulgatis.

[2] Symbolum non scriptis consignatum, sed memorie  
mandatum fuisse, Veterum fuit opinio. , Symbolum, in-  
quit

decreta nostræ religionis continentur , pro compendio universæ Theologizæ , eo sensu , quo supra diximus , haberi nequit : propterea quia nec ea ordine ponuntur , & explicantur ; quod est Compendiorum : nec alia ex aliis ducuntur , argumentisve confirmantur ; quod pertinet ad Systemata . Itaque si monumenta omnia , quæ beata illa sæcula reliquerunt , diligenter consideramus , reperiemus , Divinos scriptores nec compendia , nec systemata Theologiæ scriptis consignasse : [1] immo vero pleraque justis de caussis non nisi obscure tradidisse . [2]

Eadem ratione patres Apostolici , id est illi , qui & Apostolorum ævo vixerunt , & ab iisdem erant initiati , usi sunt . Qui a præceptorum doctrina , & catechizandi disceptandique via non recesserunt . Hujusmodi fuere Simeon , Ignatius , Polycarpus , Papias , ceteri : qui in hoc toti fuere , ut Evangelium apud Infideles prædicarent ,

miraz-

---

„ quit Hieron. fidei , & spei nostræ , quod ab Apostolis traditum , non scribitur in charta & atramento ; sed in tabulis cordis carnalibus . Epist. 61. ad Pamachium . Idem ab Apostolis conditum , negarunt Du Pinus , & alii : defendant Petit Didier , Celier , Natalis Alexander .

[1] Liber Didascaliorum , qui Apostolis tribuebatur , eorum fetus non esse fatetur Eusebius Cœfariensis Hist. Eccles. L. III. c. 25. Ab aliis conditæ sunt hujusmodi Didascalie , quasi essent ab Apostolis , horumve discipulis conscriptæ , vel dictatae .

[2] „ Qui in primordiis Ecclesiæ leges condiderunt Apostoli , ac Patres , in occulto , & non verbis expresso , suam servuvere mysteriis dignitatem . Neque enim miserium est omnino , quod ad populares , ac vulgares aures effertur . Hæc est ratio cur quædam sine scripto tradita fuerunt : ne dogmatum cognitio ipsa apud vulgus confundire vilesceret . Basilius L. de Spirit. S. c. 27. pag. 511.

miraculis confirmarent, singulosque eridirent eadem doctrina, quam ab Apostolis acceperant. [1] Nihil ipsi de suo addiderunt, nihil novum excogitarunt: sed ad Apostolorum doctrinam, tamquam ad Lydium lapidem, omnia revocabant: ex eaque contentiones, quæ in Ecclesia movebantur, finiebant. Itaque & dogmata exponebant, & de mortuus innocentia fere semper loquebantur.

Fuit per id tempus *Hermas* quidam, Pauli discipulus, conditor libri, qui *Pastor* nominatur, in tres partes divisi: quarum prima quatuor visiones complectitur: altera decem mandata: tertia decem similitudines. Hic liber tanto in pretio habitus fuit in Ecclesia, ut eum non modo gravissimi homines laudarint; sed etiam in Ecclesiis Orientis legerint & explicarint. [2] Verum tametsi in eo quædam ad primam institutionem accommodata repérianter, tamen ad componendos mores totus est institutus: nec vero id dilucide & distribuite, sed incondite & nullo ordine. [3] Quare nullum in-

Y

eo

[1] „Quæ enim hactenus a viris illis divinitus adflatis fuerunt litteris mandata, ea Deus, sed nec plura, nec pauciora, ad homines cum Fidei dogmatibus tum morum præceptis perfecte imbuendos, ita sufficere iudicavit, ut nihil amplius a quoquam jure merito posset desiderari. Nourry Apparat. ad Biblioth. PP. L. II. c. I. s. I. Confer. Euseb. ib. c. 37.

[2] „Ab aliis vero maxime nec farias judicatur, iis præserim, qui primis religionis nostræ elementis insti-tuendi sunt. Unde etiam in ecclesiis eum publice legi comperimus, & quosdam ex vetustissimis scriptoribus ipsius testimonio usos fuisse. Eusebius Histor. Eccles. L. III. c. 3.

[3] Consulte Cl. Nourry Apparat. ad Bibliothec. Maxim. Patrum Dissert. IIII. art. I. p. 47. qui libri analysin condit.

eo systema possimus reperire . Similiter judicandum est de Iognatii Epistola ad Magnesianos : quæ ad disciplinam Morum magis , quam ad Dogmata , pertinet . Potius enim hi Doctores in instituendis Fidelibus Apostolica doctrina , quam in componendis scriptis arte atque methodo , cogitationes defigebant .

Itaque Apostolici patres & Infideles , & Catechumenos [1] erudiebant veritate Christianæ religionis , sed alia & alia ratione . Judæis enim ostendebant , venisse Christum , quem illi exspectabant : quod ex vaticiniis Prophetarum efficiebant , ostendentes , Christi legem veteri illi Mosis esse antependiam . Paganis vero demonstrabant , unum esse Deum cœli , & terræ conditorem : ejusque filium unigenitum carnem sumisset , hominibusque leges & justas , & sacrosanctas tradidisse . Christum , etiamsi a Judæis fuerit necatus , tamen esse Deum : quod ex miraculis , quæ vel in vita , vel in morte patratarat , planum faciebant . Tum argumentis conficiebant , hominum corpora instaurari debere , ut præmium , vel pœnam pro meritis accipient . Atque hanc doctrinam non modo miraculis stupendis , sed etiam morte & martyrio confirmabant . Hæc ad Infideles .

Catechumenos autem tali ratione instituebant .  
Prin-

---

[i] Infideles erant Gentiles , & Judæi Christo repugnantes . Catechumeni vocabantur illi , qui mysteriis Christi ante baptismum initabantur . Cum vero inter eos ponebantur , qui postremis Quadragesimæ diebus nomen dabant ut diebus Paschatis baptisatae mundarentur , Competentes vocabantur . Neophyti dicebantur , qui baud ita pridem erant baptizati : nam qui a longo tempore erant nominantur Perfecti , & Fideles . Catechisiæ illi erant , qui vel Catechumenos , vel Fideles instituebant . Catecheses vero erant institutiones , quibus singuli imbucabantur .

Principio rudioribus declarabant, eum, qui Christiano nomine censeri cupit, primam curare debere, ut Gentilium religionem fabulasque delect ex animo, easque penitus rejiciat: deinde ut sincero animi dolore flagitia sua detelletur: tum ut se baptisante mundet a scordibus peccatorum, atque Christi legem adamassim sequatur: ad extremum Decalogum exponebant eisdem. Hec prima Isagoge vocabatur. Qui vero aliquem progressum habebant, iis symbolum voce tenus tradebatur, quæ erat secunda Isagoge. [1] Post baptismum explicabantur Neophyti interiora dogmata Christianorum, velut Trinitatis, Incarnationis, Sacramentorum, præsertim vero Eucharistiae. Tum eos commonesfaciebant, ut eamdem doctrinam firmiter tenerent, proque ea defendenda vim tormentorum perferrent, mortemque, si opus esset, subirent. Et hisce Theologica eorum absolvebatur disciplina.

Hæ vero catecheses ab eodem catechista habebantur pleno familiarique sermone, ut docendi munus postulabat, & tales viros decebat. Ex quo catechista vocabulum longo tempore iis, qui abstrusiorem Theologiam tradebant, id est, qui Sacros codices interpretabantur, tributum fuit. [2] Quo vocabulo Theologorum munus designabatur, nempe Sacras litteras explicandi: immo & ipsæ dissertationes Theologicæ catecheses sunt appellatae. [3]

Y 2

Sæ-

[1] De utraque Isagoge, præsertim, quæ Alexandrie erat, meminit Eusebius l. c. L. VI. c. 15. & L. V. c. 11.

[2] „ Sine causa Gregorium Nazianzenum, & Didymum in Scripturis SS. catechistas habui: ita ait fine IIII. saeculi Hieronymus in Apologetico ad Dominionem.

[3] „ Alexandriæ [ Clemens Alex. ] Ecclesiasticam scholam tenuit, & catecheseon magister fuit. Hieron. Catalog. de Script. Eccles. loquens de Clem.

Sæculo II. eadem obtinuit via tradendi Sacram doctrinam tum Catechumenis [1] tum Fidelibus. [2] Nimirum eam Catechistæ plane, & sine ulla ambagibus explicabant, uti antea demonstravimus. Quod si contentio aliqua de germana scriptione Bibliorum movebatur inter Fideles, Evangeliorum libros, qui in singulis ecclesiis summa religione servabantur, exhibebant, quo ipso disputatio finiri solebat: Sin dubium, aut aliquid obscurum occurrebat, consulebant seniores, qui ab Apostolis acceperant germanum sensum, eorumque dictis erant audientes. [3] Ex quo primi traditionis scriptæ libri profecti sunt, in quibus Theologi ea scribebant, quæ a majoribus acceperant, viris divinis.

At majori apparatu, quam superiori sæculo, Sacra disciplina tradita fuit in scholis, præsertim Alexandriæ, [4] in qua plurimi viri litteratissimi fundi sunt munere do-

[1] Id præstitit Clemens Alexandrinus in Admonitione ad Græcos, seu Gentiles.

[2] Id vero effecit in Pædagogo: ubi officia omnia Christianorum latissime persequitur.

[3] „Et si quibus de aliqua modica quæstione disceptatio esset, nonne oporteret in antiquissimas recurrere ecclesiæ, in quibus Apostoli conversat i sunt, & ab eis de præsenti quæstione sumere quod certum, & re liquidum est? Quid autem, si neque Apostoli quidem Scripturas reliquissent nobis, nonne oportebat ordinem sequi traditionis, quam tradiderunt iis, quibus committebant Ecclesiæ? Irenæus Contra Hæres. L. III.c. 3.

[4] „Per idem tempus [Commodo imperante, id est ab anno 180. usque ad 193.] Fidelium scholæ præterat vir doctrinæ causa celeberrimus, nomine Pantænus: quippe jam inde a priscis temporibus Sacrarum lit-

doctoris : ut Pantænus , Clemens Alexandrinus , Origenes , Eraclæ , ceteri . [1] Nam cum hi Gentilium litteratura ad plenum essent eruditi , qui accurate atque ordine singula persequebantur ; dum se ad Christianos applicarunt , clariori ac facilitiori ordine tradiderunt dogmata & exposuerunt . Itaque , quo commodius singulis optularentur , Isagogem rudiorum ab Isagoge perfectorum separaverunt : illamque aliis reliquerunt , hanc sibi sumserunt . [2] Quare ne ex ambiguo loquamur , illos Isagogicos , hos Theologos nominabimus . Theologi autem munus erat , duabus hebdomadæ diebus aliquam Sacrae scripturæ partem interpretari : [3] idque vel Episcopus , vel hujus iussione alii præstabant . [4] Quæ catecheses non arte erant & studio elaboratae & conscriptæ : sed plerumque ex tempore dicebantur , & ut occasio postulabat , interdum voce , interdum ex scripto . [5]

Y 3

Quod

„ litterarum schola in eadem civitate Alexandrina fuerat  
„ instituta : quæ quidem nostra ætate adhuc perseverat .  
Eusebius Hist. Eccles. L. V. c. 10.

[1] Quamquam ab Apostolorum ætate plurimis in locis scholæ catecheseos aperiæ essent ; tamen Alexandrina , cuius originem Eusebius Hist. L. II. c. 15. 16. 23. refert ad Marcum Evangelistam , celebris præter ceteras fuit . Verum de primis Alexandrinis doctoribus nihil scimus : immo vix eorum nomina cognoscimus : nec nisi labente saeculo II. seu a Pantæni ætate aliquid certo dici potest .

[2] Eusebius . ibid. L. VI. c. 15.

[3] Socrates Hist. Eccles. L. V. c. 22.

[4] Ambros. de Officiis L. I. c. 1.

[5] „ Pantænus . . . Alexandrinæ præfuit Scholæ : ubi  
„ partim viva voce , partim scriptis Divinorum dogmatum  
„ tesauros exposuit . Euseb. ib. L. V. c. 10. Confer.

Cle-

Quod ad hostes religionis nostræ spectat , eos majori copia eruditionis, quam præcedenti sæculo saclum, catechistæ nostri resutarunt : Christianaque decreta accuratius exposuerunt, & confirmarunt : idque partim Hæreticorum , partim Gentilium caussa . Nam cum Saturninus, Basilides, Valentinus, Carpocrates ; & paullo post Cerdon, Marcion, ceteri , sub nomine *Gnosticorum* ; Simonis Magi , & Menandri , & Nicolitarum , aliquotmque , qui primo sæculo nefarias hæreses excogitarant , errores reciperenr ; atque Alexandriæ , & Antiochiae in gymnasis eosdem publice docerent ; Gentiles autem ex eorum erroribus , & obscenitate , ceteros Christianos per errorem dimitterentur ; [1] in magnam invidiam incidit Christiana religio : quæ caussa fuit Gentilibus, cur in nostros in pie graffarentur . Quam ut depellerent sanctissimi homines , & Christianorum , qui vere hoc nomine digni erant , tum sanam doctrinam , tum morum integritatem facerent manifestam ; pro Christiana religione Apologias fecerunt : & Adriano , Antonino Pio , Marco Aurelio , ceterisque Imperatoribus & magistratibus miserunt : [2] quæ hoc boni

*Clemens Alex. in Pædagogo , præsertim Libro 3. qui libri eo consilio videntur conscripti , ut in ecclesiis recitarentur . Incertum tamen est , an ceteri catechistæ dedita opera catecheses composuerint , ut Fideles instituerentur .*

[1] *Tripli criminis Christiani postulabantur a Gentilibus : quod Deos tollerent : quod carne humana vescerentur : quod incesto ac nefario utearentur concubitu . Confer. Apologia Athenagoræ , qui tria hæc diluit flagitia .*

[2] *Exstant Iustini , Athenagoræ , Tatiani , Theophilii Antiocheni , Minutii Felicis , Tertulliani , ceterorumque Apologiarum pro Veritate Christianæ Religionis . Confer. Nonnus Appar. ad Biblioth. PP. Tom. II.*

boni Christianis hominibus adulterunt; ut religionis causa interdum non fatigarentur.

In his vero sanctissimi, & eloquentissimi homines non hoc sibi proposuerunt, ut dogmata nostra omnia ordine exponerent, & neferent inter se: sed hoc tantum, ut præcipua Christianorum placita defenderent ab Gentilium calumniis. Itaque rationibus, & testimoniis ex Poetis Gentilium sumtis planum faciebant, quam futilibus argumentis superstitioni vulgatæ, & ab ipsis saepenumero explosæ, succurrere conarentur Gentiles: quam multis conviciis inter se eorum sectæ decertarent, & quam facile omnium ludibrio se se exponerent: quam infirmas hypotheses excogitarent singulæ Philosophorum disciplinæ, ut res divinas, & humanas explicarent: quam multos, quamque perniciosos foyerent errores, qui sint omnibus bonis detestandi.

E contrario exponebant excellentiam Christianæ doctrinæ: & perspicuis rationibus efficiebant, non nisi unum esse Denm, qui filium suum dimisit in mundo: quod ex Prophetis, & miraculis Christi luculenter confirmabant. Tum plurimis verbis declarabant, quanta esset nostrarum legum præstantia: quæ morum integritas ex iisdem proficeretur: quot quamque insignibus eniteret ornamenti Christiana religio præter sectas Philosophorum: & hujus generis alia, quæ Christianæ religionis excellentiam patesciunt. Si qua vero ab Ethnicis commode dicta occurrebant, ea Sacris codicibus consentanea esse demonstrabant. Adeoque cogebant philosophiam Gentilem nostræ religioni opitulari: quod ante alios fecit Theophilus Antiochenus [1] & Hermias. [2]

---

[1] Ad Autolycum L. I. & II. Vide Nourry l. c. d. 4, cap. 2. §. 4. pag. 506. [2] In Irrisione Gentinum.

Alii, ut *Athenagoras* [1] & *Maximus* [2] argumentatione naturæ effecerunt, quædam dogmata Christiana, quæ Gentiles concoquere non poterant, bona Philosophiæ legibus non repugnare.

Fuere, qui Judæos blaterantes in nostros strenue persequebantur: velut *Claudius Apollinaris* [3] & *Miltiades* [4] & *Tertullianus*. Fuere, qui Hæreticorum errores dedita opera confutarent, ostendentes, eorum perversa dogmata & Scripturæ autoritati, & doctrinæ ab Apostolis, discipulisque traditæ, ipsi denique naturali rationi adversari: in quibus numerantur *Justinus* [5] & *Theophilus*, & *Miltiades* prædicti: tunc *Irenæus*, *Clemens Alexandrinus*, *Tertullianus*, [6] ceteri. Postremo alii vel partem aliquam Divinorum codicum, quæ ad confirmandam religionem nostram erant idonea, ex majorum traditione libris editis interpretati sunt: [7] ut *Heraclitus*, *Candidus*, *Appion*, *Rhodon*, *Judas*, *Tantænus*, *Clemens Alexandrinus*: [8] vel loca ea, quæ primo con-

spectu

[1] *Libro de Resurrectione carnis.*

[2] *De Mali origine, & creatione Materiæ disputavit.* Vide *Eusebium Hist. Eccl. L. V. c. 27.*

[3] *Eusebius ib. & L. IIII. c. 27.* [4] *Euseb. ib. L. V. c. 17.*

[5] Confer. *ipsius Apolog. pro Christian. S. xxxv.*  
p. 54. edit. Grabii.

[6] Legatur vel unus liber Tertulliani de Præscriptionibus, quem ante hæresim conscripsit; in quo Hæreticos arguit novitatis, & ex traditione Ecclesiae confutat.

[7] *Eusebius ibid.*, & L. IIII. c. 21., & 24.

[8] „ *Idem* in libris VIII. innotescens omnium, ut „ uno verbo dicam, Virtusque testamenti scripturae „ rum compendiosam instituit enarrationem: ne illis qui „ dem prætermisso Scripturis, de quibus inter multos „ ambigitur. *Eusebius Hist. Eccl. L. VI. c. 14.*

specu pugnantia videbantur, in concordiam revocarunt: ut haberent Christiani quid opponerent hostibus nostris, qui Sacros scriptores præsertim Evangelistas pugnantia conscripsisse, per summam impudentiam jaetabant. Inter quos reserri debet *Tatianus*, & *Theophilus*. [1]

Eorum itaque Theologia ad quatuor capita revo-  
cabatur. 1. Rudimentis Fidei Catechumenos erudie-  
bant, & morum præcepta docebant Fideles. [2] 2. Chri-  
stianorum tum placita, tum ritus ab Gentilium irrisio-  
bus, & calumniis defendebant. 3. Veritatem Christianæ  
religionis Judæis, si opus erat, probabant. 4. Testimo-  
nia divina, quæ ad confirmandam Evangelicam doctri-  
nam erant accommodata, secundum Apostolorum senten-  
tiam interpretabantur, ut occurserent Hæreticis, eosque  
de novitate postularent. [3] Nusquam vero de condens-  
dis per otium libris sine ulla necessitate cogitarunt: con-  
tentii resistere illis, qui doctrinam a majoribus quasi per  
manus acceptam vel erroribus, vel calumniis deprava-  
bant. [4]

Quod

[1] Conf. Hieron. de Viris Illustribus. & Ep. ad Algas.  
pag. 197. edit. Martianæ.

[2] Confer. Constitut. Apostolicæ L. VII. cap. 39.  
p. 382. edit. Cotelerii, ubi ratio catecheseos in Veteri ec-  
clesia recepta exponitur.

[3] Conferatur Vincentius Lerinensis Commonitorio  
primo c. 3. 11. 26. seqq. ubi de PP. autoritate in rebus  
Fidei disputat copiose.

[4] „ Patres, quibus merito & jure persuasum erat,  
„ supremi numinis consilium primitus non fuisse, ut ejus  
„ veritas ope librorum innotesceret, & universum terra-  
„ rum orbem pervaderet; de mysteriis Fidei tunc soluta-  
„ scripsere, cum insolita exorti cuiusdam in Ecclesia tu-  
„ multus occasio postularet: coque potissimum fine, ut po-

Quod ad rationem docendi, disputandique pertinet, non scholarum forma ac partitione utebantur: non Dialecticas argutias & cavillationes adhibebant: sed perpetua oratione singula persequebantur. Quod si adversarios confutare in animo proponebant, primo eorum sententias ponebant: deinde ex perspicuis Scripturarum locis, atque ex recta ratione tum argumentationes suas promebant, tum adversariorum argumenta infirmabant. [1] Aliquando tamen, quo facilius hostes religionis nostræ debilitarent, ex principiis ab iisdem admissis argumentabantur: quod est Dialecticis argumentari ad hominem. Quod ante alios fecit, Irenæus.

Non aliam viam inslitterunt illi, qui saeculo III. docendi munus sumserunt: qui & catecheses Isagogicas, & etiam Mystagogicas, seu Homiliae ad Neophytes, & Fideles habuerunt. In hoc differunt: primum, quod hoc saeculo Polemicanam theologiam diligentius tractare coeperunt; praesertim contra Gentiles. Nam cum per id tempus Gentiles philosophi, siue acutissimi, & doctissimi, ut Celsus, Porphyrius, ceteri, tamquam rabidi canes, scriptis editis nostros morderent; Christiani doctores iis solerter ac abundanter occurrentum esse judicarunt: ut Methodius, Apollinaris, ceteri. [2] Exstant adhuc Origenis Adamantii, viri eruditissimi, Libri con-

174,

---

„pulo ab eis Fidei defensionem exposcenti indulgerent. Bonaventura Argouensis Chartisanus de Optima Legendor. T.P. methodo P. III. c. 9. p. m. 260.

[1] Velut Irenæus, qui Contra Hæreses libro I. historiam errorum texit: quatuor vero postremis confutationem conscribit earum. Ceteri vero non omnes eadem praestiterunt.

[2] Hieron. Epist. LXXXIII. ad Magnum.

tra Celsum Epicureum , ex quibus de ceteris deperditis  
judicare possumus . Præterea Hæreticos nimis multos ,  
qui hoc sæculo deliria inulta excogitarunt , fregerunt do-  
ctores nostri vel in Orationibus , vel libris : sed non mul-  
tum in hoc a superioribus recesserunt . Alterum , in quo  
differunt , est , quod Sacros codices subtilius & accura-  
tius interpretati sunt . Nam præter homilia , in quibus  
Scripturæ sensus facili interpretatione exponebatur , &  
ad populorum captum magis accommodate ; finere subti-  
liores interpretationes , & quæ plus olei præ se ferebant ;  
in quibus viri docti , quidquid necessarium erat ad in-  
tellectum Scripturarum , conglomerarunt .

Exemplo nobis sit *Origenes* , qui triplicis generis  
interpretationem exaravit . Brimum sunt *scholia* : in  
quibus , quæ sibi videbantur obscura , breviter enarrat-  
vit . Alterum continet *homilia* : quarum alias me-  
ditate conscripsit : alias ex tempore pronunciavit ,  
quas discipuli mandarunt scriptis . Tertium genus con-  
tinet *volumina* , seu interpretationem Sacrorum codicum  
diligentem eam quidem & laboriosam : in quam , quid-  
quid erditionis , & ingenii habuit , congesit . [1] Item  
Apparatum quemdam reliquit ad Scripturæ explanatio-  
nem vehementer accommodatum . [2] Præterea Poly-  
glotam lucubravit , in qua quatuor versiones Græcas ,  
nempe LXX. Senum , Aquilæ , Syinnachi , Theodotio-  
nis

[1] Consule *Huetium in Origenianis* . L. III. pag. 236.  
seqq. Si Hæretici librum aliquem divinum esse negabant , id  
PP. ex aliis ab iis admissis efficiebant . Sin unum dogma  
negabant , ex tradita doctrina refutabantur ab Episcopis .

[2] Significatur *Philocalia Origenis* , in qua 27. Capi-  
tibus de autoritate , stilo , & interpretatione scripturæ  
Sacræ differit : quam Greg. Nazianz. & Basilius college-  
runt ex scriptis ejusdem .

nis sub uno adspicere in singulis paginis posuit: quæ Biblia hac de causa vocata sunt *Tetrapla*. Quibus postea cum addiderit textum Hebræum & Hebræis, & Græcis characteribus descriptum, evasit *Hexapla*, id est, sex habens paginas: ac demum facta est *Otagpla*, postea quam quintam, & sextam versionem Græcam, quas repererat in dolio, adjunxit. Certe *Origenes* in suis scriptis ostendit, sibi non modo eruditionem, sed limatum judicium inesse, & inter optimos Criticos referri posse. Nisi studio illo suo trahendi omnia ad allegoriam, non modo ab scopo aberrasset int erdnm, sed etiam sibi ipsi constans non fuisset. Nempe Alexandrina philosophia impeditus, itemque ut occurreret Marcioni, & Celso, qui allegorias omnino exclusus volebant, [1] modum non tenuit. [2] Et eo auctore plurimi in euarrandis Scripturis operam

[1] *Vide Origenem Dialog. Contr. Marcionitas p. 10. edit. Wetstenii: & Epiphan. Hæref. XXII.*

[2] Pantænus, & Clemens Alexandrinus, aliqui doctores Christiani, qui ab Judæis Hellenistis, & Platonice philosophiæ deditis, velut Philone Alexandrinò, didicerant rationem illam fætendi codices Sacros ad mysticum sensum, eadem interpretandi via interdum non recte usi sunt Alexandriæ, & aliis in locis ante Origenem: immo etiam post Origenem eodem modo ab aliquibus peccatum est. Ipse tamen Origenes hoc præcipue peccavit, quod putavit, in utroque testamento quædam esse, quæ si ad verbum accipiuntur, falsa sint, absurdâ. & sibi ac humanae rationi repugnantia. Itaque primum ojebat, ritus omnes ad allegoriam esse trahendos. Deinde, povendam in cælo aliam Jerusalēm, Babyloniam, Tyrum, Aegyptum, ceteraque urbes, de quibus in Prophetis est sermo. Posiremo, anteponendum esse mysticum sensum, quotiescumque aliquid se offert,

ram posuerunt: ut *Ammonius Alexandrinus*, diversus ab *Ammonio Sacca*, *Julius Africanus*, alii.

Idem *Origenes* in libris <sup>περὶ ἀρχῶν</sup> seu de *Principiis* [exitat solum Latina interpretatio a *Ruffino* conscripta] quoddam Christianæ religionis, & Philosophiæ suæ compendium edidit. [1] Quatuor in libros partitur. Libro primo de Patre, & Filio, & Spiritu Sancto agit. Secundo de mundo, & quæ in eo continentur: tum eumdem esse Veteris, & Novi testamenti Deum: tum Salvatoris incarnationem tangit: tum eumdem Spiritum divinum in Moysi, Prophetis, Apostolisque fuisse defendit: postremo de animo humano, de resurrectione, de poena, de præmiis disputatione. In tertio de libertate agit: tum explicat quæ ratione mali dæmones generi humano noxiæ sint. Præterea Mundum ortum habuisse, & interitus esse exponit. In quarto de ultimo fine tractat: ostenditque, Sacros codices esse divinos, & de modo eos legendi: explicat. [2]

Quinquam vero his libris præcipua religionis nos  
firæ

effert, quod Dei majestati, ac sanctitati consentaneum non sit. En systema *Origenis*, ex quo plurimi errores orti sunt: Confer. *Origenis Homilia V. & VII. in Leviticum*, & de *Principiis L. IIII. n. 16.* seqq.

[1] „ *Origenes primus est*, qui *Theologiae systema* quod-  
„ dain in opere, cui titulus *Peri Archon* seu de *Principiis*,  
„ aggressus est. Sed conatus hic novus felici caruit successu.  
„ *Auctor enim hic genio indulgens*, dum doctrinam Chri-  
„ stianam principiis philosophiæ Platonicæ accommodare  
„ satagit, pluribus se se irretivit erroribus, qui postea  
„ memoriam, & estimationem nominis ejus deturparunt.  
*Dupinus Method. Studii Theolog. p. 17.*

[2] *Hanc synopsin summisus ex Photio Myriobibl. Cod. VIII. p. 10.*, qui Græcum textum vidit.

stræ dogmata contineantur , tamen falluntur , qui eos pro justo compendio Theologiae , vel pro systemate sumunt . Nam primum nimis multa in iis desunt , quæ ad dogmata pertinent . Deinde nullo ordine , quæ exstant , conscripta sunt , ut consideranti patebit . Multo itaque melius judicant illi , qui aiunt , Origenem tali lucubratio- ne nobis non tam Christianam doctrinam , quam suum sy- stema Philosophico-Theologicum , explanare voluisse . Præterea abundant erroribus , ex Alexandrinorum plati- citis desumptis , quos effumerat Photius . [1] Quod in causa fuit cur plerique omnes Patres non modo libros Origenis damnarint , sed etiam omnem a Theologia Gentilem philosophiam exploserint . [2]

Id certum est , Origenem vel primum [3] [vel in pri- mis humanas disciplinas , præsertim Philosophiam , quam apud Gentiles didicerat , in scholis Christianorum Juven- tuti tradidisse : eamque commonuisse , ut iisdem artibus diligenter imbueretur ; quo facilius certiusque intelligentiam adsequeretur . Sacrorum codicium . Nam tametsi non nulli ante Origenem doctores de iis aliquid adtigif- sent , caute id fecerunt & sobrie , quod in ea erant sen- tentia , ex philosophia Sæculari innumeratas ac noxias hæ- reses profectas esse .

C a-

[1] Loco cit.

[2] Vide testimonium Petavii , quod sequenti capite pro- feremus .

[3] Id confidere sibi videntur aliqui ex loco quodam Eu- seb. l. c. Libro VI. c. 18.

## CAPUT VI.

*De Theologia Patrum IIII. & V. Sæculi.*

Sæculo vero IIII. , & V. ratio tractandi dogmata . Sa-  
cra aliquantulum mutata fuit , & ab antecedentium  
sæculorum nudo ac simplici dicendi genere recessit . Nam  
cum Christiani doctores non alia de caussa plerumque  
scriberent , nisi ut hostium impudentiam perfringerent ;  
cumque ea ætate non modo cum Iudæis , & Gentilibus ,  
[1] verum etiam cum Hæreticis , iisque exercitatis-  
mis , esset pugnandum ; exstinxit ut eo diligentius Christi  
doctrinam tractarint , quo majori acumine , ac eruditio-  
nis copia Hæretici Catholica decreta adoriebantur . [2]  
Quod hisce sæculis potissimum usu venit .

Nam cum sub idem tempus hæretici Ariani , Ano-  
mæi , Nestoriani , Eutychiani , ceteri , homines a philo-  
sophia Sæculari bene parati , in Christianis dogmatibus  
de Trinitate , deque duabus Christi naturis , exagitan-  
dis , ingenii ubertatem ; & péritiam Dialecticæ artis  
ostentarent ; omniaque subtilibus quæstiunculis reple-  
rent ; ut huic malo occurrerent doctores nostri , & ipsi  
camdein philosophandi rationem adhibendam putarunt .  
Itaque Aristotelis dialecticam , quam antea detestati sue-

rant ,

[1] Velut Gregorius Nyssenus , & Nazianzenus , Euse-  
bius Cæsariensis , Theodoreus , Cyrius , alii . Vide Nourry  
Apparat. ad Bibl. PP. Tom. II.

[2] „ Didicimus enim singulas quasque hæreses intulisti-  
„ se Ecclesiæ proprias quæstiones , contra quas diligentius  
„ defendetur Scriptura divina , quam si nulla talis nece-  
„ sitas cogeret . August. L. II. de Bono persever. c. 20.

rant, [1] didicerunt, quo adversariorum cavillationes debiliores redderent, ac iisdem adjumentis facilius refutarent. Neque vero se ostentabant: non Sophistarum artes & versutias, ut Hæretici, præ se ferebant: sed hæc arma sapientissime adhibebant: eaque tantum ex Aristotele sumebant, quæ necessaria videbantur ut. Hæreticorum tela irrita sacerent, & adversus eosdem torquerent.

Itaque eorum disputandi ratio hujusmodi erat. Primo adhibebant perspicna Scripturæ testimonia; ex quibus Catholicæ doctrinæ veritas luculenter ostendetur: quodsi argumentum exigebat, majorum testimonia conglomerabant, & ex doctrina ab Apostolis tradita, & quasi de aure in aurem servata id ipsum conficiebant. Deinde, ex positis principiis consequentias argumentando derivabant ope Dialecticæ: quod præter ceteros fecit Athanasius: [2] idque perpetua oratione, non Chri-

[1] „ Horum igitur [Arianorum, Anomæorum] &  
„ similium nebulonum importunitate factum est, Aristotelis  
„ et inventis ad exitium ac pœstem abutentium, ut apud  
„ primos illos defensores Fidei, male deinceps audiret non  
„ tantum differendi ars, quæ arma illa ministrabat; sed  
„ Philosophia insuper universa. Quam ideo complures. ve-  
„ lut hostem judicatam Christianæ religionis, proscriben-  
„ dam censuerunt, peritusque damnandam. Petavius Dog-  
mat. Theolog. Tom. I. Proleg. c. 3. ubi plures PP. ad-  
ducit.

[2] „ Dialecticis adhæc usus est argumentis [Athana-  
„ sius] non illis nude propositis, & ipsissimes ex arte pe-  
„ titis vocibus [quod pueri, recentioresque discipuli, ju-  
„ veniliter sese ac gloriose ostentantes, solent] verum Phi-  
„ losophorum more; magnificeque prolatis, ac per nudas  
„ dumtaxat notiones, & has quidem bene ornatas. Pho-  
„ tius Cod. CXXX. p. 315.

vero Scholarum ritu . Interdum vero subtileſ aliquas quæſtiunculas & non necessarias dogmatibus admisuere , vel ut judicinm limarent , vel ex consuetudine ſubtilius diſputandi , ſed id nimium parce .

Verum cum ſanctiſimi viri hac via & ratione non niſi contra Hæreticos , & ut occasio poſtulabat , diſceptarent ; Hæretici autem non omnia dogmata contemne-rent , & depravarent ; hinc nec veteres Epifcopi oīmaem Christianorum doſtrinam eadem methodo expoſuerunt : nec compendia Theologiæ conſcriperint : idque non modo in Oriente , ſed etiam in Occidente :

E Græcis primus , opinor , IIII. ſeculo *Cyrillus Hierosolymitanus* Catecheses exaravit , quæ ad nos uſque pervenerunt . [1] Sunt enim in manibus Catecheses XVIII. ad Competentes , & Catecheses V. *Mystagogicæ* ad Baptizatos . [2] Quod ad catechumenos , eos hōc modo inſtituit . Princípio poſtea quam generali quadam præfa-tione eos præparavit , de Peccato , de Baptismate , deque præcipuis Christianæ religionis placitis breviter diſpu-tat : omnesque articulos ſymboli Hierosolymitani copio-fe enarrat . In *Mystagogicis* vero de Baptismo , & Eucha-

Z

ri-

[1] Raræ catecheses ad noſtra tempora veſerunt , ſi ex-cepias Cyrilli Hierosolymitani , & Gregorii Nyſſeni aliquas : itemque Basili Magni , qui Libris II. de Baptismo ſpeci-men exhibet : & Gaudentii Brixienſis , qui V. ſeculo ſcri-pſit . Nam tribus primis ſeculis Paſtres plerumque ex tem-pore eas dicebant , monumentis non mandabant . Poſtea ca-techumenis permiferunt , ut , quæ in ecclēſiis audiffent , ſcriptis conſignarent .

[2] Prima habitæ ſunt ad catechumenos , qui in Paſchate baptizari petebant : idque aliquot diebus ante quam abluerentur . Aliæ ad recens baptizatos ſeu Neophytes , poſt feſtum Paſchatis .

ristia facit sermonem. Præcipua fidei Catholicæ capita in iis exponit Cyrilus, & Scripturarum auctoritate confirmat. Opus tamen esse non dedita opera, ut ederetur, lucubratum, sed ex tempore conditum, vel primi libri inscriptio declarat. [1] Præterea in rebus non adeo necessariis magis abundant, quam talis institutio requirebat. Defideratur etiam in eo ordo, & nexus systematis.

Neque vero Gregorii Nazianzeni *Orationes IIII. de Theologia* [2] pro Institutionibus Theologicis habendæ sunt, etiamsi utilia multa contineant. In prima enim, qualis esse debeat Theologiæ doctoR, ostendit: deinde docet, quando, apud quos, de quibus rebus, & qua ratione disputandum sit: tum eos reprehendit, qui eo temperitatis venerant, ut de venerandis & abstrusioribus Religionis nostræ decretis incommode disputarent: Hæc prima. Reliquæ sunt tres, in quibus adversum Eunomianos edidisse rit. Ex quibus perspicue conficitur, nullum Theologiæ compendium in iis continenteri:

Eodem modo de ceteris judicabimus. Existant Magni Athanasi nomine libri duo: alter inscriptus: *Synopsis Scripturæ Veteris, & Novi testamenti*: alter hoc modo: *Syntagma doctrinæ ad homines solitarios, omnésque Christianos tam clericos, quam laicos*. [3] Sed neuter ad dogmata pertinet. In primo enim, quid in singulis Bibliorum libris continetur, describitur. In altero. Fideles, præsertim Monachi, morum præceptis instituntur.

Eusebii vero Cæsariensis scripta, quæ circiter annum. *cccxxii.* edidit; contrâ Gentiles, & Judæos condita sunt eo consilio, ut Hieroclis objectionibus occurre-

ret,

[1] Ita se babet: Institutio Inluminatorum Hierosolymitani extemporaneæ!

[2] Existant Tom. I. Oper. p. 529.

[3] In editione Coloniensi anno 1686. fol.

ret, qui Sacros codices impudentissime respuebat. In *Preparatione Evangelica* hoc sibi proposuit Eusebius, ex Genitium libris efficere, quidquid Ethuici de theologia vel Naturali, vel Civili, vel Fabulosa, vel Symbolica boni cogitarant, quod hominem ad cultum Dei, veramque felicitatem eruditum erit, ex Judæorum libris sumi potuisse: ut inde diceret [& hic erat scopus operis] merito a Christianis Judæorum libros Sacros Græcorum scriptis antepositos suisse. In altero autem opere, quam *Demonstrationem Evangelicam* inscribunt, ex ipsis Sacris codicibus luculenter conficit, Evangelicam doctrinam Prophetarum prædictionibus adamassim respondere: ubi Christianæ religionis veritatem ostendit. Certe Eusebius hisce libris, qualis vir esset, ostendit. Tanta enim eruditione, tantaque dicendi copia valuit; tum eo ordine argumentum suum tractavit, ut cum nemine eorum, qui Gentiles, & Judæos sib[us] idem tempus refutarunt, sit comparandus. Multa tamen in eo desiderantur, ut opus ex omni parte perfectum lucubraret: præterea unum tantum argumentum sibi sumvit explicandum. Et hæc apud Græcos.

Latini vero & ipsi plurimos scriptores habuerent, qui vastissima eruditione, & admirabili quadam eloquentia valuerunt: sed hi vel Gentiles aggressi sunt; [1] vel Catholicorum decreta adversum Hæreticos defenderunt. [2] Nulli, quod sciamus, in eo laborem posuerunt, ut

[1] E.g. *seculo IIII. Arnobius, Lactantius, Julius Firmicus Maternus. Sæculo autem V. Augustinus, Orosius, ceteri.*

[2] *Augustinus contra Manichæos, Pelagianos, & Joviniani discipulos. Optatus, & Augustinus contra Donatistas. Hilarius Pictaviensis, Ambros. August. contra Arianos. Hieronym. contra Jovinianum, Helvidium,*

Sacram doctrinam ad ordinem & systema reducerent. Exstant quidem Lucii Cæcilii Lactantii Firmiani *Divinarum Institutionum Libri VII.* pleni selectæ doctrinæ, & puro ac eleganti dicendi genere conscripti: in quibus vir eloquentissimus viris emundatæ naris probavit, Ciceronem, si ea sibi sumeret explicanda, non alia dictione usurum fuisse. Verum qui eos pro compendio Theologiae habent, hi certe falluntur. Scopus illi est, æque ac Arnobio, [1] Gentilium delitia patefacere, & infirmare. Nam primo libro Polytheismum labefactat, & unum esse Deum argumentis demonstrat. In altero caussas erroris in rebus divinis persequitur. Tertio libro de philosophiae Gentilis flagitiis differit. In quarto etsi de Christianæ religionis dogmatibus explicare pollicetur, tamen non nisi de Salvatore agit. Quinto libro demonstrat, iustitiam non nisi apud Christianos vigere: item de cultu Dei explicat contra Paganos. Postremis libris de vita beata verba facit. In quo Theologiae compendium quis inveniet?

Nec ipsi Ambrosii Mediolanensis *Libri V. de Fide, & Trinitate*, quos Gratiani suasu conscripsit, summam Catholicæ fidei comprehendunt: sed adversus Arianos Trinitatem propugnant. Gennadii vero Massiliensis liber de *Ecclesiasticis Dogmatibus*, omnia Fidei decreta complectitur: sed ea tantum perstringit, quæ contra Hæreticos in Ecclesia sunt constituta & firmata, idque nullo ordine.

Sed

---

Vigilantium, & Pelagium. Leo Papa, & Marius Mercator contra Nestorium. Leo Papa contra Eutychetem. Maximus contra Monothelitas. Prosper, & Hilarius Arlatensis, & Fulgentius contra Massilienses: alii.

[1] „Septem Libros adversus Gentes Arnobius edidit, „totidemque discipulus ejus Lactantius. Hieron. Epist. 84. ad Magnum.

Sed præter ceteros *Aurelius Augustinus*, Hippo-nensis episcopus, qui inclinante sæculo IIII. & initio V. floruit, est considerandus. Hic, tametsi tot tamque præclaras ediderit lucubrationes<sup>1</sup>, atque eo ingenio, eo judicio, tam singulari eruditione prædictus esset, ut ipse solus tanto operi ad finem perducendo idoneus videretur; tamen nullum Theologiæ compendium perfectum reliquit. Quod eo magis mirabile est, propterea quia vir beatissimus instituendis Fidelibus totus vacavit. Nam libris tribus prioribus *de Doctrina Christiana* Fidelem docet, quo modo Sacra scriptura sit explananda: quarto vero libro oratorem Sacrum formandum & instituendum sibi sumvit. In libro autem *de Catechizandis Rudibus*, catechizandi ariis non modo præcepta, sed etiam usum ostendit.

Unus exstat libellus hoc titulo: *Encyridium ad Laurentium de Fide, Spe, & Caritate*: in quo summa doctrinæ Christianæ quædam comprehenditur. Sed is nec pro absoluto compendio, nec pro systemate haberi potest, uti ex iis, quæ diximus, colligi potest.

Inficiandum non est, *Augustinum* multo magis, quam ceteros, ad systematicam scribendi formam etiam in singulis tractatibus accedere. Nam ex principiis, quæ ponit, conclusiones recte dicit, ex hisque compode ratiocinatur. Primus autem apud Occidentales *Augustinus* esse videtur, qui subtilem aliquas quæstiones adhibuit. Theologicis decretis: & magis rationibus, quam Scripturæ testimoniis, eas dissolvit. Sed id verecunde ac sapienter fecit *Augustinus*, nec pro dogmatibus venditavit. Non ita vero non nulli, qui, cum beatissimi doctoris plurimas dotes adsequi non possent, nævos tantum aliquos, [i] quorum vix homines ulli expertes sunt; qui

[i] *De Augustino tale est judicium Dupini Galli clas-*  
*sif*

vel in ejusdem argumentis, vel ratiocinationibus se offe-  
runt; sunt imitati, eosque pro exquisita sapientia aliis  
obtruserunt.

Ita-

rissimi, quod ego a viro docto Latine redditum iisdem  
verbis describo. „ Usitata ejus methodus est, preclara  
„ principia ponere, ex quibus innumeratas elicet conseqlen-  
„ tias: adeo ut omnia doctrinæ illius capita arctissimam  
„ inter se connexionem habeant. In plerisque mysteriis ma-  
„ gis ratiocinatus est, quam ullus auctor ante illum. Plu-  
„ res questio[n]es, prius non motas, agitat, barumque plu-  
„ res sola acuminis sui vi diremit. Longe saepius abiit ab  
„ eorum sententia, qui ipsum præcesserunt, ut novam pror-  
„ suis viam insisteret, sive in Scripturarum explicatione,  
„ sive in Theologicis opinionibus. Circa res Theologicas de-  
„ eo dici potest, quod de se ipso dicebat Cicero circa Phi-  
„ losopiam, quod fuerit magnus opinator: id est, quod  
„ plurimas opiniones, que meram habebant probabilita-  
„ tem, in medium protulerit. Sed id fecit Augustinus ad-  
„ modum modeste, ac prudenter, non ea mente, ut alios ad  
„ arbitrium suum, cæcorum in morem, sequendum adige-  
„ re. Contra vero cum agitur de Ecclesiæ doctrina, eam  
„ cum animi firmitate proponit, ac tuetur, eamque oppu-  
„ gnantes fortiter adoritur. Multo minus eruditione, quam  
„ ingenii dotibus, valebat: nam neque Linguis collebat,  
„ neque Veterum scripta evolverat. Multo facilius ac ter-  
„ sis, quam polite & eleganter, scribebat. Quamvis  
„ Rhetoricam docuisset, Oratorum tamen eloquentiam non  
„ possidebat, aut illam saltē negligebat: immo nec semper  
„ in phrasibus suis castigatus est filius ejus: vocabulaque  
„ improoria atque barbara quandoque usurpat: arguiis  
„ saepius, vocumque allusionibus utitur: res easdem fre-  
„ quenter repetit, eademque ratiocinia centies in scriptis  
„ suis

Itaque qui vel in *Augustino*, vel alio doctore IIII. & V. saeculi sistema aliquod<sup>3</sup>, vel compendium Theologicum ex omni parte perfectum reperire conatur, is maxima Theologicæ historiæ ignoratione impeditur. Non enim hoc sibi datum Patres existimarent, ut Christi decreta Philosophorum more via ac ordine per otium scriberent & explicarent: sed ut eadem aduersum Gentiles, & Iudeos, & Hæreticos tuerentur. [1] Hac de causa nulla extant Patrum scripta, quæ singulas Theologiarum partes ordine digerant, & confirmarent argumentis: propterea quia non eadem ætate singula dogmata ab Hæreticis rejecta sunt, sed alio & alio tempore. [2] Ex quo & Patres,

Z 4 qui

„ suis inculcat. Eidem mentis conceptui diutius inhæret,  
„ quem variis modis effatur, & in locos communes excus-  
„ rere solet. Argumenta innumera ex aliquo principio  
„ edifferunt: corpusque Theologicum, ut ita loquar, La-  
„ tinorum patrum, qui post ipsum vixerunt, efformavit.  
„ Hi siquidem ex illius libris non tantum hauserunt prin-  
„ cipia, quibus usi sunt, sed etiam frequenter eundem  
„ mere transcriperunt. Nova Bibliotheca Aucto. Ec-  
clesiast. Tom. III. p. 256.

[1] Patrum scripta, quæ Sacra dogmata exponunt, vel iunt Catecheses, vel Homiliae, vel Sermones, vel tractatus Theologici & Polemici conscripti ad formam epistolarum. Priorum vel inscriptio declarat, cursim & aliorum gratia esse conscripta. Tractatum vero ratio scribendi confirmat id ipsum. Cum enim non nisi rogati, & aliquo tempore vel Ecclesiæ, vel amicorum commoti de re Theologica scriberent, responsiones suas seu tractatus epistolarum more exararunt, & epistolas nominarunt.

[2] Velut IIII. saeculo acriores cum Gentilibus, & Ju-  
deis dimicationes fuere: V. vero non item. Sed his duobus  
ser-

qui a divina providentia vocati sunt, ut Ecclesiæ hosti-  
bus toto animo se oppouerent, de infirmauda perversa do-  
ctrina magis, quam de lucubrandis scriptis ingenio &  
arte, solliciti suere. [1] Et certe quidem Trinitatis  
dogma valde inlustrarunt illi, qui cum Arianis, Samo-  
fatenianis, Sabellianis, & hujusmodi pestibus decerta-  
runt. Incarnationem illi, qui Nestorianos, & Eutychianos  
aggressi sunt. De Gratia Dei, de Prædestinatione,  
de Libero arbitrio, magis accurate, & copiose differuerunt  
illi, qui cum Manichæis, Pelagianis, aliisque prælium  
commiserunt, quam ceteri. Quare veluti per gradus ad  
suum fastigium perducta est Theologicorum dogmatum  
disciplina, talium virorum opera atque industria. [2]

Magnum etiam studium in eo ponebant Patres, ut  
Sa-

---

sæculis maius ab Hæreticis, quam ab aliis, periculum rei  
Christianæ inminebat.

[1] „ Ipsorum vero methodus alia erat atque alia, pro  
temporum, & personarum varietate: & se se ad eorum  
captum conformabant, quos erant allocuturi. Sive ete-  
nim Ethnicos evincere oporteret super factorum & mira-  
culorum veritate, quæ libri sancti testantur; sive Judæis  
ostendere, in Christo Iesu adimpta ea omnia, quæ Pro-  
phetæ cecinerunt; sive Hæreticos coarguere de Fidei do-  
ctrina, quam conabantur reverttere; e Bibliis ea eruebant  
argumenta, quibus illorum obduratio, pervicacia; ac  
fides improba obſtare nequaquam possent. Galmet. Præf.  
in Scripturam.

[2] „ Multa quidem ad fidem Catholicam pertinentia,  
dum Hæretorum callida inquietudine agitantur, ut  
adversus eos defendi possint, & considerantur diligen-  
tius, & intelliguntur clarius, & instantius prædican-  
tur: & ab adversario mota quæſio discendi exſilit occa-  
ſio. Augustin. de Civit. D. L. XVI. c. 2.

Sacras litteras interpretarentur, idque secundum Mysticum sensum. [1] Etenim qui ad tempora usque Diodori Tharsensis episcopi, hujusque auditoris Joannis Chrysostomi [hi inter primos Litterali sensui magis vacasse videntur] scripsere Patres, vel Christi, & Apostolorum auctoritate moti, vel ut ætatis consuetudini servirent, quidquid ex Sacris litteris sumebant, mystica significatio ornabant & interpretabantur. Nam cum vel ad Gentiles dicerent, qui Poetarum fabulis ac allegoriis, & Semi-Platonicorum abstractis notionibus, symbolisque erant innutriti; vel ad Catechumenos loquerentur, qui religionis Christianæ mysteria penitus non cognoverant; vel Judæorum audaciam persringere conarentur, qui Christianorum sententias ex male intellecta Scriptura profectas esse dicebant; [2] ne illis sermonem darent, illorumque oculis nostræ doctrinæ simplicitas vilesceret; Scripturæ loca ad allegoriam, vel alium mysticum sensum [id est, ad Christum, vel Ecclesiam ejus] flestebant: quo faciliores aditus invenirent, & majorem Religioni nostræ æstimationem conciliarent. Quamobrem populos Criticis, & Grammaticis controversiis non detinebant: quip.

[1] *Mysticus sensus pro varietate temporum nimirum præteriti, praesentis, futuri, in Allegoricum, Tropologicum, Anagogicum dividitur. Allegoricus est, qui, ea, quæ in Veteri ecclesia eveniebant, esse figuræ, & prædicationes ecclesiæ Christi ostendit. Tropologicus est, qui historiam Sacram, & ipsa Scripturæ verba fœdit ad morum præsentium institutionem. Anagogicus est; qui mentem excitat ut cœlestem felicitatem, quæ mortem consequetur: meditemur, & cognoscamus.*

[2] *Consule Montfaconum in Prolegomen. in Eusebii Comment. in Psalmos Cap. IIII. p.9.*

362 APPARATUS AD PHIL. ET THEOL.  
quippe quæ nec ad emendandos mores utilia , nec auditorum intelligentiae erant accommodata .

Aliqui tamen per id tempus suerè viri doctissimi , qui Critica arte erant exercitati , & in Litterali sensu investigando feliciter laborarunt : ut Eusebius Cæsariensis , & uterque Theodorus , Heracleensis , & Mopsuestiensis : item Hieronymus , Chrysostomus , Theodoreus , qui animadversionibus Criticis , & Historicis commentaria sua repleverunt .

[1] Adeo in Novo testamento explanando , ut monet vir eru-

---

[1] Patram opera Critica quadruplicis generis sunt . I. Quædam ad Scripturarum intellectum viam sternunt : ut Philocalia Origenis , & Libri IIII. de Doctrina Christiana Augustini , præsertim 2. & 3. ubi & Linguarum studia commendat , & Naturales disciplinas , & Criticen , & regulas tradit explanandi loca obscura ; & Synopsis , quæ B. Athanasio tribuitur .

II. Aliud genus complectitur præfationes ad singulos Scripturaræ libros : quæ operis historiam , consilium , cetera continent : ut Hieronymi Epistola ad Paullinum : ejusdem Ep. ad Desiderium : & 18. Epistolæ ad singulos Scripturaræ libros , quæ 3. Tomo continentur . Præterea Theodorei Præfat. in Universam Scripturam . Gregorii Nysseni Tractatus . Athanasi Ep. ad Marcellinum , de Inscriptionibus Psalmorum . In Novo autem testamento Eusebii Cæsariensis Ep. ad Carpianum , & Concord. Evangelist. Item Augustini Concordia Evangel. ubi antilogias eruditæ explanat : & liber de Catechizandis Rudibus , ubi docet , qua via ex Veteri testamento Novum sit instruendum . Item Liber de Religione , & de Moribus Ecclesiæ , & de Sermone Domini , ubi de obscuritate Sacror. codic. tractat .

III. Sunt etiam Patrium libri , qui difficiliora loca exponnunt : ut Hieron. Epist. 130. ad Marcellam , in qua ex-

por-

eruditissimus, [1] nihil a Recentioribus excogitatum  
sunt, quod Veteribus illis non fuerit exploratum. Et quam-  
quam sere omnes Hebrææ linguaæ essent expertes, tamen  
operam dederunt, ut interpretationes suas Hebræo co-  
dici quam maxime consentaneas scriberent. Tum ex  
præcedentium sententiis non modo in iis, quæ ad sen-  
sum Litteralem, verum etiam quæ Allegoricum, & Mo-

ponit, quid sit Ephod, & Theraphim. Epist. 137. de vo-  
ce Alleluia, & Amen. Ep. 138. de voce Sela, quam Græci  
reddunt, Diapsalmos. Ep. 142. 143. 145. ubi Oziæ his-  
enarrat, & dilucidat quid sit Sanctus, & Osanna. His ad-  
de libros, in quibus explicat Alphabetum Hebræum: &  
nomina virorum, provinciarum, urbium, de quibus in  
Script. fit mentio: & Hebræas traditiones: & Discrepan-  
tiam inter codicem Hebræum, & Græcum. Item Epi-  
phanii liber de Nummis, Ponderibus, & Mensuris. &c.  
Libri vero ejusdem de Physiologia, & de Duodecim lapidi-  
bus Rationalis, habita ratione temporis, quo scripti fuere,  
non omni laude privatur. Augustinus de Modo loquendi  
in VII. prioribus Script. libris. Eucherii Formulæ Spi-  
ritales ad Veranum, quæ tamen plurima mystica continent:  
& Institutiones ejusdem.

III. Postremo occurrunt etiam opera, quæ controver-  
sias, quæ ex Divinis libris proficiuntur, dilucidant: hu-  
iusmodi sunt Hieronymi Responsa ad quæstiones Damasi Pa-  
pæ de quinque difficultatibus in Genesim: item ad Eva-  
grium, ubi investigat quis fuerit Melchisedech: Respon-  
sum de annis Salomonis, & Achaz: Sex illius epist. ad He-  
ribiam, Algasiam, ceter. in quibus Antiqui testamenti diffi-  
cilia loca, & controversias explanat.

[1] Augustinus Calmet. Benedictinus Præfat. in Com-  
ment. Biblio.

ralem pertinent, expositiones suas sapientissime sumserunt. [1]

Itaque quæ supersunt Patrum scripta in Sacram scripturam triplicis generis sunt. Scholia, quæ sapientioribus sunt accommodata. Commentaria, eorum gratia conscripta, qui rerum Divinarum contemplationi dediti erant. Homiliae, quarum aliquæ vulgarium tarditati & incondito sensui apta erant: aliæ vero acutioribus.

Homiliae autem habebantur post lectionem Sacri codicis: cuius singulos versus Episcopus, vel presbyter explanabat. [2] Quibus non solum Catechumeni, ac Fideles, sed etiam Gentiles, Judæi, & Hæretici ipsi adesse solebant: propterea quia diuturno usu intellexerant nostri, his sermonibus excitatos complures ad Christi fidem venisse. [3] Quod in caussa est, cur tanta in homiliis

[1] E. g. Cyprianus Tertullianum plerumque sequitur: Eusebius, Chrysostomus, Hilarius, Ambrosius, & Hieronymus, Originem: Isidorus, Nilus, Theodoretus a Chrysostomo nimis multa sumserunt: Augustinus Tertulliano, Cypriano, Hieronymo, Ambroso plurimum debet: Cassiodorus, Gregorius Magnus, Prosper, Fulgentius, Anselmus, Bernardus ab Augustino bene multa decerpserunt: ut eorum scripta conferenti inter se apertum erit.

[2] Habes exemplum apud Augustinum Sermone 63. in Evangel. Joann. & Chrysostom. in Evang. Matth. & Epist. Paulli.

[3] „Antiquos canones relegentes inter cetera hoc censimus observandum, ut sancta Evangelia ante munera missa oblationem in missa Catechumenorum, in ordine lectio post Apostolum legantur, quatenus salutaria pracepta D. N. Iesu Christi, vel sermonem sacerdotis [intellige concionem post Evangelium] non solum Fideles, sed

liis Veterum episcoporum diversitas reperiatur. Nimirum nihil intentatum relinquebant eloquentissimi homines, ut auditorum animos alia & alia consuetudine, ac præjudiciis imbutos, flesterent quo vellent. Interdum enim res plane exponunt: interdum vero prætereunte tangunt. Sæpius de re Morali, quæ ad omnes pertinet, fusa ac eloquenter edisserunt. Itaque de unitate & potentia Dei, de mundi creatione, de nativitate Christi, miraculis, præceptis, morte, resurrectione, & gloria, plane loquebantur. Item de Ecclesia, remissione peccatorum, resurrectione, extremo judicio, vita æterna, de improbis Angelis, perspicue concionabantur & palam. Contra, de abditissimis mysteriis, ut Trinitate, Incarnatione, Sacramentis, nihil proferebant: [1] Ritus etiam & cæremonias nostrorum occultabant mirifico studio. [2]

Et, ut paucis singula comprehendam; ea, quæ his duobus sæculis sanctissimi Theologi præstiterunt, hæc fere sunt. Primum non eadem via perpetuo dogmata exposuerunt, sed habita ratione loci, & temporis, & auditoris. Alia enim via cum Gentilibus, alia cum Judæis,

alia

„ sed d[omi]n[u]s Catechumeni, d[omi]n[u]s Pœnitentes, d[omi]n[u]s omnes, qui ex „ adverso sunt, audire licitum habeant: sic enim Pontifi- „ cum prædicatione audita, non nullos ad Fidem adtra- „ dlos evidenter scimus. Valentina Synodus in Hispania Canon. I.

[1] „ Quæ ex minime vulgata, sed secreta doctrina „ profecta sunt, quam quieto, minimeque curioso silentio, „ Patres nostri custodierunt: probe quidens illi intelligen- „ tes, mysteriorum majestatem taciturnitate servari. Ba- „ filius Lib. de Spirit. S. c. 27. p. 511.

[2] „ Dogmata rerum mysticarum, quarum spectatores „ esse nefas erat nondum initiatos, neutiquam efferriri pu- „ blice solebant. ibid. pag. 211.

alia cum Hæreticis disputabant . Tum alio modo Catechumenos , alio Perfectos instituebant : Contra Gentiles ex Philosophia & sæculari eruditione sumebant argumenta , ut eos iisdem armis , quibus utebantur , debilitarent . Verum quædam tantum decreta exponebant iis : interiorem vero Theologiam , & abditissima mysteria silentio premebant : ne inpuris hominibus , & rebus corporeis occupatis paterent mysteria sacrosancta . Idecirco Religionis nostræ mysteria reconditiora non sunt perquirenda in iis libris , quos adversum Ethnicos conscriperunt : licet in iis pro occasions illustrant non nulla .

Contra Judæos non aliis armis disceptabant , quam ex vaticiniis Prophetarum , & Scripturæ amplissimis promissionibus : ex quibus conficiebant , ecclesiam Veterem esse figuram Christi , & Ecclesiæ ejus .

Gum vero adversum Hæreticos disputaturi erant , tum plane & nullis ambagibus singula exponebant : tum mysteria omnia nostra aperte loquebantur : tum testimoniis ab Scriptura , & Traditione sumtis ea muniebant , & confirmabant : quod in hac erant sententia , eo consilio a Deo hæreses permitti , ut dogmata inlustrarentur , & confirmarentur . Itaque si Hæretici libros Divinos negabant , ex libris ab iisdem admissis , & Ecclesiæ testimonio conficiebant nostri , prædictos libros esse Divinos . Sin dogma aliquod tantum negabant , ex tradita doctrina negantes refutabant : adeoque ad Traditionem fere semper confugiebant prisci illi Theologi . Neque vero omnia , quæ dici poterant , in singulis argumentis adducebant ; nec ea ita perspicue ponebant , ut facile perciperentur : nec ea omnia prævidebant , quæ progressu temporis colligi possent : sed ex consuetudine ætatis tractabant ea , quæ

quæ necessaria erant ad Hæreticos refellendos. [1]

Jam Catechumenos non ante instituebant, quam per duos, & tres annos explorassent, an ex animo id dicerent. Quare primo impedimenta omnia removebant, quæ ex Gentilismo proficiscebantur. Deinde rudimentis Fidei, & Morum disciplina eos instituebant: Mysteriorum vero expositionem non adjungebant. Et adeo caute cum iis agebant, ut orationem Dominicam ipsis non tradarent, nisi aliquot diebus ante baptismum, cum jam ex numero Competentium essent. Symbolum Apostolorum, vel aliud ab Ecclesia receptum voce tenuis dociebant, nusquam vero gentium iis scribendum permittebant. [2]

Competentes autem erudiebant mysteriis nostris: & primum Sacramentorum doctrina, deinde præcipuis Fidei dogmatibus, præsertim Trinitatis, & Incarnationis, idque veluti per gradus. Cuncta iis plane & perspicue exponebant: metaphoras omnes Sacrorum codicum dilucidabant, & quo sensu essent accipiendæ, tradebant. Rem uiri erat aperiebant: nihil augebant: non subtiles disputationes adhibebant.

Post Pascha Neophytiōs instituere ac expolire pergebant, malto planius & clarius, quam ante: omniaque exponebant, quæ ex Christianorum disciplina proficiscebantur: ac mysticas omnes significationes dilucida-

bant.

[1] „Quis enim inficietur, multa iis in aſtu, disputacionis excidisse, quæ paullo accuratius exprimi potuerint? In delectu quoque argumentorum, relillis ſapientiis firmioribus, adbibuisse ſubtiliora, ut mos erat Veterum philofophorum, qui ad defendendas opiniones suas non probabilibus dumtaxat, verum etiam ſophiſticis utebantur argumentis. Bonavent. Argonensis Chartus-de Legendor. PP. methodo T. III. c. 12. p. m. 292.

[2] Confule Augustin. Sermon. 212. de Trad. Symbol.

bant. Ad Perfectos autem crebras habebant conciones de re Morali. Tamen cum vel Neophy whole , vel Perfectos instituerent , non illi res singulas ad singula capita , & tractatus reducebant , ut hoc tempore mos est ; sed ut occasio erat exponebant . Non multis argumentis mysteria confirmabant ; sed simpliciter , & ex communī Ecclesiæ sententia ea proponebant : quod pertinassent , Fidelem solis Evangelii verbis contentum esse debere . [1] Inanes vero & non necessarias quæstiones ceteras aliquas interdum adhiberent , tamen non longe persequebantur : sed fines constituebant , quos pertransire putabant fas non esse . [2]

Jam si curiosius exploramus , quo pacto Philosophia uterentur ipsi , deprehendemus , caute , & non nisi ut dogmata illustrarent , eam adhibuisse . Nam primum , si quando res exigebat , Gentilium dogmata cum nostris conserebant , eaque vei confutabant , vel , si vera essent , cum religione nostra consentire patefaciebant : ostendentes , causam nullam esse cur hominibus nostris aillarent Gentiles , quando ab iis dogmata nostrorum non dissimilia tradebantur : idque & in aliis ; & in Morali disciplina efficiebant , [3] ut supra demonstraviinus . Deinde

no-

---

[1] Origenes Contr. Celsum L.3.&c Hilar. Pictaviens. de Trinit. L. 2. & Athanasius ita sentiunt de mysterio Trinitatis .

[2] „ Non ergo [ respondet Augustinus Consentio de Christi corpore in Cælo ] & nos addamus inquirere , quod ille non addidit dicere : & de compendio si placet finita sit quæstio . Fortassis enim accepta occasione sanguinis , urgebit nos molestior perscrutator . Epist. 205. novæ edition.

[3] Etiam libros Gentilium Morales a nostris emenda-

tos

noti erant in eorum argumentis ab historia petitis conficerent, nec Legumlatores, quantumvis sapientes, & severos, nec Philosophorum disputationes acerrimas efficiere potuisse, ut hominum ingenia vere mitescerent: atque ex sera & in mani consuetudine ad honestatem & humanitatem traducerentur. Sed opus fuisse doctrina & sapientia a Deo tradita, quae in hominum animos talem tantamque mutationem sine negotio induceret. [1] Cetera non nisi parce adhibebant in quocumque argumen-  
to. [2]

Nullus eorum Dialectica forma nimis religiose usus est in refutandis adversariis. Et, quod magis est mirabile, quamquam cum hominibus Dialectica arte vehementer exercitatis contendendo dispntent; eorumque cavilla-

A a tio-

tos legi solere, constat ex illo Origenis: „ Plato solis do-  
„ torum tantum teritur manibus. Epicetus vulgo quoque  
„ lectorum admirabilis est, utilitatis nomine, quod se p̄-  
„ ceptis illius admonitos proficere sentiant. Contra Cel-  
sum L. VI. init. p. m. 283.

[1] Hoc argumentum scite persequitur Chrysostomus Homilia V. in Epist. ad Titum.

[2] „ Rēste videri sibi, ait Augustinus, studiosis & inge-  
„ niosis adolescentibus, & timentibus Deum, beatamque  
„ viam querentibus salubriter præcipi, ut nullas doctrinas,  
„ quae præter ecclesiam Christi excentur, tamquam ad  
„ beatam viam capessendam secure sequi audeant, sed eas  
„ sobrie diligenterque dijudicent: in ceteris autem doctri-  
„ nis, quae apud Gentes inveniuntur, omnibus tenendum  
„ esse, ne quid nimis diligatur. De Doctrina Christ. L. II.  
c. 39.

tiones exponere , & infirmare adoriantur ; [1] tamen vix aut nullo modo eadem ratione utuntur : sed adversariorum sophismata tum refutant , cum planè exponunt & patetfaciunt . [2] Quo planum faciunt , quid ipsi de usit Dialecticæ in Theologia judicarint . Tamen bona Dialectica eos plerumque usos esse , eorum scripta sine gratia consulenti erit perspicuum . Plerumque dico , nam non semper certas & firmas argumentationes persequuntur : [3] tum quod Sæcularem philosophiam contemnerent ; tum quod ex vulgi , & Philosophorum opinionibus aliquando loquerentur , qui non semper commode & accurate

---

[1] Basilius , & Gregorius Nyssenus in libris contra Eunomium captiosa omnia illius argumenta ex Dialectica vera dissolvunt . Cyrus Alexandrinus in Thesauris , & Dialogis , & Commentariis in Joannem hæreticas fallacias & subtilem argutias ex arte differendi consigit . Idem alii & Græci , & Latini cum laude & cum pretio facti erunt .

[2] Cyrillus Alex. Julianum Apostatam refutaturus , primo ipsius sententiam exponit : tum responsonem adjungit sine ullis cavillationibus , nude atque aperte .

[3] „ Multa sunt a Sandissimis PP. præsertimque a Chrysostomo in homiliis adspersa , quæ si ad exactæ veritatis regulam accommodare volueris , boni sensus inania videbuntur . Quippe declamatorio illo more ad imperitam fere multitudinem exaggerandi caussa , & subito quodam impetu dicendi , ac calore feruntur plerumque licentius . Unde ex aliorum comparatione locorum , vel Conciliorum petius , ac Patrum , temperanda , & in gyrum veritatis revocanda sunt . Petavius ad Epiphanius . LIX. p.244.

rate sunt ratiocinati. [1] Sed de Patrum philosophia di-  
ximus prima parte. [2]

## CAPUT VII.

*De Theologia a V. Sæculo usque ad solidum X.*

JAM sæculo VI. Theologi ad systematicam dicendi for-  
mam pedentem accesserunt: idque præsertim opera  
*Anicii Manlii Torquati Severini Boethii Romani*, qui cum  
Aristotelis esset studiosus, & aliquos illius libros Latine  
redderet, systematis formam in quibusdam suis scriptis  
expressit: ceterisque auctor fuit, ut compendia & sys-  
temata aliqua tametsi rudia excogitarent. Quod dubium  
non erit illi, qui libros Philosophicos eodem sæculo a  
Christianis lucubratos perpenderit. Exstant *Marcii Au-  
relii Cassiodori* libri duo de *Institutione Divinarum Scri-  
pturarum*: in quibus de ratione legendi libros Sacros,  
atque de iis, qui ad sua usque tempora Sacram scriptu-  
ram essent interpretati, disputat: sed hæc ad compendia  
Theologiæ non pertinent: Præterea lucubravit liberum  
de *VII. disciplinis*, id est, de Grammatica, Rhetorica, Dia-

A a z

lecti-

[1] „ *Ex sanctis antiquis non nulli Physicien, dicit Me-  
taphysicen vel non habuere quidem, vel certe leviter ad-  
tigerunt. Alii vero magnu ex parte suæ Platonicis,  
priusquam converterentur ad Eidem. Quamobrem cum  
in Philosophia quæstiones incident, aut vulgi, dicit Rhe-  
torum opiniones sequuntur; aut etiam, quas a Plato-  
nicis acceperant, in Christianorum scholam invebunt.  
Ita viri docti errores forte quosdam [ quod ad Philoso-  
phiam quidem humanam adtinet ] in Sanctis antiquis de-  
prehendunt. Melchior Canus de Locis Theolog. L. VII.  
c. 3. [2] L. I. c. 10.*

lectica , Arithmetica , Musica , Geometria , Astronomia : ut Monachos suos ad Sacrarum litterarum studia . præpararet , eosque informaret ad omne genus eruditio[n]is . Quo nobis probavit , se multo melius aliis judicasse , qui harum disciplinarum notitiam tamquam ad Sacras litteras non accommodatam , rejiciunt & contemnunt .

Vergente ad finem eodem sæculo quædam Theologiae compendia , sed non dum perfecta , condi cœperunt . *Isidorus Hispalensis* edidit *Libros III. Sententiarum ex Gregorii Magni Moralibus* deceptos : tametsi ex Augustino , aliisque adjinxerit quædam . *Leontius Cyprius* conscripsit . *Locos Communes Theologicos* , [1] qui ex PP. scriptis erant deponiti . Id ipsum fecerunt alii , qui ex Scriptura , & antiquis Doctoribus testimonia collegerunt : [2] velut *Anastasius ille* , ut vulgo putatur , Sinaita , qui *Acephalos* refutavit .

Etiam sæculo VII. invaluit idem mos , præsertim in Occidente . Documento sit *Tao* episcopus Cæsaraugustanus , qui ex *Gregorii Magni* scriptis libavit *Sententiarum libros V.* idque verbis *Gregorii* : ubi autem ea non occurruunt , ex *Augustino* verba sumit . Disputat in iis de Deo , & attributis : deinde de incarnatione , deque pastoribus : tum de Ecclesiæ ordinibus , de virtutibus , & vitiis , deinde de judiciis divinis , tentationibus & peccatis : ad extre[m]um de damnatis , de judicio ultimo , de resurrectione : [3]

Sed

[1] *Confuse Franciscum Turrianum de Hierarchicis Ordinationibus* . L. I. c. 12. & *Sirmonum* in Adnot. ad *Facundum* p. 76.

[2] *Vide Paull. Colomesium* in *Paralipom.* ad *Guilielmi Cavei Chartophylac.* Eccles. p. 8. 9.

[3] *Confer. Nic. Anton. Biblioth. Hisp.* Tom. I. L. 5. c. 8.

Sed plerique omnes Theologi in expositione Sacrorum codicum operam & industriam ponebant : Humaniores litteras , & Philosophiae studium prætermittebant . [1] Nec alia esse cauſa videtur , cur B. Gregorius Magnus bibliothecari , quæ in æde Apollinis juxta palatum condita eſſet , flammis consumeret . [2] Certe qui per id tempus Theologiae vacarunt , ſi paucos excipias , qui ad refutandas reliquias Hæreticorum veterum , & Muhammedanorum , ſe applicarunt , enarratione Scripturarum occupati fuere . Primum hi fequebantur Origenem : ſed poſtea quam gravissimæ controverſiæ librorum Origenis cauſa ortæ ſunt , Græci ad Chrysostomum animum addecerunt ; Latini vero Auguſtinum , & Gregorium Magnum in ſuis interpretationibus imitati ſunt .

Post Auguſtini , & Gregorii ætatem Sacræ scripturæ studium ſenſim iminutum fuit : nam qui eidem operam dederunt , non niſi in cogendis deſcribendisque eorum ſententiis , qui præcedentibus ſæculis floruerant , oſteuderunt ingenium ſuum , quas *Catenas* PP. appellarunt : nihil de ſuo addiderunt . Idque non in Theologia ſolum , ſed etiam in Philoſophia factum fuit . Quod Bedæ *Venerabilis* Benediſti Angli exemplo efficitur : qui utraque facultate valuit , & *Catenam* lucubravit ex dictis Patrum : ac Monachos ſuos excitavit ut in idem ſtudium incurrerent : quod iþi posterioribus ſæculis diligentissime fecerunt . Obiit Beda ann. ICCCXXXV .

Medium circiter VIII. ſæculum primus *Ioannes Damascenus* justam Theologiae epitomam condidit hoc ti-

A a 3 .

tulo ,

[1] Conſule B. Gregorium Magnum L. VIII. Epift. 48.

[2] „ Fertur tamen B. Gregorius bibliothecam com-  
„ buſſifē Gentilem , quo divinæ paginæ gratior eſſet locus ,  
„ & maior auſtoritas , & diligentia studioſior : Sarisbe-  
riensis , Metal. L. VIII. c. 19.

tulo , de *Fide Orthodoxa* . [1] Hic liber in nullo Græcō codice in alios divisus est . Ex quo Cl. le Quien [2] non injuria suspicatur , hujnsmodi librum a Latinis in quatuor dispertitum suisse , instar *Magistri Sententiarum Petri Lombardi* . Ut ut est , primo libro de Deo , adtributis , personis disputat *Damascenus* . In altero de rebus a Deo creatis , præfertim de homine , de providentia , præscientia , prædestinatione , peccato Adami differit . In tertio de incarnatione , persona , & utraque natura Christi : In quarto de eodem argumento tractat : ubi etiam de fide , baptismo , ceterisque Christianæ fidei placitis sermonem facit .

Totum hoc opus adversus Hæreticos est conformatum . Ratio vero disputandi talis est . Ex Scripturis , & Patrum testimoniis sumit argumenta ad hæreses labefactandas . [3] Verum cum *Damascenus* ex Arabum consuetudine Aristotelis philosophia præfertim Dialetica delectaretur ; primus , vel saltim in primis , Theologiam methodo Philosophica adornavit : & aliquas disputatio-

nes

[1] „ Primus Theologiam universam recto ordine commis prebendit , ut loquitur Bellarminus . Natalis Alexander His. Eccles. Tom. VI. p. m. 42.

[2] Dominicanus , in Præfat. ad Libros de Fide Orthodoxa Tom. I. p. 119.

[3] „ Ille [Theodoreetus] ex proprii ingenii molitione , adductis S. paginæ testimoniis , adversus Hæreticos varia componens argumentorum genera , compendiariam digessit Theologie traditionem . Noster vero [Damascenus] non ex Scriptura solum , verum etiam ex conglobatis Sanctorum PP. sententiis ea , quæ par erat , brevitate , inexhaustum traditionis promptuarium pro tulit . Michael le Quien. Præfat. L. c. qui exponit , ex quibus PP. sua sumvit *Damascenus* .

nes subtile ad junxit, quæ primos illos fugerant Theologæ doctores. Ex quo non nullis videtur inter Scholasticorum proavos referendus. [1] Præterea scripsit *Sacra Parallelæ*: quæ eamdem, quæ in superiori libro, doctrinam complectuntur, sed secundum ordinem litterarum positam. Et hæc prima Systematicæ theologiæ ætas vocari solet. Nolim tamen Adolescentes, Joannem Damascenum hunc Monachum, & Sanctum, cum Joanne Messue Damasceno medico Arabo celeberrimo confundatis.

Item vero in Occidente monachi Benedictini, præsertim Angli, Scripturis exponendis operam haud intelligentem navarunt. Etenim Bedæ discipuli præceptoris studium pro sæculi more feliciter expresserunt. Hinc Flaccus Alcuinus seu Albinus, [2] qui obiit initio anno ICCCIIII. Sacras litteras & in Anglia, & in Galliis, & in Germania interpretatus est. Ex cuius disciplina pluriimi profecti sunt viri doctissimi, ut Haymo Halberstadiensis, Ludgerus Monasteriensis, Rhabanus Maurus, Walafridus Strabo, qui *Glossam ordinariam* in Scripturam ex Rhabani commentariis composuit. Et hoc Strabone schola Scripturarum Bedæ finem fecit.

Etiam Concilia, ut corruptæ disciplinæ Ecclesiasticorum occurrerent, curarunt, ut Divinæ litteræ in quibusdam ecclesiis viris divino ministerio mancipatis instillarentur. Quod ipsum concilium Cloveshovice

A a 4

&amp; Ca-

[1] Conf. le Quien. l. cit. Arnaldus Perpetuitas Fidei L. II. c. 6. p. 229.

[2] ;, *Albinum in omni latitudine Scripturarum supra ceteros modernorum temporum exercitatum, ut post dictum scipulum doctissimi Bedæ, peritissimi post S. Gregorium tractatoris: Vocab Monachus Sangallensis de Gestis Caroli Imper. apud Launoium de Scholis celebrior. c. 2. p. 15.*

## 376. APPARATUS AD PHIL. ET THEOL.

[1] & Cabilonense [2] & concilium Tullense ad Sapona-  
rias [3] & alia sanciverunt. Et recte quidem Concilia  
malis ingruentibus ob sistebant. Nimurum tanta ignoran-  
tia quorumdam mentes tenebat, ut Grammaticam nosse  
esset miraculum. [4] Plurimi præterea ne legere qui-  
dem scirent, aut commode pronuntiarent. [5] Ex quo

mini-

[1] „ Scholas in Cathedralibus ecclesis, & in Mona-  
„ steriis erigi, in quibus Sacrae lectionis, & Divinæ scriptu-  
„ ræ studio clericorum religiosique viri exerceantur. Ita san-  
cillum fuit in Concilio Cloveshoviae anno 747. can. 7.  
apud Natal. Alex. Histor. Eccles. Sæc. VIII. cap. 4.  
art. 4.

[2] „ Episcopi scholas constituant, in quibus & littera-  
„ raria sollertia disciplina, & Sacra scripturae documenta  
„ discantur. Concilium Cabilonense anno 813. apud  
Launoium l. c.

[3] „ Constituantur undique scholæ publicæ, scilicet,  
„ ut utriusque eruditionis & divinæ scilicet, & humanae  
„ in ecclesia Dei fructus valeat accrescere: quia quod ni-  
„ mis dolendum est, & perniciosum maxime, Divinæ scri-  
„ pturæ verax & fidelis intelligentia jam ita delabitur,  
„ ut vix ejus extrema vestigia reperiantur. Coadum fuit  
anno 869. apud Launoium l. c. p. 53.

[4] „ Litterarum & religionis studia obsoleverant non  
„ paucis ante adventum Normanorum annis. Clerici lit-  
„ teratura tumultuaria contenti, vix sacramentorum ver-  
„ ba balbutiebant: stupore & miraculo erat ceteris, qui  
„ Grammaticam nosset. Guilelmus Malmesburiensis de  
Gestis Regum Angliae L. III. Confer. Matth. Westmonaster.  
Chronic. ad ann. 839.

[5] In Disciplina Ecclesiastica Reginonis, inter alia,  
quaæ de Presbyteris sanciuntur, est hoc. Jubet ut interro-  
ge-

minime mirum videti debet, si Veterum theologorum præstantiam tales Theologi non fuit adsecuti: si Sacros codices incommodè interpretati sunt, non enim poterant melius: si Theologiam ipsam non via ac ordine disputarunt: si paucos in optimis disciplinis fecerunt progressus. Misera enim illa *Trivii*, & *Quadrivii* litteratura, de qua primo libro fecimus mentionem, nullo modo idonea videbatur ad acuendam mentem; & disciplinas amplificandas ac poliendas.

I. Itaque quidquid a sæculo VII. usque ad finem X. plerique omnes Theologi præsiterunt, ad tria capita referri commode potest. Primum ex præcedentium PP. sententiis interpretationem Sacrorum codicum adornarunt. Id sæculo VI. fecit *Trocopius Gazeus*. [1] Id VII. *Aponius*, *Julianus Toletanus*. Id VIII. *Beda*, *Alcuinus*, *Antonius Melissa*, *Ambrosius Auhpertus*. Id VIII. *Paschasius Ratbertus*, *Smaragdus*, *Benedictus Anianensis*, *Florus Lugdunensis*, *Haymo Halberstadiensis*; *Angelomus Luxoviensis*, *Maymonius*, *Rhabanus Maurus*, *Walafridus Strabo*, *Christianus Drutmanus*, *Photius*, *Herricus Antissiodorensis*, *Remigius Antissiodorensis*. Id

sæ-

---

getur:,, Si *Evangelium*, & *Epistolam* bene legere possit,  
 ,, atque saltim ad litteram ejus sensum manifestare. Item  
 ,, si sermonem Athanasii de Fide SS. Trinitatis memori-  
 ter teneat, & sensum ejus intelligat, & verbis com-  
 munibus enunciare sciat &c.

In quem locum exclamat Baluzius:,, Ea erat sc-  
 euli illius infelicitas, ut necesse esset presbyteros ab  
 Episcopis interrogari, utrum bene legere nosset! Con-  
 fer. Baronius *Annal. Eccles. ad ann. 992. n. 25.*

[1] *Primus hic Catenam PP. conscripsit*. Confer. Fa-  
 bricius *Biblioth. Græca. L. V. c. 17. p. 735.* qui Care-  
 nas *Græcor. PP.* enumerat.

sæculo X. *Moses Bar Cepha*; & pauci alii, qui in hoc argumento desudarunt.

II. Deinde vero Homilias ad populum vel ex eorumdem Patrum scriptis excerpterunt, vel integras sumserunt, & recitarunt. [1] Quod præter aliquos eorum, quos nominavimus, præsriterunt sæculo VII. *S. Eligius*: VIII. *S. Germanus*, *S. Joannes Damascenus*, *Paullus Diaconus*: sæculo VIII. *Theodorus Studita*: sæculo X. *Atto Vercellensis*.

III. Præterea contra hæreses, quæ per id tempus vel natæ, vel instauratæ sunt, eorum plurimi stilum acuerunt. Sæculo VII. scripsere contra *Iudæos* *Isidorus Hispaniensis*, & *Julianus Toletanus*: contra alias Theodorus Raythuensis. Sæculo VIII. contra *Muhamedanos* *Theodorus Abucara*, & *Bartholomæus Edessenus*: contra Hæreses plures Damascenus. Etiam *Alcuinus*, *S. Paullinus Aquileensis*, *Etherius*, *Beatus*, *Divinitatem Christi contra Felicem*, *Elipandum*, & alios defenderunt.

Sæculo vero VIII. multo plures se offerunt theologi Polemici in utraque Ecclesia. Nam triplex controversia per id tempus Theologos agitavit. Altera inter Occidentalem ecclesiam, & Orientalem sub Photio Patriarcha Constantinopolitano, quæ apertum Ichisma evavit. [2] Altera de *Corpore & sanguine Christi in Eucaristia* apud Occidentales: utraque vehemens & diurna. Sed vel altera gravissima disceptatio de *Prædestinatione contra Gotte scalchum Monachum*, gravissimorum Theologorum in Occidente curam & industriam excitavit. Scripsere enim de hoc argumendo *Amelius*, *Amolo Lugdu-*

[1] Sæculo VII. Episcopi plerique sermonibus D. Cesarii ad erudiendos Fideles utebantur.

[2] Eos, qui de causa Photiana scripserunt, numerat *Fabricius Bibl. Græc. Vol. VIII*, p. 372.

dunensis , Lupus Servatus , Remigius Lugdunensis , Hincmarus Rhemensis, Rhabanus, ceteri . [1] De *Cultu imaginum* , & *crucis* , vel *contrā Iconomachos* , vel *alios scripta nobis reliquerunt* Nicephorus , Dungalus , Theodorus Studita , Jonas Aurelianensis , ceteri . *Contra Muhammedanos* , vel *Judeos* , vel *Hereticos* , Theodorus Abućara , Abogardus , Anastasius , Rhabanus Maurus , Photius . Demum sæculo X. Moses Bar Cepha , Herigenes , Ratherius Veronensis vel de *Paradiso* , vel de *Corpore* , & *sanguine Christi* , vel alio dogmate differuerunt . Panic numero hisce sæculis aliud Theologicum decretum sibi sumserunt explicandum .

Hi vero Theologi , ut adversarios refutarent , ad Patrum , qui ante se scriperant , testimonia consuigiebant , atque Hæreticorum errores ex traditione infirmabant : Philosophiam non adhibebant . Neque vero in iis requiratis aut perspicuitatem , aut modum , aut ordinem , aut systematicam docendi viam : erat enim illis temporibus res parum cognita : iisque condonari debet , si ea recte non disputarunt : quod sæculi consuetudini , non eorum tarditati , aut negligentiaz tribuendum est . Et quamquam Joannes Damascenus sæculo VIII. uti diximus , viam monstrarit , & lucem argumentis de *Deo* , de *Trinitate* , de *Christi persona* , & *naturis plurimam accenderit* ; tamen nullus , quod sciam , idem instituit iter ; si S. Benedictum Anianensem scriptorem sæculi VIII. excipias , cuius nomine editum est opusculum de *Forma Fidei* , quod ve- luti quædam Theologiae epitoma haberi potest : sed nihil

ad

[1] Confer. Gilb. Mauguinus Veterum auctor. qui VIII. sæculo de *Prædest. & Gratia* scripserunt , oper. Tomo II. c. 23.

ad Damascenum. [1] Ceteri incondito dicendi genere & forma usi sunt. [2].

Redeo ad sæculum VIII. Inclinante hoc sæculo ad exitum suum, Joannes Scotus Erigena, vir in metaphysica Orientali, & dialektica Contentioſa bene exercitatus, librum suum de *Prædestinatione*, & de *Natura rerum notionibus Metaphysicis*, & subtilitatibus Logicis repletum: & earum, quæ sæculo VI. controversiarum auditæ sunt, imaginem adumbravit. Quod placuit non nullis, qui cum nihil aliud, quam Dialecticam, amarent, nulli dubitarunt inanibus liticulis & contentionibus de vocabulo progressu temporis onerare Theologiam.

Nihil dico de sæculo X. quod & mortuim perversitate, & inscientia litterarum ferreum nuncupatur. [3] Nolo in explorandis cauſis ignorantiae, multus videri. Hæc silentio præterire, & ab adolescentium oculis occultare, hoc loco puto consentaneum. Hoc dico unum, ex Clericorum vita propugnosa multorum, cum desidia, & inscītia arte conjuncta, tantas tenebras sæculo X. ortas esse, quantas nulla umquam experta fuerat ætas Christiana. Certe tanta bonarum litterarum inscītia eo sæculo dominata est, ut etiam in urbe Roma, qui litteras sci-

[1] Vide Natal. Alex. Hist. ad sæculum VIII. Cap. 3. art. 12. p. m. 229.

[2] Conferatis quæ diximus primo libro de Philosophia horum sæculorum, & intelligetis, quæ cauſa Theologiae meliori ordine tradendæ obſtarit.

[3] „Novum nunc inchoatur sæculum, quod sui aperitatem, ac boni sterilitate ferreum, malique exundantis deformitate plumbeum, atque inopia scriptorum appellari confuevit obscurum. Baronius ad ann. 900. num. 1.

sciret, rarus esset. [1] Qui vero *trivium* addiscebant, [Laici studiis non vacabant] præcipuo in honore habebantur. Atque hi non nisi in *Dialecticis* subtilitatibus se exercebant. Quæ cum ad Sacram scientiam via ac ordine tractandam accommodata non sint, mirandum non est, graviores disciplinas hoc sæculo non nihil damni fecisse. Nam, ut ex historia Litteraria perspicuum est, ubi litteris Humanioribus, & Philosophiae honos denegatus est, ibi basbaries, morum perversitas, inscientia dominata est: contra, cum eæ in honore haberi cooperunt, tum quasi nova lux studiis accensa est: ac ex his, tamquam ex copioso fonte, uberes fructus in homines manarunt, & quædam inducta est reipublicæ quasi ætas integra & beatitas.

## C A P U T VIII.

*De Theologia a Sæculo X. usque ad finem XV.*  
ubi de *Scholastica*.

**Q**UÆ sæculo X. pæne extinta erat *trivii*, & quadrivii disciplina, eadem sæculo XI. revixit. Neque vero in singulis utriusque partibus recte versabantur cupidi litterarum: sed quasdam perfunctorie adtingebant: & in sola dialectica Alexandrina adeo exercebantur, ut hoc sæculum merito suo *Dialecticum* nominetur. Cumque non nisi Theologi litteris vacarent, & in monasteriis ludum litterarium aperirent; exsistit, ut nulli Sacris litteris operam navarent, qui non *Dialectica* arte essent exercitati.

Pof-

[1] „ Sed cum hoc tempore Romæ nullus pæne sit, ut fama est, qui litteras didicerit; sine quibus, ut scriptum est, vix ostiarius efficitur; qua fronte aliquis docere au-  
debit, quod numquam didicit. Concilium Rhemensis apud Baronium ad ann. 992, n. 25.

Possim id plurimis exemplis Theologorum, qui hoc saeculo tamquam stellæ fulgentissimæ micuerunt, confidere: quorum doctrinam & præstantiam cum Historici illius ætatis deprædicant, duo conjungunt, scientiam Scripturarum, & peritiam Dialecticæ. [1] Sed hæc & nota sunt, & primo libro jam disputata. Certe tanta in veneratione Dialectica hoc saeculo habita est, ut sola nomine Philosophia distingueretur. [2]

In hoc itaque Theologorum XI. saeculi industria versabatur, ut Dialectica sedulo imbuerentur; & Sacras litteras, secundum interpretationem eorum, qui PP. testimonia decerpserant, & sparsa coegerant, explanarent. Non quod id commode efficerent, in iisque exponendis limum judicium, ac eruditionem reconditam ostenderent; omniaque callide explorarent, accurateque disponerent; sed tantum faciebant, quantum per illius saeculi consuetudinem, & eruditionem licebat. Unus tamen & alter, præsertim Græci, in eo argumento haud inepte, ut iis temporibus, versati sunt, velut Oecumenius, [hunc vel saeculo X. vel XI. erudit]i ponere solent. Illud certum, post

annum

[1] De S. Fulberto Carnotensi hæc prædicat Trithemius: „ In Scripturis divinis eruditissimus, & in saecularium litterarum disciplinis omnium sui temporis doctissimus, Poeta clarus, & Dialecticus. De Scriptor. Eccles. c. 315. p. 82. Aldè que ipse Trithemius de discipulis Falberti, ac de aliis Benedictinis illius saeculi narrat.

[2] De eodem Fulberto ait Jotsaldus, „ esse sanctitatem laudabilem, in sapientia mirabilem, in cuius morte studium Philosophiae in Francia perierit, & gloria sacerdotum, pæne ceciderit. Apud Mabillonum Saecul. VI. Benedict. P.I. Tamen illa Philosophia, ut alii docent, erat tanquam Dialectica.

annum Christi 1000. claruisse ] *Theophilus*, *Nicetas*, *Michael Psellus*, ceteri Latini vero, ut *Marianus Scotus*, *Anselmus Lucensis*, *Brunones* quidam, ceterique non aequaliter peritiam, ac voluntateim, ad idem argumentum pertractandum contulerunt. Memorantur etiam non nulli, qui eo & sequenti saeculo ad Judæos refutandos se se applicarunt. [1]

At cum homines ea ætate magis a Dialecticis argutiis, [2] quam ab interiori Bibliorum notitia, plausum captarent; [3] paullatim, ut est: animus humanus rerum novarum præter modum cupidus, Dialecticam cum Theologia conjunxerunt: & a Dialecticis tricis atque cavillationibus parati, Sacra dogmata in quæstionem vocare ausi sunt Theologi non nulli. Hinc medium circiter saeculum XI. Berengarius Dialecticus valde exercitatus,

Trans-

[1] Saeculo X. & sequentibus Iudei Arabum consuetudine & exemplo incitati, Litteris operam diligentem navarunt. Cum autem XI. Babylone pulsi fugatiq[ue] in Europam ac præsertim in Hispaniam se conferrent, frequens ipsis fuit occasio certandi cum Christianis, præsertim saeculo XIII. Confer. Jacob. Pascagius Hist. Judæor. L. VII. c. 10. seq.

[2] nomine Dialecticæ per id tempus non modo Dialectica, verum etiam Metaphysica continebatur. Dialectica autem illa erat Stoica ex Pseudo-Augustino desumpta. Metaphysica vero nihil aliud erat quam Isagoge Porphyrii, uti primo libro demonstravimus.

[3] Lanfrancum hac laude mactat Sigebertus Gemblencensis: „Lanfrancus Dialecticus, & Cantuariensis archiepiscopus, Paullum Apostolum exposuit, & ubicumque opportunitatis locorum occurrit, secundum leges Dialecticæ proponit, adsumit, concludit. De Scriptor. Eccles. c. 155. p. 112.

*Transsubstantiationis* dogma Dialecticis armis adgressus est. [1] Qui etsi ob acumen, & copiam dicendi difficulter confutaretur; [2] tamen a viris gravissimis pro merito refutatus est, nempe ab *Hugone Lingonensi*, *Durando Troarnensi*, *Guitmundo*, *Algero*, & præter ceteros a *Lantfranco Beccensi* abate, viro doctissimo: qui cum Dialectica arte non minus, quam *Berengarius*, valeret, & magnam discipulorum vim eadem institueret; [3] iisdem adjumentis hominis argutias retudit, impudentiam perfrigit, & ex tradita doctrina Christianum dogma firmavit.

Paullo post *Roscelinus Compendiensis* sacerdos, vir ad subtilitates Dialecticas factus, & non minus a secta Nominalium, quam ab erroribus, percelebris; cum novis notionibus, & vocabulis Dialecticis uteretur, visus est

diffe-

[1] „.Dum Dialecticis sophismatibus contra simplicitatem fidei Apostolicæ abutitur, nec se excusat, nec alios edificare videtur: quia magis interpolat clara, quam dilucidat obscura. *Sigebertus Gemblacensis de Scriptor. Eccles. c. 154.*

[2] „. In Synodo Romana neminem Berengario valuisse obstatere, ideoque Albericum evocatum fuisse ad synodum, cum unius post multos verborum confidit, cum neuter cederet, unius bebdomadæ acceptis induciis, librum adversus Diaconum edidisse, & omnes ejus assertiones destruxisse. *Leo Ostiensis in Chronico Cassinensi L. III. c. 35.*

[1] „. Publicas scholas ac Dialecticas professus est, [Lantfrancus] ut egestatem monasterii scholarum liberalitate temperaret. *Malmesburiensis de Gestis Anglorum Pontif. apud Launoium de S. Cel. c. 42. p. 137.* Notandum est, in schola Beccensi, Laudunensi, Parisiensi tum temporis Dialecticam doceri.

differendo pro tribus Personis divinitatis tres Deos ponere. Hanc, ut meritus erat, consultavit B. Anselmus Cantuariensis, in libro de Trinitate, & Incarnatione contra Roscelinum, aliisque.

Hæ sunt duæ illæ celeberrimæ disceptationes, quæ Theologos, jam Dialecticæ plus æquo deditos, demum moverunt, ut eam cum Theologia copularent; Theologiamque subtiliter disputarent. Exemplo sint libri ejusdem Anselmi, nimurum *Monologium*, *Proslogium*, & *contra Insipientem*, in quibus vir acutissimus, & ingenio ad Metaphysicas notiones præditus, docte & subtiliter argumentatur: Dialectica enim, & Metaphysica frequenter utitur in scriptis suis. [1] Quare non inepte sentiunt illi, qui aiunt, Scholasticam philosophiam, & theologiam, quarum quædam indicia & vestigia jam VIII. & X. sæculo visa fuerant, tandem fine XI. esse natas. Nam ab eo tempore, quo Dialectica principia, & conclusiones, & Universalium doctrina ad Theologica placa exponenda deflexa sunt, utraque sensim innotuit, & quasi per gradus vires adquisivit. [2] Quapropter di-

B b

&amp;uri

[1] Mabillonius ait, Anselnum primum fuisse, qui argumentum Theologicum methodo scholastica tractaverit. de Studiis Monasticis. Part. II. c. 6. p. 285. Sed fallitur: nam ejus adversarii, & Lanfrancus in hoc ante Anselnum operam posuerant.

[2] „ Ex altercationibus Berengarianis, & Nominalium [ Roscellini ] Realiumque disputationibus, prava „ quædam in scholas artium, & Theologiae auditoria ir- „ repit docendi ratio, & consuetudo, a veteri tramite „ omnino deflectens. In iis enim tunc nibil nisi clamores „ audiebantur, altercationes, novarum subtilitatum in- „ ventiones: isque ceteris preminere & præcellere puta- ba-

& tunc nos de Scholastica theologia , temperare non possumus , quin aliquid de Philosophia admisceamus . Utriusque enim caussæ , ortus , incrementa , vicissitudines eodem tempore exstiterunt : nec altera ab altera separari potest .

Iisdem auspiciis incepit saeculum XII. Regnabat enim ubique in Occidente Dialectica subtilitas , [1] & Theologi eadem diligenter exercebantur , quo Sacros codices adolescentibus vendibiliores ficerent . [2] At cum ea non nulli intemperantius uterentur , & argumentum Theologicum non modo rationibus Dialecticis in utramque partem explicarent; verum etiam principia Dialectica , & Metaphysica ad mysteria , quæ non nisi divina locu-

„ batur , qui aliquid ingeniosius , & subtilius , etiam cum „ veritatis dispendio , comminisceretur . Quem morem val- „ de improbat Joannes Saresberiensis , qui sequente sae- „ lo floruit . Bulæus Hist. Universit. Parisiens. Tom. I. saecul. 3. meth. docendi .

[1] Confer. quæ diximus de Abælardo L. I. c.8.

[2] „ Quod professioni meæ [vitæ Monasticæ] con- „ venientius erat , Sacrae plurimum lectioni studium inten- „ dens , saecularium artium disciplinam , quibus amplius „ adfuetus fueram , & quas a me plurimum requirebant , „ non penitus abjeci : sed de his quasi hamum quemdam „ fabricavi , quo illos Philosophico sapore inescatos ad „ vere Philosophicæ lectionem adtraherem : sicut & sum- „ mum Christianorum philosophorum Origenem consuevis- „ se , historia meminit Ecclesiastica . Cum autem in Divina „ scriptura non minorem mibi gratiam , quam in saeculari , „ Dominus contulisse videretur ; cœperunt admodum ex „ utraque lectione scholæ nostræ multiplicari , & ceteræ „ omnes vehementer attemari . Ita de se scribit Abælardus in Histor. Calam. suar. p.217.

locutione constant, accommodarent; plurimi iisque gravissimi errores inde profecti sunt, qui meliores Theologos permoverunt, ut ejusmodi tenieritatem constringerent.  
 [1] Hinc Abælardi, hinc Arnaldi Brixiensis, hinc Gilberti Porretani, hinc Almarici, hinc Davidis de Dinanto, hinc ceterorum fluxere placita pernicioса, quae sanctissimi homines, & Concilia damnarunt. [2]. Quæ omnia odiosam præter modum gravissimis ac sanctissimis viris fecerunt Dialecticam subtilitatem.

His accessit, quod cum post medium sæculum XII. aliqui Aristotelis libri Physici, Dialectici, Metaphysici, partim ex Arabico, partim ex Græco conversi ad scholas Parisienses pervenirent; atque non nulli Theologi dialecticam Aristotelis hominis Gentilis anteponerent Dialecticæ illi vulgatæ, quæ sub Beati Augustini nomine tradebatur; id tam ægre reliqui tulerunt, ut nihil supra. Cumque animadverterent, ex novis istis libris Aristotelis multo pestilentiores errores manare, ut illi erant Almarici, & Davidis de Dinanto; [hi duo ex Alexandrinio systemate aliquid sumserunt] impetum in novam Philosophiam fecerunt, & omnino in Aristotelem investi sunt. Nec prius cessarunt, quam concilii Senonensis decreto Aristotelis libri Physici, & Metaphysici igni consumarentur: & lege fanicum esset, ne quis deinceps auderet eos adtingere: quod anno CLOCCVIII. evenit, ut alio loco demonstravimus. [3] Sed redeo ad sæculum XII.

Cum Dialecticæ studium altas radices egisset, vix tam blandis remediis evelli potuit, & funditus extirpari malorum omnium radix; nimirum pruritus ille contro-

[1] Consule B. Bernardi Epist. 195. 190. & alias contra Abælardum, & Torretanum.

[2] De his primo libro disputavimus, & verba Conclitorum adduximus. [3] Parte I. L. I. c. 12.

versandi , & res subtile , ac inaudit a effundendi , etiam  
in argumento Sacro , more Dialetticorum . Itaque eo-  
dem saeculo XII. plurimi epitomas Theologiae [1] condi-  
derunt sub nomine Sententiarum : id est , conscriperunt  
systemata Theologica Dialetticis & Metaphysicis quæ-  
stionibus abundantia . Fuere in his Guilelmus de Campel-  
lis , Petrus Abaelardus [2] Simon Tornacensis , Gilbertus  
Porretanus , Petrus Pictaviensis , Hugo de S. Victore , &  
qui ceteros longe gloria ac honore antecesserunt , Ro-  
bertus Pullus , & Petrus Lombardus . Et quamquam ho-  
rum non nulli ab Theologis novitatis , temeritatis , hæ-  
refoes postularentur ; [3] vicit tamen major pars , & no-

va

[1] Antiquissimum Theologiae compendium , quod scia-  
mus , conditum fuit ab Hildeberto Cenoniacensi , auditore  
Berengarii , quod brevitate , & perspicuitate commen-  
dari solet : ex quo Pullus , & Lombardus hauserunt .  
Vide Jesuitas conditores Memor . Trivultiensium An-  
no 1708. Julii art. 93. p. 1018.

[2] Guilelmus de Campellis ante Abaelardum , & Lom-  
bardum scripsit Sententias Theologicas , seu epitomam  
quæstionum Theologicarum . Exstat Mss. in Gallic bibli-  
othecis , ut scribit Oudinus de Scriptor. Eccles. Tom. II.  
p. 264. Ejus discipulus Abaelardus condidit librum sen-  
tentiarum , b. t. Sic & non , ut ait Mabillon . Iter German.  
p. 64. & Theologiam Christianam , editam a Martene  
Anecd. Tom. V. in quibus systema Theolog. metodo Phi-  
losophica adornavit . Ex hoc plurima sumvit Lombardus  
discipulus .

[3] Gualterus Prior S. Victoris Parisiensis librum  
vulgavit b. t. , „ Contra Manifestas & damnatas etiam in  
„ Conciliis hæreses , quas sophista Abaelardus , Lombar-  
„ dus , Petrus Pictavinus , & Gilbertus Porretanus li-  
bris

va quædam Theologæ tractandæ ratio sub nomine Scholasticæ ex his controversiis nata est; quæ sequenti sæculo justum habitum, & veluti complementum habuit. Hæc Scholasticæ theologæ adolescentia nominari solet ab historicis Ecclesiasticis. Quod cum in schola Parisiensi, quæ per id tempus celeberrima habebatur, eveniret, facile ab ejusdem alumnis in ceteras orbis Christiani partes inducta est eadem philosophandi ratio in disciplinis Sacris.

Hæc *Summæ* nihil aliud erant, quam sententiae PP. quas excerptores ordine collocabant, ut Catholicæ doctrinæ partes singulas instruerent: & quæstiones, quæ disputari solebant, facilis definirent: quibus addebat subtile aliquas disceptationes, quas vocabulis Metaphysicis expediebant. [1] Moderatior tamen ceteris fuit

B b 3

Lom-

„bris Sententiarum suarum acount, limant, roborant. Exstat Mff. in biblioteca S. Victoris Parisiensi. ut refert Bulæus Hist. Univ. Parisiensi. Tomo II. p. 402. Hujus fragmenta excerpit Launoius de Fortuna Aristotelis.

De Simone Tornacensi, qui Parisis docuit Theologiam, hæc refert Henricus Gandavensis: „Dum nimis „& in hoc, & in aliis scriptis suis Aristotelem sequitur, „a non nullis modernis hæreseos arguitur. De Scriptor. Eccles. c. 24. Consule Trithemium de Script. Eccles. c. 467.

[1] „In medio tandem sæculi XI. philosophiam Ari-  
„stotelicam, ait, ad Arabum methodum in scholis publi-  
„cis doceri cœpisse, eamque ab initio usum tantum in Phi-  
„losophia habuisse: sed homines principiis ipsis infectos  
„paullo post eandem in Theologiam pederentim intulisse:  
„iisque non solum ad enucleandas decidendasque quæstio-  
„nes Theologicas ordinarias, sed etiam ad formandas  
„magnopere novas, de quibus antea ne auditum qui-  
„dem

*Lombardus*, qui quamquam Aristotelem præ Pseudo-Augustino sequeretur, tamen a vocibus Dialecticis, & rationibus Philosophicis, & testimoniis Philosophorum, quantum per consuetudinem fieri poterat, abstinuit.

Occurrunt tamen in eo quædam Dialectica, & Metaphysica : e. g. cum quærit : *Utrum Deus Pater se ipsum genuerit, an alium Deum*. [1] Num Pater genuerit essentiam Divinam, an essentia Divina Filium. Tum, an una essentia alteram produxerit; an vero essentia nec producta sit, nec producens. [2] Præterea, num Deus Pater Filium genuerit volens, an nolens. [3] Item cum copiose & in utramque partem disputat, *an Christus secundum quod homo sit persona, vel aliquid*. [4] Quæ etsi aliquorum PP. auctoritate confirmare, & explanare conatur, tamen ex iis aperte conficitur, quanto Metaphysicæ studio occuparetur Lombardus : tametsi cautius præceptore suo Abælardo loqueretur ad invidiam fugiendam.

Lombardo adjungo Robertum Pullum, qui Sententiæ Trinitatis libros VIII. conscripsit : in quibus magis Scripturæ locis, & rationibus, quam Patrum auctoritatibus, sententias confirmat : & Metaphysicas, ac Dialecticas subtilitates quantum potest explodit : certe ipfi

„ dem fuerat, usos fuisse. Joannem Sophistam, Roscellinum, & S. Anselmum inter primos fuisse: & post eum Petrum Abælardum, Gilbertum Porretanum, aliasque complures vulgarissimam ac celebrem illam reddidisse, lectionibus publicis ad eam institutis. Dupinius Meth. Stud. Theol. C. II. p. 21. Errat tamen Dupinius putans, međio XI. saeculo Arabum philosophiam Gallis notam fuisse: cum id non nisi initio XIII. evenerit.

[1] Lib. I. dist. 4. [2] Ib. dist. 5.

[3] Ibid. dist. 6.

[4] L. III. dist. 10. q. 1.

ipſi Lombardo a non nullis anteferri ſolet. [1] Ceteri magis de Dialectica, quam de Theologia, folliciti fuerere. [2]

Quamquam vero *Lombardus* ea moderatione in scribendo interetur, tamen diſplicuit ejus methodus non modo *Magistro Gualberto*, ut ante diximus, ſed etiam plurimis Theologis, qui pro studio Sacrarum litterarum, id est, pro Veteri theologia mirandum in modum pugnabant. [3] Hinc non modo *Alexander III. P. M.*

[1] *Confule Dupinium*. Nova Biblioth. Script. Eccles. Tom. VIII. p. 213.

[2] *Vide Bulaxum*, Hist. Univ. Paris. Tom. II. diſſ. 4. de Facult. Theologiae.

[3] „ *Lapsa sunt* [ inquit cadente ſeculo XII. Stephanus Tornacensis episcopus, in epift. ad Pontificem Max.] apud nos in confuſione officinarum Sacrarum ſtudia litterarum : dum & diſcipuli ſolis novitatibus applaudunt, & magistri gloriae potius invigilant, quam doctrinæ. Novas recentesque ſummulas, & commentaria firmitia ſuper Theologiam paſſim conſcribunt: quibus auditores ſuos demulcent, detineant, decipient. Quasi non dum ſufficerent SS. opuſcula PP. quos eodem ſpiritu Sacram scripturam legimus expoſuiffe, quo eam compoſuiffe credimus Apoſtolos, & Prophetas . . . . Disputatur publice contra Sacras conſtitutiones de incomprebenſibili Deitate. De incarnatione Verbi verboſa caro & ſanguis irreverenter litigat. Individua Trinitas in triviis ſecatur, & diſcerpitur. Ut tot jam ſint errores, quot doctores: tot ſcandala, quot auditoria: tot blaſphemiae, quot plateæ . . . . Hęc omnia, Pater, correctionis Apoſtolicæ manum deſiderant: ut uniformitas diſcendi, docendi, diſputandi, auſtoritatem

no c<sup>l</sup>o<sup>c</sup>elxiiii. quo obiit Lombardus, hisce novitatibus occurendum esse putavit; [1] sed etiam concilium Late- ranense III. anno c<sup>l</sup>o<sup>c</sup>lx<sup>x</sup>. subtilem quandam Lombardi sententiam condemnavit. [2]

Verum tam magna de Lombardi doctrina concepta erat opinio; tanta ille auctoritate valebat & Parisiis, & in aula regia; tam avide ipsius scripta discipuli arripuerant, propterea quod si non primus, in primis saltim Theologiam in schola Parisiensi publice docuit; ut vix de gradu illo, quem semel occuparat, dejici potuerit. Quibus cum accesserit episcopatus Parisiensis honor, & splendor, tam bene se probavit Scholasticis Lombardi labor & ratio philosophandi, ut eam plerique omnes Theologi paucis post annis amplexati sint, & in scholis eosdem libros tradiderint Juventuti.

Ita-

---

„ vestra certam redigatur ad formam; ne sermo divinus  
„ ad tritione vulgari vilescat. Apud Natal. Alex. Hist.  
Eccles. Tom. VII. c. 6.p.m.144.

[1] „ Ipso anno 1164. cum per totam Franciam multæ  
„ & variae sententie haberentur de Fide inter Magistros  
„ Francigenas, Alexander Papa, convocatis in unum  
„ Scholasticis, & quibusque litteratis, in ipsa vigilia Na-  
„ tivitatis Domini usque ad tria, ut fertur, millia, vel  
„ ultra, cum ad sensientibus sibi Dominis Cardinalibus;  
„ condemnavit, & omnino interdixit omnes tropos & in-  
„ disciplinatas questiones in Theologia: Parisiensisque epi-  
„ scopo sub obedientia præcepit, ut per totam Franciam eas  
„ compesceret. Author Chronicus Reicherspergensis apud  
Pagi, Breviar. Gest. Pont. Rom. Tom. II. p. m. 44.

[2] „ Litteras Alexandri Papæ ad episcopum Pari-  
fensi. habes apud Pagi L. c. p. 64. Vide Baronium ad hunc  
annum. Propositio autem erat: Quod Christus secundum  
quod est homo non est aliquid.

Itaque quamquam *Lombardus* a *Campellensi*, & *Aberardo* acceperit methodum & rationem tradendi Sacram doctrinam, tamen ipse praeter ceteros Dialecticæ adjuvento ex Scripturæ, & Patrum locis systema Theologicum composuit, ornavit, polivit, atque auctoritate sua probavit ceteris, & propagavit: Quia de causa inter coryphaeos Scholasticæ theologiae, qui prima illius ætate fluere, primum locum occupat: immo vero tamquam parentes & conditor ipsius Scholasticæ prædicatur.

Hac ætate Scholastica theologia non dum in artis formam redacta erat, nec Peripateticam philosophiam secundum methodum Averroesianorum sibi opitulari coegerat. Etenim utebantur quidem Theologi libris dialecticis Aristotelis; at Metaphysicam non nisi ex Porphyrii *Isagoge* hauriebant. Verum cum vergente ad finem saeculo XII. metaphysica Aristotelis in Gallia appareret, quæ notiones generales & obscuras suppeditabat; easque ad Theologica dogmata quidam adhiberent; mirandum in modum crevit, & amplificata est Scholastica tum philosophia, tum theologia. Quod saeculo sequenti potissimum obtinuit.

Non defnire Theologi, qui Sacros codices XII. saeculo dedita opera interpretarentur. Sed quam jejuna esset talis interpretatio, vel una *Historia Scholastica* Petri Comestoris fidem facit: quæ diu in Gallia hermathenæ instar iis fuit, qui Sacram scripturam plane cognoscere & interpretari cuperent. Plerique more Dialecticorum etiam in Hermeneutica theologia disputabant: quæstiones alias Scholastico modo instituebant, & dissolvebant, ac locos Communes adserebant: [1] immo vero sub-

[1] „ Duodecimo saeculo elapsa Scripturæ studia eam-  
“ den, ac ceteræ scientiae, fortè nata sunt: de illis Scho-  
la-

394 APPARATUS AD PHIL. ET THEOL.  
subtiles, & inanes disputatiunculas adhibuerunt, quibus Sacros codices onerarunt. Excipio B. Bernardum Clarevallensem, qui sapientissime in hoc argumento versatus est. Et haec præsertim in Gallia, & Anglia.

Inito sæculo XIII. cum Aristotelis, & Averroesii libri ex Arabico conversi Christianis innotescerent; iis mirifice placuerunt: cum quod eamdem philosophandi viam repræsentarent; tum quod Averroesii opinio de intellectu universalis Realibus, quibus plenæ erant scholæ, admodum probaretur. Hinc tanto ardore libros Averroesii lectorum, ut omnes fere Scholastici, præsertim Itali, evaderent Averroesiani. Ex hoc tempore quasi diluvium quoddam subtilitatum, & Metaphysicarum contentiōnum scholas inundavit, quod progressu temporis in immensum crevit.

Plurimi Theologi Alexandri Haleſii exemplo commoti [ primus hic Lombardum commentariis suis explanavit ] in Lombardi Sententias commentarios conscripserunt, ut Albertus Magnus, aliique nimis multi: [1] & tot ebs novis dissertationibus repleverunt, ut qui cum iis Lombardi conferat scripta, Anti-Scholasticum eum esse putet. [2] Alii, tametsi Pontificum, & Concilio-

rum

---

„ Iusticorum ritu agere cœptum est, varias agitando quæ „ stiones, plurimosque communes locos adferendo. Calmetus Præfat. Bibl. p. 5. Edit. Ven.

[1] Plus quam trecenti Theologi Lombardum interpretati sunt. Vide Bulæum l. c. Tom. II. in Catal. Academic.

[2] „ Scholastici doctores simplicitati bujus libri „ [Lombardi] non ad quiescentes, vastos in ejus textum „ commentarios ediderunt, quibus litium & contentionum „ crambem centies recoxerunt, principiique Philosophica,

nec

rum sanctionibus Aristotelem ab scholis Christianorum ejectum esse intelligerent, [1] tamen cum Aristotele, & Averroesio suis ineptire malebant, [2] quam cum tot Pontificibus, & gravissimis Theologis sapere. Quæ qui faciebant, ii quidem dum se ad Theologiam tractandam applicabant, temperare sibi non poterant, quin aliquas adjungerent quæstiones novas, & inanæ, quas ipsi compone disputabant, & in quibus summum fastigium doctrinæ & eruditionis ponebatur. [3] Cumque philoso-

phia

„ nec non Aristotelis axiomata, quorum nullam Sententiæ Magister rationem habuisset, in Theologiam de novo intruserunt: proque eo, quod ejus methodum sequentur, notasque quæstiones Patrum dictis dissolverent, non nisi principiis Philosophicis ac subtilitatibus Metaphysicis militasse. Dupinius Meth. Stud. P.II. p. 23.

[1] Vide quæ disputavimus P. I. L. I. c. 12.

[2] „ Plerique enim cum Aristotelicis regulis nimium tribuentes, supra Paullum, & alios Evangelistas magistrum suum Aristotelem extollebant. Et fraudulente Philosophiae principiis, & axiomatis innixi, scientiam Christi evertebant. Impositus itaque modus disputationibus, & ut occurrerent hæresibus ubique pullulantibus, statuerunt, ut mysteria Fidei Sacrae scripturæ auctoritate, & SS. Doctorum testimonis, & rationibus explicantur. Bulæus l. c. Tom. III. ad ann. 1208.

[3] „ His temperibus incipiebant magistri Theologiae, præcipue tamen præcipui Predicatorum, & Minorum Lectores disputatione differere subtilius & celerius, quam decuit, aut expedivit. Qui non verentes tangere montes a gloria Dei opprimendi, nitebantur secreta Dei inperveſigabilia temere perscrutarī: & judicia Dei, quæ sunt abyssus multa, nimis præsumptuose indegare.

Unde

phia illa Saracenica ex singulis notionibus abstractis singula entia comminisceretur; cum hæc disputandi ratio ad nostram Theologiam traduceretur, nova entia, nova nomina, &c, ut verbo dicam, novam disciplinam generavit: quæ aliquas illius temporis Theologis querelas extorserunt. [1]

Fortiter huic Theologiae pernicie restitit B. Thomas Aquinas: qui cum fædatos nobilissimæ disciplinæ vultus videret, [2] aliquam medicinam huic malo adhibendam

„ Unde defecerunt scrutantes scrutinio, & erraverunt in  
„ invio Dei inveniendo: cui plus placet firmæ fidei simplici-  
„ citas sobria, quam nimis transcendens in Theologia sub-  
„ tilitas. Matthæus Parisiensis Hist. Angl. ad ann. dict.

[1] De Alberto Magno ait Henricus Gandavensis:  
„ eum, dum subtilitatem sacerularis Philosophiae nimis se-  
„ quitur, splendorem aliquantulum Theologicæ puritatis  
„ obnubilare. De Script. Eccles. c. 23.

Et Paulus Langius monachus Cizenensis ita scribit.  
„ Ob amplitudinem omnifariæ doctrinæ Magnus dictus  
„ fuit in omni philosophia Peripatetica peritissimus. Hinc  
„ & a plerisque simia Aristotelis appellatus est, qui & ni-  
„ mium vino sacerularis scientiæ inebriatus, sapientiam bu-  
„ manam, ne dicam philosophiam Profanam, Divinis lit-  
„ teris copulare ausus est: quique Dialetticam contentio-  
„ sanam, spinosam, & garrulam sacratissimæ, & purissi-  
„ me non pertinuit commiscere Theologicæ: novum &  
„ Philosophicum modum Sacras docendi & explanandi  
„ litteras suis tradens sequacibus: Theologistarum sedlæ,  
„ quæ ab eo Albertistarum dicitur, dux & monarcha ex-  
„ cellens. In Chronico ad Ann. 1258.

[2] Confer eundem Thomam Prolegom. in Primam Partem: quod produximus Parte I. L. III. cum de Thoma diceremus.

dam esse putavit. [1] Itaque cum facta sibi potestate a P. M. Aristotelis libros interpretaretur; non ille quidem ejusdem principiis in Theologia sua omnino abstinuit; quod nec ipse scite efficeret, in schola *Alberti Magni* educatus; nec ferre possent Scholastici illius ætatis, Averroesianorum principiis innutriti. At quod pro suo studio, proque magna pietate, qua valebat, facere potuit, fecit, ut Averroesii errores patefaceret: ut Aristotelis libros recte interpretaretur: ut in *Summa Theologica* nos doceret, Sacram doctrinam ex Scriptura, Conciliis, Patribus duci debere, rejectis inanibus contentionibus. [2] Nec id solum, sed etiam ostendit, posse quædam ex Aristotele sumi, quin dogmata a majoribus accepta contaminarentur. Recte ille quidem ac sapienter. Nam quemadmodum qui in magnis tenebris versantur, si ad meridianam lucem illico ducuntur, cæcutiunt; & illa ipsa copia lucis impedimento est ne videant: sin autem a loco obscuro ad

mi-

[1] *Sixtus Senensis Dominicanus* vocat *Thomam*, Scholasticæ theologiæ instauratorem. *Biblioth. Sanct. L. III.*

[2] „ *Si eo, quem descripsimus, modo* [nimirum ex „ plorando ex quibus fontibus doctrinam suam ducit „ D. Thomas, & an recte ex iis argumentatus sit] le- „ geretus D. Thomas, innumeris fortasse difficultibus „ intercluderetur aditus, que inaniter ingenia torquent: „ seditiones quoque factiones comprimerentur: finem habe- „ rent inutilia commentaria: atque incredibilis alteratio- „ num numerus componeretur, a quibus Angelicus Doctor „ perinde alienus est, ac Sol a litigiosis Philosophorum di- „ sputationibus de quibusdam effectibus, quos ipse nullo mo- „ do producit. Bonaventura Argonensis Chartianus; de Optima legendor. Patrum methodo. Part. II. cap. 9. pag. 137.

minus obscurum veluti per gradus manuducuntur , vi-  
dent illi quidem & clarus , & sine ullo damno oculorum ;  
ita qui in tantis ignorantiae tenebris diu vivebant non il-  
li quidem tantam lucem ferre possent , ut ad sanam philo-  
sophandi rationem , & ad antiquissimorum Theologorum  
disputandi formam sine ulla præparatione , & veluti invi-  
ti revocarentur . Quare erant illi quidem primum mon-  
nendi , & veluti muniendi , ut facilius tempore proce-  
dente ad veram viam redirent .

Hæc sane ego cum considero aliquando , cumque  
gravissimi ac sanctissimi Theologi scopum , & adjumenta ,  
quibus ad eum pervenire volebat , animo colligo , facere  
non possum quin tantum virum laudibus extollam ; qui  
in tanta caligine bonarum litterarum , atque in ea æstate ,  
in qua fere omnes ad inanes liticulas ferebantur ; ipse ma-  
ximo animo novitatibus studiorum se opposuit periculof-  
fis : & peracri judicio utens , remedium commode excogita-  
vit , quo eos ab illo morbo liberaret . Quod consilium si  
æquales pro merito æstimassent , non illi in tales alterca-  
tiones post Aquinatis obitum incidissent .

At beatissimi hominis sapiens consilium fructum non  
tulit : immo vero causa fuit aliis cur contentiosa illa  
Theologia diligentius exercebantur . Nam cum animad-  
verterent ipsi , talem , tantumque virum locum aliquem  
philosophiæ Aristotelico-Saracenæ in sua Theologia feci-  
se ; cunque accurate non expenditurent , quo sine , quam-  
que prudenter id præstisisset ; existimarent , licere ipsis per  
Aquinatem Metaphysicas subtilitates ad Theologiam de-  
flectere : & non modo veteres disceptationes renovare ,  
verum etiam novas & inauditas excogitare sine ullo fi-  
ne . Quare paulo post obitum Sanctissimi Thomæ in  
id toto pectore plurimi vacarunt , ut Scholasticam  
theologiam ad formam Aristotelico-Saracenæ reduce-  
rent .

rent . [1] Quare haud injuria aiunt viri docti , Scholastici theologiam post medium saeculum XIII. id est , post Albertum [2] & Thomam maturitatem suam esse adeptam . Nam ab eo tempore Saracenis pigmentis & cincinis compita & ornata apparuit orbi litterario . Ex quo secundam etatem possumus auspicari Scholasticæ theologiae , idque usque ad Durandum a S. Porciano , qui sequenti saeculo nobilis habitus est .

Ex operibus S. Thomæ præter cetera laudatur *Summa Theologica* in tres partes divisa : quarum secunda in alias duas subdividitur , nimurum in primam secundæ partis , & in secundam secundæ . In prima parte agit de Deo , & proprietatibus divinis , beatitudine , trinitate , ceteris . In prima secundæ , de ultimo hominis fine , de actionibus humanis , earumque fontibus , virtutibus , vitiis : item de lege , & gratia . In secunda secundæ , de

vir-

[1] „ Verum cum ea sit infelicissima rerum omnium condicio , ut vix ad summum perducat , statim relabatur ; Scholastica , principio tam laudabilis , in turpissimam cavillationem , scholarum Christianarum maiestate indignam , turpiter abiit . Quamobrem , inquit doctissimus episcopus Gallus D. Godeau in Hist. Eccles. Scholasticos recentiores subtilitati rerum magis , quam firmitati , studentes , D. Thomam superandi cupidos , veritatem , quam illustrare suscepserant , omnino turbasse : Scripturarum , Patrum , ac Conciliorum studia susdeque verisse : depravasse ingenia : suaque explicandarum rerum exilitate pietatis spiritum in animis Fidelium paulatim extinxisse . Idem Bonaventura Argonens. l. c. P. 134.

[2] Albertus & ipse Compendium Theologiae edidit , & Summam Theologicam : sed minus a Theologia sua , quam Philosophia , laudis habuit .

virtutibus singulatum Theologicis, & Moralibus. Tertia parte, de incarnatione Christi, & sacramentis, ac novissimis rebus hominis edifferit. Ex secunda parte plurima exscripsit Vincentius Bellovacensis in *Speculo Morali*. Scriptis itidem Thomas in Lombardum pro more sui saeculi, & alia plurima. Non mediocrem laudem habent libri *Contra Gentiles*: in quibus de Naturali theologia optime meritus est: & nobis probavit, quantum ipse in singulis Philosophiæ, & eruditionis universæ partibus efficere potuisset, si ad id animum adjungeret: adeo selecta sunt, quæ de singulis argumentis reliquit.

Jam ratio disputandi in theologia Scholastica, quam sequitur *Thomas*, talis est. Scripturæ, & Patrum testimoniis utitur in finiendis questionibus: easque confirmat rationibus Metaphysicis, & testimoniiis Philosophorum, ubi locus est. Tum controversias aliquas subtiles & intricatas de rebus divinis adjungit, quas secundum Arabum consuetudinem, quæ eo tempore obtinebat, exponit, & solvit. Itaque medium viam tenet inter antiquos illos PP. & Scholasticos sui temporis.

Hujus æqualis B. Bonaventura cardinalis præter commentarios in libros complures S. Scripturæ, & alia opera multa, scripsit in *Quatuor Sententiarum libros*, Halesum, ac Thomam imitatus: quod opus ab scholæ studiosis magno in pretio habitum est. Certe Bonaventura a disputationibus Dialetticis multo plus, quam ceteri, abstinet. [i] Quo planum fecit, Averroesianam disciplinam non omnibus probari.

Ab

---

[i] „ Profundus, non verbosus; subtilis, non curiosus;  
 „ disertus, non vanus; flammantia, non instantia verba  
 „ preferens: unde & securius legitur, facilius ab amante  
 „ te intelligitur, utilius frequentatur, dulcior & fru-  
 „ etuosus retinetur. Trithemius de Scriptor. Eccles.  
 c.446. p.113.

Ab hoc tempore Theologi in tres classes divisi sunt. Quidam libros *Sententiarum Lombardi* explicarunt: & hi *Sententiarii* vocati sunt. Alii vel novas *Summas* composuerunt, vel Thomæ Aquinatis *Summam ad verbum* secuti sunt, & commentariis exposuerunt: & hi nominati *Summiste*. Non nulli systemata non condiderunt, sed de variis Theologiae disputationibus in utramque partem disputatione more Academicorum, facientes adversariis potestatem, quam liberet sententiam, confutandi: & hi vocati sunt *Quodlibetarii*: quorum parens & auctor non nullis videtur *Gualterus episcopus Pictaviensis*, quem *Aquinas* imitatus est. Et his tribus classibus tota Theologia secundæ, & tertiae ætatis definitur.

Fuere tamen quibus Aquinatis disputandi ratio in Theologia non placeret. [1] Immo paucis post ejus obitum annis non nullos, ipsumque *Stephanum Parisiensem* episcopum quædam illius placita non admisisse, qui dicat, auctorem habeo. [2] Sed fortasse contra alios Theologos sancta sunt hæc. Certe *Aegidius Columna* eodem saeculo, eum contra vituperatores strenue conscripto libro defendit. [3] Et hæc saeculo XIII.

Cc

Jam

[1] *Facultas Theologica Parisiensis* in libro scripto. contra *Joannem Montesonum Dominicanum*, quem *P. M.* obtulit, hæc late persequitur: cuius verba legi possunt apud *Launoium de Fortuna Aristotelis* c. x. p. 213. Videlicet etiam *Bulæus Hist. Academ. Parisi.* Tom. III. p. 433.

[2] *Richard. Simon Biblioth. Critic.* Tom. II. c. 25. p. 371. Epistolam autem Stephani Parisiensis episcopi datam anno 1277. producit *Oudinus de Script. Eccles.* Tom. III. p. 365. & *Bulæus l.c.* p. 408.

[3] *Defensorium librorum S. Thomæ contra Guilelmum*

Jam XIII. saeculo ineunte Joannes Duns Scotus Franciscanus, cum Parisiis Theologiam traseret, propoſuit sibi Thomae, Bonaventuræ, aliorumque argumenta & conclusiones ad incudem revocare; &, quæ sibi infirma videbantur, argumentis subtilibus refellere. Cumque plures pro Thoma decertarent, acres decertationes fuscitatæ sunt inter Scholasticos, quorum alii Thomistæ, alii Scotistæ sunt nominati: qui tanto animorum æstu conienderunt inter se, ut plura saecula hæc litteræ perduraverint. [1] Noiatur Scotus hoc nomine, quod & nimis subtiliter, atque adeo obscure disputaret; & cum de aliquibus in utramque partem disputando, in iis judicium cohiberet, Scepticismum amplificare præter modum visus est.

Hæc autem disceptationes Metaphysicæ immane quantum onerarunt Theologiam. Nam cum præcipua Theologorum laus non in imitando Thoma, aut reformanda Theologica disputandi ratione secundum illius mentem, uti par erat, sed in novis quæſtionibus ingeniōse & acute excogitandis, ac definiendis confisteret; neutri autem alteris fasces submittere vellent; ex una disputatione innumeræ genitæ sunt, & sine ullo fine pro-

---

mi Lamarenſis, Thomæ mastigis, Corruptorium. *Edi-*  
*tus est Venetiis 1501. & alibi.*

[1] „ Quidam Theologi postpositis vel neglegitis necessariis, utilibus, & aedificatibus doctrinis, curiosis, inutilibus, & superracaneis Philosophiaæ quæſtionibus, & subtilitatibus se inmiserent: ex quibus ipsius studii disciplina dissolvitur, luminis ejus splendor offenditur, & per consequens studentium utilitas impeditur. Verba sunt Joannis XXII. P. M. in epistola ad Parisienses theologos data anno 1317. Apud Natal. Alex. H. E. Tom. VIII. p. 52.

productæ. Cumque in his sere omnes ætatem agerent, vix aliquid otii erat illis, qui Theologica dogmata reglo ordine exponere cupiebant. Quod si aliqua ipsi adtingebant, breviter faciebant, & in disceptationibus nullius momenti consumebant ætatem. Nullus subtilitatem, nullus contentionum modus erat. Præstantissimus habebatur, qui nova fundere, quique a nemine non nisi post multum laborem percipi posset. [1]

Auxerunt has contentiones viri duo celeberrimi, *Guilelmus Durandus a S. Portiano*, & *Guilelmus Occam*, alter Dominicanus, alter Franciscanus, qui paullo ante medium XIIIII. sèculum præstantes habití sunt. Ille Thomam suum deseruit, & adversum eundem acriter scripsit, atque sine ullo duce philosophari conatus est.

C c 2

Hic,

[1] „ Methodum S. Thomæ secuti sunt plerique post ipsum Scholastici. Verum qua ipse usus est ob necessitatē tem jam dictam, ea non pauci post ipsum abusi sunt. „ Nam cum debuissent, cessante jam necessitate, ad simpliciorem tractandæ Theologicæ methodum redire, nec scio qua vel curiositate duxi, vel ostentandi ingenii cupiditate incitati, reliktis Fidei, & Morum dogmatibus, aut leviter tantum delibatis, Thcologiam propter totam ad quæstiones, & pugnas de verbis, contentionesque de speculationibus quibusdam Metaphysicis redigerunt. Novas præterea quæstiones ex ipsis S. Thomæ quæstionibus, articulis, argumentis, sententiis, verbis, sine ulla necessitate, vel utilitate excitarunt: tan- toque sibi doctiores visi sunt, quanto subtilius poterant novam disputandi materiam invenire: minime profecto in hoc imitati S. Thomam. Joannes Opstraetus, Belga, qui floruit fine elapsi sèculi, in Theologo Christiano P. II. c.3. Vide Cl. Mabillon. de Studiis Monasticis P. II. cap. 3.

[1] Hic, discipulus Scotti, instauravit lectam *Nominalium*, eamque opposuit doctoris sui placitis, qui a Realiibus stabat: multaque alia in præceptorem effudit. [2] Ex quo inter Reales, & Nominales non modo contentiones litterariae natæ sunt acres & vehementes, sed plus quam litterariae, ad convicia ad verbera usque. [3] De iis nos jam primo libro verba fecimus: sed cum Philosophicæ

[1] „Nos igitur plus rationi, quam cuicunque auctoritati humanae, consenientes, nullius puri hominis auctoritatem rationi præferimus: adtendentes, quod, omnibus existentibus amicis, sanctum est perhonorare veritatem: Durandus, Præfat: in Libr. Senten. Lombardi.

[2] Occamii effigiem nobis adumbravit Paullus Langius monachus Cizensis hoc modo: „Occamus Scholastici certaminis agnothereta excellentissimus, agmen peregrini exercitus, id est, Philosophicum contra hostes Israel pugnans, in Scripturarum campum adducit, sacrificique Theologorum copiis associat, sacra profanis, divina humanis; domesticis exoticis, orthodoxis ethnica, cæca presumptione commiscens & copulans, & adeo usque quidem, ut auxiliares domesticas pæne excedant, supererentque copias: multo plures videlicet Philosophorum, quam divinæ paginæ, in suis syntagmatibus auroritates producendo. Quasi arma lucis, utpote scutum Fidei, galca salutis, & gladius Spiritus Sancti, utriusque testamenti aurea testimonia, ad resistendum diabolo, & satellitibus ejus Hæreticis, minime sufficerent. Virum fauste, & prudenter id fecerit, ipse viderit. In Chrónico Cizensi Tom. I. edit. Pistor. pag. 833.

[3] Consule Aventinum in Annalibus Boiorum L.VI. pag. 624.

lo sophicæ disceptationes etiam in Theologia instaurantur, fieri non potest quin eadem interdum parce repetamus: usque adeo philosophia, & theologia Scholastica vinculo quodam necessario constrictæ sunt:

Atque hinc tertia & postrema Scholasticæ theologiæ ætas ducitur ad finem usque saeculi XV. quæ priores superavit acumine, & altercationibus. Nam laxatis habebis ingeniorum nulli amplius dubitarunt Philosophi, atque adeo Theologi novas opiniones pro ingenio, pro lubitu, pro gloria captanda excogitare. Quare magis illi in argutiis Dialecticis, quam in dogmatibus exponendis, versati sunt: immo interdum propter Dialecticas subtilitates in errores nimis multos offendernat. [1] Plerique existimarent, non nisi Dialecticæ pugnacis & contentiosæ beneficio ad Theologiæ fastigium perveniri posse: quod ipsum de Petro Aliaco cardinali prædicarunt æquales. [2]

Jam singula percensere, quæ hac secunda, & ter-

C c 3

tia

[1] De Eccardo Teutonico, qui hoc saeculo floruit, ita scribit Trithemius: „Vir in Divinis scripturis eruditus, & in philosophia Aristotelica omnium suo tempore doctissimus, ingenio subtilis, & clarus eloquio: sed dum nimis Philosophiam insequens novitatem terminorum contra Theologorum consuetudinem ubique curiose inquisivit, varios errores inducit, inter quos exstant de cem & septem articuli u S. Pontifice [Joanne XXII.] damnati. De Scriptor. Eccles. c. 537. p. 130.

[2] „Quis umquam ad illum apicem Theologie, quo Petrus de Aliaco concendit, absque definitionibus, divisionibus, argumentationibus, instantiis Logicalibus perveniret?... opus igitur Theologicis Logica inferre. Wesselius apud Launcium de Fortuna Aristotel. p. 469.

tia ætate, id est a fine XIII. usque ad XV. sæculum ab Scholasticis sunt perpetrata; & molestum esset, & minime necessarium. Qui enim præcipuos in singulis ætatis habet exploratos, is de reliquis potest judicare, qui ex eadem disciplina profecti sunt. Omnes siquidem in præceptorum verba jurarunt, eaque totis viribus defendenterunt: præsertim Thomæ, & Scotti sectatores: quorum iccirco res gestas narrare singulatim id esset abuti patientia lectoris. Quare de singulis partibus, nempe de *Scholastica*, *Polemica*, *Hermeneutica*, breviter dicemus.

I. *Scholasticam* plerique omnes Theologi in Occidente sunt amplexati: & qui ceteris doctrina præstant, Lombardum interpretati sunt: quod in magna eruditionis, ac ingenii laude ponebatur. Qui vero ex suo aliquid novum promere cupiebant, *Summas* aliquas condebant vel de re Speculatrice, vel Morali. Id XIII. fecere sæculo Guilelmus de Seliniaco, B. Raymundus de Pennaforti, Udalricus, Hostiensis, Gandavensis. XIII. Astefanus, Monaldus, Alvarus Pelagius, Bartholomæus a S. Concordia. XV. S. Antoninus, Baptista Salvis, Trouvamalis, Angelus a Clavasio, Pacificus Novariensis, reliqui. Interdum vero ex aliorum *Summis* epitomas seu *Summas* decerpebant: quod in primis fecit Joannes Teutonicus quidam, qui ex *Summa* Thomæ, & Petri de Tarentasia, & Hostiensis, & S. Raymundi, aliorumque suam delibavit.

II. Non nulli, sed pauci numero, theologiae *Polemicae* operam dederunt. In id incubuerunt sæculo XIII. Thomas Aquinas. [1] Sæculo vero XIII. Guido de

[1] In *Summa contra Gentiles*, & contra errores Græcorum, & contra Saracenos.

de Perpiniano, Pelagius. XV. Paullus Burgensis, Hieronymus a S. Fide, Porchetus de Salvaticis, Alfonius de Spina, & alii, qui Judæos refellere adorti sunt. Non nulli eodem saeculo Wickleffianos, & Hussianos refutabant: alii vel contra Græcorum errores, vel in defensionem Florentini concilii libros ediderunt. Quos inter referuntur Græci quidam, ut Georgius Trapezuntius, Scholarius, Josephus Methonensis, Protosyncellus, Bessario cardinalis, Isidorus Thesalonicensis, ceteri.

III. Etiam in Hermeneutica, seu enarratione Scripturarum non nihil Theologi prædicti temporis & intelligentiae posuerunt. In his numerantur XIII. B. Antonius Ulyssiponensis: qui prius apud Franciscanos Sacros codices, idque sapientissime, interpretatus est. Hugo de S. Caro, qui in primis Concordantias lucubravit. Petrus de Tarentasia, ceterique. XIV. vero Engelbertus, Aureolus, Ludolphus Saxon, Gorram, Eymericus, sed præter ceteros Nicolaus de Lyra, primum Iudeus, dein Franciscanus, qui Scripturarum studia hoc saeculo suscitavit, & Postillam, uti vocant, ad Glossam Ordinarium conscripsit. Multo plures se offerunt saeculo XV. qui eamdem materiam diligenter persecuti sunt: hujusmodi sunt Paullus Burgensis, Hieronymus a S. Fide, Thomas Anglicus, D. Chartianus, & Alfonius Tosatus episcopus Abulensis, qui copiosa in Scripturam commentaria reliquit.

Horum plerique, quod linguas Orientales ignorarent, operam suam in explicanda vulgata versione Latina tantum posuerunt, idque secundum interpretationem Latinorum Patrum: quidam fusi, alii brevius. Aliam viam institit Tosatus, qui quæstiones aliquas sumvit ex textu, easque Scholæ ritu suse dissolvit: quem morem sequenti saeculo alii tenuere. Quare fere omnes

consuetudinem sui saeculi satis produnt in suis interpretationibus. [1]

Sed ad Orientalem ecclesiam ab Occidentalibus per divertamus. Longe aliter se habuit in Oriente Sacram disciplinam tradendi ratio ab saeculo XI. usque ad medium XV. Non enim ex Metaphysica disciplina Scholasticorum more, sed alio modo disputabant Graeci. Exemplo sit Euthymii Zigabeni, qui initio XII. floruit, *Tancklia adversus Hæreticos*, præsertim suæ ætatis: in qua quoddam Polemicæ theologiæ sistema se offert. [2] Nempe cum quidam Theologi sententias aliquot ex PP. Graecis decerperent, ut *Hæreticos*, *Judeos*, & *Saracenos* confutarent; eas Euthymius ordine posuit & digessit, quo facilius lectoribus opitulari possent. Itaque non novas & subtilem quæstiones & controversias instituit, exponit, dissolvit, quod erat Scholasticorum; sed plane, quod sibi proposuit refutandum, conficit.

Ad eundem modum Constantinus Harmenopulus in libro inscripto, *de Opinionibus Hæreticorum*, qui singulis ætatis exstiterunt: qui post expositas hæreses singularis

---

[1] Qui historiam Scholasticorum noscere cupit, præter eos, qui de Scriptoribus Ecclesiasticis agunt, ut sunt, Caveus, Warthonus, Dupinius, Natalis Alexander, Oudinus, ceteri, legat eos, qui Religiosorum historians considerunt: nam plerique omnes ex his familiis Scholastici sunt profecti. Jacobus Quetif, & Jacobus Echard disputant de Dominicanis: Wadingus de Minoritis seu Franciscanis: Mabillonius de Benedictinis in Actis Sanctorum, & in Annalibus. His addi potest Bulæus Historia Universitatis Parisiensis, ubi intusores Academicos percenset. Nobis ad alia tendentibus hæc monuisse sat est.

[2] Exstat in Bibl. Max. Patrum Tomo XVIII. pag. I.

gulas; refutationem unicunque plane atque aperte sub-jungit. Præterea cum eodem sæculo acriter disputatum esset ab ecclesia Orientali, & Occidentali, præsertim de processione Spiritus Sancti a Patre, Filioque; nihil non fecerunt Græci pro suis erroribus defendendis: [1] veluti J. Furnus, Nicolaus Methonensis, Eustratius Nicænus; Nic. Seidus, ceteri, quorum nomina satis sunt nota. Non eos tamen reperimus, ab ea disputandi ratione, quæ præcedentibus sæculis obtinuerat, recessisse: immo vero id unum egisse eos, scripta, quæ super-sunt, fidem faciunt.

Nec aliter XIII. sæculo se se res habuit: ut ostendit præter ceteros Nicetæ Acominati Thesaurus Orthodoxæ fidei: in quo vir doctissimus hæ-reses omnes diligentissime consultat. Mitto Theologorum infinitam vim, qui vel ante concilium Lugdunense II. anno CCCCCLXXIIII. coactum, vel post ad Florentinum usque sæculo XV. Græcorum ineptias & errores contra Latinos defenderunt: in quibus tamen numerantur non nulli, qui a Latinis steterunt: nam hæc ex Leone Allatio [2] & Fabricio [3] cognosci possunt: nec his detinere tirones puto consentaneum. Satis fuerit monere, hos omnes etiamsi in argumento & subtili & copioso versarentur, nihilo secius non id Dialectica ratione persecutos esse; sed ex coactis PP. Latinorum, & Græcorum sententiis, quas ad suam sententiam infligere conabantur, quæ sibi proposuerant, effecisse. Quod eo magis mirabile est, proterea quod ex historia Orientali cognoscimus, extremis Orientalis imperii sæculis

[1] Confer. Leo Allatus de Occident. & Orient. eccl. confensi.

[2] Libro citat.

[3] Biblioth. Græcæ L.V. c.43. seqq.

culis [ funditus perit Constantineopolitanum imperium anno ~~cccccliii~~. cum a Mahometo II. imperatore Turcarum Constantinopolis est expugnata ] Aristotelicam philosophiam sed magis puram & intemeratam, quam apud Scholasticos, regnasse. Fuere etiam Greci non nulli, qui *Catenas Patrum* condiderunt eadem ætate, veluti *Nicetas*, *Andreas*, *Macarius*, *Aretas*, *Theophylactus*, *Euthymius*. Itaque in Hermeneutica theologia eamdem methodum, ac Occidentales, secuti sunt, cogendi nempe sententias præcedentium, & etiam catenas PP. condendi. In hoc differunt, quod à Dialectica, & Metaphysica tum in Hermeneutica, tum in Dogmatica & Polemica theologia abstinuerunt: nec inutiles quæstiones disputarunt. Scholastica enim ratio in Oriente erat ignota. Sed ad Occidentalem plagam redeundum est.

Quamquam fere omnes Scholastici acutis in quæstionibus disputandis otium consumerent; tamen aliqui inventi sunt XV. sæculo, qui naves hujusmodi scite agnoverunt, atque in medio Scholasticorum cætu, in ipsis scholis, ubi Scholastica tanto opere erat exculta, maximo animo condemnarunt. Fuere in his *Joannes Gerſo cancellarius Parisiensis* [ i ] *Nicolaus Cleman-*  
gias

[ i ] „ Deinde, inquit, cur ob aliud appellantur Theologici nostri sophistæ verbosi, & phantastici, nisi quia, relictis utilibus, & intelligibilibus pro auditorum qualitate, transferunt se ad nudam Logicam, vel Metaphysicam, aut etiam Mathematicam: ubi, & quando non oportet, nunc de intentione formarum, nunc de divisione continui, nunc detegentes sophismata Theologicis terminis obumbrata, nunc prioritates quasdam in divinis, mensuras, durationes, instantia, signa na-

turæ,

gius [1] aliique ; qui non modo de Dogmatica , de Morali , de Disciplina , rejectis Scholæ argutijis , sobrie disputarunt ; verum etiam ipsas inutiles disputationes tamquam vero Theologo indignas projiciendas esse dixerunt . [2] Nam cum eo tempore theologi Latini cum

Græ-

, turæ , & similia in medium adducentes . Quæ et si vera essent , & solida , sicuti non sunt ; ad subversionem tamen magis audientium , vel irrationem , quam ad rem Fidei ædificationem saepe proficitur . Gerso Lect. VIII. in Marcum .

Et loquens de B. Bonaventura , ita ait : „ Recedit a curiositate quantum potest , non inimicis positiones extraneas , vel doctrinas sæculares Dialeticas ; aut Physiscas more multorum .... Unde factum est , ut ab indevotis Scholasticis , quorum pro dolor ! major est numerus , ipse minus existenter frequentatus . In fine Libri de Exam. Doctrinar.

[1] „ Miror , inquit , Theologos nostri temporis paginas Divinorum testamentorum ita negligenter legere , & nescio quarum sterilium subtilitatum indagine sua ingenia conterere : & , ut ait Apostolus , languere circa quæstiones & pugnas verborum : quod Sophistarum est , non Theologorum . In MSS. de Instituendo Theologiae studio apud Launoium loc. cit.

[2] „ At vero quæret aliquis , quales materiæ dicendæ sint proprie & pure Theologicæ ? Respondeat non ego , sed Augustinus , quod illæ per quas Fides saluberrima gignitur , nutritur , defenditur , roboratur . Fides , Spes , & Caritas quemadmodum solum nominantur , & sunt virtutes Theologicæ ; ita materia illa proprie dicenda est Theologica , quæ Fidem ædificat , Spem erigit , Caritatem inflamat . Propterea pœnitentibus di-

, dum

Græcis, & Wickleffianis, & Ussiani disputantes, coacti fuerint Scripturam, Traditionem, & PP. consulere scripta, ut ex iis errores conficerent; plane deprehenderunt, non nisi ex prædictis fontibus veram Theologiam duci oportere.

Viam etiam severioris supercilii disciplinis instrundis stravit humaniorum litterarum studium, velut Latinæ linguæ, & Græcæ, quæ labente eodem sæculo coli cœpere: quod causam dedit plurimis, ut PP. Græcorum libros per voluntarent, ex iisque ducerent germanas responsiones. Verum hæc tametsi non nullis opitularentur, tamen plerique contrariam tenebant viam. Immo vero eadem ætate Casuistæ sere omnes nati sunt, quorum plurimi quæstiones quasdam inutiles instituerunt, commenti etiam opiniones intolerandas, ex quibus plurima mala sunt nata: quibus Romani pontifices diligenter, uti solent, occurrerunt. [1] Et hæc de Scholastica: nunc de Scholasticorum sectis dicendum esse videtur.

Quamquam Scholastici ex Aristotelis disciplina disputent, eamdemque rationem philosophandi sequantur omnes; tamen ex diversis principiis, quæ ponunt, diversas disciplinas faciunt: quæ ab inventore, qui eas ex cogitavit, nominatæ sunt. Celebriores sectæ sunt Thomistica, Scotistica, Moliniana seu Jesuitica, & Augustiniana.

Prima originem dicit a B. Thoma Aquinate: altera ab

„ Eum est, non ut conquerant dispositionem orbis terrarum, & cæli, & siderum: Pœnitentini, ait, & credite Evangelio. Deuteronomii 4. notatum est. Gerlo Tom. I. Lect. 2. contr. Vanam Curiosit. Cons. 4.

[1] Consule Dupinium Biblioth. Auct. Eccles. Tom. XII. c. 4.

ab Joanne Duns Scoto : tercia a Ludovico Molina Jesuīta Hispano , qui vixit sēculo XVI. quarta a S. Augustino , seu ab iis , qui proximis duobus sēculis Augustini doctrinam illustrarunt : quos inter excellunt ex Franciscanis Franciscus Macedo ; ex Augustinianis ipsis eruditissimi viri , Christianus Lupus , Norisius cardinalis , La Fosse , Bellelli , Joannes Laurentius Bertius , ceteri ; nt alios omittam vel Religiosos , vel Laicos , qui eamdem sententiam defenderunt .

Neque vero gravissimae familiæ , quas nominavimus , in omnibus scholæ controversiis contrarias sententias tuentur : sed in iis differunt , quæ ad gratiæ Christi disputationem pertinent , ex eaque consequuntur . Hæc tamen a nobis in præsentia susiūs explanari non nulli fortasse euperent : sed a proposito nostro esset alienum : saltim a tironibus , in quorum gratiam scribimus , percipi non possent . Satis fuerit per viam monere , controversiam sere omnem ad unum caput revocari , nimirum ad concordiam gratiæ , dñi liberi arbitrii . Nam certum est , dari aliquam gratiam efficacem , cuius adjuvento bonum facimus : item certum est , libertatem nostram ab illa gratia non tolli , sed cum ea componi . In hoc est dissidium , quo modo componi possit , seu ex quo fonte hauriri queat gratiæ efficacitas . Quod ut explicent Theologi , alias & alias opinione eruditissime excogitarunt : quæ apud eos videri possunt , qui in hoc arguento cum laude versati sunt . [i] Nos pergimus ad alia .

CA-

[i] Ex Thomistis legi potest Alvaresius , Gonetus , Contensonus , dñi Cl. Gottius cardinalis . Ex Jesuitis Belarminus cardinalis L. I. de Gratia & lib. Arb. Suarezius de Auxiliis L. III. Tannerus de Gratia Tom. II. disp. 6.

## C A P U T V . I I I I .

*De Theologia XVI. sæculi, seu de theologie Dogmaticæ  
& Polemicæ instauratione.*

**Q**UAMQUAM rērum Divinarum notitia ab Apostolo-  
rum ætate usque ad præsens tempus pura & incor-  
rupta in ecclesia Catholica remanserit; tamen pro varia  
temporum disciplina alia via ac methodo, uti diximus,  
tradita est. Atque illud ex historia exploratum habe-  
mus, ubi Philosophia in scholis Christianorum domina-  
ta est, ibi Theologia accurate & cūn pretio exculta  
fuit & tradita, velut III. & IIII. & V. sæculo. nominis  
Christiani. Ubi vero Philosophia damnum fecit, ibi &  
Theologica disciplina, quod ad methodum adtinet, muta-  
ta fuit: ut a VI. sæculo ad XII. usque. Et quo dexterior  
Philosophia facta est, id est argutiis & inanibus disputatio-  
nibus depravator, eo magis Sacra scientia extraneis at  
inutilibus quæstionib[us] ad fastidium usque onerata est:  
atque a veteri majestate & dignitate, quæ primis sæcu-  
lis admirationi fuerat Gentilibus, ad nescio quam ina-  
nium quæstiuncularum indaginem delapsa est, quæ ger-  
manam pulcritudinem, ut ita dicam, sedavit: quod  
sæculo XIII. & XV. in more positum fuit. Contra a  
quo tempore Philosophia quasi per gradus e tenebris  
egressa est, & ad lucem perducta; etiam Theologia ipsa  
suo lumini restituta, multis & validissimis præsidiis se-  
muni-

---

ceterique Congruistæ, qui a Molinæ, Montemajoris, Lef-  
ſii, Hamelii sententia non nibil recesserunt. Ex Scotistis,  
Pontius, Maſtrius, Frassenius, Du Pasquier. Ex Au-  
gustinianis, illi, quos nominavimus, La Fosse, Bertius,  
Norisius, Lupus, Gavardius, Piette, Casalius, ceterique.

munivit, quibus se defenderet ab impetu adversariorum. Adeo verum est, bonam Philosophiam ad Theologiam inlustrandam omnino esse accommodatam. Hoc quam vere dicatur, duorum ante hac saeculorum historia nos docet: de qua nos accurate hoc tempore, quantum per epitomae leges poterimus, dicemus.

Saeculo XVI. non nihil detrimenti fecit Scholastica theologia. Causa fuere haereses nefarie, quas male fcriati homines eo tempore excogitarunt, & quae non modo Theologos exercuerunt, sed etiam Ecclesiam acer-  
timis contentionibus agitarunt. Nam cum eorum ante-signanus Martinus Lutherus, ut errores suos & inpias sententias absconderet, anno 1522. Novum testa-  
mentum plurimis in locis interpolatum Germanice ede-  
ret; & haec translatio non modo ab doctoribus, qui Lu-  
thero adhaerant, sed etiam a feinisis continenter le-  
geretur, & memoriæ mandaretur; exstiterit ut Lutherani homines nostris doctoribus, & concionatoribus audaciis insultarent; quasi turpia mendacia pro concione di-  
xissent. Cumque nimis multi ex nostris Theologis in  
argutiis Dialetticis magis, quam in Sacris codicibus, es-  
sent versati; adeo crevit apud semidoctos de Lutheranorum eruditione opinio, adeo nostrorum contemptus,  
ut nihil supra.

Huic alia & gravissima accessere incommoda.  
» Nam cum antiqui Theologi multis retro annis peri-  
» tiam linguarum, & politiores litteras neglexissent.  
» Lutherus mox ab initio per Melanchthonem, Zuin-  
» glium, Oecolampodium, & Bucerum, antea quam  
» ab eo in non nullis articulis dissentire coepissent, to-  
» tam juventutem Eloquentiae litteris, linguarumque  
» studio deditam in partem suam traxit. Juvenes vero  
» & ingenio alacres, & laboris pacienteſ mox in Sacris  
» litteris [quibus Lutherus unicum tribuebat sensum;

» eum-

„ eumque litteralem ] ita prefererunt litteraliter , ut  
 „ vel triginta annorum Theologi tam prompti in Scri-  
 „ pturæ locis proferendis non viderentur , quam illi .  
 „ Qui & de peritia linguarum , & de stili elegancia su-  
 „ perbientes , mox quoslibet veteris farinæ Theologos  
 „ non solum contemnere , verum etiam provocare cœ-  
 „ perunt , maxime quando ad populum verba facie-  
 „ bant . [1]

His de causis cum aliqui nostrorum Scholasticis  
 adjumentis haud feliciter in Lutherum scriberent , cau-  
 sam dederunt maledicentissimo homini , ut Scholasticos  
 irriteret . [2] Nam cum veros ab adscripticiis Theologos  
 non fecerneret , nec vitia , & virtutes internosceret , pro-  
 pter vulgarium Scholasticorum inperitiam Theologorum  
 omnium auctoritatem rejecit : audacter ajens , theolo-  
 giam Scholasticam esse nihil aliud , quam ignorantiam ve-  
 ritatis , inanemque fallaciam , quam ad Colossenses c. 2.  
 Apostolus præcavet . [3] Idem opposuit ejus discipulus  
 Philippus Melanchthon , qui dixit , Lutetiae natam es-  
 se prophanan Scholasticen , qua admissa , Evangelium ob-  
 scu-

[1] Ita Natalis Alexander in Hist. Eccles. Tom. VIII. c. 2. art. 10. p. m. 112.

[2] „ Silvester Prieras , Ordinis FF. Prædic. profes-  
 „ sor , S. Palatii magister , Lutheri sophismata detexit  
 „ prius , quam confutavit , Dialogo S. Pontifici dicato .  
 „ Huic statim respondit Lutherus , Scholasticam & Tho-  
 „ misticam theologiam , in qua exercitatus erat Prie-  
 „ ras , contemnens ; seque in errore pertinacius obfir-  
 „ mans , quod SS. litterarum , veterum Conciliarum te-  
 „ stimoniis ab adversario , non satis premeretur . N. Ale-  
 „ xander ibidem p. m. 107.

[3] Lutherus in libro Adversus Jacobum Latomum :

securatum , ac Fidem extintam . [1] Id ipsum nostris oppoluere fere omnes Novatores , qui eodem saeculo orti sunt , ut Sacramentarii , Anabaptistæ , Anti-Trinitarii seu Sociniani , qui summo consensu Theologos nostros irriserunt , quasi soli isti essent Sophistæ .

Præterea Novatores , ut nostris probarent , opiniones suas antiquitate se defendere , vetera monumenta , & PP. scripta diligenter examinarunt , ut inde efficerent , decreta , quæ ipsi profitebantur , perpetua traditione constare . Id præsertim fecit Martinus Flacius Illyricus , qui & Centurias Magdeburgenses conscripsit , & Catalogum testimoniū veritatis ; [2] in quo ab Apostolorum tempore usque ad annum ccccxvii. testimonia collegit , quibus Catholicis persuaderet , doctrinam suam gravissimorum hominum , qui singulis saeculis floruerunt , testimonio confirmari . Quod etiam eodem saeculo Martinus Chemnitius in Locis Theologicis efficere adortus est : & copiosius adhuc Michael Neander , qui in PP. testimoniorum cogendis describendisque industriam omnem collocavit . [3] Alios prætero , qui in eodem argumento examinando desudarunt Hæreticos .

Iuficiandum non est , Hæreticos multa per calumniam effudisse in nostros , quæ falsa sunt : multa etiam ad pravos sensus detorsisse , quæ ab Scholasticis alio intellectu dista erant : veruntamen Theologiae illius vulnera tetigerunt , quæ vult illa quidem videri se esse Theologiam , & Scholasticam , sed abest ab ea distatque plurimum . , Nam quo tempore adversum ingruentes , ex Germania hæreses oportebat Scholæ theologos , optimis esse armis instructos , eo nulla prorsus habebant ,

D d

, bant ,

[1] Apologia contra Parisienses .

[2] Editus est Basileæ 1556.

[3] In Theologia Christiana . Lipsiæ 1595. 4.

„ bant , nisi arundines longas , arma videlicet levia  
 „ puerorum . Ita irrisi sunt a plerisque , ac merito irrisi ,  
 „ quoniam verae Theologiæ imaginem nullam tenebant :  
 „ umbris utebantur , & utinam eas ipsas sequerentur .  
 „ Quocirca homines verbo tenus in Theologia magistri ,  
 „ pugnavere illi quidem adversum Ecclesiæ inimicos ,  
 „ sed valde tamen infeliciter . Errabant illi autem a  
 „ principio statim studiorum suorum . Cum enim facul-  
 „ tates eas , quæ linguam expoliunt , mirum in mo-  
 „ dum neglexissent ; cumque se se in Sophistica arte  
 „ torsissent diutius ; tum demum ad Theologiam ag-  
 „ gressi , non Theologiam , sed sumum Theologiæ se-  
 „ quebantur . Nam cum rei perditam sua restituere  
 „ auctoritate deberent , tempori , ut inquiunt , servien-  
 „ tes , non modo sophismata non profligarunt , verum  
 „ etiam auxerunt . Quæ nimis cum a Philosophia ,  
 „ tum vero magis a Theologia tollenda sunt . [1]

Id cum animadverterent gravissimi Theologi , fa-  
 teri non dubitarunt , in Scholastica theologia , quæ per  
 id tempus regnabat , parum se habere præsidii ad hæ-  
 reses labefactandas . [2] Non enim extraneis & inanibus  
 disputationibus , non argutiis Dialecticis impudentissimi  
 Hæretici erant constringendi : sed Scripturarum testimo-  
 niis , sed perpetua Ecclesiæ traditione , sed Patrum aufto-  
 ritate , atque recta ratione , id est , bona Scholastica , quæ  
 fal-

[1] Ita loquitur Melchior Canus gente Hispanus Domi-  
nicanus , episcopus Canariensis , nobilis Scholasticus XVI.  
seculi , in libris de Locis Theologicis L. VIII. c. 1.

[2] Ludovicus Carvajal , qui Trident. interfuit , de  
Restituta Theologia c. 8. qui editus est Coloniæ an. 1545.  
8. hac dolet . Quod ipsum professi sunt theologi Parisen-  
ses . Lege Bulæum Histor. Univ. Paris. Tom. VI. ad  
ann. 1330.

fallacias detergeret, mendacia & calumnias redargueret, coercendi erant. Hoc ipsum Tridentini patres agnoverunt. Nam cum tot tantisque malis, quæ Hæretici perversi illi quidem, sed eloquentes, & docti, & in disputando admodum exercitati, in Ecclesiam invexerant, occurrere vellent; operam dederunt, ut, missis Scholasticorum disputationibus, ac contortis & aculeatis syllogismis, ex purissimis Theologiae fontibus, nimurum Scripturæ, & Traditione, bona Dialecticæ auxilio controversias finirent. [1] Hæc enim est unica medicina, quam ecclesia Catholica a primis temporibus adhibuit ad sanandos Fidelium morbos, & frangendam proterviam Hæreticorum.

Fuere etiam Scholastici & nobiles, & in bona Theologia valde exercitati. Jesuitæ [2] Franciscani

---

[1] Sancivit Concilium, ut Theologi in exponendis sententiis hac methodo uterentur. Primum ut eas ex Sacra scriptura sumerent, & traditionibus Apostolicis, & Conciliis probatis, & Constitutionibus Pontificum MM. & SS. PP. & ex consensu ecclesiæ Catholicæ. Deinde ut breviter id facerent, semotis inanibus & supervacaneis questionibus, & clamosa contentione. Ita Pallavicinus Cardinalis in Hist. Trid. L. XII. c. 1. & 10.

[2] „ Nolim equidem eas quæstiones in Theologicis scholis audiri, an corpus Christi potuerit esse in Eu- charistia ante incarnationem eodem modo, quo nunc est: an filius Dei fieri potuerit semina: an potuerit assumere naturam nescio quam; quam pudet me sane nominare. Deinde rebus aut inutilibus, aut alienis, aut ridiculis abstinentem esse censeo. D. Aug., quem merito Theologi tamquam optimum magistrum ac ducem sequuntur, curiosam & supervacaneam quæstionem vo-

ni [1] Dominicani [2] ceteri ; [3] qui cum animadver-  
terent, emendationi Theologiae non nihil obstare obse-  
quiū

„ cat , quomodo corpus Christi in cælo locatum sit :  
„ imprudentem vero , an D. Paullus una cum corpore  
„ in tertium cælum raptus sit : inutilem̄ hominum in-  
„ prudentium , qua figura sit cælum : quæ tamen omnia  
„ non omnino a divinis litteris aliena videri potuerant ?  
„ Quid si nunc in frequentissimis , ac celeberrimis Theo-  
„ logiæ scolis , ubi nihil videri , nihil audiri ; nisi sa-  
„ pientiae , nisi gravitatis , nisi pietatis , nisi utilitatis  
„ plena oportebat , magnis nos clamoribus altercantes  
„ vir sapientissimus audisset : an in materia sint ratio-  
„ nes seminales : an materia sit principium individua-  
„ tionis : an elementa maneant formaliter in mixto :  
„ an caritas augeatur per additionem gradus ad gra-  
„ dum , an per maiorem radicationem in subiecto .  
„ Quid ? si illa ridicula : an Sacraenta sint in aliquo  
„ prædicamento : an asinus possit bibere Baptismum :  
„ quid , inquam , vir prudentissimus dixisset , nisi nos  
„ magno cum clamore & contentione tempus perdere :  
„ quod ad minimam partem earum rerum comprehendendam ,  
„ quæ non solum uriles sunt , sed etiam necessariae ;  
„ si multo longiorem haberemus vitam , minime sufficeret.  
„ Quid , inquam , dicere potuisset ; nisi quod de Sophi-  
„ stis sapienter dixit , valde eos serio & subtiliter delira-  
„ re ? Non est Theologia , mea quidem sententia , ita  
„ tractanda , ut Hæreticis risum moveat , sed ita ut ter-  
„ rorem incutiat : maleque de ea mereri mibi videntur  
„ ii , qui dum eam maxime augere , & amplificare iisis-  
„ non necessariis volunt , maxime ridiculam faciunt .  
„ Non refert , quam longa , quam lata , quam subtilis  
„ sit habenda : sed refert , quam vera , quam utilis Eccle-

„ sic ,

quium illud , quod Scholasticis doctoribus adseclæ sui  
præstabant , Theologos admōnuere , ut intellectum non  
D. d. 3 . . . . . nisi

, , siæ , - quam gravis , - quam fortis , quam Hæreticis for-  
midabilis . Maldonatus in Oratione habita Lutetiae in  
Collegio di Clermont Soc. Jes. anno Christi 1574. Ex-  
stat bæc Oratio cum aliis epist. MSS. Lutetiae in Biblioth.  
Puteana . Confer. Launois de Fortuna Arist. p. m. 164.  
Etiam Salmeron Prolegom. 9. in Com. in Hist. Evan-  
gel. Dr. Possevinus. Bibl. Select. L. III. c. 9. errores Dr.  
absum notant corum .

[1] 1. , , Mibi non probantur , qui suorum doctorum sen-  
tentias per fas & nefas propugnant : in hoc enim e dia-  
metro Evangelio adversantur , in quo non Nominales ,  
aut Reales , sed Christum imitari jubemur . Ubicum-  
que veritatem invenero ipsum amplectar : nec patiar ,  
ut quisquam me juratum Scotistam , aut aliquo quovis  
nomine appelleret . . . . . Solius Christi verba sub Eccle-  
siæ gremio juravi , reliqua nomina contemno . Ludovi-  
cvs Carvajal. de Restitura Theolog. Dr. a sobistica , Dr.  
barbarie pro virili repurgata specimen. in Epist. ad Ca-  
rol. V.

2. , , Ego enim miserrimam banc dico servitutem , sic  
esse humanæ sententiæ addictum , ut non liceat ullo  
modo illi repugnare : qualem patiuntur hi , qui se tan-  
tum B. Thomæ , aut Scotti , aut Occami dictis subjiciunt ,  
ut ab eorum placitis , in quos jurasse videntur , nomina  
fortiantur , quidam Thomistæ , alii Scottistæ , alii Occa-  
mistæ appellati . Paullus quidem jussit captivare intel-  
lectum in obsequium Christi , non autem in obsequium  
hominis . Et infra . Valde enim displaceat etiam mibi ,  
quod Dr. nostrum sodalitum in verba Scotti fere jurasse  
videatur . Alfonsus de Castro Contra Hæreses L. I.  
c. 7. l. c.

[2] 1.

nisi in obsequium Catholicæ fidei captivarent: ceterorum vero testimonia modeste quidem, at libere expendarent, & ad examen revocarent.

Hi-

[2] I. „ In hoc tamen disciplinarum genere Theologie „ professoribus & honesto, & necessario, duo illa vitia „ maxime vitanda sunt, quæ Cicero commemoravit. „ Unum, ne incognita pro cognitis, & incertaque pro cer- „ tis habeamus. Qua in re etiam in Theologia multa pec- „ cantur. Ut illi, qui D. Thomæ Scotique opiniones „ vel indiscessas amplectuntur, proque iis non aliter pu- „ gnant ac pro aris & focis ..... Alterum enim est „ vitium, quod quidam nimis magnum studium multam- „ que operam in res obscuras atque difficiles conferunt, „ easdemque non necessarias. Quo in genere multos etiam- „ e nostris peccasse video: ut eas quoque questiones la- „ tissime persequerentur, quibus Porphyrius abstinuit, „ homo inpius, sed in hac re prudens tamen, ut Platoni- „ nis, Aristotelisque discipulum possit agnoscere. Qui „ nec quidquam nisi opportunitis & loco, & tempore tra- „ claverunt: nec questiones ulla persecuti sunt, quæ ju- „ venum ingenio obruerent, non juvarent.

„ Nostri autem Theologi opportunis vel locis, longa- „ de his oratione differunt, quæ nec juvenes portare pos- „ sunt, nec senes ferre: Quis enim ferre possit disputa- „ tiones illas de universalibus, de nominum analogia, de „ primo cognito, de principio individuationis, sic enim „ inscribunt; de distinctione quantitatis a re quanta, de „ maximo & minimo; de infinito; de intensione & re- „ missione; de proportionibus & gradibus, deque aliis „ bujusmodi sexcentis, quæ ego etiam, cum nec essem „ ingenio nimis tardo, nec his intelligendis parum tem- „ poris, & intelligentie adhibuissem, animo vel infor- „ mare

Hicce exemplis excitati Theologi anxie curarunt, ut iis se munirent praesidiis, quibus Hæreticis & malis, & eruditissimis cum operæ pretio resistere possent. Itaque & in ea incubuerunt, quæ ad Theologiam sunt necessaria, & Theologiam ipsam tricis ac gerris liberatam in pristinum decus restituerunt. Principio Græcæ, & Hebrææ linguæ addiscendæ operam dederunt; sine quibus Theologia manca est & elinguis. Deinde Sacros codices emendatores ediderunt, & etiam Polyglotas editiones adornarunt: quod Santes Pagninus, Arias Montanus, cæteri præstiterunt. Tum historiam præsertim Ecclesiasticam excoluerunt: quod præ ceteris fecit Ba-

D d 4 ronius

„ mare non poteram. Puderet me dicere, non intellige-  
„ re, si ipsi intelligerent, qui hæc tractarunt. Canus  
ibid. L. VIII. c. 7.

2. „ Attollit studiis suum quisque auctorem, & mori-  
„ citius exoptat, quam auctoris sui patrocinium deserat.  
„ Platonicos, Pythagoricos, Academicos, Stoicos, Cy-  
„ nicos; Peripateticos, Averroistas, Thomistas, Scoti-  
„ stas se esse jactant, illorumque dogmata penitus habent  
„ cognita, memoriter tenent, de instantibus, de rela-  
„ tionibus, de quidditatibus, ac formalitatibus dispu-  
„ tant. Hæc solum studia erudita; subtilia, seraphica  
„ arbitrantur. Santes Pagninus Prolegom. Biblior.

[3] „ Etenim si confidit Sanctitas tua; res bene pro-  
„ cessuras horum Theologorum ope, qui in Doctoribus  
„ istis recenioribus [ Scholasticis vulgaribus ] tantum  
„ exercitati sunt; credat mihi ipsa, in quo mentiri cu-  
„ pio, acerbicie dissidio; & multiplicatis hæresibus nos  
„ e Concilio [ Tridentino ] esse discessuros. Quamobrem,  
„ & quomodo hoc futurum putem aut alias dicam, aut  
„ res ipsa indicabit. Sadoleitus cardinalis, in Epistola  
ad Paullum III. P. M. quæ exstat Epistol. L. XII. epist. 7.

ronius cardinalis Annalium Ecclesiasticorum parens , qui eos tali consilio lucubravit , ut Centuriatoribus Magdeburgensibus occurreret . Ad extremum Sacras litteras , & Veterum episcoporum , ac doctorum scripta curiose scrutati sunt , ut iude promerent argumenta , quæ Hæreticorum fallaciis & sophismatis opponerent . Cumque Hæretici XVI. sæculo non unum & aliud dogma , sed fere omnia in dubium vocassent ; curarunt Theologi nostri , ut singula inlustrarent , novis rationibus munirent , & ab hostium aggressione defenderent . Quare facete commodeque dixit quidam Scholasticus gravissimus , [1] Catholicos theologos multum Hæreticis debere , qui eos ab illo veterno suscitarint , & meliora persequi docuerint : quod sortasse non facerent , nisi ab Hæreticis lacescisti . [2]

Circiter medium XVI. sæculum Theologi quidaun nobiles de locis illis accurate disputatione , ex quibus Theologus sumit argumenta tum ad dogmata nostra

con-

---

[1] „ Lutherus hoc tantum boni suos inter errores in-  
„ tulit , ut Sacris litteris , & illarum inlustrationi Theo-  
„ logi professores sincerius insudarent , & aliena studia  
„ rejicerent . ” Joannes Maior theologus Parisiensis in  
Epist. præced. L.2. Sent. edit. ann. 1528.

[2] „ Multi Catolici per Lutheranos , & Calvinistas  
„ de somno excitati sunt , & fidem ac religionem Chri-  
„ stianam doctissimis libris ac commentariis inlustrarunt .  
„ Et sane si hæc nostra tempora conferantur cum superio-  
„ ribus proximis ætatis , quibus vel nulli , vel pauci  
„ Hæretici Ecclesiam turbarunt ; facile constabit , tan-  
„ tum lucis ac splendoris ad Catholicæ ecclesiæ doctrinam  
„ accessisse , quantum , si Hæretici nulli essent , accessis-  
„ set numquam . Martinus Bicanus Jesuita Præfat.  
Opuscul. Tom. III.

confirmando, tum ad resellendos adversarios. [1] Præter ceteros est memorandus Melchior Canus, qui Tridentino concilio interfuit, obiit vero anno CLOLX., qui in primis *Locis Theologicos* conscripsit, idque puro ac eleganti dicendi genere, qui bonorum Theologorum judicio mirandum in modum probantur. [2] Huic addo Jacobum Paivam Andradam Lusitanum, qui etiam Tridentino adsuit, virum doctissimum, qui edita *Defensione Tridentinæ Fidei Catholicæ contra Novatores*, præser-tim Chesaítinum, præclarum sibi nomen fecit. Disputat in ea de auctoritate concilii Generalis, Scripturæ, Traditionum, librorum Canoniconum, Latinæ vulga-tæ: præterea de peccato Originis, & quæ ex eo sunt consecuta, & de conceptione Virginis. [3] Et quamquam nec omnia, quæ necessaria sunt, persecutus fue-rit; nec ordine, ac diligentia Canum reddiderit; ta-men viam stravit reliquis, qui in eodem argumento se exercuerunt. Quibus addi potest Gregorius de Valentia Jesuita, propter *Analysin Fidei Catholicæ*, aliique. Etiam Tridentini patres, ut impudentiam frangerent Hæreticorum, qui suo Lutherò, & Melanchthonè gloriabantur, curarunt, ut compendium universæ theologiæ Dogmaticæ, quem *Catechismum Romanum* vocant, accuratissime conscriberetur, & ederetur pa-blico

[1] *Loca ex quibus Theologi sumunt argumenta habes infra L. II. c. 2.*

[2] „ Idemque primus fuit, reor, qui docuerit, & „ quod minus est, Latinam linguam in Lyceo divina effa- „ ri; & , quod maximum , Catholicos Novatoribus „ bellum, & cladem inferre . Cardinalis Pallavicinus Jesuita, *Vindiciae Societatis Jesu*, cap. 18.

[3] *Editus Ulassipone 1578. 4. & alibi.*

Ab hoc tempore doctores nostri Veteri theologiae  
instaurandæ, id est Dogmaticæ, & Polemicæ Schola-  
stica methodo tradendæ ac inlustrandæ operam dederunt:  
atque Scholasticam ab inutilibus quæstionibus separa-  
runt, & revocarunt ad germana principia, ex quibus  
Theologia omnis duci debet. Tum demum facto peri-  
culo ostenderunt Hæreticis, Scholasticam theologiam,  
quæ modo hoc nomine digna est, nihil aliud facere quam  
dogmata nostra ordine explicare, ac methodo schola-  
rum: utens etiam, sed sobrie, profanis disciplinis ad  
dogmata confirmanda, & Hæreticos profigandos. Adeo-  
que reapse eamdem esse Positivam, sed disputandi ratio-  
ne differre. [1]

Hinc aliqui Scholasticam theologiam accuratius,  
quantum illa tempora ferebant, pertrastrarunt, ut *Sylvius*,  
*Esius*. Alii Polemicam novo ordine ac ratione disputa-  
runt, ut *Bellarminus cardinalis*, *Hæreticorum mal-  
leus*, *Perronius cardinalis*, *Pighius*, *Becanus*. Alii in  
condendis Catechismis sudarunt, ut *Petrus Canisius*,  
*Bellarminus*, *Cotelerus*, *Granatenfis*, ceteri.

Etiam Romani pontifices, qui probe noscerent,  
quantum interesset Ecclesiæ juvenes valde exercitatos  
in rebus Theologicis habere, operam dederunt, ut Po-  
lemica

[1] „ Theologiam Scholasticam dicimus, quæ certiore  
„ methodo, & rationibus in primis ex Divina scriptura,  
„ ac Traditionibus; seu decretis Patrum in Conciliis de-  
„ finitis; veritatem eruit, ac discutiendo comprobat:  
„ quod cum in scholis præcipue argumentando compare-  
„ tur, id nomen sortita est. Quamobrem differt a Pos-  
„ tiva theologia non re, sed modo. Possevinus Jesuita,  
qui eodem sæculo floruit, Biblioth. Select. L. III. c. I.

lemica theologia lectissimæ juventuti in Urbe traderetur : & Gregorius XIII. perpetua lege sancivit , ut eadem Theologia in collegio Germanico , & Hungarico iis instillaretur adolescentibus , qui ex Germaniæ provinciis Romam se conserunt , ut ibi Sacris litteris perpoliantur : [1] iisque instituendis Bellarminum præfecit .

<sup>1550</sup> Quamquam vero doctiores Theologi hæc tentarent , & de Theologiæ studio ad veterem formam exigendo cogitarent , tamen illud effecerunt , ut Recentiores scholastici temperarent fibi ab aliquibus disputationibus inanibus : omnes ut evitarent , non effecerunt . Nam cum Theologi prædicti in magistrorum suorum verba jurarent , religioni duxerunt ab eorum philosophandi ratione vel tantulum declinare . Hinc post medium XVI. sæculum tot occurrunt Scholastici vel Casuistæ , vel Speculativi , ut enumerari vix queant . [2]

## C A P U T X.

## De Theologia sæculo XVII. &amp; XVIII.

JAM superiori sæculo alia & gravissima caussa Theologos incitavit ad bonam Theologiam amplificandam & poliendam . Nam cum fere omnes Novatores diuturnis præliis exercitati cognoscerent , quantum auxilii Catholicis esset in Patrum testimonis , & Ecclesiæ traditione ;

[1] Vide P. Fuligatum in Vita Bellarmini c.9.

[2] Bellarminus cardinalis in suo de Scriptor. Eccles. libello non nisi XII. Summistas seu Casuistas usque ad ann. 1550. numerat . Verum quam multi in presentia sint Casuistæ nemo non videt . Eorum vero , qui de Scholastica ab ea tempore scripsérunt , initio numerus non potest .

: ne ; nihil non fecerunt , ut vel Patres ad suas sententias obtorto collo reducerent ; vel eorum auctoritatem infirmam facerent & abjectiorem . Primum fecere *Balthasar Bebelius* , *Antonius Corvinus* , *Antonius Reisterus* , *Mayerus* , & alii Lutherani : atque ex Reformatis [ita vocant illi , nos verius Pseudo-Reformatos vocamus] ii qui in Anglia Episcopales nominantur , ut *Scrivenerius* ; *Wotonus* , ceteri : qui vel in unius Patris explicandis opinionebus , vel in singulorum sententiis colligendis , & ad suos errores flectendis multam operam posuerunt . In aliam partem disputatione plerique Pseudo-Reformati , velut *Joannes Dallaeus* [1] qui PP. auctoritatem elevate contendit . Quod tanto apparatu eruditionis , tam multis sophismatis , iisque intricatissimis ; tanta argumentorum , dicam melius errorum ubertate ac varietate efficere adorti sunt ; facile ut tirones , & harum rerum inperitos decipere possent .

His ut resisterent Theologi nostri vetera monumenta studiose expenderunt : veros a suppositiciis libros sejunxerunt : singulorum sensum ex historia exposuerunt , quo facilius & germanam doctrinam Christi inlustrarent , & perfringerent in pudicitiam Novatorum , qui ecclesiam Catholicam apud se extare mentiebantur .

Hæc ut nostri Theologi facilius adsequerentur , plurima caque laboriosa ante moliti sunt . Ac primum viri gravissimi , Græcæ , ac Latinæ linguae , artisque Criticæ periti , præsertim Benedictini monachi [2] & in Gal-

[1] *Præsertim in opere de Uso Patrum ad ea definienda Religionis capita , quæ sunt hodie controversæ .*

[2] *Quid egerint Benedictini in emendandis , edendis que scriptis Patrum ; narrat vir doctissimus Bernardus Pez in Bibliotheca Benedictino-Mauriana , seu de ortu ,*

*vita & morte eius .*

Gallia , & alibi describendis Patrum operibus , & ad in-  
corrumpæ Fidei codices Ms. exigendis vacarunt ; inter-  
pretationibusque inlustrarunt , ut eorum sensum vel ti-  
rones haud ita magno negotio percipere possent : velut  
Cotelerius *Constitutiones Apostolicas* , Valesius *Eusebium*  
*Cæsariensem* , Petavius *Epiphanius* , Pamelius *Tertul-  
lianum* , Fevardentius *Irenæum* , Le Quien *Damaſcenum* ,  
Huetius *Origenem* , Sirmondus *Theodoretum* , aliosque ;  
Ducæus utrumque *Grægorium Nazianzenum* , & *Nysse-  
num* , *Basilium* , *Chrysostomum* . Deinde Apparatus con-  
ſcriperunt , quo tirones præpararent ad Patrum , qui  
primis Ecclesiæ sæculis clari extiterant , libros penitus ,  
faciliusque intelligendos : ut *Nourri* , & *Honoratus a S.  
Maria* . Quod mirandum in modum amplificavit Positi-  
vam , & Polemican theologiam .

Alii in Conciliis exscribendis ; edendisque quam ac-  
cenate & emendate fieri potest , feliciter laborarunt : in  
his sunt *Labbeus* , *Sirmondus* , *Aguirre* , *Bail* , ceterique .  
Non nulli *Historiam Ecclesiasticam* in universum persecuti  
sunt ; idque judicio peracti : ut *Baronius cardinalis* , uter-  
que *Pagi* , *Godeau* , *Natalis Alexander* , *Dupinius* ,  
*Tillemontius* , *Fleuryus* : quibus nostra ætate adjungi po-  
test vir in multis elegans & eruditus *Josephus Augustinus Orsius* e Dominicana familia , qui Ecclesiæ historiam Itali-  
ca lingua politissime ac limato judicio persequitur uni-  
versam . Sunt qui partem aliquam Historiæ inlustrare sibi  
proposuerunt : ut *Valesius* , *Launoins* , *Mabillonius* , qui  
in *Critic. Ecclesiastica amplificanda* posuerunt industriam  
suam . Alii *Antiquitatem Ecclesiasticam* fuse ac elegan-  
ter exposuerunt : inter quos referri debet *Martene* , *Gau-  
vantus* , *Durantus* , *Fronto Ducæus* , *Fleuryus* , & amicus  
noster

noster vir clarissimus Thomas Maria Mamachius, qui *Origines Ecclesiasticas* apte, si quis alius, collocavit in lumen suo. [1]

His copiis muniti: theologi Catholici rationem tractandæ Theologiae ad meliorem formam revocarunt, præsertim a medio saeculo decimo septimo usque ad finem. Ac plerique dogmata nostra resestis argutiis ordine conscriperunt, Patrumque auctoritate confirmarunt. Quod in primis fecit Petavius, [2] ceterosque rationibus suis, ut id efficerent, excitavit. [3] Tum Natalis Alexander,

[1] Eos qui antiquitates Hebraicas, Graecas, Christianas tractarunt enumerat potiores J. A. Fabricius Bibliographia Antiquaria: Hamburg. 1716.

[2] „ Petavium [ ait Cl. Huetius episcopus Abrincensis. ] hocce opere Theologiam tricis Scholæ & periodis expeditam, ad liberos & patentes Priscæ ecclesiæ campos, Sanctorumque patrum tritos vestigiis, revo- cassé. Comment. de rebus ad se pertinentibus . L. I. p. 61.

[3] „ Quin etiam si sapiat [Theologus] & laboris, ac temporis facere compendium velis, mibi istud animadvertis, ut in communibus etiam, & scholarum usu detritis controversis, ne si in inquirendo nimius: aliusve, quam necesse sit, mentis defigat aciem: ut propositæ questionis oras omnes & sinus, ac recessus peragrare cupiat: ne quid sit, cuius illi ratio non constet. Habet enim infinita illa curiositas cum ingratis, ac fastidii plenam operam: tum jacturam rei omnium præciosissimæ temporis, quod utilius in rebus aliis hac impensa dignioribus occupari potuit. Tum male apud homines audit eo nomine plerumque Theologia,

Alexander, Joannes Baptista Dz Hamel, Thomassinus, Poucatus, ceteri. Alli aduersum Hæreticos acerrimo ingenio & exquisita eruditione pro avita religione pugnarunt: ut Adrianus, & Petrus de Walemburch, Jacobus Benignus Bossuetus contra Basnagium, Jurieum, Claudium, ceteros. Item Author libri de Perpetua Fide Eccles. Catboj. quod ad Eucharistiam, aliisque nimis multi, quibus ne infinite excurramus, supercedemus. Qui quidem omnes tota animi contentione curarunt, ut Hæreticis eriperent laudem eruditionis reconditæ, & judicii limati: & si quid ab illis commode dictum erat, ad usum Catholicum, instar Veterum episcoporum, revocarent, sibique sumerent.

Sed & errores Jansenii, qui turbas in Belgio, & in Gallia nimis multas excitauit, occasio fuerunt, cur de mente Augustini in caussa Pelagianorum, Theologi fuerint solliciti. Nimirum magno animorum æstu inter viros doctissimos de eo argumento disputatum est, idque usque ad præsens sæculum: cumque ex una plures nascentur disceptationes, caussam dedere Theologis nostris ut singula accuratius examinarent, & Augustini Hippomensis placita liberarent a calumniis Jansenistarum. Quod fecerunt Norisius cardinalis [1] & Hieronymus Torrensis Jesuita, nec non alii. Multas præterea Recentiorum sententias adfines hæresi Jansenianæ damnarunt Summi pontifices: easque multi Theologi exposuerunt: quos nominare non est necesse, sunt enim satis noti.

Nec solum in Dogmatica theologia; veruin etiam  
in Mo-

, & in eorum sermones ac reprobensiones non prorsus negligendas incidit. Petavius Dogm. Theolog. T. I. proleg. c. 6. n. 7.

[1] In Vindiciis Augustin. & in Histor. Pelagiana.

in Morali disciplina operam posuerunt theologi Recentiores, eamque accuratius pertractarunt. Occasionem praebuere philosophi Juniores: qui cum disciplinam de *Officiis* ex germanis restat rationis fontibus detivarent, viam monstrarunt aliis per quam ad vera Ethicae principia naturae lumine pervenire possent. His accessere theologi Dogmatici, qui cum partim ex Revelata, partim ex Ecclesiastica disciplina fontes aperirent, ex quibus ea profiscuntur, in quibus deficit philosophia Moralis; causa fuere Theologis cur in hoc argumento diligentius exercentur: quod praesertim sine elapsi saeculi usuvenit.

Quamquam vero recentissimi labores virorum do-  
cissimorum minuerent studium scholasticæ Peripateticæ  
etiam apud sodalitia Religiosorum, praesertim in Gallia;  
tamen obtinuit Scholastica apud eos usque ad finem saeculi  
superioris, & etiam in praesentia: vel quod iis litteris  
a prima aetate essent inutriti; vel quod doctorum suorum  
placita ex animo amplesterentur, a quibus recedere  
fas non esse putabant. Et haec saeculo vicino.

Jam nostro saeculo idem mos apud plerosque Theologos, & gravissimos Scholasticos inveteravit, ut in Positiva theologia sedulo exerceantur, eamque magis magisque augeant, & confirment. Eam non nulli nudam & puram ab omni contentione disputatione, & Scholastica investigatione: alii, ut morem gererent suis, quædam Metaphysica, & de Schola petita admissuere dogmatibus, ea nimirum, quæ ad dogmata facilius intelligenda sibi videbantur accommodata. Quod præ ceteris Religiosis fecit Cl. Gottius cardinalis: [1] qui nimium scholasticæ Peripateticæ amorem in plerisque Theologis reprehendit:

Bouca-

---

[1] Theologia Scholastico-Dogmatica juxta Mentem D. Thomæ ad usum discipulorum ejusdem. Bononiae 1727. 4. plurimis volum. Vide primi Tomi præfat. S. 4.

[i] Boucatus , & vir clarissimus , Joannes Laurentius Ber-  
tius . Quibus addi possunt ex Sæculari clero Honorat<sup>n</sup>  
Tournelly , Carolus Witasse , ceteri : nec non illi qui epi-  
tomas aliquas ediderunt ad usum Seminariorum , ut Ju-  
nenius , Habertus , Hermenierius , &c , qui ceteros longe an-  
tecellit , Carolus du Plessis .

Itaque theologi Recentiores systemata sua vocant  
Positivo Scholastica hac de causa ; quod dogmata ratione  
ac via disputant . Ex Scholastica itaque duo sumunt .  
Primum ordinem disputandi : nam primo loco mun-  
imenta suæ sententiarum ponunt : tum adversariorum argu-  
E e mента

[i] Multi sane , & quidem docte elaborati Theologici Cur-  
sus apud Nostrates sive prelo jam editi , sive manu exara-  
ti , in dies discipulorum , & nostris oculis subjiciuntur . Sed  
quorum non modica pars pure Scholasticis questionibus ,  
& Metaphysicis subtilitatibus ac tricis plus aequo indist-  
gens , Juvenes pæne jejunos dimittat in veritatibus ve-  
re Theologicis , & solum ad naufragium usque refertos di-  
sputationibus ad Fidei negotium , aut Sacram eruditio nem  
minime conducentibus : adeo ut interrogati de Catholica  
veritate adversus Hæreticos , & de controversiis , quæ  
a Lutheranis , Calvinistis , Anabaptistis , Socinianis , &  
id genus hominibus Catholicos secesserunt , nec contro-  
versæ statum , ne dicam nomen , exponere norint : ac  
Theologicam metam adtingisse sibi adulentur , etiam si  
quid inter illos , & nos , seu quid illos invicem intersit ,  
nec e limine conspicerint . Verum utinam novum hoc es-  
set infortunium ! Utinam hoc præcavissent , animum  
que ad seria , veroque Theologo digna convertentis ,  
magis , quam Aristotelem , Scripturam Sacram , Tra-  
ditiones ; Concilia , Patres consuluerint Theologi qui-  
dam , qui cum Luthero negotium suscepere . Cardina-  
lis Gottius l. c. præfatione .

menta ordine conscribunt, & singula e vestigio dissolvunt, non id quidem semper syllogismis, sed plerumque methodo Dialectica. Deinde paucas adjungunt quæstiones Théologico-Metaphysicas, quæ ad dogmata commodius explicanda accommodatae videntur, idque sobrie.<sup>[1]</sup> Quod sibi persuadeant, disputationes ejusmodi non alio nomine esse addiscendas, nisi quod dogmata illustrare possunt, & confirmare. <sup>[2]</sup> Et hæc de Theologia superna.

Nec inmerito Recentiores theologi Positivæ theologiæ sedulo hacestate dant operam. Tot enim exstant Hæreticorum scripta, qui continenter in nostros invehuntur, atque argumenta ab aliis Novatoribus excoigitata nova ipsi arte, & novis machinis communire conantur; ut e re sit Catholice ecclesiæ tam perniciosis erroribus occurtere. Et eo magis est necessarium eos e vestigio confutare, quod tum novitate sententiarum, tum exquisita eruditione, tum peracri illo iudicio, quo de rebus aliis judicant, semidoctis hominibus se commendant. Atque haud scio an hæc pestes, quæ longe latentes serpunt, non nullos etiam Theologos rudiores insificant;

[1] „ In Scholasticis questionibus, quas pertractare necesse fuerit, eas eligam, quas alicujus utilitatis fore dignoscam, ceteras vel omittens, vel calamo strictiori percurrens. Gottius l. c. §. ultimo.

[2] „ Theologo quidem in famulatum Philosophica interdum accersere S. Thomas non damnet, nec ego improbo. Eos solum repudio, qui questiones vere Theologicas aut omittunt, aut aliis inutilibus toti vacant: aut si Théologica trahant, ea non Theologice, sed vanis invalidisque ratiunculis, magnum pondus rebus gravissimis detrahentes, absolvunt. Gottius l. c. §. 4.

ficiant : qui cum a bona Philosophia , & Theologia para-  
ti non sint , suco illo & calamistris tamquam hamo quo-  
dam trahuntur , nec latens venenum possunt internoscere .  
Certe , quod non sine ingenti animi mœrore commemo-  
ro , plurimos apud Catholicas gentes hujus farinæ ho-  
mines inveniri , viri gravissimi auctores mihi sunt : uti-  
nam & ipsi interdum non fuissimus experti .

Sed bene est , quod plurimi viri doctissimi pro Ca-  
tholica doctrina strenue contra Hæreticos pugnarunt ,  
eamque mirifice illustrarunt , & illorum machinationes  
funditus everterunt . Hi ut multi sunt , ita eos enume-  
rare hoc tempore & operosum esset , & inutile , cum ex  
Catalogis celebrioribus facile cognosci possint . Ex Italis  
excellunt Cl. Gotrius cardinalis , in suis de Ecclesia libris ,  
contra Jacobum Piccininum ; Antonius Venetus ex Obser-  
vantium Franciscanorum familia , disputator acerrimus ;  
in opere cui titulus idem adversus eundem Piccininum :  
& amicus noster Ludovicus Antonius Muratorius , vir  
clarissimus , & eruditissimus , qui Burnetum pro merito  
refutavit .

Etiam Naturalis theologia fine superioris sæculi , &  
hoc nostro Recentiorum opera suo splendori restituta est ,  
novisque præsidij communita . Nam cum Hæretici qui-  
dam & plane inpij , sed a Recentiori philosophia instruti ,  
unum & alind Naturalis religionis placitum infirmare ar-  
roganter sibi proposuissent ; id est , tum Dei existentiam  
vel clarius , vel obscurius aggredenterur ; tum illius pro-  
prietates aliquas negassent , vel perperam interpretati  
fuissent ; quos vel Atheos , vel Deistas nuncupamus ; ad  
hæc deliria profliganda gravissimi Theologi , & optimis  
studijs politi animum adjunxerunt : qui elegantissimos &  
omni ex parte absolutos libros considerant , in quibus  
theologia Naturalis eo ordine , ea perspicuitate , & argu-  
mentorum firmitate exposita est , ut nihil jam videam ,

quid amplius desiderari possit. Sed de his jam primo libro aliqua.

Habetis hic, lectissimi Adolescentes, brevem Theologiae historiam ab orbe condito ad nostra usque tempora: ex qua facile cognoscetis, Sacram doctrinam a prima mundi ætate usque ad Christi tempora per quater mille annos, & eo amplius veluti per gradus creuisse: qua ætate maturitatem suam adepta est; Christo ea omnia tradente, & exponente, quæ ad salutem erant necessaria. Ab eo tempore eadem Theologia in Ecclesia duravit, & tradita est: nec nisi alia & alia ratione explicata sicut pro varia disciplina & consuetudine populorum. Plura addere possemus; ex quibus ea, quæ stricte percensimus, abundanter lucem acciperent: sed hæc præterire consentaneum proposito nostro judicavimus. Et fortasse plura sunt dicta, quam instituti ratio postulabat. Quare, quæ reliqua sunt, deinceps quam brevissime persequemur.





## LIBER SECUNDUS

I N Q U O

D E NATURA, ET USU THEOLOGIAE

### C A P U T I.

*Docet theologie Revelatæ notitiam esse necessariam omnibus,  
vobis præsertim , qui vel Fideles docere , vel hostes  
religionis Catholicæ confutare sibi proponunt .*



UONIAM Christiana religio Sacris codicibus utriusque Testamenti præsertim continetur , oportet eos , qui Christiano nomine censentur , quid in iis contineatur , cognoscere ; ut ad illa vel præcepta , vel consilia actiones suas conforment . Quanta autem ignorantia laborent plerique omnes Fideles eorum , quæ in Sacris bibliis se offerunt ; quam rudem & confusam religionis habeant ideam , qui eorum institutioni vacarunt , viri gravissimi sèpissime conquesti sunt . Atque non modo pueri , non feminæ , non indocti , sed etiam sacerdotes ipsi , & qui Theologi nominantur , [1] tan-

E e 3

ta

---

[1] „ Multum falluntur , qui rerum inutilium studiis  
„ occupantur . Hoc errore non pauci laborant . Quis enim

„ en-

ta interdum in ignorantia Sacrajūm litterarū versantur, etiam apud nationes cultissimas; ut credi vix possit. [1] Ex quo infiniti errores nascuntur, quibus & mortuum perversitas inducitur, & reipublicā tum Civili, tum Ecclesiastice pernicies ac destructio.

Quis enim umquam vera pietate se munitū putet, nisi principia religionis nostrae penitus cognoscat, nisi divinæ legis præstantiam habeat exploratam? Quis sacros ritus, quis apparatum Christianæ religionis externum cum veneratione excipiat, cum pietate meditetur, qui illoruī interiorē cognitionem adsecutus non fuerit? Contra, quis Catholicam doctrinam recte meditatus est, qui non sentiat se ad eam amandam, & prædicandam, vel invitum rapi? Nolo, Adolescentes, existimatis, me, dum divinæ legis perscrutationem, & meditationem singulis Fidelibus commendō, velle, ut indodi quique absolutissimi Theologi evadant: quod nec mihi nūquam venit in mentem, nec facile sperari potest. Hoc breviter dico, eos; qui nec religionis nostræ historiam, nec præcepta recte cognoscunt, hos, inquam, levavi aliqua pietatis notitia tinctos esse posse: aliquid egregium moliri non posse. Hoc ipsum Sacra scriptura commendat Fidelibus, eosque monet, ut in legē Domini sedulo exerceantur. [2]

Quod

---

„ ex iis, qui studio Theologico per tot annos distinentur,  
 „ vanas, ne dicam ineptas, quæstiones non potius ver-  
 „ set animo, aut agitet in scolis, quam pascat mentem  
 „ lectione Scripturarum, quibus sedulam operam impen-  
 „ disse videtur sibi, cum horis subcisois in unum aut alter-  
 „ rum caput oculos parum attentos conjecerit. Bernard.  
 Lamy Præfat. ad Appar. Biblic.

[1] Vide Claudium Fleuryum in Præfat. ad Catechismum Historicum Gallicum.

[2] Psalm. I. 2. Psalm. CXVIII. 2.

Quod si condemnandi sunt illi, qui vel publicis, vel domesticis negotiis intenti, de religione perfecte cognoscenda non cogitant; quid de illis dicimus, qui populis instituendis sunt constituti? Certe tanto perniciosior eorum erit ignorantia, quanta ipsi maiori diligentia alios instituere debent rudimentis Catholicæ doctrinæ. Non hic ego; Adolescentes, unum, aut alium nomine designo, sed omnes collectim excito, ut & ipsi recte instituantur, & ceteros, pro eo ac debent, germana doctrina recte erudiant. Nos ipsi, qui in sortem Domini vocati sumus, ac divino ministerio mancipati, nos maiori diligentia; quam ceteri, hæc præstare debemus. Nostrum est in Sacras litteras incumbere, ut alios recte erudire sciamus: Qui si nobiscum reputaremus, quam grave onus suscepimus Ecclesiastici muneris, profecto daremus operam; ut lege Domini dies ac noctes meditaremur: nosque non verbo tenuis, sed reapse doctores & dispensatores præstaremus verbi divini. [1]

Certe Paullus eum, qui velit esse Episcopus; doctorem esse jubet, qui scilicet aut ab infantia sacras litteras didicerit, aut in lege domini die ac nocte meditetur: [2] ut potens sit Fideles exhortare in doctrina sana, & eos, qui contra dicunt, arguere. [3] Nihil enim Sacris scripturis ad id consequendum accommodatius reperiri potest. [4] Presbyteros autem tales esse cupit, qui digne Episcopis queant opitulari, & una cum iis administrare Ecclesiasticam reipublicam. Quod sine rerum divinarum notitia efficere quis potest? E. e. 4. Jam

[1] I. Corint. IIII. 11 ad Titum I. 7.

[2] II. Timoth. III. 15.

[3] Ad Titum I. 9.

[4] „Omnis Scriptura divinitus inspirata utilis est, ad docendum, ad arguendum, ad corripiendum, ad erudiendum in justitia. Paullus II. Timoth. III. 16.

Jam vero Hæreticos refutare quis umquam fatus ab omni memoria non dico potuit, sed ne sibi quidem in animo proposuit, qui non interiori, ac vastissima Sacrarum litterarum cognitione instruclus esset? Testes sunt tot libri Hæreticorum, qui cum ex Scripturarum testimoniiis contra nos puguent, non nisi iisdem armis prosterni possunt & funditus labefactari. Non illi ex tradita ore tenus doctrina, non ex Conciliorum, non ex Pontificum decretis sumunt argumenta: sed ex utriusque Fœderis libris, ex historia cum Sacra, tum Profana, ratiocinationes suas compingunt. Quos propterea non nisi iisdem monumentis, eadem argumentandi ratione infirmare poteris & enervare...

Quid Judæi? nonne Veteris testamenti autoritates in eorum libris, utrquinque faciunt paginam? Hos vero modo refutare, & redarguere poterimus, nisi ex iisdem libris, ex quibus ipsi sumunt argumenta? Quare fixum & ratum sit, utrquinque Testamenti notitiam, eamque non vulgarem, sed interiorem, & reconditam, Theologo penitus esse necessariam, si non nomine tenus gravissimæ disciplinæ doctor, sed Theologiæ laude cupit esse perēctus.

## C A P U T II.

*Una tantum est Revelata theologia, sed pro varia methodo tradendi vel Positiva, vel Scholastica nominatur.*

JAM cum Revelata theologia principiis a Deo traditis institutatur, [1] Deus autem non alia & alia dogmata, sed certa & invariabilia vel voce, vel scripto tradiderit Ecclesiæ;

[1] Theologia Naturalis, de Deo, de proprietatibus Divinis, de religione Naturali agit: ubi etiam veritas

clesiæ ; consequens est , ex iisdem fontibus esse haurientum quidquid Theologia nominatur .

Omnino autem duo sunt fontes , ex quibus revelatio omnis ducitur , Scriptura ; & Traditionis : id est , quidquid Deus Ecclesiæ manifestavit , id vel scriptis continetur , vel voce . Hi rursum in alios derivantur rivulos , ex quibus Theologus proponit argumenta ad dogmata confirmanda : quibus alia addi possunt , quæ argumenta suppeditant ad refellendos adversarios . Quare si omnes communes locos percensemus , ex quibus omnis argumentatio inveniatur , sive ad confirmandum , sive ad refellendum , decem omnino a Theologis numerantur .

I. Auctoritas Sacrae scripturæ , quæ libris canoniciis continetur . II. Auctoritas traditionum Christi , & Apostolorum , quæ quoniam scripta non sunt , sed de aure in aurem ad nos pervenerint , vivæ vocis oracula rectissime dixeris . III. Auctoritas ecclesiæ Catholicæ . IIII. Auctoritas Conciliorum præfertim Generalium , in quibus ecclesiæ Catholicæ auctoritas residet . V. Auctoritas ecclesiæ Romanae , quæ divina immunitate & est , & vocat Apollonica . VI. Auctoritas Sanctorum veterum . VII. Auctoritas Theologorum , quibus adjungi possunt juris Pontificii interpretes : nam Juris bujus doctrina quasi ex altera parte Theologie respondet . VIII. Ratio naturalis , quæ per omnes scientias Naturæ lumine inventas latissime patet . VIII. Auctoritas Philosopho-

---

tem Christianæ religionis demonstrat : id est argumenta expendit , quibus movemur ut credamus , religionem nostram a Deo traditam esse : quæ Schola vocat motiva credibilitatis . Hæc naturæ rationibus omnia conficiuntur . Hoc autem loco de illa Theologia est disputatio , quæ Fidei sequitur , & divino auctoritate fundatur , ac Reve-  
lata nuncupatur .

Philosophorum, qui naturam ducem sequuntur: in quibus sunt etiam Cæsarei juris Consulti, qui veram & ipsi Philosophiam profitentur. X. Humanæ auctoritas historiæ, sive per autores fide dignos scriptæ, sive de gente in gentem traditæ, gravi constantique ratione. [1]

Horum quidam proprii Theologorum sunt, quidam extranei. Proprii sunt, auctoritas Scripturaræ, & Traditionis: ad quos quinque alii referuntur, Auctoritas ecclesiæ Catholicæ, conciliorum Generalium, pontificum Romanorum, omnium SS. Patrum, & omnium Theologorum in una aliqua re ad Fidem spectante concorditer, ac perpetuo consentientium. Ex his enim argumenta Theologorum propria sumuntur, propterea quia Theologus ex auctoritate seu revèlata doctrina, uti diximus, potissimum argumentatur. Extranei sunt, Ratio naturalis, auctoritas Philosophorum, auctoritas Historicorum. Hæc enim propria Philosophorum sunt: iis tamen commode utitur Theologus, cum ei per argumenti naturam uti non licet propriis: velut in refutatione adversariorum: in expendendis rationibus; quæ nos movent in hanc magis, quam in illam sententiam: & hujus generis aliis.

Quare cum principia Theologorum propria sint, Scriptura, & Traditio, quæ in omni Theologiæ parte dominantur; inepte sentiunt, qui plures Theologiæ disciplinas prorsus differentes faciunt. Ex his enim principiis una tantum & germana nascitur disciplina, una Theologia, quæ divina auctoritate continetur tota. Id ipsum historia Theologiæ demonstrat: nam omnibus Ecclesiæ sacerulis ad Scripturam, & Traditionem confugerunt Theologi, vel ut dogmata Catholica in

Cœ-

---

[1] Consule Melchiorum Canum de Locis Theologicis L. I. c. 3.

Conciliis firmarent definirentque, & a prava doctrina secernerent; vel ut Hæreticos labefactarent. Non illi ex aliis, & aliis principiis argumentationes suas promebant: sed ex certis, ex invariabilibus fontibus, ex verbo Dei vel ore tenus Prophetis, & Apostolis tradito, vel monumentis mandato, disciplinam suam Theologicam hauserunt. Una fides ecclesiam Catholicam occupavit: una Theologia, quæ fide Catholica, id est, iis decretis, quæ Catholica ecclesia tenet, nititur, & ex his argumentando conclusiones suas deducit, omni tempore rexit Fideles.

Verum postea quam ab XII. saeculo nominis Christiani Theologica dogmata in scholis novo ordine disputari coeperunt, alio & alio nomine, pro diversa ratione tradendi, Theologia, uti diximus, vocata est. Nam cum priisci illi Theologi non omnia complesterentur, quæ ad idem argumentum pertinent; nec ea ipsa, quæ persequebantur, ordine scriberent; sed pro varia occasione Hæreticos confutandi, dogmata inlustrarent, librosque fuse conderent & copiose: contra Theologi juniores inmensam dogmatum multitudinem ad certa capita revocarent, stricte preseque differerent; adversariorum autem rationes ordine ponerent, & singulas e vestigio dissolverent; idque plerumque Syllogistica methodo, quæ ratio ac via in scholis Philosophorum vigebat; exstitit ut Theologia, quod in scholis hac methodo traderetur, Scholastica sit nominata. Et quamquam progressu temporis Scholastica theologia, Theologorum vulgarium vicio, in meram Sophisticen abierit; tamen cum praedita methodus multum adferat adjumenti ad disciplinas inlustrandas, Scholasticæ vocabulum summo semper fuit in pretio.

Duplex igitur ab eo tempore Theologiæ disciplina, &c., ut ita dicam, facies exstitit. Altera Patrum scri-

scriptis continebatur, vel eorum qui ex iisdem PP. rationes, & ordinem hauserant: qui Dogmata exponebant fusori stilo ac plane Historico, & eodem modo contrariae rationes infirmabant. Hæc vocata est *Positiva*, hoc nomine, quod fundamenta ponat, ex quibus Theologi argumenta desumunt. Altera stricte ac breviter id faciebat, idque scholarium methodo illa, quam diximus. Hæc est *Scholastica*, quam gravissimi viri laudant & extollunt. [1]

Quare si rem ipsam consideramus, & Theologiae naturam, una tantum est Theologia: sin modum consideramus, quo illa vel ad Veterum disputandi formam exigitur, vel Recentiorum ritu explicatur; duplex profecto est, *Positiva*, & *Scholastica*. Quæ duæ modo tradendi variant, re ipsa consentiunt.

Ne ergo existimetis, Adolescentes, Theologos nostros hisce nominibus diversas rcapte disciplinas significare: sed diversam disputandi, explicandi viam. Quod quia non nulli non advertunt, miras ineptias fundunt, aliumque ab atro secernere nequeunt. Neque vero id solum, sed etiam aliis & aliis nominibus tum *Positiva*, tum *Scholastica* disputandi ratio significari solet,

ut

---

[1] „ Scholastica vero sic hodie dicta, quod in scholis  
„ tradatur, atque discatur, eadem est in re, idemque  
„ præstat ac Positiva, diverso tamen modo, ab Scholæ  
„ magistris successu temporis inducto, maiori videlicet  
„ cum methodo, hoc est, accuratius, subtilius, & ad  
„ arris Syllogisticae regulas accommodatius: usque conclu-  
„ siones interdum, & per accidens, extraneis confirmans  
„ & illustrans argumentis: ut sic facilius iis, qui de fo-  
„ ris sunt, Catholicam persuadeant fidem: & omni po-  
„ seculi de ea, quæ in uobis est, fide, rationem reddat.  
Apparatus Apparatus ad Positivam Theolog. Tom. I. art. I.

ut alio loco demonstravimus. Nam si sensum Sacrorum codicium unaquæque investigat, vocatur theologia *Hermeneutica*, seu *Interpretativa*. Sin hostes religionis Catholicæ confutandos sibi sumit; vocatur *Polemica*; quasi dicas *bellatrix*. Sin ea persequitur, ex quibus morum institutio sumitur, nominatur *Moralis*. Postremo si viam sterat; ut in virtute magis magisque proficiamus; & adfectus nostros ad Deum amandum referamus, *Ascertiva* nuncupatur.

Non quod alia, & alia sint principia, aliis & aliis finis earum; nam omnes argumenta sua ex Sacris libris desumunt, & etiam ex ratione naturæ, ubi locus est: omnes ad Deum tamquam finem referuntur: [1] sed quod alia, & alia ratione Sacra doctrina exponatur: ex quo multiplex illa nascitur disciplina explicandi ratione dumtaxat diversa. Itaque quemadmodum qui in statuam aliquam oculos convertens, primum e regione, tum a latere, tum a tergo, alio & alio situ & positione, videt ille quidem semper eamdem statuam, sed alio & alio modo, ita ut diversas quasi figuræ adspiciat: Ita qui Theologiæ doctrinam alia & alia methodo tractatam animadvertisit, diversas quasi disciplinas videre sibi persuaderet: cum tamen reapse sit una, quæ, si rem suæ persequitur, *Positiva*: sin autem pressæ, *Scholastica* nominatur. [2]

CA-

[1] Ex principiis iisdem, atque eodem fine, identitatem scientiæ desumi, vulgatum est apud Peripateticos.

[2] Libro super. c. 8.

## C A P U T . I I I .

*Ostenditur germanam Scholasticam longe distare  
ab argutiis Peripateticorum.*

**H**AEC fuit germana Scholasticæ theologiæ notio, cum illa novo consilio XII. sæculo in scholis Parisiensibus publice tradi cœpit. Quod scripta Petri Lombardi, quem Scholastici omnes quasi parentem & conditorem suum venerantur, declarant. Cum enim Lombardus ea ætate aliquid melius, quam Abælardus, & Porretanus, aliique fecerant, lucubrare, & edere sibi proposuisset juventutis commoditati; nihil aliud fecit, quam Patrum sententias ad certa capita revocare, easque ordine certo explicare atque via: tametsi interdum aliquid subtile & Metaphysicum, ut tempori serviret, adhiberet. Quare, qui post fuere, gravissimi Theologi, dum Scholasticam theologiam laudarunt, hoc laudarunt, Dogmata ordine ac via disputata, quod Magister fecerat. Nam cum Scholastici plusquam tercentum [1] iisque nobiles ac graves, per tria sæcula ad finem usque sæculi XV. Lombardum commentariis suis exposuerint, *Magistrumque vocarint*, & habuerint; perspicuum est, talem per id tempus opinionem inveterasse, Scholasticæ germanam ideam ex Lombardi libris sumi debere. Quod ipsum concilium Oecumenicum Lateranense IIII. anno ccccxv. coactum probavit: in quo [2] Lombardi ratio scribendi atque methodus vehementer laudata fuit.

Quamquam vero hæc ita se habuerint, tamen  
Scho-

---

[1] *Vide Bulæum Hist. Univers. Parisiens. Tom. II. in Catalog. Academic.*

[2] *Can. 2.*

Scholastica docendi ratio vel a prima sui ætate , quorum-dam vitio depravata est , uti antea demonstravimus . [1] Nam cum plerique Theologi Peripateticæ principiis occupati , Arabicam illam philosophandi subtilitatem , quæ sub idem tempus obtinuerat , [2] ad Theologiam adhiberent ; ut sunt homines novarum rerum cupidi , usque adeo ea delectati sunt ; ut reliæ pæne Dogmatica theologia , in quæstionibus nullius momenti explicandis , quas ex Sacris dogmatibus ducebant , industriam omnem suam posuerunt : dogmata vero vix adtigerunt : [3] quod ex sæculi more putassent , subtilibus quæstionibus disputandis ingenii laudem præcipuam contineri .

Hinc duplex nata est Scholasticæ theologiæ disciplina : quærum altera dogmata tradebat , addens non nihil ex humanis disciplinis : quamque Germanam scholasticam vocare solent . Altera quæstiobus acutis excoigitandis disputandisque detinebatur : quæ ipsa Scholastica Peripatetica , ne ex ambiguo disputemus , nominari debet .

Quæ duo qui non animadvertisit , alteramque ab altera Scholasticam non sejungit , numquam in concordiam revocabit Theologorum gravissimorum , & Conciliorum loca , in quibus Scholasticos aliquando laudant , aliquando vituperant vehementer : [4] immo ne ipsa quidem loca plane percipiet . Nempe cum eodem pæne tem-

[1] Libro super. c.8.

[2] Consule quæ diximus Lib. sup. c. 8.

[3] Confer , quæ Libro superiori cap.8. adduximus testimonia Stephani Tornacensis episcopi , & Alexandri III. Pont. Max. qui duo bæc vitia in Scholasticis illius temporis gravissimis verbis reprobendunt .

[4] Consule quæ Libro superiori c. 8. dedimus Theologorum loca , in quibus abusum Dialecticæ in Theologia condemnant .

448 APPARATUS AD PHIL. ET THEOL.  
tempore & Methodica theologia, seu germana Schola-  
stica, & Peripatetica orta sit, ac propagata; Theolo-  
gi autem gravissimi istan eo nomine reprobarint, quod  
ex ea insignes errores prosectorum esse cognoscerent; [1]  
occasio sunt historiz Ecclesiasticae inperitis, ut, vocum  
similitudine decepti, talia interdum obtrudant, quae si-  
ne risu audiri nequeunt. Quare operæ pretium est peni-  
tus cognoscere, quid utraque disciplina sit, quantum-  
que inter Peripateticam, & germanam Scholasticam in-  
tersit; ne aut iudicando fallamur ipsi, aut alios impru-  
denter decipiamus.

Jam vero si rem a principio ducere, atque germanæ  
Scholasticæ etatem venari conamus, ejus vel primis Ec-  
clesiae saeculis adumbratam imaginem inveniemus. Cum  
enim vera Scholastica nihil aliud sit nisi Sacra doctrina  
ordine pertractata, atque humanis disciplinis utens ad  
dogmatum illustrationem, defensionemque; [2] cum  
que prisci illi ac sanctissimi Theologi cum Infidelibus, &  
Hæreticis disputantes, bæc patrassent; conficitur Scho-  
lasticæ vel a primis saeculis viam quamdam obtinuisse:  
Quis enim legens Clementis Alexandrini, Origenis  
Adamantii, Eusebii Cæsariensis, Arnobii, Laftanii  
scripta aliqua: quis Augustini Hipponensis libros de Ci-  
vitate Dei, Joannis Damasceni de Fide Orthodoxa, cete-  
rorum-

---

[1] Vide quæ diximus Libro superiori. c.8.

[2] Theologiae Scholasticæ triplex secundum Melchio-  
rem Canum munus est. Primum est, ex rebus a Deo reve-  
latis, vel scripto, vel voce, conclusiones in iis latentes  
elicere; & in aprico ponere. Alterum, Christi & Ec-  
clesie doctrinam humanis disciplinis illustrare, aut etiam  
confirmare. Tertium, Fidem nostram adversus Hæreti-  
cos, ceterosque adversarios defendere. Consulte eundem  
de Locis Theologic. L. VIII. c.2.

rorumque commentaria , non animadveriat ; gravissimos Theologos non solum dogmata disputasse , eaque ordine , ut iis temporibus , disposuisse ; sed etiam confirmasse humana Philosophia , ubi locus erat : atque ex ea adversarios persregisse . Itaque dubitare nullo modo possumus , veram Scholasticam aliquam omnibus Ecclesiæ saeculis obtinuisse .

Sed talis Scholasticæ acceptio latissime patet , & etiam theologiam Positivam comprehendit . Nam Positiva theologia non in nuda dogmatum narratione ac expositione , ut indocti plerique putant , consistit ; sed aliqua addit , quæ ad disciplinam rationalem pertinent . Etenim nuda narratio rerum est historia dogmatum , non vero theologia Positiva : ad summum catechesis aliqua dici potest . [1] Theologia enim est disciplina , quæ & principia divinitus tradita ponit , & ex iis , quid consequens , quid repugnans sit , argumentando concludit . Quare & historiam dogmatum complestitur , & ea addit , ex quibus disciplina rationalis componitur .

Quemadmodum itaque historia Naturalis est illa quidem fundamentum Physicæ , seu principia suppedidat , ex quibus Physica disciplina argumentando conclusiones suas deducit ; & rerum naturalium tradit explicationem ; Physica tamen nuda ac simpliciter dici nequit : Ita historia , vel nuda expositio dogmatum , sine ulla argumentatione , non illa quidem theologia Positiva , sed fundamentum ; & , ut ita dicam , basis Theologiarum dici debet : quatenus revelata decreta percensens , fundamenta ponit , in quibus Positiva theologia nititur .

F f :

Et

---

[1] Nuda dogmatum expositio ; et si ordine ac via conscripta , catechesis est , quæ catecheses ea confilio conduntur , ut Fideles instituantur . Quare ejusmodi enarratio non nisi in catechesibus nunc temporis se offert .

Et certe quidem si Patrum scripta , in quibus theologia Positiva præcipue continetur , pervolutamus , reperiemus eos non dogmata mere exponere , ut cathechistæ nostri faciunt ; sed omni argumentorum genere ex Scripturis , & Traditione sumtorum confirmare : tum etiam ex ratione naturæ , ubi necesse est , pugnare contra Infideles : atque ex vera Dialetica contraria argumenta infirmare .

Exemplo rem illustrabimus . Qui credit Deum esse unam naturam , & tres personas , is quidem Fidem habet , quod auctoritate Dei dicentis nititur : non Theologiam , propterea quia ex revelatis nihil ducit . Qui vero declarat , Trinitatem esse unam naturam , & tres personas , Catholicum dogma tantum exponit . Quod si rem minutatim persequitur , ac enarrat , quo tempore hoc decretum in suo lumine positum sit , quaque de causa in concilio Nicæno , aliisque confirmatum & declaratum ; is historiam dogmatis texit : sed nondum hic Theologiæ vestigium .

Contra , qui ex Scripturis , in quibus hoc mysterium non tam diserte tradebatur , perpetua traditione ab Christo deduxta , aliud ex alio colligendo , ostendit , Deum esse unam naturam , & tres personas reapse distinctas ; item quædam prædicata personis ; quædam naturæ tantum convenire ; hic quidem theologiam Positivam profitetur : nam & principia a Deo manifestata ponit , & inde eas conclusiones per argumentationem dedicit , quæ in illis vere continebantur .

Ex his autem duo manifeste inferuntur : Alterum , Positivam theologiam , quæ singulis Ecclesiæ sacerulis obtinuit , non in mera dogmatum-historia , & expositione consistere ; sed reapse esse disciplinam per argumentationem adquisitam , seu , ut Schola vocat , Scientiam .

Alte-

Alterum, eamdem Positivam lata significatione appellari posse Scholasticum, stricta non posse.

Quod si Scholasticæ vocabulum preesse ac stricte accipimus, pro facultate, quæ & dogmata omnia complectitur, & ea ordine ponit, explanat, confirmat humanis disciplinis, idque Scholæ ritu; non nisi sæculo XII. nata videtur, uti suo loco demonstravimus. Nam tametsi Patres, qui ante prædictum sæculum scripsierunt, dogmata quædam ordine exponerent, confirmarentque sacerdotalibus disciplinis; tamen cum fere omnes non ad otium consumendum, sed ad Hæreticos profligandos, scriberent; non ea ratione tradidere Theologiam, qua sæculo XII. tradita est. Quare si Originem excipias, scriptorem III. sæculi, & Damascenum sæculi VIII. qui dogmata ad ordine in aliquem revocarunt; nullum reperiemus, qui Theologicæ doctrinæ corpus perfectum reliquerit. Quamquam hi duo inopolitas epitomas & rudēs incubrarunt.

At sæculo XII. Theologicæ epitomæ aliquot conditæ sunt multo illis antiquioribus accuratiæ: ut illa erat Lombardi, Pulli, aliorumque, in quibus dogmata omnia faciliori ordine scripta sunt, rationibusque confirmata: tum contrariæ rationes plane ac perspicue diluuntur, non id quidem fuse ac oratorie, sed stricte ac preesse, atque ad artis Syllogisticæ regulas accommodate. [1] Hæc germana sicut Scholastica, quæ progressu temporis præsertim a tempore concilii Tridentini perfectionem suam adepta est, magno Catholicæ reipublicæ cominodo.

Quare [ut rem istam omnem iterum sub uno adspectu ponamus], si germanam Scholasticam cum Positiva

[1] Lege, quæ scriptæ reliquimus Libro superiori capite 8.

tiva conferimus, non nisi modo tradendi differunt. Illa pessime id facit, haec fuisus. Eadem tamen principia, iidem fontes, idem scopus, eadem partitio est utriusque: tum demum ex utraque eadem conclusiones per ratiocinationem inferuntur. Ex quo efficitur, utramque reapse consentire, modo vero, & accidentaliter, uti vocant Scholastici, differre inter se.

Quod si germanam istam Scholasticam cum scholastica Peripatetica comparamus, toto caelo inter se differre nullo negotio intelligemus. Quod vel ipsa aliorum cum aliis Scholasticis comparatio sine ullis argumentationibus facit manifestum. Nam si Summam Lombardi cum iis, qui eum exposuerunt, conferimus, repertiemus longo intervallo distare. Ille enim sententias Patrum ordine ponit, & argumentis confirmat: temperans sibi, quantum per consuetudinem poterat, a vocabulis Dialecticis; ac Metaphysicis, & rationibus Philosophicis. Contra huius Dogmata, Patrumque sententias vix aut nullo modo exponunt, vel in transcurso tangunt; ac in questionibus Dialecticis, & Metaphysicis disputandis intelligentiam suam ponunt, ac ingenium ostentant; idque tam libere ac copiose, ut Dialecticam, & Metaphysicam dices, non Theologiam.

Nempe Lombardi interpres sere omnes cum sibi persuaderent, se se, nisi sinus omnes & oras quæstionum perverstigarent, & aliquid novum & inauditum effunderent, interpretis officio non defungi; non hoc sibi proposuerunt, ut scriptoris, quem sibi sumiserant explanandum, sententiam plane exponerent, ac illustrarent, resectis inutilibus rebus, quæ ad propositum non faciunt; quod erat boni interpretis: Illud curarunt, ut ingenium suum ostentarent, excogitandis novis & subtilibus quæstiunculis in arguento sacro, quas more Dialecticorum expediebant. Cumque disputationum

nus, atque acuminum modus nullus esset; is autem præcipue prædicaretur, qui nova fundere ac subtilia in re Theologica posset; exsilit, ut reliftis utilibus & necessariis disputationibus, quæ dogmata declararent, quasque germani Scholastici persequebantur; in rebus nullius momenti otium Theologi isti adscripticiei consumserint. Ex quo commentaria illa vastissima nata sunt, quam scholasticam Peripateticam nominant, uti superiori libro susiis demonstravimus.

Parum hæc essent, si hic consiseret eorum studium: verum ulterius progressi, commentaria ipsa novis commentariis explanare in animo proposuerunt. Nam cum B. Thomas Aquinas circiter medium XIII. saeculum, ut aliquam medicinam adferret tanto malo, [1] non modo Lombardi libros sapientissime explicaret, verum etiam Summam Theologicam conscriberet, atque ederet, in qua medium quandam viam insistens, non meram theologism Methodicam tractavit, sed aliqua etiam addidit ex scholastica illa Peripatetica, quæ dominabatur; ut si qua esset alios aliis conciliandi via tentaret; Theologi tamen, qui post fuere, non intelligentes nec perpendentes tanti viri sapiens consilium, tam vastæ molis commentarios in eum ediderunt, ut ferri vix possint. Quæque sanctissimus Thomas non nisi

---

[1] „ Consideravimus hujus doctrinæ [Theologiae] novitios in his, quæ a diversis conscripta sunt, plurimum impediri. Partim quidem propter multiplicacionem inutilium questionum, articulorum, & argumentorum.... Hæc igitur & alia hujusmodi evitare suudentes, tentabimus cum confidentia divini auxillii, ea, quæ ad Sacram doctrinam pertinent; breviter, & diu lucide exponere. B. Thomas Aquinas Proleg. in Primi Partem Sammæ Theologie.

ut tempori serviret, & veluti coactus fecerat, ut aliquid subtile & Philosophicum adhiberet Theologicis decretis; ea illi tamquam sibi præcepta accipientes, ex una quæstione tot alias deduxerunt inanes & non necessarias, easque tam fuse subtiliterque persecuti sunt, ut qui cum iis Beatissimi Thomæ *Summam* conferat, Scholasticum eum esse non putet. In iis enim methodus illa Scholastica, quæ in Lombardo, & Thoma laudata fuerat, quæque dogmata breviter exponebat & certo ordine, omnino desideratur. Rara enim dogmata ab iis tractantur & explicantur: sed incredibili acumine ac subtilitate innumeræ quæstiunculæ disputantur sine ullo fine. Ex quo infinita quæstiuncularum Philosophicarum seges, quæ scholasticam istam *Peripateticam* constituit.

Hoc ipsum a XIII. sæculo magis magisque inventavit, posteaquam Durandus, & Occamus, Scholastico-rum coryphæi, auctores fuere ceteris, ut sine ullo duce philosopharentur, & nova ac ingeniosa systemata exco-gitarent, quo facilius ingenii & acuminis laudem consequerentur. Quare mirandum non est, si Theologi nimis multi, qui per ea sæcula floruerunt, talia scripta reliquerunt, quæ germanæ Theologiae amplificandæ nullo modo idonea videbantur. Cum enim magis magisque à mente Lombardi, Bonaventuræ, & Thomæ declinarent; nec secum reputarent, gravissimos illos Theologos non aliqua subtilia admiscuisse, ut ea sine ullo fine amplificarent; sed ut iis scite uterentur, & pedentim, inanibus omissis, Theologiam ad Veterum exemplar exigerent; veramque, & Methodicam theologiam illam instaurarent, ac diligentissime disputarent, in qua reipublicæ Christianæ salus ac defensio continetur; ea, inquam, cum non animadverterent, fieri non potuit quin tales disputationes lucubrarent, quæ ad finem, quem si bi proponere dèbent Theologi, nullo modo accommo-

data

data esse , ipsi gravissimi Scholastici , qui regnante acuīne Scholasticorum floruerunt , sine ulla ambiguitate testati sunt . [1]

Cum igitur ex testimonio gravissimorum Scholasticorum , qui non modo prædictis sæculis , verum etiam XVI. sæculo [2] doctrina ac prudentia valuerunt , constet , scholasticos Peripateticos aliam viam instituisse , ac illa erat , quam germani Scholastici sequebantur ; consequens fit , scolasticam illam Peripateticam , quæ subtilibus & inanibus quæstionibus ex Aristotelis philosophia summis potissimum constat , longe distare a vera ac utiliori Scholastica .

## C A P U T III.

*Docet germanam Scholasticam esse necessariam ad Iudæos ,  
et Hæreticos confutandos .*

J AM vero bonam , & sinceram Scholasticam non modo accomodatam , verum etiam necessariam esse ad Iudæorum , ac Hæreticorum impudentiam perfringendam , eorumque errores patefaciendos , & infirmandos , nemo in Catholicorum theologorum scriptis vel mediocriter versatus dubitare potest . Hoc ipsum nobis Theologi doctoris munus perluadere videtur . Etenim Theologæ doctor est , qui germanam Christi doctrinam penitus cognoscit ; adeo ut & filios Ecclesiæ docere , & inimicos ac hostes arguere possit , & confutare . [3] Cum enim pluri-

F f. 4 . mi

[1] Veluti Gerſo , Clemangis , aliique Theologi XV. sæculi , uti proximo libro ostendimus .

[2] Horum loca protulimus Libro superiori c. 8.

[3] „ Opertet Episcopum amplecti eum , qui secundum „ dō-

mi sint, qui noxias opiniones divulgant, easque in Ecclesiam inducunt, magno cum tironum damno; [1] nempe Infideles, Judæi, Hæretici; oportet eum, cui demandata est provincia Fideles instituendi, ac defendendi, iis instrutum esse præsidiis, quibus hostibus & malis. & eruditissimis cum operæ pretio ac dignitate resistere possit. [2]

Hæc autem sine Scholastica vera & bona Theologus præstare nullo modo potest. Nam cum Hæretici, ac Judæi non meram Scripturarum auctoritatem nobis opponant; sed omni argumentorum genere persuadere nobis conentur, prædicta Scripturæ loca non alio intellectu accipi debere; tum demum argumenta nostra ordine ponant, & secundum Dialecticæ leges, ut sibi videntur,

„ doctrinam est, fidem sermonem, ut potens sit exhibari in doctrina sana, & eos, qui contradicunt, arguere. Paullus ad Titum I. v. 7. 9. ad Timotheum III.  
 „ 2. Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores, ad consummationem Sanctorum in opus ministerii, in ædificationem corporis Christi ....  
 „ ut jam non simus parvuli fluctuantes, & circumferantur omni vento doctrinæ in nequitia hominum, in astutia ad circumventionem erroris. Paullus Ephes. IIII.  
 v. II.

[1] „ Sunt enim multi etiam inobedientes, vaniloqui, & seductores ... quos oportet redargui: qui universas domos subvertunt, docentes, quæ non oportet. Ibidein v. 10. 11.

[2] „ Dominum autem Christum sanctificate in cordibus vestris, parati semper ad satisfactionem omni poscenti vos rationem, de ea, quæ in vobis est, spe. I. Petri III. v. 15.

tur; dissolvant; planum fit, eum, qui iis pro argumenti dignitate respondere cupit; & certa Scripturarum loca adducere debere, quod ad Positivam pertinet; & ex bonæ Dialecticæ regulis contraria argumenta infirmare, quod Scholasticæ munus est.

Quare Positiva silvam & materiam; Scholastica vero formam, colligationem, firmitatem; id est, scientiam disputandi suppeditat: & ex utraque Theologia illa constat, quam bonam Scholasticam nuncupamus: quæque à gravissimis Theologis alio nomine *Positivo-Scholastica* non incommodè appellatur. Atque quemadmodum ferrum, licet materia cædendis lignis apta sit, tamen nisi certo modo conformatum, & tractatum, id non præstat: idem vero si restam formam habeat, & apte scienterque tractetur, cuncta facilime dividit; ita revelata doctrina, id est, Scripturæ, & Traditionis testimonia, sunt illa quidem idonea ad Hæreticorum proterviam confringendam, si ordine ac via ponantur, inlustrentur, dextere scienterque adhibeantur: atque hoc modo tractata tantum habent momenti, ut iis resistere adversarii nullo modo possint. Sin autem hæc ars deficit, nihil efficiunt: non secus ac gladius acutissimus in manu infantis. Sed hæc dilucidemus oportet tironum gratia.

Et certe quidem Theologiam aliquam esse necessariam ad Hæreticos refutandos, nemini dubium esse potest, qui modo, quid sit Theologia, quid Hæreticorum errores, penitus cognoscit. Quænam vero ea sit, diffensio est, an Positiva tantum, an vero Sholastica sufficiat. Sed nihil facilius expediri potest, si vocabula recte percipientur. Nam cum theologia Positiva arma suppeditet, quibus adversum Hæreticos pugnamus; Scholastica vero rationem bellandi tradat; perspicuum fit neutram sine altera sufficere: sed utramque Theologo esse necessariam, & Positivam, & Scholasticam. Ut enim

arma

arma militi non sufficiunt ad se defendendum , ceterosque aggrediendos , nisi peritia certantis accedat , ita Theologus , qui non nisi doctrinam revelatam adserit , peritiaque argumentandi est destitutus , saepe ad primum cadet hostis aggressum : Propterea utraque valeat oportet , si cum adversariis bellum agere strenue feliciterque conatur .

Non igitur absque ratiocinandi disciplina potest Theologus , ut ut Scripturarum auctoritate inunitas , cum adversariis nostris disputare : multo minus eos oppugnare & perfringere . Quod qui negant , ii certe , quid mentis habeant ; intelligere non possum . Qui enim a Theologo rationem admunt , artemque disputandi , ii quidem nedum Theologum tollunt , sed ne hominem quidem relinquunt : belluam faciunt , aut truncum , aut quidvis hujusmodi .

At , inquires , naturae ratio , quae homini congenita est , si Theologicis decretis adhibeatur , satis est ut hominum conatus retundamus . Id nos constantissime pernegamus . Quamvis enim homo nulla artis disputandi notitia tinctus , interdum casu , ut ita dicam , recte ratiocinetur , & adversarii sui argumentis occurrat ; tamen si ei cum adversario & docto , & exercitato res erit , vix , aut nullo modo ab illius laqueis se expediet . Quod ipsum eodem exemplo , quo supra usi sumus , illustrari potest . Nam tametsi homo viribus pollens , sed peritia bellandi certandique destitutus , cum adversario & celeri , & parato contendens , nonnumquam illius aggressiones feliciter repellat ; tamen id non nisi casu rarissimeque accidere posse , dubitat nemo , qui vera certamina conspexerit . Alter enim , tametsi viribus non adeo pollens , celeritate , atque exhortatione sua sortiorem vincit , atque occidit plerumque . Non aliter de Theologo inexercitato judicare debemus , qui si quando cum altero , ab arte disputandi

sputandi parato, in agouem descendenterit, non eum quidem conficere, sed ab eo plurimis modis superari potest, & debet. Quo enim modo ab illa sophismatum multitudine, ab intricatissimis laqueis argumentoruin se extricabit Theologus, qui artem contendendi, atque sophismata internoscendi, vitandique explorata in non habuerit? Id ego prosector non video. Ex quo consequitur, artem ratiocinandi Theologo usque adeo esse necessariam, ut, nisi ea valeat, non modo ab omni discriminatione removendus sit, sed etiam a convictu litterariorum.

Hanc autem disputandi rationem nos germanam Scholasticam nuncupamus: quæ, præter argumenta ex doctrina revelata desumpta, unum adfert, artem recte ratiocinandi. Artem ratiocinandi cum dico, non eam Dialecticæ partem significo tantum, quæ in disputatione cum adversariis versatur: sed eam etiam, quæ verum invenire docet, & aliis explanare: id est, Dialecticam illam; de qua prima parte [1] mentionem fecimus. Non enim germana Scholastica aliud addit Theologicis decreta, quam artem recte cogitandi, & disputandi. Nam tametsi Theologus interdum argumentatione naturali ea confirmet, quæ naturæ ratione continentur; ut Deum existare, ceteraque generis ejusmodi; tamen hoc non Theologicæ proprium, sed extraneum est: nec nisi in disputatione cum Infidelibus locum habet. [2] Theologus si quidem easdem veritates ex Sacris litteris, tamquam ex propriis locis, probare potest, & vero debet, si cum iis, qui Sacros codices amplexantur, contendat. Quare cum bonus Theologus sis sit; qui & arma in promptu habet, & artem ea tractandi penitus cognoscit; cumque theolo-

gia

[1] L. II. c. 4. &amp;c. 6.

[2] Vide quæ diximus cap. 2.

gia Positiva arma suppeditet , Dialectica vero artem ; fit consequens , germanam Scholasticam ex Revelata doctrina , & bona Dialectica constare : & ex utraque validissimam disciplinam parati contraria hostium aggressiones . Sed tamen aliquando contrahamus vela , & rem totam in pauca tiroium gratia conferamus . Triplex , ex Apostoli sententia , Theologi munus est : primum , doctrinam Christi penitus cognoscere : alterum , eadem pueros instituere : tertium , repugnantes confutare . Ad id vero efficiendum , & interior Scripturarum notitia , & selecta Dialectica est necessaria . Nam primum nullo modo Theologus veram doctrinam Christi a falsa aliorum secernere poterit , nisi bona Dialectica instructus sit , quæ artem inveniendi verum cum certum , tum probabile ; artemque Hermeneuticam , id est interpretandi libros , luculenter exponit . Deinde , nullo pacllo Fideles instituere cum operæ pretio poterit , nisi in ea parte Dialecticæ , quæ docet verum tradere , & cum aliis communicare , versatus sit . Postremo , fieri non potest , ut ceteros , qui repugnant , confutet , nisi disputandi artem plane cognitam & exploratam habuerit . Quare qui Theologicum munus cum dignitate adimplere cupit , hunc & interiori Scripturarum notitia , & bona Dialectica instructum esse necesse est . Id ipsum Veteres episcopi multo ante monuerunt ; qui Logicam ad Sacras litteras exponendas ; [1] Fidelesque instituendos & confirmandos , adversarios autem funditus labefactandos , necessariam esse , disertis verbis testati sunt . [2]

Ne-

[1] „ Scientia , qua fides saluberrima , quæ ad veram beatitudinem ducit , gignitur , nutritur , defenditur , corroboratur . August. L. XIV. de Trinit. c. 1. n. 3.

[2] „ Sepimentum est Dialectica , ut ne a Sophistis venias ritas

Neque tamen nego, Physicam, & Aethicam interdum esse accommodatam vel ad Sacras litteras clarius faciliusque exponendas, vel ad impios refutandos, vel deinde ut eos ad fidem nostram quodammodo alliciamus. Hoc dicō, reliquias Philosophiæ partes, Historiam itidem, Geographiam, Chronologiam, ceterasque humanas disciplinas commode adhiberi ad aliqua illustranda; si cunctis sermo erit; qui, relicta Scriptura, & Traditione, hujusmodi rebus detinentur, ut supra adnotavimus: Logisticam vero in omni Theologiæ parte ita esse necessariam, ut, nisi ea arte paratus, ad Hæreticos profligandos Theologus nullus aptus sit. [1] Quæ cum ex iis, quæ

„ ritas conciletur. Clem. Alex. L. VI. Stromat. Addit. Greg. Nazianz. Orat. XX. ubi Basiliū laudat.

„ Dialedicta instar muri est dogmatibus, quod ea non sinit facile diripi, & quorumlibet incursioni patere. Basilius in Cap. I. Isaiae. Fidem non nudam Apostolius atque inopem rationis reliquit: quæ quamvis potissima ad salutem sit, tamen nisi per doctrinam instruatur, babebit quidem inter adversa tutum refugiendi recessum.... Contundendæ sunt ergo insolentes adversus Deum disputationes, & destruenda rationum fallacium munimenta. Hilar. de Trin. L. XII.

„ Disputationis disciplina ad omnia genera quæstionum, quæ in Sacris litteris sunt, penetranda & dissolvenda, plurimum valet: tantum ibi cavenda est. libido rixandi, & juvenilis quedam ostentatio decipienda adversarium. August. de Doctrina Christ. L. II. c. 31. & L. I. Contra Crescon. Gram. c. 13. seq.

[1] Contrarii alii aliis hoc loco videntur Veteres episcopi, ac doctores. Nam Tertullianus de Anima c. 1. & 3. & 18. & L. de Præscriptionibus c. 7. Gregorius Nyssenus

quæ largius diximus, aperte deducantur, ea plurimis verbis confirmare necessarium non est.

Concludamus igitur, germanam Scholasticam Theologo nostro esse pernecessariam: eam, inquam, Scholasticam, quæ ex Scriptura, & Traditione argumentatur, idque secundum leges bonæ Dialecticæ: quæque Naturali philosophia utitur interdum ut alliciat Infideles: ac demum quæ ordine atque via, non id quidem fuse, sed pressiori stilo singula persequitur, ut sic facilis in animum audientis inlabantur. Hæc illa est Scholastica,

nus. Contra Eunomium. L. II. Nazianzenus. Orat. 26. Ambrosius de Fide. L. I. c. 3. Leo Magnus. Serm. V. de Nativit. Hilarius de Trinit. L. XII. alii. Philosophiam, præsertim Dialecticam, in Theologis reprobare videntur. Econtrario alii, ut Justinus, Lucianus, Origenes, Didymus, Athanasius, Gregorius. Thaumaturgus, Damascenus, aliquique plurimi, eam mirificis laudibus extollunt. Sed utrique nullo negotio in concordiam revocabuntur, si animadverterimus, primos non omnem Dialecticam expoluisse; sed Sophistiken illam, qua utebantur Heretici, Arius, Eunomius, Aetius; qui sola naturæ ratione nixi, arcana Dei rimari sibi proponebant, arroganterque tribuebant. Quod & falsum est, & ab Apostolo, ceterisque Scriptoribus divinis haud semel damnatum. Nam hoc errore admisso, innumera sophismata in Ecclesiam inducebantur, quæ fidem nostram labefactarent. Cum autem iidem Patres exemplo suo ostendant, se se optima Dialectica usos hostium laqueos solvisse, arrogantiamque perfregisse; dubium non est, eos moderatum Dialecticæ verum probasse. Itaque hos ceteris Patribus conciliari, qui in aliam partem disputatione, & Dialecticam extulerunt, nemo non videt.

laistica , quam gravissimi Recentiores laudant , & amplificant pro virili parte .

In quo tamen ne ambiguitate nominis errare videamur , alterum ab altero secernere necesse est . Itaque in Scholastica , quam laudo , aliud est omnino necessarium : aliud utile tantum & accommodatum ad dogmata inlustranda , defendendaque . Necessarius est usus bonae Dialecticæ , quæ rationem perficit , ut & verum invenire queat , & adversarios oppugnare : vel id perpetua oratione fiat , vel alio modo . Hæc enim Dialectica per omnes scientias pertinet , quacumque illæ ratione tractentur .

E contrario methodus Dialectica ; nempe revocandi singula ad certa capita , eaque certo ordine ac ratione confirmandi , atque iis eadem methodo respondendi , non est omnino necessaria ad dogmata inlustranda , Hæreticosque refellendos . Quod Veterum doctorum exemplo efficitur , qui ad XII. usque notminis Christiani sæculum dogmata explanarunt , adversariosque longe diversa perfrerunt methodo , atque ea , quæ in præsentia obtinet : quod eorumdem Doctorum scripta satis declarant .

Est tamen methodus Scholastica admodum utilis & rebus exponendis accommodata : nam & maiorem lucem adserit argumento , singula ad suas classes referendo : & detractis inutilibus , sine multo sermone , sine Oratoria expositione , quæ memoriam legentis fatigant , argumentum suum exponit , confirmat , defendit . Qui ordinem ipsum animo altius desigit , facilisque memoria tenetnr . Quod ipsum in disciplinis omnibus magni momenti est , & a viris doctis , ob utilitatem suam , uno consensu approbatur :

## CAPUT V.

Ostendit acumina & disputationes Peripateticorum non esse accommodatas ad confringendos hostes religionis nostræ.

**H**adenus quantum utilitatis adferat bona ac vera Scholastica , seu , quod idem est , Methodica theologia , ad inlustranda dogmata Catholica , & frangendos adversariorum impetus , demonstravimus . Superest ut doceamus , an ea , quæ a Peripateticis plerunque træditur , Thæologia , germanæ Scholasticæ signa præferat . Quæ si conficimur non habere , dubium non erit , ad perfringendos Hæreticorum conatus nihil habitaram momenti .

Ac mihi de Peripateticæ theologiæ usu & utilitate disputaturo , illud molestum accidit , quod intelligo , utrisque orationem meam haud esse placitaram : & iis , qui Peripateticam vehementer laudant ; & iis , qui vituperant . Nam primi , quod vitam omnem subtilibus inanibusque questionibus disputândis consumserint , adeo usque acuminibus delectantur , ut , si quem inutiles istas quæstiunculas damnantem audiunt , sic excipient , quasi hominem non dico insanum , non indoctum , non politioris omnis litteraturæ desitutum , nam id quoquo modo ferrari posset ; sed quasi perduellem Hæreticnm , Catholice religioni bellum nefarie molientem , terricolaruin , cælico-larunque inimicum . Alteri vero nisi intelligent , Scholasticos disputationes omni conviciorum genere onerari , risui ludibrioque exponi ; existimant parum serio Methodicæ theologiæ caussam agi : & potius te proditorem esse , quam defensorem , existimant Theologiæ .

Utrosque autem in magno errore versari puto , qui existiment , frugi scriptori hæc aut tolerabilia , aut de-

cora

cora videri. Qui enim sarcasmis, & differiis adversarios consuntant, nimium illi sunt inepti, qui non animadvertisunt, se plane ostendere, quam infirmis copiis praesidiisque nitantur, qui ad levia puerorum, & anicularum arma consurgere coguntur. Nugacium hominum, & sophistarum fuerit, adversarios suos probris refutare: vir doctus & sapiens levia ista non curat: gravissimis rationibus pugnat, non dicacibus syllogismis. In quo ego eorum sepe miratus sum temeritatem, an stultitiam? qui tales lucubrationes edunt in vulgo, in quibus, si concivia demas, nihil non dico ponderis aut rationis, sed ne verborum quidem superest. Libellum dices famosum, non apologiam.

Eos itaque imitari ego nolo: neutrīs litem movebo: sed ea rāntūm adferam in medium, quæ necessaria videbuntur, ut ea, quæ hucusque disputavimus, adspergantur clariori luce. Agam igitur quod caussa désiderat, atque omni remota injuria, rem ipsam ratione persequar sine gratia, & simultate. Neque vero mihi succenseant Scholastici non nulli, qui dum audiunt, quorundam virtutia perstringi, id omnium caussa dicta esse clamitant: omniaque in deteriore partem accipiunt: nec modo id vellent, ut bonam Theologiam prædicarem, sed ut Scholasticos ab omni labore inimunes esse desenderem. Quod ego nec facere possum, nec debedo. Non enim Theologorum desensionem, sed Theologiæ conscribo: ejusque Theologiæ, quæ ab Catholica ecclesia magno haberur in pretio, nempe bonæ Scholastice. Hanc ego si laudo, si ab omni reprehensione vindico; quod Theologi est, facio: quid alii dicant, non euro. Sed bæc haec tenus: nunc ad id, quod erat propositum, revertamur.

Quanta subtilium, & Metaphysicarum quæstionum copia reserta sint vulgarium Scholasticorum scripta, nemo in eorum libris versatus vertit in dubium. Illud in-

controversia est, an ad id, quod Theologia sibi vindicat, nempe ad dogmata inlustranda, & adversarios refutandos, subtile illæ disputatiunculae accommodatae sint. Cui questioni non ego, sed gravissimi Scholastici, quique ætatem hoc disputationum genere contriverunt, respondent, non modo accommodatas non esse, verum etiam detrimentum adferre non minimum Dogmaticæ theologiae:

Possim ego in medium proferre, Adolescentes, ex Dominicanis Melchiorem Canum, Santem Pagninum, Contensonum, Gottium cardinalem; ex Franciscanis Ludovicum de Carvajal, Alfonsum a Castro, Christophorum a Capite Fontium; ex Augustinianis Laurentium a Villavicentio, Bertium; ex Jesuitis Salmeronum, Maldonatum, Possevinum, Elizaldum, Petavium, ceteros; ex Sæculari autem clero Hamelium, Tourne-lyum, Witassium, doctissimos homines, & re Theologica perbelle eruditos, qui plane satentur, Scholasticorum contortas subtilitates, quas ex Peripatetica philosophia defumunt, ad Theologiam nostram inlustrandam aptas non esse: multo minus ad Hæreticos refutandos habere momentum. Sed cum plerorumque testimonia supra in Theologiae historia exscriperimus, [1] prætereundum puto. Unum dicam; nullos Theologos inculentius & accuratius demonstrasse, quam pernicioса sit subtilium questiuncularum multitudo dogmatibus Catholicis defendendis, Hæreticisque confringendis, quam Scholasticos theologos, præsertim Canum, & Maldonatum, & Carvajalium: qui tres concilii Tridentini tempore, id est, multo ante quam Cartesius, & Gassendus, & Newtonus, ceterique Recentiores nova ratione tractarent graviores disci-

disciplinas, Scholasticorum theologorum vitiā diligenter persecuti sunt.

Quod eorum causa monitionem volumus, qui dum audiunt, vulgarium Scholasticorum errores a gravissimis Theologis reprehendi, inepte, confidenterque reponunt; ejusmodi reprehensionem non nisi ex Hæreticorum, philosophorumque Recentiorum fontibus [hæ duæ classes secundum eos vix aut nullo modo differunt] este desumtam. Qua certe calumnia temperarent, si historia Litteraria vel mediocriter essent eruditi. Sed hæc vetera, usitata, quotidiana sunt, ut qui disciplinæ, quam tractant, historiam ne a limine quidem salutarunt, ceteros, qui ea penitus imbuti sunt, gravi supercilie, & veluti ex tripode reprehendant. In quo qui alios rubore suffundere sibi persuadent, ipsi ludibrio & cachinnis doctissimorum hominum objiciuntur. Verum hæc obiter: redeo ad institutum.

Sed etsi gravissimos Scholasticos, quique hujus generis questionibus disputandis operam, industriam; aetatem consumserunt, auctores non haberemus; vel ipsa praedictorum librorum lectio satis superque conficeret, ejusmodi disputationes, quæ ex Peripatetica philosophia sumuntur, nec ad dogmata inlustranda utiles, nec ad Hæreticorum argumenta dissolvenda esse accommodatas. Nam si verum est, quod profecto verum est, Revelatam theologiæ non ex humana ratione, sed ex diuina declaratione proficiunt; [1] nullus profecto dubabit, Metaphysicarum subtilitatum adjumento dogmata

---

[1] Non est hoc loco disputatio de theologia Naturali, quæ argumentatione naturæ nititur: sed de Revelata theologia, divinitusque tradita vel in Veteri; ac Novo testamento, vel Traditione divina.

nostra nee dilucidari posse , nec defendi . Sed hæc exemplis inlustrare non alienum puto .

Duplex adversariorum Catholicæ doctrinæ genus est , Judæi , & Hæretici : Illi eisdem errores una omnium consensione defendunt : hi in multiplici differentia sunt , atque in plures rivulos , ut ita dicam , deducti . Quare de illis primum , quod ad id , quod querimus , magis sunt accommodati , diceamus .

Judæorum igitur una est nobiscum & gravissima controversia de Christi adventu : id est , an Christus filius Dei , quem Patriarchæ , & Prophetæ tanto ante ventrum nuntiarant , certo tempore venerit in mundum . Negant illi : nos aimus , atque omni contentione animi fidem nostram defendimus . Eos itaque ut penitus labefactemus , & plane ostendamus , quanta illi in exercitate versentur , omni argumentorum genere rem ipsam oportet efficiamus : eaque diluamus , quæ ex contrario objici solent : atque effugia , ad quæ se recipere solent , omnia præcludamus .

Quare primum ostendere oportet , Patriarcharum , & Prophetarum vaticiniis Christi Jesu vitæ disciplinam , ceteraque adjuncta perfecte respondisse : quod & Herodis regis genus , & epocham regni ejus , & epocham nativitatis , ac mortis Christi : verbo dicam , totam Christi historiam Criticam complectitur . Cumque Artaxerxis regni epocha , atque legis , quam Judæorum gratia sanctivit , annus certus ad inlustrandas confirmandasque Danielis vatis hebdomadas , penitus sit necessarius ; de iis luculente est disputandum . Deinde contortæ Rabbinorum interpretationes diluendæ sunt insringendæque . Multum etiam facit ad dogmatis nostri declarationem testimonium Flavii Josephi hominis Hebræi , qui sub Vespasianis floruit : quare de eo est pertractandum , & ab omni suspicione falsitatis liberandum . Nec id solum , sed

sed etiam Gentilium testimoniis confirmanda sunt facta, quæ narramus: ut omnem Judæis tergiversandi occasionem adimamus. Tum demum Gentilium dubitandi rationes omnino sunt dissolvendæ. Quæ omnia & Græcæ, & Hebrææ linguae, & historiæ tum Sacrae, tum Profanæ non levem, sed reconditam notitiam requirunt. Et hæc contra Judæos, & Gentiles.

Proximi his sunt Hæretici plerique, qui cum Christiani audire velint, nihil minus sunt quam Christiani, propere quia Christo Domino vel a prima Ecclesiæ ætate aperte bellum intentarunt. Horum quidam verum Christi corpus negarunt, sed vel aereum ac umbratile tribuerunt, vel ex ætere ac Elementis compactum: ut Basilides, Saturninus, Valentinus: item Marcion, Apelles, ceteri. Alii Christi corpus suisse natura incorruptibile dixerunt, ut Aphthartodocitæ. Non nulli rationalem animam denegarunt; ut Apollinaristæ: alii naturali voluntate spoliarunt Christum Jesum, ut Monothelitæ omnes. Sunt qui divinam ab eo naturam remoyerunt, relinquentes humanam: ut Ebionitæ, & proxima ætate Sociniani. Sunt qui dixerunt, in Christo Jesu duas esse personas, divinam, & humanam: cujusmodi fuerunt Nestoriani. Alii e contrario non modo unam personam, sed etiam unam tantum naturam in Christo posuerunt, ut Eutyches. Tum demum alii intemeratae Virginis integratatem denegarunt, tametsi alii alio modo: ut Ebion, Cerinthus, Carpocrates; quibus addi potest Hælypidius, ceteri. Reliquas hæreses prætereo minoris momenti.

Quare ut dogma nostrum pro merito dilucidemus, primum adversariorum errores ex Ecclesiastica historia aperte atque ordine sunt exponendi: deinde ex tradita doctrina; atque Scripturarum testimonio iis occurrente est: omniaque, quæ ex adverso opponi solent, laudefactanda. Cumque non nulli veteres Episcopi quæ-

dam scripta reliquerint, ex quibus argumentationes aliquæ compingi solent, præfertiū de Nestoriana hæresi; diligenter investigandum, quænam fuerit eorum germana sententia: & quantum fieri potest, ab omni suspicione vel minimi erroris liberandi. Quod ipsum sine exquisita ac interiori hætoriæ Ecclesiastice notitia, & vero etiam sine Græcæ linguae cognitione, effici non potest.

Præterea cum ex mirabili illa unione utriusque naturæ illud proficiscatur, ut eidem Christo, & personæ, quæ Dei, atque Hominis sunt, proprietates adtribuantur; exstigit ut homines non nulli non animadvertisentes, quæ naturis, & quæ personæ tribui deberent, imprudentes aberraverint. Quidam itaque immensitatem, & omnipotentiam humanæ naturæ Christi tribuerunt; ut Ubiquetarii, & Lutherani aliqui cum Brentio, & Joanne Andrea. Quidam in Christo ut homine posuerunt alieni filii adoptionem sensu Nestoriano, ut Felix, & Elipandus. Alii novas theses incommode pronuntiantes, præfertim de una in Trinitate persona cruci suffixa, ut Monachi quidam Accemete, & Scythæ: vel de Christo sacerdote secundum ordinem Melchisedech, ut Novatores, Koerberus, Rungius, Rivetus, Tarnovins, reliqui; gravissimas dissensiones apud Fideles commoverunt. Quare operæ pretium est diligenter constituere, quo sensu certa quædam prædicata de Christo enuntiari possint, vel non possint; ne vel sermonem deimus Hæreticis, vel in eorum errores imprudentes incurramus.

Jam vero Incarnati verbi maximum beneficium est hominum redemptio: id est, quod is Deo plane satisficerit pro peccatis hominum, sanguinem redemptionis pretium effundens. Id tamen nobis tollere conantur imprudentissimi quidam homines, quos a Fausto Socino, Socinianos vocant; qui negant, Christum fuisse vere redem-

demptorem , & Metaphoricam redemptions tantum admissunt . Quare huic pesti late grassanti occurrentum est , efficiendumque Christum vere & proprie satisfecisse Deo ; nosque eidem morte sua reconciliasse : tum omnia Socinianorum sophismata contorta ea quidem . & intricata solvenda ac diluenda sunt . Cumque non desuerint , qui Christi beneficium resecare voluerint , desenderintque , eum non pro omnibus ; sed pro solis electis mortuum suisse , ut V. saeculo Prædestinatiani : VIII. vero Gotthescalcus , & proxima ac præcedenti ætate Calviniani , & Janseniani ; alii autem audacter pronuntiaverint , Christum pro mulieribus mortuum non esse , quod proximo saeculo fanaticus quidam nomine Horatius Plata singulari libro probare instituit ; probandum est , & gravi oratione demonstrandum , Christum Jesum pro omnibus omnino viris , ac mulieribus mortui subiisse . Præterea alii fuere , qui in contrarium incidentes , Christum etiam pro dæmoniis , immo etiam pro astris [ ea non nulli veteres ex animo rationali , & corpore constare putabant ] mortuum existimarent , ut Origenes , ejusque ad seculæ : qui proinde omni animi contentione , atque eritidionis copia sunt refutandi .

Hæc itaque ut efficiant theologi Catholici , atque disputationes singulas , quas tetigimus , & exponant , & argumentorum copia confirmant ; eosque , qui repugnant , funditus labefactent ; non levi aliqua vel Scripturæ , vel Historiæ , vel linguarum , vel critices notitia tincti esse debent ; led singula habere explorata , eaque penitus notitia comprehendere . Quod qui non faciunt , sed prædictæ eritidionis expertes , bellum committere non recusant , ne illi palam inscitiam , & arrogantium ostendunt in disputando suam .

Habetis , Adolescentes , ordinem disputationum , quæ ad illustrandum vel unum Incarnati verbi dogma

necessariæ Theologis omnibus , qui rem accurate examinant ; esse videntur . Ex his aliæ quæstiones historicæ haud magni ponderis duci possunt , quas nos brevitatis gratia prætermisimus . His aliquæ rursum subtile & non necessariæ disputationes adjungi solent a Theologis non nullis . e. g. Utrum unio hypostatica sit in natura , vel in persona ? An Sandi mereri potuerint Incarnationis substantiam , vel circumstantias . An pura creatura satisfacere pro peccato . Cur Filius carnem sumserit , non Angelicam naturam . An venisset Christus , si Adam non peccasset . An venisset , si essent solum peccata actualia . Præterea de merito Christi querunt : An fuerit merendi capax : & quando mereri coepit . An merita Christi sunt pretii infiniti . An sint diversa merita in Cbrilio . An Christus Parentem orans , interdum exauditus non fuerit : ceteraque generis ejusmodi . Horum tamen quæ aliquid disputationis habent , jam satis explicata sunt in refutatione hæresum , quas antea memoravimus : ex iisque proxime & direkte sine ulla argumentatione veluti corollaria consequuntur . Quæ vero curiositatis , atque exercitationis caussa tantum sunt institutæ , possunt ex quidem , salva dogmatis , ut ita vocem , substantia , vel omitti , vel in aliud tempus reservari : & tum demum disputari , cum jam nulla amplius inlustrandi dogmatis nostri , illudque defendendi contra pernuelles adversarios occasio supererit .

Hastenus , Adolescentes , quid facere debeat Theologiæ candidatus , ut Theologi muneri pro dignitate satisfaciat , demonstravimus . Hinc quale judicium de libris , qui hujusmodi argumentum tractant , facere debeat , sine labore intelligetis . Qui enim hanc viam non insistunt , sed missis necessariis disputationibus , atque vero Theologo dignis , tempus omne atque operam suam in controversias conferunt minime necessarias ; atque magna

magna vocis , & laterum contentione defendunt , eas exquisitæ Theologizæ speciem præ se ferre ; ii quidem maximo cum labore , atque temporis dispendio maximas rugas agunt : seque doctorum hominum reprehensionibus opponunt .

Quis enim non rideret eum , qui cum hostium copias per ejus possessiones grassantes , easque funditus devastantes , & , ut quidque obvium erat , lacerantes videbat ; ipse tamen cum servis suis de lana caprina magna voce altercaretur : atque se hac via ininanissimos hostes sugaturum , suasque possessiones desecasurum esse existimaret ? Atque hoc illi faciunt , qui cum nullam profligandi Hæreticos partem adtingant , sed disputationibus nullius momenti terant ætatem ; nihilominus persuadere aliis conantur , se Theologos esse omnibus numeris absolvatos . Hi enim dum hereditatem Christi , id est Catholicam doctrinam , Hæreticis diripiendam , lacerandamque relinquunt , longis arundinibus [ inanibus argumentis ] levibus armis puerorum decertant inter se : seque hac ratione idoneos fieri , qui hostibus & fortissimis , & exercitatissimis occurtere possint , arroganter contendunt . Quasi vero Theologi munus sit , acumen incredibile sophismatis excogitandis ostentare , non vero Catholicam fidem gravissimarum rationum copia ab illorum impugnatione defendere .

Hæc si recte intelligeretis , Adolescentes , supervacaneum esset , alios cum aliis scriptores conferre : atque , quid theologi Polemici , quid scholastici Peripatetici faciant , singulatim examinare . Nemo enim est qui non videat , eos , qui contrariam viam sequuntur , oleum & operam perdere : nemo , qui , quid vulgares Peripatetici faciant , quibusque disputationibus reficiant scripta sua , ut ut in eorum scriptis non multum versatus sit ; non illico deprehendat . Pervolvite , Adolescentes , non dieo

dico eos, qui usque ad finem XVI. saeculi scripserunt, sed qui proximo, & praesenti saeculo, vel apud exterios, vel apud nostros de hoc argumento aliquid ediderunt; quin demum cognoscetis, nos in iis, quae adfirmamus, falsos non esse. Quae si ego, Adolescentes, vellem in praesentia citatis eorum locis confidere, & in aprico pouere, possem, idque nullo negotio, profecto. Producerem siquidem atque in medium adferrem recentissimum quemque Peripateticum, seduloque collectis disputationibus, . quae utramque in iis facinnt paginam, quam multis illaque subtilibus, nec nisi ad otium terendum, & acumen ostendandum excogitatis, abundant, sole clarius demonstrari. Sed nolo in aliorum erratis colligendis multus videri: nolo ulli nostratum litem intentare: qui, ut audio, moleste ferunt, si quis de eorum scriptis libero iudicio, tametsi vere ac modeste, pronuntiet. Nolo exagitare homines de Christiana republica optime meritos, qui non libere atque sponte, sed vel consuetudine etatis abrepti, vel domestica disciplina coacti, aliquid non commode lucubrarnnt; ac ediderunt. Hae exequitas atque humanitas postulare videntur. Quædam tamen addam, quæ fatis sint, ut ea, quæ strictim diximus, & clarius intelligatis, & facilius vitare possitis.

Tria mihi in lucubrationibus suis Theologicis scholastici Peripatetici peccare videntur: quæ tametsi alii-alio modo, tamen communia eorum sunt vitia. Unum est, quod questiones de possibili plurimas instituunt, & sine ullo fine persequuntur. Alterum est, quod controversias disputant nimis multas innixas Peripateticæ philosophiæ: id est, formis substantiali, & accidentalí, & ideis abstractis Metaphysicorum. Tertium est, quod si quando de aliquo dogmate sunt disputaturi, non id Scripturarum locis, & perpetua Ecclesiæ traditione, ut opus erat, efficiunt; sed unum vel alterum Scripturæ;

Patrumve locum adferunt: & quasi rem omnibus exploratam tangunt potius, quam exponunt. Prioris generis sunt illa: *Vtrum lumine naturae possit evidenter cognosci Incarnationem dari de facto.* *Vtrum Incarnatio saltim ut possibilis, possit evidenter & naturaliter cognosci.* *Vtrum saltim probabiliter possit naturaliter cognosci possibilitas Incarnationis.* *Vtrum humanitas Christi mereri potuerit Incarnationem.* *Vtrum sit possibilis creatura, quæ tamquam causa instrumentalis possit ex natura sua producere unionem hypostaticam.* *Vtrum Deus possit elevare quamcumque creaturam, ut instrumentaliter producat unionem hypostaticam.* *An possit creatura subsistentia alienam terminare naturam.* *An natura divina præcisa a suis relationibus immediate ac per se possit uniri humanitati.* *Vtrum si datur in Deo absoluta subsistentia posset humanitati immedia te conjungi.* *An Verbum Divinum personam hominis adsumere potuerit.* *An Verbum adsumserit naturam universalem ab omnibus individuis abstractam.* *An adsumere potuerit irrationalem.* *An Pater, & Spiritus adsumere potuerit eamdem carnem Christi.* Posterioris generis sunt: *An alio productiva humanitatis sit indistincta ab unione hypostatica.* *Vtrum humanitas, & unio hypostatica producda sint per eamdem indivisibilem actionem.* *Qualis sit formalis terminus incarnationis activæ.* *An unio hypostatica distinguatur realiter ab extremis.* *An detur duplex unio, alia ex parte Verbi, alia ex parte humanitatis.* *An unio sit incorruptibilis: an composita vel simplex: an perfectior anima, vel angelis.* *An Verbum mutetur per unionem, an non.* Et hujus generis alia, quæ passim se offerunt.

Quod ad primas adtinet, perspicuum est ad illustrandum, confirmandumque Incarnationis dogma nihil eas adferre momenti: ita enim pleræque sunt comparatæ, ut salva fide, qua Catholici sumus, disputari in utramque partem possint. Utilius autem fuerit, & ad nostrum insti-

tutum accommodatus, Incarnationem factam esse ostendere, quam, quo modo aut fieri, aut cognosci possit, inquirere. Apposite ad rem nostram secundum Veteres episcopos ait gravissimus Theologus: *Ignoris de rebus, & in occultis Dei potestate, ac voluntate latentibus, quae nullis indiciis proditae sunt, temere vaticinari, non est considerati hominis, nedum perfecti sapientis, qualem esse, studio saltem & conatu, Theologum oportet*. [1] Et præclare quidem. Cum enim tot, tamque graves disputationes se offerant de Incarnatione verbi, quæ nos ab Judæis, & Hæreticis secernunt, quæque non parum temporis, laboris, eruditionis requirunt; minime laudari illi possunt, qui, necessariis controversiis omissis, rebus ejusmodi disputandis tempus omne consumunt.

Similiter de altera quæstionum classe est judicandum. Nam cum prædictæ disputationes ex principiis Peripateticis nascantur omnes; talia autem principia Philosophica ad dogmata exponenda confirmandaque idonea non sint; non enim fides nostra Peripateticorum pronuntiatis; sed doctrina Prophetis, Apostolisque tradita nititur; hinc fit [2] hujusmodi quæstiones sine ullo damno religionis nostræ præteriri posse. His accedit, quod Catholicæ ceteri; qui vel Cartesii, vel Gassendi, vel Newtoni philosophiam amplexantur, eas vel prætereunt, vel de iis interrogati in aliam sententiam disputant. Facile ut intelligamus, ejusmodi esse quæstiones prædictas, quæ; salva dogmatis substantia, resevari possint. Cumque & primi, & secundi generis quæstionibus Peripatetici non nulli adeo occupentur, tantumque in iis exponendis ingenii ac operæ ponant, vix ut ullum

[1] Petavius Dogmat. Theologic. Tom. V. de Incarnation. L.II. c.17. n.7.

[2] D. Thomas Summ. Theolog.

ullum disputandarum reliquarum tempus supersit; plane conficitur, veræ Theologiæ inlustrandæ, & amplificandæ, non parum subtilestas quæstiunculas damni adserre.

Jam illud, quod in enumeratione tertio loco posuimus, hujusmodi est, ut a nemine Theologo sanæ mentis non dico laudari, sed ne ferri quidem possit. Cum enim Theologi officium, quod jam saepè monuimus, sit, Sacram doctrinam Fidelibus recte explicare, repugnantesque confutare; qui dogmata obiter tangunt, & se ad Logicam conferunt, aut Metaphysicam, ex iisque in Theologia nostra plures quæstiones instaurant, copioseque exponunt; ii quidem non Theologicos tractatus, sed mere Philosophicos lucubrare censendi sunt: adeoque de Theologia nostra male mereri. Deinde illud. etiam damni adserunt Theologiæ candidatis, quod iis quodam modo persuadent, dogmata nostra a Theologis, obiter & aliud agendo disputari sat esse: tum Hæreticorum objections una vel altera argumentatione labefactari posse. Præterea adolescentium mentes usque adeo fatigant immensa illa turba disputationum subtilium & intricatarum, iisque adeo isti adsuescunt, ut ad ea, quæ necessaria sunt, plane intelligenda, ordineque ac ratione explicanda, nullo modo idonei videantur. Quo quantum damni faciant germanæ Theologiæ studiosi, vel me non monente intelligitis. Et de his hucusque.

Sed jam tempus est, ut eos audiamus: & , quid iis, quæ primo, & secundo loco diximus, reponere soleant, examinemus. Primo aiunt, non nulla in Veteribus episcopis vestigia occurtere quæstionum subtilium, iis similiūm, quas minime necessarias esse prædicamus. Deinde respondent, Anselmum, Aquinatem, aliosque gravissimos Theologos quæstiones his similes instituisse, & latissime diputasse: quibus si: qui mor-

rem gerant , omni reprehensione carere merito judicentur .

Sed talibus argumentationibus ut occurramus , non alte repetenda est responsio , cum ex iis , quæ superiori libro disputavimus , nullo negotio eæ refutentur : Et ad primam quod adtinet , fateor , Veteres episcopos cum Hæreticis disputantes , plurima explicandi gratia tetigisse , ex quibus quæstiones aliquæ curiosæ , ut ita dicam , nasci possunt : interdum vero contra molestos perscrutatores quædam possibilia investigasse , uti de Augustino diximus . Quid inde ? coactine sumus ex singulis PP. verbis singulas disputationes instituere ? Minime vero : sed diligenter considerandum , quid ipsi fecerint , quave de causa . Quædam Patribus judicantur necessariæ ad dogmata exponenda & munienda : & eæ quidem sedulo retinendæ sunt : quædam non dogmatum causa , sed eruditionis gratia , vel eorum cum quibus disputabant , additæ sunt , quæ nisi nos gravior causa cogat , sunt omittendæ , idque Patribus ipsis auctoribus . Nam Patres prius dogmata copiose exponebant , desendebantque : tum , si argumentum posulabat , aliqua subtilia addebat , idque sobrie : numquam vero subtilium quæstionum gratia dogmata prætermiserunt . At Scholastici vulgares dogmata vel parce , vel nullo modo expoununt : & in rebus inanibus & non necessariis multi sunt . Quod ipsi Patrum disciplinæ direcťe repugnat . Tractent ipsi primum ea , quæ debent ; tum , si tantum erit otii , hujuscemodi controversias aliquas adjungant , non id quidem suse , & cum ingenti animi contentione , quod PP. non faciunt ; sed breviter modesteque , per me licet . Quæ ut , quam vere dicantur , apertius cognoscatis , conferte non dico eos , qui ad finem usque VI. sæculi scripserunt PP. , sed recentiores alios , nempe Joannem Damascenum ; qui medio VIII. scripsit , quemque Scholastici quasi

quasi Parentem alterum venerantur, cum iis, qui proxima, & præsenti ætate aliquid Scholasticum ediderunt, & plane intelligitis longe illum ab istis distare.

Ad secundum quod spectat, eadem responsio est. Nam Anselmus Roscelinum adversarium est nactus, Dialecticum per celebrem, eumque acutissimum: quem iisdem armis, eadem disputandi via confutare necesse habuit. Aliiquid item suæ ætatis consuetudini permisisse eum, alio loco demonstravimus. [1] Quare minime mirum est, si in illius scriptis multa subtilia occurrant. Aquinas vero cum plane fateatur [2] inutiles questiones nimis multas iis temporibus viguisse, seqne, ut eas diligenter vitaret profligaretque, *Summam Theologicam* conscripsisse; aperte ostendit, quid ipse de illa Theologiam explicandi ratione judicaret. Quare si aliquas in suis scriptis addit, excusationem habet: neque enim aliter facere poterat, nec und ieu disputatores illos ineptos ad bonam frugem revocare, nisi aliquid suo illi saeculo, atque æquarium suorum præjudicatis sententiis concessisset: vir ille quidem prudentissimus, & omnium Theologorum iudicio plane admirandus: quique in aliis suis scriptis, qualis vir esset, ostendit. Et de his satis multa.

Ex dictis itaque perspicuum est, vulgarium Peripateticorum scripta, vel ipsis gravissimis Scholasticis fatentibus, longe distare a bona Scholastica, quam veri Theologi profitentur: adeoque ad confutandos Hæreticorum conatus, saltum in hac tanta tamque recondita eorum eruditione, accommodata non esse.

[1] Prima parte L.III. c. 2.

[2] In Prolog. Summæ: quem locum supra c. 3. produximus.

## CAPUT VI.

*Demonstratur Theologiam, quæ hac ætate plurimis in locis excolitur, bonæ Scholastice characteres præse ferre.*

**E**xtrum est ut doceam, & breviter ostendam, ubi nam germana illa Scholastica, quam ad inlustranda dogmata nostra, & adversarios perstringendos necessariam esse, plurimis verbis demonstravimus, reperiri possit. Quod si fecerimus, abunde toti huic quæstioni satisfactum erit. Hæc tamen nos si pro rei dignitate explicare vellemus, longiores profecto essemus, quam tirones nostri ferre possent. Non enim de hoc argumento recte pronuntiabimus, nisi expensis Recentiorum scriptis, qui Positivo-Scholasticam, uti vocant, tradere solent: quod non parum temporis, & operæ, & judicii requirit. Quare, missa longiori disputatione, iis tantum definietur oratio nostra, quæ omnino videntur necessaria, ut cetera, quæ deinceps dicturi sumus, lucis copia conspergantur.

Porro ex hucusque disputatis plane conficitur, eos qui Theologiam recentiori methodo ac ratione perséquuntur, bonam Scholasticam profiteri. Nam cum bona Scholastica, uti non uno tantum loco docuimus, sæpius autem admonere coacti sumus, illa sit, quæ & doctrinam Catholicam plane exponit, & adversarios ejus pro merito eorum confutat; cumque hac ætate plerique Theologi id ipsum pro rei dignitate faciant; consequitur, eos germanam illam Scholasticam profiteri, quam seniores Theologi veris laudibus ad cælum usque extollunt. Hæc tamen ut in luce meridiana ponantur, omnisque dubitandi occasio penitus auferatur, quænam hisce vocabulis portestas subjecta sit, fusi explicemus oportet.

Ut quis dogmata nostra recte inlustret, & eos, qui

cor-

contradicunt, vel Judæos, vel Hæreticos, perfringat, oportet primo historiam Veteris, & Novi testamenti, atque ecclesiæ Christi plane cognitam & exploratam habere. Cognitam cum dico, non hoc dico, satis esse, ut memoriter historiam prædictam recitare sciat, quod pueri & semelitæ possunt: sed ut eorum, quæ in controversia sunt, quæ vera, aut verisimilia sunt, penitus cognoscat: &, quæ contra opponuntur, diluere possit: quam historiam Criticam vocant. Tot enim, tamque graves disputationes Historicæ instituuntur, ex quibus dogmata lucē accipiunt; ut sine earum cognitione nemo in Sacra doctrina non dico e superiori loco disputare, sed ne leviter quidem, quæ in ea disputantur, capere possit. Deinde opus est, ut linguam Hebræam calleat: neque enim aliter respondere poterit Judæis, verumque sensum verborum codicis Hebræi cognitum habere. Tum Græcam linguam sciat necesse est, quo facilius Hæreticis cum veteribus, tum recentioribus possit occurrere, qui ex Hebræa, & Græca lingua argumentationes suas plerumque desumunt. Item ut Novum testamentum, quod Græce [Matthæi Evangelium Syriace, ut plerique putant, exaratum fuit] scriptum est, atque patrum Græcorum lucubrations sine ullo negotio percipere queat. Cumque historia Sacra, & Ecclesiastica sine Profana; utraque autem sine Chronologiaz, & Geographiaz notitia penitus cognosci non possit; tres hæ disciplinæ erunt necessariæ ad Theologiam dilucidandam.

Præterea necesse est ut bona philosophia Ecclesiastica germanæ Scholasticæ candidatus instructus sit, si Naturalem theologiam, ac religionem Naturalem, quod interdum necessarium est, adversum recentiores Hæreticos aliquos confirmare & probare velit. Præsertim vero recentissima Logica est necessaria, quæ doceat tum cer-

tum , tum probabile investigare : & artem interpretandi auctores , atque artem omnem Criticam complectatur . Hæc ad explananda confirmandaque dogmata nostra , penitus esse necessaria , nemo , nisi bona Theologiae omnino expers , atque in Recentiorum theologorum scriptis plane hospes , vertet in dubium : adeoque ad germanam Scholasticam necessaria ea esse , nemo sanus ibit inficias .

Jam vero hujusmodi eruditionem in recentioribus quibusdam Theologis , atque apud cultissimas nationes inveniri , qui historiam Litterariam legit , negare non potest . Pervolvite , Adolescentes , ut alios hoc tempore prætereamus , Thomassinum , Petavium , Huetium , Natalem Alexandrum , Jueninum , Tournellyum , Witassium , Drointium , Bertium , ceteros , qui proximo , & præsenti sæculo Theologiæ fama nobiles habentur , & reperietis , eos hisce præsidiis paratos ad philosophandum in Sacra doctrina accessisse , tametsi alias alio modo . Non enim eamdem linguarum peritiam ad theologizandum adultere omnes : sed ceteris ornamentiis omnes prædicti sunt .

Inficiandum non est horum non nullos vel Theologiam copiosius disputasse , quam tironum ingenia ferre possint , ut Thomassinus , Petavius , Huetius ; vel quædam ex Metaphysicorum officina desuinta addidisse , quæ in hac tanta ingeniorum luce non incommodè præteriri possent ; quod fecit ante alios Tournellyus , cui proximus est Witassius , & Jueninus . Tamen laudari & ipsi debent , primo quod viam reliquis , qui post fuere , monstrarunt : deinde quod multa utilia & gravissima disputatione : postremo quod usui esse possunt , si ex regulis , quas tradidimus , quid in iis legi , quid omitti debeat , diligenter examinemus . Quæ si minus tiro se ipso præstare potest , saltim a doctore suo admonitus sine ullo negotio præstabit ; modo illud ante oculos perpetuo habeat , quem sinem Theologia

gia sibi posuit, atque in arte recte judicandi exercitatus sit.

Forsitan a me requiretis; Adolescentes, quisnam eorum, quos nominavimus, vel maiori cum judicio argumentum suum persequitur, vel ad puerorum instituendorum ingenia accommodatior videatur. Quorum alteri si pro merito respondere veilem, & rem totam palam facere, possem profecto: sed cum haec huiusmodi sint, ut longiorem sermonem requirant, nec sine invidia aliqua disputari possint, commodius in aliud tempus reservantur. Alteri vero sine ulla hesitatione respondebo; inter alios, quos in praesentia omitto, esse Bertium. Sane, nisi me opinio fallit, nullus Scholasticorum, qui Theologiae corpus hac aetate absolutum edidere, acriori judicio id praestitit, quam Bertius. Nam primum dogmata singula accurate exponit, quantum per epitomam potest. Deinde, quid ad dogmata, quid ad Scholae disputationes pertineat, diligenter distinguit. Ad haec ubi de rebus Scholastico-Metaphysicis disputandi est occasio, ut se omni invidia liberet, id facit, sed tam parce, ut facile, quid ipse sentiat, quoque loco huiusmodi questiones habendas ducat, judicari possit. Et quamquam in quibusdam tractatibus ab iis disputandis non temperet, tamen parcius id facit, quam plerique cornu, qui eamdem provinciam susceperrunt. Postremo etiam in iis questibnibus Scholasticis, quae disputari in utramque partem solent, ea fere semper ab eo praeserri animadverti, quae cum seniori Philosophia consentiunt. Facile ut mihi persuadeam, illius methodum, & philosophandi rationem in methodo ceterorum Scholasticorum esse anteposendam. Et de Berto satis, de quo dicendi occasio saepe redibit. Haec de Theologiae natura, atque usi quam brevissime potui disputata sunt. Nunc ad ea, quae remanent dicenda, ex ordine instituto progrediar.



## LIBER TERTIUS

IN QUO

DE CELEBRIORIRUS AUCTORIBUS  
THEOLOGIAE EST DISPUTATIO.

### CAPUT I.

Hujus interrupti atque dilati laboris caussæ exponuntur.



AMDEM , Adolescentes humanissimi , exato longo tempore , ad vos redimus , & commodo vestro inservimus : quod ipsum permultos menses s̄æpe tentavimus , numquam tameñ efficere potuimus . Nam cum superiori libro ultimam manum admoveremus , adferuntur litteræ , in quibus scriptum erat , amicum meum carissimum , mihiq[ue] iisdem studiis conjunctissimum , non illum quidem ætate contritum , sed in ipso virilis ætatis robore in Gallia diem suum præter omnium opinionem obiisse . Quo quidem accepto nuntio si me commotum dixero , & multis verbis prædicavero , fecero inepit id enim , vel me tacente , conijicietis . Angebar siquidem non ejus tantum morte , quamvis id ipsum immane & intolerabile videbatur , sed mortis genere . Annus erat , cum amicus suavissimus diro morbo laborabat : sed medi-

medicinæ vi adjutus e mortis pæne faucibus evaserat, idque mihi nuntiatum fuerat, facile ui existimarem nihil amplius periculi superesse. Postea vero quam nuntius adlatus est de morte hominis, adeo dolore percitus fui, quasi qui naufragio liberatus; & portum jam intraturus adverso vento impellitur, & in portu extinguitur. Obversabatur mihi ante oculos illius imago, & quocumque gradiebar, comitabatur: quemque dolorem ejus auditæ morte conceperam, illum ipsum occurrens identidem imago adeo renovabat, ut ferre vix possem. Non me vetusta tanum consuetudo, sed occulta quædam vis ad benivolentiam rapiebat. Erat illi mecum similitudo quædam non oris tantum, sed etiam animi; mores etiam quam simillimi: ut tametsi tanto terrarum spatio sejunctus, ille mihi præsens, cum me ipsum intuerer, videbatur. Compellabat me etiam interdum litteris suis, & amanter flagitabat, ut aliquid ad se mitterem, quod dignum studiis nostris, & nomine nostro videretur. Adeo cum me aliquando & vires, & ingenium deficeret, hominis recordatio amantissimi non modo me solabatur, sed stimulos admovebat ut scriberem. Agnoscebam enim quantam ille voluptatem suscepimus esset, si mea non nulla typis descripta legeret: atque ea, quæ puerorum gratia, eoque auctore, incepseram, iisdem opitulari, doctissimisque viris probari cognosceret. Augebat etiam molestiam, quod non adversarium, & invidiosum reprehensionem, ut eorum, qui in eamdem disciplinam incumbunt, fere mos est; sed confortem potius laboris, & sautorem laudum meorum amiseram: qui & me monendo, & errores meos notando, non exigua pars meæ laudis fuisset: ex quo Philosophorum institutis in parentis eum loco habere deberem. Nunc vero tali amico orbatus si aliquid aggredi volo, labascit animus vistus dolore: & quo ma-

gis conor e memoria delere, eo dolor ex ejus recordatione proveniens acerbius recrudescit.

Nec vero ego dubitem quarenti, quid de amico sentiam, respondere, talem suisse, qualis apud mortales reliquus nullus est. Nam fide, constantia, pudore, integritate morum, pietate in Deum nemini concedebat. Multa etiam & recondita in illo Philosophiae, multa Mathematicae, multa Theologiae notitia. In Historia vero & omni antiquitate versatus adeo, ut etiam de Sacra historia interrogatus, non eam modo in promptu teneret, sed etiam verba Sacrorum codicium memoriter recitaret: posset etiam caput, & versum, si opus esset, reserre. Ad hæc Hispane, Gallice, Italice, & Latine loquebatur facile, & politissime scribebat: Græcam etiam, & Hebraicam linguam callebat: Arabicam vero degustarat. Quam ille fideliter e veteribns Græcis non nulla Latine reddidit! nec verba modo, sed etiam sententias accurate expressit: ut interpretem omnibus numeris absolutum præ se ferret. Quam polite, & eloquenter orationes vel amicorum caussa, vel ad otium consumendum conscripsit! Quam acri judicio Scriptorum errores odorabatur, quamque amice eos, qui tale quid ab eo rogarent, erudiebat! Plane hæc sunt admiranda. Sed illud, mea sententia, admirabilius, quod tametsi tanta esset & eruditio, & judicio, tamen tam erat ab omni fastu, & paedagogi superbia, & maledicendi consuetudine alienus; ut non modo non se ostentaret, sed ne umquam quidem aliquid in proprio nomine apparere, aut etiam ficto nominé edi permiserit: immo ne se quidem laudari, aut nominari volebat; contentus alios operare, consilio, ac doctrina juvare. Quod quantum laudis habeat in hominē tanta doctrinæ copia expolito, viderint illi, qui tametsi levi aliqua eruditione tincti sunt, ita se jactant & ostentant, nulla habita ratione temporis,

ris, loci, auditorum; ut non risum, sed stomachum moveant viris doctis. Mihi sane ita magnum illius ingenium videbatur, ut nihil omnino esset, quod ille, si vellat, efficere non posset, idque nullo negotio.

Sed quoniam acerbus dolor amici morte conceptus, ejus virtutibus percensendis, exacerbatur quodammodo, temperabo a longiori narratione, & vulneris acerbitas profundiissimi scribendo lenibo. Obsequar ergo amici studio defuncti: qui nihil prius habebat, quam me monere, ut scripta mea emittere inciperem: vestrisque commodis, & utilitati quantum possem servirem: ac me ex tanto intervallo ad munus meum & pensum revocabo, & eam operis partem, quæ sexto loco posita est, quam brevissime potero absolvam. Ego vero te, amice, quem divino consilio ab hujus vitæ æternitatis, & ab acerbissimo cruciatu ægritudinis ad perpetuam quietem, & beatum aspectum erectum esse arbitror, oro, & obsecro, mihi scribenti ne desis: sed Deum enixe roges, ut tantum mihi virium, & ingenii donet, quantum satis est, ut opus, quod incepi, facillime persequi, & ad finem usque perducere possim. Quod si facies, me tibi carum esse, & a te multum amari existimabo.

## C A P U T . II.

*De Sacris codicibus Veteris, & Novi testamenti.*

**D**E Theologiæ igitur auctòribus clarioribus disputatuos res ipsa admonere videbatur, ut primum de Sacris còdicibus, inexhausto illo omnis Theologiæ fonte, dissereremus. Et quamquam de hoc arguento gravissimi Theologi hoc, & superiori sèculo doctissime copiosissimeque disputerint, quorum sunt in manibus lucubrations æneis formis descriptæ; tamen aliqua nos hoc loco vo-

bis tradere consentaneum judicavimus; ne hujus eruditio-  
nem penitus expertes, cetera, quæ deinceps dicturi su-  
mus, percipere nequeatis. Quare ea ex doctissimorum  
hominum scriptis in præsentia excerptemus, quæ ad finem,  
quem nobis in hoc libro scribendo proposuimus,  
consequendum satis esse videbuntur. Quod si reliqua co-  
gnoscere desideratis, auctores ipsos adeatis, qui in hoc  
argumento dilucidando summa cum omnium approbatio-  
ne versati sunt. [1]

## I.

I. Sacra Biblia seu Scriptura dividitur in Vetus,  
& Novum testamentum. Vetus continet historiam mun-  
di, ac Israelitarum usque ad Messiac adventum: Novum  
complebitur vitam Christi, & Apostolorum facta. Ve-  
tus testamentum continet XXXXV. libros: Novum ve-  
ro XXVII. quorum nomina in Vulgatis bibliis ordine  
ponuntur, ex iisque facile cognosci possunt. Hæc ex  
Catholicæ ecclesiæ fide, ac traditione habemus: quæ  
in Canone suo omnes hos libros ponit. [2]

Hos libros in quatuor classes Theologi dividunt:  
*Legales*, *Historicos*, *Sapientiales*, *Propheticos*. In Ve-  
teri testamento *Legales* sunt, Pentateucus. *Historici*,  
Josue, Judices, Ruth, Reges, Paralipomenon, El-  
dras, Tobias, Esther, Job, Maccabæi. *Sapientiales*,  
Pro-

[1] Horum catalogum dabit Le Long. in Bibliotheca Sacra. Interea legi potest Turre Institutiones ad Verbi Dei intelligentiam. Serarius, & Bonfrerius in Prolegomenis in Scripturam. Lamy. Apparatus Biblicus, Dupi-  
nius Prolegomena in Biblia, ceteri.

[2] Ita habetur in Tridentino Sess. IIII. decreto de  
Script. Canon.

Proverbia, Ecclesiastes, Canticum, Sapientia, Ecclesiasticus. Prophetici, Psalmi, & reliqui Prophetæ. In Novo testamento Legales sunt IIII. Evangelia. Historici Acta Apostolorum: Sapientiales, Epistolæ Pauli, Petri, Joannis, Jacobi, Judæ. Prophetici, Apocalyps.

At Hebræi tantum XXII. libros Veteris testamenti referunt in canone suum: [1] nam librum Ruth conjungunt cum libro Iudicium: & Lamentationes Jeremiæ cum reliquis Prophetis. Verum alii Hebræi XXXIII. libros distincte admittunt. Eos Hebræi disperciunt in partes tres: *Legem, Prophetas, Hagiographa.* *Lex* continet V. libros Mosis. *Prophetæ* complectuntur eos, qui sub Prophetarum nomine exstant: [excipe Danielē, quem inter Prophetas non referunt] item Josue, Iudices, Reges, Ruth. *Hagiographa* sunt, Job, Psalmi, Parabolæ, Ecclesiastes, Canticum, Daniel, Paralipomenon, Esdras, Esther.

## II.

Libri omnes Veteris testamenti Hebræa lingua conscripti fuere, si excipias Sapientiam, Ecclesiasticum, Tobiam, Judith, Maccabœos, qui Græce exstant: & quædam, quæ Danieli, & Estheri adjecta sunt. Beatissimus Hieronymus ait, [2] *Tobiam, & Judith ex Chaldaea* lingua a se esse conversos: item vidisse se priorem *Maccabœorum* [3] Hebraice exaratum, nam secundum est Græcum:

[1] Hieron. in Prolog. Galeato.

[2] Conferte illius præfationes ad singulos Scripturæ libros.

[3] Concilium Hipponeſe anno 393. canonem Scripturarum condidit. Postea Carthaginijense III. anno 397. Hip-

cum: item Sapientiam Hebraice exstissee. [1] Ecclesiasticum vero ex Hebraica lingua conversum fuisse in Græcam, ejus prologus declarat. Daniel a versu 4. capititis II. usque ad totum caput VIII. loquitur Chaldæa lingua: item Jeremias in versu 11. capititis X. Bona pars Esdræ; nempe a versu 8. capititis IIII. usque ad versum 27. cap. VII. Chaldæa est: nec ultra aliquid Chaldaicum habemus. In libro Jobi quædam voces Arabicæ se offerunt. Hæc autem lingua Hebræa pura & incorrupta nusquam hodie nisi in Veteri testamento reperitur.

At omnes Novi testamenti conditores Græce loquuntur; si Matthæum tollimus, qui, Hebræa lingua, id est, Syro-Chaldæa [2] Evangelium exaravit. [3] Sed autographum deperditum est, nec nisi versio Græca existat, quæ pro autographo habetur.

## III.

Cum libri omnes Sacri non uno eodemque tempore in canone positi sint, exstiterit, ut alii aliis maiori in veneratione fuerint: nec apud omnes Ecclesias eamdem auctoritatem obtinuerint [4] antea quam exploraretur,

ab

---

Hipponensem confirmavit: & in illo demum Sapientia, Ecclesiasticus, Tobias, Judith, & Maccabæi additi sunt. Quod etiam confirmavit Carthaginense. IIII. anno 419. Item Gelasius Papa anno 494. in concilio Romano.

[1] Hieronym. Præfat. in Opera Salomonis

[2] Vide Dupinium Prolegomen. Biblic. Tom. II. c. 2. S. 3. Quis vero fuerit auctor versionis, ignoratur:

[3] Ita sentiunt Bellarminus de Verbo Dei L II. c. 7. & Baronius ad Ann. 34. qui addunt etiam Pauli Epist. ad Hebreos. Sed hoc exploratum omnibus non est.

[4] Augustin. de Doctr. Christ. L. II. c. 8.

ab Apostolorum disciplina omnes fuisse profectos. Quæ cauſa est, cur eos Catholici ad tres classes revocent, *Proto-Canonicos*, *Deutero-Canonicos*, *Apocryphos*. In prima classe ponuntur illi, de quibus numquam apud Catholicos dubitatum fuit, essentne divini, an secus. Hujusmodi sunt omnes illi Veteris testamenti libri, qui Hebraice scripti sunt. Item Novum testamentum exceptis iis, quæ paullo post dicimus. Altera classis est eorum, qui tametsi divini, & canonici sint, tamen dubitatum olim fuit, an ita essent: & pro canonicis ab aliquibus non habebantur: sed institutionis gratia legebantur in Ecclesia, & Ecclesiastici vocabantur. Ad hanc classem referuntur hi: additamentum ad librum *Eſther*, oratio *Jeremiæ*, liber *Baruch*; & quæ in Vulgata exstant post caput XII. *Danielis*, nimirum *historia Susanne*, *oratio Azariæ*, *hymnus trium puerorum*, *Belis historia*. Item *Sapientia*, *Ecclesiasticus*, pars *Eſther*, *Judith*, *Tobias*. Item *Marci* caput ultimum, *Lucæ historia de sudore sanguineo Christi*, & *apparitione Angeli*; *Joannis historia de muliere adultera*, *Pauli Epistola ad Hebreos*, *Jacobi Epistola*, *Petri Epistola secunda*, *Joannis secunda*, *& tertia*, *Jude Epistola*, *Joannis Apocalypsis*. Ad tertiam classem spectant illi, qui licet post canonicos recenseantur ac legi soleant, tamen in canone divinorum non sunt, sed adhuc dubitatur, divini sint, an aliter: veluti oratio *Mannasse*, tertius & quartus liber *Eſdræ*, tertius & quartus *Maccabæorum*, ceteri.

## IIII.

I. Ex codice Hebræo librorum Veteris testamenti, de quo paullo ante diximus, plures versiones factæ sunt eorum gratia, qui Hebræam linguam non callebant.

bant. [1] Græcæ celebriores sunt, de iis igitur primo dicemus. Hæ septem omnino numerantur. Antiquior omnium est illa, quam *LXX. Interpretum* vocant. Hujus auctores faciunt aliqui septuaginta duos senes: alii probabilius judicant, auctorem notum non esse. Ut ut est ante Christum natum factam susse extra controversiam est positum. Alteram fecit *Aquila Ponticus* circiter annum **CXXX.** Christi, Adriano imperante. Is prium Christianus, deinde Judæus, plurima Judaica in sua translatione admisit: tamen codicem Hebræum fere ad verbum transfert. Tertius est *Theodotion Ephesinus* ex Christiano Hæretico, ac demum Judæus, qui prope annum Christi **CLXXXIII.** Commodo imperatore, uti putant, aliam exaravit, quæ ad *LXX. Interpretates* multum accedit. Quarta est *Symmachus Samaritanus*, qui cum ex Judæo Christianus, ex Christiano Ebionis discipulus factus esset, Hebræum textum convertit. Verum non verbum de verbo reddidit, sed ejus sententias expressit, idque circiter annum **CC.** Severo imperante. Quintam, & sextam sine nomine auctoris *Origenes Hierichunte*, & Nicopoli in quibusdam dolis invenit. Fuisse septimam aliam anonymam, ait Hieronymus. Et hæc de versionibus Græcis.

II. Jam vero Origenes ex iis triplex opus compo-  
suit,

---

[1] *Hi libri sine punctis vocalibus primum conscripti fuere, & vera lectio traditione apud Judæos servabatur. Cum vero post Judæorum dispersionem traditio aboleri inciperit, addita fuere puncta vocalia circiter initium VI. saeculi, & ut vulgo putatur, ab Judæis Tiberiensis academiæ. Hæc late persequitur Elias Levita, doctus Judæus. Sed præter ceteros Ludovicus Capellus in Arcano punctuationis Hebraicæ revelato, & Morinus in Exercitat. Biblic. Exercit. XVIII.*

suit, quæ *Tetrapla*, *Hexapla*, *Oktapla* vocata sunt. *Tetrapla* complectuntur quatuor versiones hoc ordine positas: primum Aquilæ, dein Symmachi, tum LXX. Interpretum, postremo Theodotionis, quatuor distinctis columnis expressas. *Hexapla* continent, præter quatuor versiones illas, textum Hebræum, Hebræis, & Græcis characteribus depistum. *Oktapla* vero sex istis versionibus addunt quintam, & sextam Græcam, quas Origenes invenit, uti diximus supra. [1]

Præter editionem Origenis, aliæ a duobus conditæ sunt, quæ magno habebantur in pretio. Altera erat *Luciani* Antiocheni presbyteri, & martyris, qui sub Diocletiano, & Maximiano passus est. Hic LXX. Interpretes ad fidem Hebræi codicis emendatos edidit inito sæculo III. quæ cum in aliquibus mutata esset, versio nova non nullis videbatur. Altera erat *Hesychii*, qui eosdem libros Græcos quam emendatos vulgavit.

III. Præter Græcas aliæ sunt versiones Orientalibus linguis conscriptæ. Prima est *Samaritana*. Nam cum Samaritani paullo ante Christum, relicta idolatria, Judaismam religionem amplexarentur; haberent autem Pentateuchum Mosis tantum, eumque Hebræum, sed Samaritano charactere exaratum, eum religiose conservarunt. Sed ab Hieronymi sere ætate usque ad sæculum XVII. vix Christianis notus fuit: postea vero in eorum manus devenit: hodieque in Polyglottis Parisiensibus, & Anglicanis exstat. Ex hoc Pentateucho longe ante Christum facta est versio *Samaritana* lingua. id est lingua Chaldaica sed Samaritana dialecto, quæ Samaritanis in usu erat. Hæc una cum textu Samaritano edi solet. Utramque

[1] Consule Cl. Montfauconum in Prolegomenis ad Origenis Hexapla.

que tamen ad intelligentiam Hebræi pentateuchi, & Vulgatæ Latinæ multum lucis adserit. [1]

III. Altera est *Syriaca* versio, quæ omnium, quæ post Christum factæ sunt, antiquissima est. Lingua autem *Syriaca* reapse est Chaldaica, sed phrasι ac flexione ab ea interdum recedit. Hebræi enim in captivitate Babylonie linguæ domesticæ oblii, Chaldaica loqui cœperunt. Verum cum eam non ita commode pronuntiarent, quin aliud Hebraicum retinerent, nata est tertia dialectus, quam vocarunt *Syriacam*: quæ pro diveritate nationum, quibus serviebant Judæi, magis magisque a Chaldaica recessit, & diversis idiotismis vitiata est. [2] Hæc apud Judæos obtinebat tempore Christi, & Hebræa vulgaris appellabatur, quod Hebræis sive Judæis esset familiaris: immo etiam nunc obtinet apud Maronitas, seu Christianos, qui in vicis ac pagis Libani montis, & Syriæ habitant. Hac itaque lingua facta est versio quædam Veteris testamenti ex codice Hebreo, & Novi ex Græco fonte, qua utuntur Maronitæ in sacris suis; & quam simplicem appellant. Præterea aliam translationem utriusque testamenti ex Græco fonte expressam habent Maronitæ: quam ante mille annos factam sulse contendunt non nulli. Certe ex iis gravissima argumenta sumi possunt ad Hæreticos profligandos.

V. Præterea in alias linguas Orientales conversi sunt codices Sacri, vel omnes, vel pars eorum aliqua: hujusmodi sunt *Arabica* versio, *Æthiopica*, *Perfca*, *Armæna*, *Illyrica*, *Coptica*, de quarum auctoritate, & antiquitate vel plane non constat, vel ita constat, ut ad inlu-

[1] Vide Joann. Morinum Exercitat. in Pentateuchum Samaritanum.

[2] Vide Ludovicum de Dieu Præfat. ad Grammatic. Linguar. Orientalium.

inuistrandos veteres codices fere nihil conferant. [1] His addi possunt Occidentales, Italica, Hispanica, Gallica, Germanica, Hungarica, Polonica, Belgica, Hibernica, ceteræ, quæ ad id, quod quæriuntur, nullius usus sunt. [2]

VI. Restant Chaldaicæ paraphrases, quæ post captivitatem Babyloniam eo consilio conditæ sunt, ut opitulari possent Judæis, qui veterem illam Hebræam Bibliorum vix aut nullo modo intelligebant: adeo ut doctores Judæi coæsti essent Legem, & Prophetas in Synagogis Chaldaice populo explanare. [3] Hæc tamen ut facilius eorum præceptores efficerent, interpretationes & paraphrases Chaldaica lingua conscriperunt, quæ Chaldaice vocantur *Targum* in singulari, in plurali vero *Targumim*, quod Latine redditur *interpretatio*. Tres hujusmodi exstant celebriores Paraphrases: in *Pentateuchum*, in *Prophetas*, in *Hagiographa*. Prima auctorem habet *Onkelosum*, qui paullo ante Christum vixisse putatur. Altera condita fuit a *Jonathane Ben Uziel*, qui fuit æqualis *Onkelosi*. Hic Prior, & Postiores Prophetas, Daniele excepto, interpretatus est. Exstat præterea Paraphrasis in *Pentateuchum* sub nomine *Jonathanis*, sed recentioris longe auctoris est. Tertia Paraphrasis in *Hagiographa*

tri-

[1] Confer *Dupinium* in Prolegomen. Biblior. L. I. c. S. & *Simonium Exercitat.* Critic. c. 22. seqq. & in Hist. Cr. Veter. test. L. II. c. 22. & in Hist. Critic. Novi test. *Huetium de Interpr. Claris* L. II.

[2] Vide *Waltonum* in Prolegomen. ad *Biblia Polyglotta Londinensia*, qui de iis copiose differit.

[3] „ A diebus Esdræ consueverunt Judæi habere interpretem, qui populo id interpretetur, quod lector ex lege prælegit. Maimonides *Hilc. Teph. L. I. cap. 12.*

tribuitur cuidam Josepho cæco, vel lusco, sed fortasse plurimi autores fuere. Præter has aliæ exstant *Paraphrases Chaldaicæ* in alios Bibliorum libros, sed certæ antiquitatis non sunt. [1] Porro harum Paraphrasium notitia admodum necessaria est nostris, qui ex iis & textum Scripturæ inlustrare, & adversus Judæos validissima argumenta promere possunt. [2] Nam primum plura loca interpretantur de Messia, quæ hodierni Judæi alio intellectu accipienda esse contendunt: quod argumento est ante Christum aliquas saltim exaratas fuisse: vel si post, doctrinam, quæ ante Christum vigebat, expressisse: non enim aliquid tale a posterioribus Judæis sperari poterat. [3] Deinde tantæ auctoritatis apud Judæos sunt *Targumim*, præsertim *Onkelosi*, & *Jonathanis*, ut sere eas *Hebræo* textui exæquare videantur. Idcirco a peritis Theologis magni fiunt ejusmodi *Targumim*.

VII. Ve-

---

[1] *Otto in præsentia exstant Targumim.* 1. *Onkelosi in Pentateuchum*. 2. *Jonathanis Ben Uziel in eos*, quos Prophetas nominant *Judæi*. 3. *In Pentateuchum sub nomine ejusdem Uzielis*. 4. *In Pentateuchum*, sed dialeccio *Hierosolymitanæ exarata*, quam vocant *Targum Hierosolymitanum*. 5. *In libros Meghilloth*, id est, *in Ruth*, *Esther*, *Ecclesiasten*, *Canticum*, & *Lamentationes Jeremiæ*. 6. *Alia Targum in Esther*. 7. *Targum Josephi cæci seu lusci in Job*, *Psalmos*, & *Proverbia*. 8. *In Paralipomena*. *De Esdra*, *Nebemia*, & *Daniele* non exstat *Targum*. *Vide Humfredum Prideaux*, in *Concordia Veter. & Novi Testam. P. II. L. 8.* & in *Histor. Judæorum P. II. L. 16*. *Vide etiam Morinum laudatum*, qui de iis eruditissime disputat.

[2] *Confer Lucam Brugensem Epistola ad Candidum*.

[3] *Vide Brian. Walton. in Appar. Biblico prolegom. XII. §. 14.* & *Prideaux Libro ultimo loco laudato*.

VII. Venio ad *Latinas versiones*: quæ primis Ecclesiæ sacerdotiis tot numero exstiterunt, ut vel ipso fatente Augustino [1] enumerari vix possent. Harum una præstantior habebatur, quæ ab Augustino *Itala* [2] ab Hieronymo *Communis*, & *Vulgata* nominatur, quæ ex Græco deducta erat. Verum cum Hieronymus in ea multa emendatione digna animadverteret, primum *Latinam versionem Veteris testamenti* ad fontes Græcos exegit & emendavit: immo vero aliquos libros, & *Psalterium* nove convertit, quæ versio perii. Deinde *Psalterium Latinum* ex Luciane LXX. Interpr. editione, auctore Damaso papa, emendavit. Postremo cum in eremum Bethlemiticam secederet, aliam versionem Veteris testamenti ex Hebræo fonte aggressus est: omnesque libros, qui Hebraica lingua exstabant; & ab Iudæis in canone ponuntur, etiam *Judith*, & *Tobiam*, Latine convertit: qui vero Græce legebantur, ut *Sapientia*, *Ecclesiasticus*, *Maccabæi*, *Baruch*, *Epistola Jeremie*, additamenta ad *Estherem*, & *Danielis duorum ultima capita*, & canticum trium *Puerorum*, quæ Hebræice non exstabant, non convertit, sed Italam veterem intactam reliquit. Ex hac versione Hieronymi supersunt hodie liber *Psalmorum*, & *Prophetæ*, qui inter opera ipsius leguntur. Tanta autem fide in iis se gessit Hieronymus, ut ipsi homines Iudæi ejus versionem Hebræo textui consentaneam esse desenderint: immo & Græci eam in Græcum sermonem veterunt. Latinis vero plerisque displicuit, qui ex LXX. Interpretu in versione Latinam Italam expressam, eamque Apostolorum usu consecratam, ceteris anteponendam esse judicabant. [3]

I i

At

[1] *De Doctrin. Christ. L. II. c. 2.*

[2] „ *Itala ceteris præfertur, nam est verborum tenacior cum perspicuitate sententiae ibid. c. 15.*

[3] *Consulte August. Epist. XIX. ad Hieron.*

At Hieronymi obitu deservescente invidia , tum Nova , tum Vetus illa versio Latina eadem auctoritate excepta est : quod fine VI. saeculi obtinebat : [1] immo vero paullo post Nova versio praelata est Italæ vetustiori , & appellari coepit *Vulgata* . Verum nescio quo modo ex utraque illa versione facta est versio *Vulgata* , quam nunc habemus : quæ partim ex Itala veteri , partim ex versione Hieronymi composita est . Nempe librorum , quos Hieronymus in sermonem Latinum non transtulit , de quibus ante dictum est , versio Vetus manet intacta in bibliis *Vulgatis* . Item Psalmonorum versio in *Vulgata* nostra non est illa , quam Hieronymus ex Græco , aut Hebræo integre convertit ; sed illa , quam ipse ex LXX. Luciani emendavit . Item Libri Sapientiæ , Ecclesiastici , Maccabæorum non sunt Hieronymi , sed ex antiqua versione anonyma . Hos si excipias , reliqui libri saltim maiori ex parte Hieronymi sunt : dico maiori ex parte , nam quædam in *Vulgata* repertiri , quæ non sunt Hieronymi , ex ejus commentariis plane conficitur , ubi alio modo legitur . Ut videatur dicendum , Latinam *Vulgatam* non modo ex versione Hieronymi , sed etiam ex aliis , præfertim ex Itala vetere , conflatam fuisse . Quo tempore , vel auctore , nescimus : illud certo scimus , ex plurimis coaluisse .

Porro *Vulgatam nostram Tridentini PP. authenticam declararunt* , sanciveruntque ut nemo eam quavis de causa rejicere auderet . [2] . Non eam Græco , ac Hebræo codici anteponendam esse dixerunt , vel fontes ipsos

[1] Gregor. Magn. Epist. ad Leandrum , p. libr. Moralium .

[2] Sess. IIII. can. 2.

ipsoſ damnarunt; [1] ſed tantum ceteris Latinis versionibus präferendam eſſe declararunt: [2] hoc eſt, in iis, quæ ad fidem, moresque ſpectant; hanc präter ceteras Latinas veram, puram, & autographo magis eſſe conſentaneam finiverunt. [3] Suā tamen ſtat fontibus auctoritas, ex iisque in rebus dubiis & obscuris; in phrasibus, & proverbiis, & idiotismis exponendis; tum etiam in locis librariorū oscitatione vitiatis inlustrari poſſunt Vulgatæ plurima loca. Praelertim vero LXX. ſenum verio maximo ſemper in honore habita eſt. Hac Apostoli, & Evangelistæ uſi ſunt, [4] eaque naſcentis Eccleſiæ fidem conſirmarunt. Hanc Véteres epifcopi in ore ſemper ha- buerunt, scriptis inlustrarunt, & Hebræo fonti magis confor- mēm eſſe juſdicarunt. Hac ecclēſia Græca a prima ætate ſacra fecit, & etiam nunc facit, conſentiente ecclēſia.

. I i 2 . . . . . sia

[1] „ Liberum reliquit, Concilium, omnibus, qui  
„ ſcripturas ſacras profundius meditantur, fontes He-  
„ bræos, & Græcos, quatenus opus eſt, consulere, quo  
„ noſtram Latinam, vitio librariorū, vel temporum  
„ injuria corruptam, emendare valeant. Salmero Pro-  
legom. 2. in Biblia. Confer. Andream Vegam in Concil.  
Trident. L. XV. c. 9.

[2] „ Nullam fontium mentionem faciunt [Patiſ] „ ſed ſolum ex versionibus Latinis, quæ nunc circumfe- „ runt, unam delegerunt; quam ceteris anteponerent. „ Bellarminus de Verbo Dei ſcripto L. II. c. I.

[3] „ Ecclēſia certos nos reddere voluit, in iis prä- „ fertim, quæ ad fidem, & mores pertainent, nulla eſſe „ in hac versione interpretum errata . . . . ſed tuto poſſe „ Fideles, & ſine periculo huic versioni confidere. Bellar- „ minus ibid. cap. 2.

[4] Irenæus L. III. c. 25. Hieronymus Prafat. in Evan- „ gelia.

sia Latina. Hanc Sixtus V. Pont. Max. ex Vaticano codice quam emendate edi curavit, & auctoritate sua roboravit. Id ipsius de Hebræo codice dicendum est, proportione servata. [1] Quod eorum gratia dictum sit, qui ut studium Græcæ, & Hebrææ linguæ reprehendant, ad hoc decretum Tridentinæ synodi confugere solent: quos merito carpit laudatus Bellarminus.

Sed antequam finem faciam, illud tirones monere non alienum erit, librorum, quos in Canōnem suum ecclesia Romana refert, quosdam ab Hæreticis præsertim recentioribus vel integrōs, vel ex parte rejici solere, & pro Canonis ac divinis non haberi. Huiusmodi sunt in Veteri testamento libri Tobiae, Judith, Sapientie, Ecclesiastis, Ecclesiastici, Cantici Canticorum, capita quædam Danielis, liber Jobi, Estheris, Psalmorum, & libri duo primi Maccabæorum. Ex Novo testamento Epistola Pauli ad Hebreos, Epistola Jacobi, Petri Epistola II. & Joannis Epistola III., Judæ Epistola. Nec id solum, sed etiam contra Evangelium Matthæi, & Marci quædam opponunt Anabaptistæ, qui in hoc, ut in ceteris, a Veteribus hæreticis stultitiae hereditatem accepérunt. Et de Sacris codicibus satis dictum. [2] Nunc ea, quæ dicenda supersunt, expediamus.

CA-

[1] Vide Melchior. Canum de Locis Theologic. L. II. cap. 15.

[2] Qui de hac materia scripserunt, totum hoc argumentum copiose persecuti sunt. Plures eorum adduximus, ut Dupinium, Simonium: ceteros ex Le Long. Bibliotheca Sacra P. II. cognoscere potestis, ubi omnes, qui de quavis Bibliorum parte libros ediderunt, accuratissime percepserint.

## C A P U T III.

*De celebrioribus Ecclesiae Patribus usque ad X. seculum.*

P Atrum nomine , ut vobis exploratum esse confido , censentur Veteres illi , qui post Apostolorum ætatem , id est primis Ecclesiae sæculis , insigni doctrina , ac pietate floruerunt , & in communitate cum ecclesia Catholica diem suum obierunt : tum demum eam non modo editis libris , sed etiam exemplo erudierunt , formarunt , roborarunt : quorum ea de caussa in Ecclesia scripta laudantur , & memoria in benedictione est . [1] Sed hæc acceptio stricta est , & Veteres episcopos tantum , qui sex primis Ecclesiae sæculis vixerunt , complecti videtur . At hoc loco Patrum nomen latius patet , & ad eos etiam pertinet , qui posterioribus sæculis tamquam stellæ fulgentissimæ in Ecclesia resplenderunt . Hi autem tanto in numero sunt , ut eos enumerare velle , atque de iis separatim disputare , longum esset , & a consilio operis alienum : Quare de iis tantum non nihil dicemus , qui litterarum nomine præter ceteros prædicantur , & utilia scripta nobis reliquerunt .

Sed ante quam id facio , illud monere consentaneum erit , non esse hoc loco sermonem de Patrum methodo , ac ratione disputandi in Theologia : propterea quod ex

[1] Referuntur etiam inter Patres , Tatianus , Tertullianus , Origenes , Eusebius Cæsariensis , Rufinus , alii , qui in Sanctorum album reclati non sunt , immo vero non constat , an in Ecclesiæ sru obierint : non quod re vera pro Patribus , & Doctoribus in Ecclesia habeantur ; sed quod vastissima eruditione sua , & etiam antiquitate commendantur , & ex iis utilia multa sumi possunt .

iis, quæ de Patrum philosophia diximus, [I] satis id constat. Cum enim Patres, quod iam sæpe monuimus, non dedita opera de Philosophia disputarent, sed in explananda Orthodoxa doctrina, & adversariis profligandis occuparentur toti; planum sit, ea, quæ de Patrum philosophia superioribus libris discernimus, ad Theologiæ tractatus referri debere. Præterea cum in historia Theologiæ ordine ac distincte narraverimus, qua ratione Episcopi ac Doctores singulis Ecclesiæ sæculis usque ad finem sæculi X. Sacram doctrinam tractarint; non opus est, ut eadem repetamus. Quare satis erit in præsentia, qui singulis sæculis præsiterint Patres, & quibus scriptis Theologicis nobilitati fuerint, demonstrare.

## S A E C U L U M II.

Qui sæculo secundo scripsere Patres: ut *Justinus*, *Abenagoras*, *Theophilus*, *Tatianus*, *Minutius*, *Clemens Alexandrinus*, ceteri fere omnes contra Gentiles, aliquando vero contra Judæos scripserunt pro veritate Christianæ religionis. De iis autem jam diximus: Duo supersunt: alter est *Irenæus*, de quo prima parte locuti sumus: alter *Tertullianus*, de quo breviter dicendum est.

*Tertullianus* igitur Carthaginensis fine II. sæculi Christo nomen dedit, & presbyter consecratus; plurima pro fide Orthodoxa contra Gentiles, & Judæos, & Hæreticos lucubravit, ac mores corruptos sui sæculi emendare adortus est. Verum Montanistarum artibus deliratus, aliquot contra certa dogmata libros divulgavit. Incertum etiam, an Catholicus obierit. Eorum, quæ pro Orthodoxa ecclésia scriptorum lucubravit, laudantur

libri

libri *Præscriptionum adversus Hereticos*, in quibus Ecclesiæ caussam accurate agit contra eos. Item libri aliquot contra errores Philosophorum, velut Hermogenis, Marcionis, Praxeæ, ceterorum. Plurimum etiam laudatur ab omnigena eruditione, & sacra, & profana, qua valebat. Verum, quod dolendum, ipse doctissimus vir pergrandes errores admisit in plerisque scriptis, quæ propterea cante legenda. Reprehenditur etiam in eo, quod acri judicio interdum caret: quod adversarios copia rationum obruit magis quam docet, & persuadet: quod declamatorem magis agit, quam Philosophum, & didascalum: quod dicendi genere turgido, duro, & inconcinno utitur, & propter insolentes voces obscuro: ut Afrum nullo negotio loqui cognoscas.

## S A E C U L U M III.

*Thascius Cæcilius Cyprianus Carthaginienis*, vir doctissimus, & sanctissimus, sub Valeriano, & Gallieno pro Fide passus est. Plurima reliquit scripta, quibus & morum innocentiam sua fecit, & Ecclesiasticam disciplinam suo splendori restituit. Item Gentiles adgressus est libro *de Idolorum vanitate*, & etiam Novatianos. Laudat in eo Laetantius ornatum in eloquendo, facilitatem in explicando, & in persuadendo vim: addere posset, modestiam, gravitatem, pietatem, qua Pontificem loqui, & martyrio destinatum vel primo aspectu cognoscas. Stilus pro saeculo, quo vixit, sane est tolerabilis: sed longe a maiestate Tulliani sermonis abest.

## S A E C U L U M IIII.

*Athanasius Alexandrinus*, clarissimus Orientalis ecclesiæ doctror, isque omni litterarum genere expolitus,

vitam omnem debellandis adversariis nostris consumxit. Nam & Gentiles confregit, & contra omnes hæreses breviter scripsit, & Apollinaristas, ac Sainosatenianos fusiū confutavit. Sed præfertim Arianos totis voluminibus perfregit: adeo ut unus ad ejusmodi Hæreticos penitus labefactandos sufficerit Athanasius. Laudant in eo viri docti perspicuitatem, suavitatem, vim, & copiam dicendi. Tum peritiam Dialeticæ artis, & in disputando moderationem, ac judicium: nam tametsi dextere & perite ex Scriptura, & Traditione argumentando adversariorum argumenta infirmaverit; tamen numquam se jactat, aut ostentat: nec syllogismorum artificium, aut subtilitates Dialeticas pueriliter præse fert, suo argu-  
mento unice intentus, quod mira arte ac ingenio perse-  
quitur. Laudatur etiam ab Scripturarum eruditione,  
qua multum ceteris antecellit: Quare inter Polemicos  
theologos IIII. saeculi primum locum tenet. Desideratur  
tamen in eo linguae Hebrææ notitia..

*Epiphanius Phœnicius*, Salaminis episcopus, vir fuit quinque linguis excultus, atque in Sacris, & Profanis scriptoribus bene versatus. Scripsit contra Hæreses LXXX. *Panarium*, in quo Veterum fragmenta insignia, & magna pars historiæ Ecclesiasticæ con-  
tinetur. Utilissimum sane opus: nam & historiam hære-  
sum condit, & eas strenue profligat. Quædam tamen in  
eo requirunt & veteres, & recentiores Catholici: aiunt enim, beatissimum virum, quod esset magno candore,  
atque animo aperto & simplici prædictus, multa credidisse,  
quæ vera non sunt. Item in argumentis non nullis  
acre judicium non adhibuisse. Scripsisse etiam filio sim-  
plici, abjecto, aspero: ita ut in ejus scriptis emendatum  
sermonem, & eloquentiam frustra requiratis. Hæc ta-  
men plurimis aliis virtutibus vir doctissimus redemit.

*Basilius Cappadox*, Cæsariensis episcopus, tam sin-  
gulari

gulari fuit & eloquentia , & doctrina ; item tam acri iudicio ac solerti præditus , ut merito suo nomen *Magni* una omnium approbatione adeptus sit . Sed præsertim eloquentia ab omnibus commendatur : & si Photii iudicio standum est , Demosthene , ceterisque Oratoribus illustribus haud inferior est habendus : sin autem Erasmi , Græcis oratoribus longe præstat , vitiisque eorum caret . Certe in omni litterarum genere , ac stili varietate mire est disertus . Sive enim Scripturam exponat , sive Panegyricos scribat , sive Polemicos libros componat , sive Morales sermones , & Asceticos exaret , tam pure ac eleganter , tamque apte scribit , ut quid amplius requiri possit non videam . Et , quod mirabilius , tametsi tanta in eo & artis , & Philosophiæ peritia occurrat , quanta maxima occurrere potest ; nulla ostentatio & significatio appareat artis , nulla scientiæ . Laudantur præ ceteris scriptis ejus *Homiliae in Hexaemeron* .

*Gregorius Nazianzenus* Theologi cognomen ob acumen , quo de rebus divinis philosophatur , habuit . Magna eruditio , & facundia , & sanctimonia in *Orationibus suis* apparet . Oratio ejus nativa , suavis , facilis , jucunda videtur . Sententiæ acutæ & breves ; sed sublimes & graves adeo , ut Erasmus dicat , vix aut nullo modo in alias linguis converti commode posse . In tanta tamen dicendi peritia , illud viris Rethoricæ artis peritis non placet , frequentes antitheses , illusiones , comparationes , quæ vim orationis enervare videntur .

*Joannes Chrysostomus* Antiochæ natus , omni fere disciplinarum genere excultus fuit : quibus non ad pomparam usus est , sed eas coegerit servire pietati . Tanta autem valuit eloquentia , ut fluuien aureum merito suo nominaretur , id enim sonat *Chrysostomus* . Illud autem in hoc homine mirabile , quod miram dulcedinem , & amœnitatem dictionis præ se fert , & omnia ad populorum au-

res

res accommodat adeo , ut nullus magis aut erudiat , aut placeat auditori : adeoque in *Homiliis* , si quis alias , excellit . Scripturam Sacram feliciter interpretatus est : ejusque interpretationes in Orientali ecclesia ceteris præferebantur : in Occidentali vero magni fiebant . Sunt tamen viri docti , qui putent , eum in aliquibus redundare , & in digressionibus multum videri .

Ad Latinos venio , in quibus primus se offert *Hilarius Aquitanus* , *Pistavienensis episcopus* , qui primus inter Latinos Catholicæ fidei explanationem , defensionemque aduersus Arianos suscepit . Vir fuit singulari eruditio ornatus , magnæ eloquentiæ , acrisque judicii . Quibus dotibus quantum valeret , ostendit in *Liberis XII. de Trinitate* , in quibus , ut ait *Hieronymus* , [1] duodecim *Quintiliani libros* & stilo imitatus est , & numero . Quare inter optimos Polemicos referri debet . Laudatur etiam ab *Commentariis in Matthæum* , & in *Psalmos* . Verum in tanto eruditio apparatu aliqui nævi se offerunt , quos viri acerrimi ingenii diligenter adnotarunt . Nam primum linguæ Hebrææ ignarus , in Græca mediocriter versatus erat . Deinde obruit magis lectorem suum , quam docet . Præterea periodis & longis , & intricatis abundat , ex quo incredibilis nascitur obscuritas , præsertim in quibusdam locis . Præterea frequens est in figuris , & antithesibus : in phrasι vero nimis elaboratus . Ad extreum utitur vocibus & novis , & barbaris : adeo ut a munditia , & facilitate *Tullianæ dictionis* toto cælo absit .

*Ambroſius seu Romanus* , seu *Trevirensis* , seu *Arelatensis* , *Liguriæ* , & *Insubriæ* primum præses , deinde vero *Mediolanensis episcopus* creatus est . *Platonicæ philosophiæ* haud ignarus , *Græci* vero sermonis callentiſſi-

---

[1] Epist. ad Magnum .

tissimus, & varia doctrina instructus feliciter Hæreticos aggressus est. In omnibus suis scriptis pietatem, gravitatem, jucunditatem miram spirat. Feliciter ex Græcis patribus præsertim ex Basilio in sua scripta plurima derivavit, idque summo judicio. Antecellunt Hexaemeron, & LL. de Fide, & Trinitate ad Gratianum, in quibus tam perspicue obscura Arianorum argumenta exponit, tamque perite & accurate dissolvit, ut nemo eorum, qui tale quid præliterunt, ei sit comparandus. Item Commentarii in Lucam, ubi magis Historicum sensum, quam in ceteris expositionibus, persequitur. Verba ejus bona, sed stilus sæculum suum prodit: nam periodis brevibus, sententiis argutis utitur: ut Senecam aliquem de re Christiana disputantem te audire dicas.

## S A E C U L U M V.

Aurelius Augustinus Tagastæ in Numidia natus, Hippensis episcopus, de quo jam prima parte [1] mentionem fecimus, magnam virtutum copiam ad Theologiam tractandam adtulit: nam & ingenio acri præditus erat, & Sæcularibus litteris instructus, & in Sacris scripturis doctissime eruditus. Ad hæc in arte disputandi multum versatus. Tanta autem erat animi moderatione, ut etiam a procacissimis Hæreticis laceritus, ab omni maledicto temperaret. De se autem ita modice sentiebat, ut errata sua plache faceri non dubitarit: immo cum in libris de Doctrina Christiana dotes enumeraret germani interpretis Scripturarum, se plurimas non habere, ingenue fassus est. Quamvis eruditione cum Hieronymo, aut Origene comparari non posset, tamen subtilior Hieronymo, magis ordinatus Origene erat. Verbo dicam,

in

[1] L.III.6.2.

308 APPARATUS AD PHIL. ET THEOL.  
in Fidei dogmatibus discernendis, exponendisque ac-  
curatissimus erat: in adversariis refellendis mira arte vale-  
bat: ad monita vero vitae recte instituenda tradenda fa-  
ctus videbatur. Ex libris ejus laudantur, quos contra  
Paganos, Donatistas, Pelagianos, aliosque Hæreticos  
lucubravit: tametsi in libris duobus *de Genesi adversus Manichæos*, qui absoluti non sunt, felix non fuit. Item  
libri *de Doctrina Christiana*, in quibus Exegeticum, &  
Homileticum theogium informat. Item libri *de Civitate Dei* contra Paganos. In Novi testamenti parte ali-  
qua exponenda felicior fuit.

Sunt tamen aliqua, quæ in eo censores & pii, &  
eruditæ desiderant: quæ si habuisset, quem nos cum  
Augustino conferre possemus? Primum linguæ Hebrææ  
ignarus erat: Græcam vero minus quam mediocriter scie-  
bat. Ex quo in Commentariis in Scripturam pundum  
non tulit: præsertim in libro imperfecto *in Genesim*, & *in Psalmos*: ubi ex imperitia linguarum ad allegorias de-  
flebit, quod ipse ingenuæ fatetur. Præterea non nullis  
præjudiciis scripta sua aliquando infuscatur. Item in ple-  
risque suis scriptis obscurus est. Ciceronianam autem  
dictionem nec adsestavit, nec habet.

Hieronymus Stridonensis, omni disciplinarum gene-  
re & Sacrarum, & Profanarum adeo eruditus fuit, ut  
in ecclesia Græca pares paucos habeat, in Latina vero ne-  
minem. Ad hæc Hebræam, Chaldæam, Græcam; &  
Latinam linguam callebat, & incredibili valebat elo-  
quentia. Cumque & indefessus esset, ac longa vita usus,  
& interpres omnes Hebræos, Græcos, ac Latinos le-  
gisset, omnino erat aptus qui Scripturam recte interpre-  
taretur: adeo ut Veterum doctorum non alias tot præfidiis  
ad eam interpretandam fuerit munitus. Quare in Litterali sensu exponendo una cum Chrysostomo primas tu-  
lit. Præterea scripta Polemica præstantissima nobis reli-  
quit

quit contra Jovinianum , Helvidium , Vigilantium , ceteros . A nemine non laudatur Hieronymus : quædam tamen in eo requirunt doctiores Catholici : nempe existimant eum , ut erat servidi temperamenti , in quibusdam modum non tenere : adeo ut mentem suam clarius exponere aliquando coactus fuerit . Ad hæc utitur interdum stilo declamatorio : & quamvis munditiem orationis habeat , tamen in Polemicis scriptis a didactico dicendi genere aliquando recedit . Tamen post Lactantium , ab eloquentia Latina multum laudis habet .

*Theodoretus* Antiochenus , episcopus Cyrensis , recondita eruditione , judicio limato , & Attica eloquentia nobilitatus , præclarum sibi nomen fecit in Oriente . Plurima reliquit scripta , quibus & Sacram scripturam exposuit , & hæreses alias refutavit , & alia multa conscripsit . Sed præsertim in Divinis litteris interpretandis enituit ejus industria : quas ad verbum multo pressius sequitur , quam ceteri patres Græci . Etiam in historia Ecclesiastica conscribenda palmam tulit . Tanta vero elegantia , tanta perspicuitas , is lepos in ejus scriptis apparet , ut Joannem Chrysostomum , quem sibi imitandum proposuit , omnino reddere videatur . Hæc laudant : plurima vero in eo reprehendunt doctores , quæ late persequitur *Garnerius Jesuita* , & *Richardus Simon* . Quod errores Theodori præceptoris defenderit : quod in *Cyrillum Alexandrinum* contumeliosius aliqua dixerit : quod plurima inutilia suis Quæstionibus admiscuerit : quod in *Chronologia* interdum labatur . Cetera præterire satius duco , quam doctissimum hominem tanta reprehensioni mole onerare .

*Cyrillus Alexandrinus* patriarcha , vitæ sanctitate mirabilis , ad certamina cum Hæreticis natus videbatur : nam & præstanti doctrina , & interiori Theologia ornatus erat , & in Dialectica arte bene exercitatus , & magno adver-

adversus eosdem zelo ardebat. Laudatur vehementer *Thesaurus de S. Trinitate* contra Arianos, & Eunomianos: item libri *contra Nestorium*, & *contra Julianum*, in quibus has duas pestes eruditissime confutavit.

*Vincentius Gallus*, monachus Lerinensis, Divinis litteris eruditus, Sæcularium vero haud ignarus, *Commonitorium* edidit adversus hæreses, non suo nomine, sed *Peregrini*, quo viam inunit ad Hæreticos quoque refutandos: nempe docuit esse consugiendum ad Traditionem ecclesiæ Catholicæ, seu certam normam controversiarum de Fide, viamque tutissimam Hæreticos profligandi. Qua de cauſa magno semper in pretio habitus fuit.

### S A E C U L U M . VI.

Hoc sæculo primus se offert *Anicius Manlius Torquatus Severinus Boethius* Romanus, de quo alio loco fuis commémoravimus, vir summo loco natus, & omni disciplinarum genere eruditus: nam & *Logicus* fuit, & *Mathematicus*, & *Theologus*, & *Orator*, & *Poeta*; Græce; ac Latine doctus. Multa lucubravit, in quibus & acre ingenium, quo valebat, & eximia eruditio elucet. Sed palmam ferunt *Libri V. de consolatione Philosophiae*, quos exul Ticini conscripsit: quibus nihil venustius vel illud, vel præcedens sæculum vidit. In soluta vero oratione satis imperitiam sui sæculi ostendit. Scripsit etiam contra *Eutychetem*, & *Nestorium*.

*Marcus Aurelius Cassiodorus* senator Romanus, vir fuit Divinis, & Sæcularibus litteris apprime doctus: &c, ut erant illa tempora, eloquens satis. Scripsit multa. Primum Exegetica in Scripturam, quæ præsertim ex Augustino decerpserat. Deinde Grammatica, & Historica. Sed præ ceteris laudantur libri *Institutionum Dizinarum*,

in

in quibus se in Sacra critica versatum esse demonstrat: tum etiam legisse ea, quæ Veteres episcopi ad theologiam Exegeticam pertinentia scripsérunt, & historiam antiquiorum Interpretum: ex quo multa utilia pro sæculi moribus sumi possunt. Ex dictione vero cum sexto sæculo scripsisse, aperte cognoscitur.. .

*Gregorius I.* pontissex Maximus, cognomine *Magnus*, hoc sæculo labente floruit: quod non minus sanctitate, quam doctrina, celebre fecit. Scripta ejus Exegetica satis nota sunt. In iis Litteralem sensum non persequitur, sed ad Moralem plerumque se consert, quod populorum institutioni magis accommodatus videretur: nam ad formandos, emendandosque mores hic Pontissex factus videbatur. Ex illius scriptis præstant libri *Dialogorum*: quos qui legent, multum se profecisse fatebuntur. Sunt quæ in summi viri scriptis docti aliqui Catholici non laudent: nimirum quod litteralem sensum neglexerit: quod in Commentariis nisbi interdum sit longus: quod illius oratio suauiter luculenter: quod ob simplicitatem & candorem facile fidem habuerit scriptis, quæ plura falsa contineant: cetera hujusmodi. Sed haec ætatis vitia sunt, non hominis: & cum illius virtutibus comparata, pænibil sunt.

## S A E C U L U M VII.

*Isidorus Junior*, Hispalensis archiepiscopus, mirifica sanctitate claruit hoc sæculo: ac, pro sæculi consuetudine, etiam doctrinæ. Varia scripta reliquit Grammatica, & Historica: etiam *commentarios* in libros historicos Veteris testamenti, ex Gregorio desumptos, pro sæculo, quibz scripsit, sane tolerabiles. Sed magis vitæ actionibus, quam lucubrationibus, & doctrina, Philosophus exstitit. Cetera, quæ in eo culpant viri docti, ex illius ævi more ac usu excusari possunt.

SÆ-

## S A E C U L U M V I I I .

*Beda Britannus*; ob morum integritatem appellatus *Venerabilis*, hoc sæculo clarus existit, & in omni disciplinarum genere versatus fuit. Nam & Græce, ac Latine sciebat, & Gentilium libros legerat, & plurima lectio, ac eruditione animum ornat. Scriptis satis multa in vario litterarum genere. Etiam commentaria in Scripturam ex PP., qui antecesserant, scriptis fere deponita, quæ tolerabilia sunt. Negare non possumus, *Bedam* fuisse virum doctum, &, si ad sæculum, quo vivit, referimus, plane doctissimum, ac admirandum: rari enim, aut nulli ea ætate tot virtutibus ornati erant. An vero tanta tamenque exquisita doctrina, quantam de coprædicant Angli, ceterique, valuerit, vehementer dubito. Saltim ex ejus scriptis id non constat. In Divinis scripturis explanandis, nullo delectu singula conjungebat, nihil de suo addebat, præter allegorias aliquot. Distio vero, ut ut dicunt aliqui, tam similis est Ciceronianæ, quam lapis homini.

*Joannes Damascenus* eruditione, & virtutis innocentia in ecclesia Orientali nobilitatus est. Bene de ecclesia Catholica meretur propter libros, quos contra Manichæos, Acephalos, Monothelitas, ceterosque exaravit, quibus & Christianorum, & Catholicorum partes strenue propugnavit: Non minimam laudem habent *Libri IIII. de Fide Orthodoxa*, in quibus Theologiae quadam corpus, & veluti sistema dedit: quod longo post tempore Lombardus, ceterique Scholastici imitati sunt. Occurrunt tamen in tanto viro nævi aliqui, quos nostri dum eum laudent notare non dubitant. Nam primum, ut aiunt, gravissimis argumentis de libero arbitrio, fide, iustificatione, ceteris, adjungit quædam abstrusa, metaphysica,

physica, & vix intelligibilia. Deinde vehementer delectatur discepcionibus abstractis, extraneis, & non necessariis: quod ex diurna Arabum consuetudine, & nuncio amore Aristotelis accepit. Tum Orationibus quibusdam suis fabulas aliquot. non meditatus adhibuit. Præterea utitur phraseologia insolita, & parum dilucida. Cetera omittit, quæ hujusmodi sunt, ut nihil danni ex iis faciat *Damaeenus*.

## S A E C U L U M V I I I .

Eorum, qui saeculo VIII. in ecclesia Occidentali floruerunt, Doctorum plerique omnes ita similes inter se sunt, ut qui unum pene cognitum habuerit, de ceteris vel me non mouente dijudicare possit, modo aliquam prædictorum librorum notitiam habeat. Nam cum ex disciplina saeculorum, quæ præcesserant, exiissent, in quibus nihil nisi Veterum episcoporum sententiaz ordine ponebantur; nihil aliud ipsi præstiterunt, quam quosdam quasi centones lucubrare. Excellunt tamen inter eos Rhabanus Magnus Maurus, Walafridus Strabo, Claudius Taurinensis, Haymo Alberstadiensis, Christianus Druthmarus, Notkerus Balbulus, ceteri, qui saeculi sui eruditio- nem sunt prætergressi, & in Scripturæ interpretatione aliquid non aspernandum ediderunt.

Horum Walafridus conditor est *Glossæ*, quam vocant ordinariam in Scripturam, quæ a non nullis præser- tūm Scholasticis magni fiebat. Sed viri acerrimi judicii monuere, nihil minus esse, quam *Glossam*, sed *Commen- tarium*: nam in explicandis verbis textus non semper o- ccupatur; sed interpretationes addit subtile & metaphy- sicas, quæ nihil ad rem faciunt. Ex hoc autem de ceteris iudicium sine negotio facietis: qui tametsi ingenio, & eruditione aliqua valuerint, eo saeculo tolerabiles sunt,

cultiori sæculo non item. Et hæc de Exegetica theologia.

In Polemica vero ut mirificæ contentiones existere  
hoc sæculo in utraque Ecclesia, ita scripta diversa nata  
sunt; quorum aliqua aliis maiori in pretio habita sunt.  
De Prædestinatione contra Gottescalchium, qui plurimas  
turbas excitavit in Occidente, scripsere Rhabanus Mau-  
rus, Hincmarus Rhemensis, ceteri. [1] Item in contro-  
versia de Eucharistia, quæ celebris etiam fuit, pro nostris  
stetit inter primos Paschasius Radbertus, Rhabanus Mau-  
rus, alii. In Oriente contentiones a Photio Pseudo-Pa-  
triarcha Constantinopolitano excitatae, tot turbas, tamque  
diuturnas commoverunt, ut tandem apertum schisma  
inter utramque Ecclesiam evaserint. Sed Photium totis  
voluminibus perfregerunt ex Græcis Joannes Vecus pa-  
triarcha Constantinopolitanus. Ex Occidentalibus, Ra-  
tramus, Aeneas Parisensis, alii. Verum cum de his in  
historia Theologiæ dixerimus, propositi memores præci-  
puos hoc loco indicare satis superque duximus.

### SÆCULUM X.

Sæculo X., ut cum Poeta loquar, apparent rari  
nantes in gurgite vasto: nam rari scriptores occurrunt,  
quorum mentio cum honore fieri possit. In tanta tamen  
caligine emicat S. Odo Abbas Cluniensis, qui Collatio-  
nes Morales in Job, & Comment. in LL. Regum posteris re-  
liquit. Moses Bar Cepha episcopus Syrus, in Orat. de Ope-  
re sex dierum, ceter. Ratherius Veronensis, qui lib. edi-  
dit contra Antropomorphitas, item de Euchar. & Præ-  
desti-

---

[1] Consule Gilb. Mauguinum in Veterum Auctorum  
qui o. sæculo de prædestinatione & gratia scripsero,  
operib. & fragmentis.

destinatione, aliqui pauci. Hæc satis sint ut intelligatis, Adolescentes, qui singulis his sæculis inter ceteros do & trinæ gloria præstiterunt. Qui plura cognoscere avet, habet in promtu conditores historiæ Litterariæ. [t] Nos ad alia, quod tempus urget, orationem convertimus.

## CAPUT IIII.

*De Celebrioribus Scholasticis.*

**S**cholastici vel sunt antiquiores, vel recentiores: illi a sæculo XII. usque ad XV. floruerunt: hi sæculo XVI. & XVII. Antiquorum supervacaneum est nomina proferre: satis fuerit in memoriam revocare, quæ de Scholasticis philosophis diximus alio loco: [2] nam ii omnes Theologica laude nobilitati sunt. Ex Dominicanis inter ceteros prædicantur, *Albertus Magnus*, *Thomas Aquinas*, *Durandus* uterque, *Capreolus*. Ex Franciscanis *Halesius*, *Bonaventura*, *Scotus*, *Aureolus*, *Occamus*, ceteri. Ex Augustinianis, *Aegidius*, *Gregorius Ariminensis*, *Thomas de Argentina*, *Gerardus Senensis*, *Alfon-sus Vargas*, & alii plurimi. Quæ tres familie cohortem omnem rigidiorum Scholasticorum fere complectuntur.

Est igitur hoc loco de novissimis Scholasticis tantum disputatio, qui his duobus sæculis, qui proxime præcesserunt, Scholasticæ theologiae laude clari habitи sunt. Scholastici autem, qui hac III. ætate aliquid scriptis consignarunt, plerique omnes sunt Religiosi, qui huic philosophandi rationi vehementer se dederunt. Præter ceteros memorantur Jesuitæ, ex quorum familia innu-

K k 2 ineri

[1] *Ut Bellarminus*, *Caveus*, *Wartbonus*, *Colombe-sius*, *Labbæus*, *Oudinus*, ceteri.

[2] *Parte I. L. I. c. 12.*

meri profecti sunt Scholastici gravissimi, qui magno in pretio ea ætate fuere. Inlustriores sunt, Adamus Tannerus, Martinus Becanus, Franciscus Suarezius Granatensis, Gabriel Vasquesius, Rodericus de Arriaga, Gregorius de Valentia, Franciscus Amicus, Leonardus Lefebvris, Cardinalis uterque Toletus, & de Lugo, Jacobus Granado, Joannes de Ledesma, Luisus Turrianus, Gaspar Hurtadus, Didacus de Avendano, Aegidius Coninx, Sebastianus Izquierdo, Ludovicus Molina, Didacus Ruys, alii: quibus addi possunt ceteri minorum gentium, ut Comptonus, Rhedesius, Sandius, Gormas, Maurus, & alii sine ullo fine. [1]

Proximi sunt Dominicani, qui Scholasticos etiam magni nominis pepererunt. Celebrantur inter alios, Cajetanus cardinalis, Fr. Ferrariensis, Victoria, Dominicus Soto, Bannezius, Javellus, Bartholomaeus Medina, Alvarus, Joannes a S. Thoma, Joannes Baptista Gonetus, Godoy, ceteri. Ex Augustinianis autem nomen aliquod consecuti sunt, Augustinus Gibbon de Eурго, Fridericus Gavardi. Ex Franciscanis, Joannes Lalementet, Frassen, Du-Pasquier, Mastrius, Lichetus; Fevardentius senior, J. Maior. Ex Carmelitanis excellerit Philippus a SS. Trinitate, qui edidit præter alia Disputa-

---

[1] Cum fere omnes, qui vicino saeculo scripserunt, Scholastici ex Hispania profecti sint, in qua hæc obtinet adhuc & Philosophia, & Theologia; qui eorum nomina & scripta noscere cupit, legat Nicolaum Antonium in Bibliotheca Hispanica Nova, & Alegambe, & Sotwellum in Bibliotheca Societatis Jesu. Item Jacobum Questif, & Jacobum Eckard in Scriptoribus Ordinis Prædicatorum: & Lucam Wadingum in Scriptoribus Ordinis Minorum. In his libris præcipui Scholasticorum recentiorum nominantur, eorumque scripta percensentur.

*sputationes in Thomam*. Item *Cursus Theologicus Salmanticensis*, qui X. tomis continetur. Ex *Sæculari autem clero Jacobus Almain*, *Guilelmus Estius*, *Nicolaus Ysambertus*; & aliis, quos nominare non vacat.

Reliquis Scholasticis percensendis supersedemus: neque enim perfectam corum historiam conscribere nobis proposuimus, sed fontes indicare tantum. De iis vero iudicium facere, hac ætate præserium, supervacaneum. etiam puto: nam & ex iis, quæ plurimis in locis diximus, id plane constat: & pressæ adeo singuli coryphæorum suorum vestigiis insistunt, sententiasque defendunt; ut ex eis cujusque sectæ auctore & veluti signifero de reliquis judicare possimus: omnes enim idem dicunt, sed alii alio modo.

Illud tamen vos monitos volumus, non nullos eorum, quos nominavimus, etiam in Dogmaticæ, atque adeo Polemicæ theologiae spatiis versatos fuisse, & aliquid etiam contra Hæreticos lucubrasse: in quo tamen longe diverso modo, ac in Scholastica fecerant, disputerunt.

## C A P U T V.

### *De celebrioribus Dogmaticis & Polémicis.*

**Q**UAMQUAM tot homines eruditissimi, & Philosophi gravissimi ab hinc duobus sæculis, seu a turbata per Recentiores hæreticos ecclesia Dei, adversum eos scripserint, & caussam ecclesiæ Catholicæ omni animi contentione defenderint; tamen non omnes eadem auctoritate censemur; sed alii aliis accuratius, & meliori ordine ac iudicio scripserunt. Nobis tamen haec fuse persequi, ac singulatim demonstrare, non est consilium. Satis fuerit unum & alterum adducere eorum, qui vel

Theologizæ recte tradendæ viam straverunt , vel ejus partem insignem pro dignitate tractarunt : ut cognoscatis ; Adolescentes , quos autores consulere debeatis , ut in Sacra doctrina expoundenda , defendendaque non pœnitendum progressum faciatis .

Quod antequam vobis expono , illud sciatis velim , Theologos fere omnes , qui XVI. sæculo ad Dogmaticam disciplinam animum contulerunt , eo consilio fecisse , ut Hæreticis , qui Orthodoxam doctrinam lacerabant multilabantque , occurrerent : eosque argumentis conficerent , labefactarentque : adèoque Dogmaticos eosdem & Polemicos extitisse . Non nisi labente superiori sæculo de Dogmatica nude tradenda cogitatum fuit . Quamquam si plane res est dicenda , ii , qui Dogmaticos libros conscribere videntur , etiam Hæreticorum argumenta ordine adserunt , eaque infirmant , quod Polemicorum est : idque hoc sæculo plerumque obtinet . His adnotatis , de singulis , idque ordine , dicendum est .

Eorum qui sæculo XVI. in Theologia nobiles habiti sunt , eminèt Melchior Canus Dominicanus , de quo jam sæpe mentionem fecimus , qui editis Libris XII. *de Locis Theologicis* , ex quibus argumenta Theologi sumere possint , & ad resellendos Hæreticos , & Sacra dogma ta confirmanda , magnam fibifamam comparavit . Hos Cl. Serryus Dominicanus & ipse iterum formis descriptis , & præfatione instar prologi galeati ornavit : [i] quo Canum a vituperationibus suorum adversariorum defendit . Nimurum Canus , qui in primis nævos æqualium suorum notavit , in varias reprehensiones incidit , a quibus eum liberarunt Theologi gravissimi . Plurimis tamen placuit illa philosophandi ratio Cani , etiam Jesuitis

non

non nullis, a quibus vehementer laudatur. [1] Certe judicio, eruditione, elegātia nemini sūi temporis concedit: usque adeo ut etiam in præsentia qui de locis Theologicis aliquid explicant, canum reddere toto animo contendant.

Alter est Joānnes Maldonatus Jesuita, qui non modo Parisiis orationem habuit eloquentissimam de ratione theologie Scholasticæ rette tradendæ, qua plurimum oculos adaperinit; sed etiam aliquos ipse libros conscripsit, in quibus rem Theologicam acrijudicio explicavit & hærefes, quæ tunc regnabant, confutavit. [2] Multum eruditione, & judicio valebat Maldonatus, & veram viam tradendi Sacram scientiam ingressus est: qua de causa plurimum se probavit etiam posterioribus.

Etiam Antonius Possevinus Jesuita prætermittendus non est: nam etsi dedita opera de eadem materia, ut alii fecerant, non est locutus; tamen in suo Apparatu Sacro utilia plurima docuit, quibus ratio tradendi Theologiam emendari posset. Et quamquam interdum simulet se præjudicatas quasdam sui sæculi sententias probare; tamen ex principiis, quæ plurimis in locis disputat, satis declarat, quid ipse sentiat. Laudat enim plurimum eos, qui contrariam viam sequuntur, ut Maldonatum: deinde quædam adjungit utilissima documenta, quæ satis sint ut non sine aliqua laude nominetur.

Ludovicus de Carvajal Hispanus ex Franciscano-

K k 4

rum

[1] Possevinus Appar. Sac. Tom. II. pag. 101. Franciscus Garcia in Prolegom. Evangelici Concionatoris, de Ecclesiæ Canariensis Præsulibus. Pallavicinus cardinalis in Vindiciis Societatis Jesu c. 28. Benedictus Perenius Commentar. in Daniel. L. XII. c. 7.

[2] Consule Possevinum Biblioth. Select. L. III. c. 2. p. 131.

APPARATUS AD PHIL. ET THEOL.  
rum sodalitio, iisdem temporibus edidit Theologicarum  
sententiarum librum singularem, sive restitutæ Theologie,  
& a Sophistica, & barbarie pro virili repurgatae, speci-  
men de Deo. [1] Vedit quidem vir acutus & eruditus  
veram viam docendæ Theologie, eaque cum fructu ad-  
versum Hæreticos utendi: idque docuit beneficio alio-  
rum: quo cerie plurimum laudis habuit. [2] Et de pri-  
mis illis hæc tenus.

Venio nunc ad eos, qui dogma aliquod contra No-  
vatores strenue propugnarunt: de quibus quam brevissi-  
me potero dicam. Inter hos præcipuam laudem habet  
*Bellarminus* cardinalis, Jesuita, qui copioso illo opere  
*Controversiarum*, de verbo Dei, de S. Pontifice, de Con-  
ciliis egregie disputavit, atque Hæreticos insigniores sui  
temporis pro merito resutavit. Nimurum copiosa, & sele-  
cta eruditione pollebat *Bellarminus*: cui cum accesserit &  
peritia linguarum, & adsidua exercitatio disputandi de  
rebus Fidei, & labor indefessus in volvendis libris Hære-  
ticorum; omnino aptus erat, qui scripta ex omni parte  
polita relinquere. Laudatur etiam in eo modestia in refu-  
tandis adversariis, digna tali viro. Quædam in eo deside-  
rantur, quæ tempori potius, quam homini, tribuenda viden-  
tur: non enim per id tempus disputandi ratio cum Hæ-  
reticis,

[1] *Nicolaus Antonius Biblioth. Hispan. Nova.*

[2] *Præter Theologos*, quos adduximus, alii XVI.  
sæculo Scriptores occurrunt, qui de reformanda theologia  
*Scholastica* cogitorunt. In his censi debet *Laurentius a  
Villavicentio Hispanus* ex sodalitio Augustiniano, qui li-  
brum edidit de Formando Theologie studio, ubi Schol-  
asticorum disputandi viam reprobendit. Item *Christophorus  
a Capite Fontium Anglus*, Minister Generalis Franci-  
scanæ familie, qui anno 1586. Parisis librum emisit de  
Theologia Scholastica corrigenda, aliique.

reticis, dogmataque illustrandi eo in lumine & splendore posita erat, quo nunc est: neque qui tot tamque difficultia in unum codicem conjecerat, omnia recte atque ordine explanare poterat. [1] Quare non est cur *Bellarminum* hoc nomine accusemus. Id certe *Bellarmino* laudi verti debet, quod primus inter nostros de omnibus controversiis cum Hæreticis dedita opera sermonem fecit. Quæ caussa fuit cur Novatores plurimi, qui aliquod dogma sibi refutandum proposuerant, facere non potuerint, quin in *Bellarminum* oculos illico converterint, quem pròpterea scriptis multis adgressi sunt.

*Bellarmino* adjungimus Jesuitas aliquos: ac primum *Jacobum Gretserum* fidum parastatam, qui *Bellarmini* libros contra Hæreticos defendit. Deinde *Valentiam*, *Becanum*, *Canisium*, *Costerum*, qui ea ætate cum Hæreticis bellum haud infeliciter gesserunt.

Iisdem temporibus cum honore memorantur, *Joannes Ekius*, *Petrus Soto Dominicanus*, *Thomas Stapletonus*, *Jacobus David Perronius cardinalis*, *Joannes Faber Dominicanus* episcopus Vienensis, *Joannes Cocblæus*, *Thommas*,

[1] *Franciscus Veronius* Jesuita in Methodo Controversiarum, & presertim in Regula Generali fidei Catholicæ ait, in Controversiis *Bellarmini*, & hujus generis magnis voluminibus inutilia fere contineri, & quæ parum ad rem faciant. Consule *Richard. Simonium Lettres Choisies* Lett. 30. pag. 212. seq. Alii autem Catholicæ cum accusant, quod argumenta nullius ponderis interdum adferat: quod sublestæ fidei sit in citandis auctorum locis: cetera, quæ videoas apud *Launoium* in Epistolis. Vide *Theopb. Raynaudum* Erotem. de bonis, & malis libris. Parte I. erot. 15. & *Danielem Bartolum* in Vita *Bellarmini*, qui *Cardinalem* prædictum omni animi contentione defendit.

*mas Waldensis, Jodocus Coccius, Ruardus Tapperus, Albertus Pighius, Hossius cardinalis, Jacobus Latomus, Jodocus Clitorius, Jacobus Paire de Andrade, Andreas Vega, Alfonsus a Castro, Claudius Espenius, Guilelmus Lindanus, Stephanus Gardinerus, ut alios omittam, qui celebritatem aliquam scriptis suis consecuti sunt.*

Sed ad saeculum XVII. veniamus, in quo ut maior horum scriptorum copia occurrit, ita maior nobis adhibenda est cura, ut non nisi eos adducamus, qui in aliquo numero fuerunt, ne infinite excurrat oratio. In his *Franciscus Veronius, Petrus Cottonius, Joannes Gonterius, Laurentius Forerius, Jacobus Kellerius, Jesuitæ locum sibi faciunt propter controversias cum Hæreticis, quæ sunt in manibus: quarum aliquæ Germanica lingua conscriptæ fuere.*

Clariorem tamen cum diligentia, tuum eruditiois famam adepti sunt *Adrianus, & Teutsch de Walemburch, Episcopus uterque, alter Adrianopolitanus, alter Mysiensis: qui plurima contra Protestantes ediderunt, quæ conjunctim edita sunt Coloniae anno 1610-1611. & seq. in duobus volum. in folio, ut aiunt. Certe inter eos, qui scriptis Ecclesiæ caussam fortiter egerunt, Walemburghios numerari debere, dubium non est. Protestantes aliquos adversantes sibi isti duo Episcopi experti sunt, eosque refutarunt.*

Sed ecce vir & præstanti ingenio, & flagrantí studio, & solidæ Theologiæ bene peritus, *Jacobus Benignus Bossuetus episcopus Meldensis Gallus, cuius nomen non solum apud nostros, sed etiam apud Hæreticos celebre est. Plurima scripsit Bossuetus in vario Theologiæ genere: sed præsertim enituit ejus zelus contra Protestantes, Juricum, Claudium, Ferrium, ceteros. Celebratur præ ceteris ejus *Expositio doctrine Catholicae, ea præsertim quæ curis posterioribus edita est. Item Collatio cum Claudio ministro Charentonio de Ecclesi-**

ſia &c. Item Tractatus de communione ſub duabus ſpeciebus, ubi Lutherum, & Galixtum, & Jurieum conſutat. Sed præcipuum Bossueti opus eſt *Historia de varia-  
zione Protestantium Eccleſiarum*, in qua illud efficere pro-  
poſuit, Protestantes in religionis doſtrina mutabiles eſſe,  
nec ſibi conſtarē. Huic libro Jacobus Baſnagiſ ex Pſeu-  
do-Reformatis oppoſuit aliqua ſcripta, & præſertim *Hi-  
ſtoriam Eccleſiaſticanam a Christo nato uſque ad hanc etatem*.  
Quibus ſcriptis Bossuetus egregie reſpondit. Nec id ſolum,  
fed etiam de Hiſtoria ſua pugnandum noſtro ſuit cum Pe-  
tro Jurieu. Varia de Bossueti doſtorum hominum judi-  
cia fuere, quæ percenſere non vacat. Illud pro certo  
dicere poſſumus, inter polemicos Catholicos pares pau-  
cos vicino ſeculo eum habuiſſe, neminem ſuperiorem.

Post hunc nominandus eſt Antonius Arnaldus do-  
ctor Parifiensis: de quo tamen homine multa in utram-  
que partem dici poſſunt: nam & pro Jansenismo deſen-  
dendo plurima ſcripſit, in quo notari jure meretur: &  
pro eccleſia Catholica contrā Novatores eruditissime di-  
ſputavit, quo ipſo magnam ſibi famam peperit. [1] Nos  
vero Janseniuſum iu homine deteſtamur: atque de iis  
tantum dicemus libris, quos Fidei gratia, & pro Eccle-  
ſiae deſenfione conſcripſit. In hiſ primū locum damus  
eruditissimo operi de Perpetua fide eccleſiae Catholice  
quoad Euchariftiam &c. quo libro & Joannem Clau-  
diu, & alios proſtagavit. De hoc libro duplex memo-  
ria prodiuit: alteri integrum Arnaldo tribuunt: alteri  
partim Arnaldo, partim Petro Nicolio adſcribendum  
eſſe dixerunt. Certe opus eruditum eſt, accuratissime;  
& acerrimo iudicio conſcriptum. Alter Arnaldi liber  
eſt *Apologia pro Catholiciſ contra Jurieum*, belle, ac  
ſoli-

[1] Vide Dupinium Nova Biblioth. Script. Eccleſ.  
Tom. XVIII. p. 110.

solide scripta . Cetera illius scripta Philosophica, & Theologica satis nota sunt , nec ad institutum nostrum pertinet de iis disputare .

Addi his potest ipse Petrus Nicolius , vir certe eruditus , & acerrimi ingenii , propter librum inscriptum , *Præjudicia de unitate Ecclesie, & de Reformati schismatis convictis* , in quibus Protestantes strenue confutat . Hic auctor , qui in eadem Arnaldi causa fuisse puto , paullo diversa fata expertus est , nec adolescentium ingenii accommodatus videtur : certe non nisi cante legendus est .

Præter eos , quos hucusque memoravimus , alii sive eodem sæculo , qui in eodem argumento versati sunt , & aliquid elencticum ediderunt . [1] Quos tamen nominare omnes , plena molestiæ res esset , & hoc tempore non necessaria . Nec desuere etiam , qui veluti in scholarum otio dogmata Ecclesiæ ordine exponerent , & ex Scriptura , ac Traditione confirmarent Juventutis comoditati : veluti *Dionysius Petavius Jesuita* , *Natalis Alexander Dominicanus* , *Franciscus Feu* , *Ludovicus Thomassinus* , & alii quidam . Qui omnes quanto honore excepti sint ab æqualibus , & superibns , eorumdem scripta declarant , quæ omnium manibus teruntur . Id sine ulla hæsitatione dicere possumus , etiam si perfectum Theologiæ corpus in iis non habeatur ; tum etiam alii

aliis

---

[1] Veluti *Gilbertus de Choiseul* , *Leo Allatius* , *Paullus Pelissonius* , *Franciscus D'Avemport* , *Anselmus Parisiensis* , *Eleonorus Langevin* ; *Joannes Morinus* , dicit etiam alii : quibus ex nostro sæculo adjungi debet *Ludovicus Antonius Muratorius* , *Jacobus Boileau* , *Cordemoi* , *D'Antecourt* , *Liberius a Jesu* , *Michael le Vassor* , *Vitus Pichler Jesuita* , qui edidit *Cursum Theologiæ Pœlimicæ universæ* , nec non alii , qui ex Bibliothecis Ecclesiasticis baberi possunt .

aliis meliori ordine, & acriori judicio conscribant; magnum tamen eos adferre adjumentum Theologæ studiosæ, qui in iis libris collecta invenient, quæ non nisi magno cum labore & temporis dispendio sparsa requirerent, & invenirent.

His adjungi debent alii, qui vel eodem, vel præsenti sæculo Positivam cum Scholastica conjungere institerunt, non id quidem confuse, & contentiose, sed clare, sobrie, & cum delectu. Hujusmodi fuere, Joannes Baptista Du Hamel, in Theologia sua & ejus epitoma, Claudius Frassenius, Affermetus, Boucatus, Tournelgus, Witassius, Gottius, Habertius, Jueninus, Argentyæus, Claudius Le Petit, & alii nostris temporibus. Sed cum de iis jam supra aliquid dixerimus, non est cur de eadem materia susius dispñtemus. Tantum nomina attingenda suere.

## C A P U T VI.

*De celebrioribus Hæreticis.*

**D**E celebrioribus Hæreticis qñædam hoc loco adneoste-re non alienum putavi. Juvat enim scire, qui illi sunt, qui apud Novatorum gregem sana præ ceteris prædicantur, ut iis penitus labefactatis, ceterorum, qui ex illis bauserunt, dogmata nullo negotio infirmari possint. Quare de non nullis breviter in præsentia dicemus, quo facilius vos tempore opportuno in iis profili-gandis operam & intelligentiam ponatis.

Tres Hæreticorum theologorum ætates constitui-solent, in quibus singulis ipsi alia & alia ratione philo-so-phandi usi sunt. Prima ab anno 1519, quo Lutherus delirare cœpit, usque ad colloquium Ratisbonense, quod initio sæculi XVII. habitum fuit, decurrit. Altera ab eo tempore usque ad institutionem academiarum

Re-

Regiarum circiter annum cīcīclx. Tertia ab conditis  
Academiis usque ad præsens tempus.

In prima ætate vocabulis Metaphysicis seu Scholasticis abstinuerunt Hæretici in tradenda Theologia : sed omnibus in dogmatibus labor consumebatur. [1] At cum in colloquio Ratisbonensi tres illi Jesuitæ , Adamus Tannerus , Jacobus Gretserus , Balthasar Hagerus , vocabulis abstractis & Scholasticis in disputationibus uterentur , & quædam ad refutandos adversarios ex Metaphysica scholæ depromerent ; etiam studio Metaphysicæ se dederunt Hæretici , & eodem modo disputare cooperunt ac scholastici Catholici , idque per totam fere secundam ætatem . Tertia ætate novam philosophandi rationem amplexati sunt : atque abjecta Scholastica disputandi methodo , & inanibus disceptationibus , ad stilum fusiorem , & Metaphysicarum notionum expertem , in tractandis dogmatibus reversi sunt ; imitantes nostros , qui eadem disputandi methodo atque via in scriptis suis uti coeperrunt .

I. Prima ætate prædicatur ab iis , præter Lutherum ipsum , Philippus Melanchthon , qui fuit conditor Lutheranorum mitiorum . Hic edidit *Locos Theologicos* , a Chemnitio inlustratos , & *Examen Concilii Tridentini* , aliaque . Deinde Martinus Chemnitius , qui Philippi Locos amplificavit , in Academiis exposuit , aliaque vulgavit .. Deinde Leonardus Hutterus , qui Locos etiam conscripsit Lutheranis vehementer probatos hoc nomine , quod non solum contra Catholicos , sed etiam contra Calvinianos scripti sint . Quos propterea & publice legerunt , & commentariis inlustrarunt . Item edidit *Locos Theologicos*

---

[1] Conf. Ger. Frid. Stieberus Histor. Theolog. Dogmat. Lutheri , & Melanchthonis opera restituta . Grußoviae 1712. 8.

*Theologicos*, quibus Melanchthonem emendavit. Postremo *Matthæus Hafenrefferus*, cuius *Loci Theologici* tantam celebritatem adepti sunt, ut etiam in Svecia, & Dania publice expositi sint. Scripsit ipse initio sæculo XVII.

Ex Pseudo-Reformati seu Calvinianis magno apud eos in honore est *Huldericus ZWinglius*, qui edidit *Brevem Christianam in Evangelicam doctrinam iſagogen*: præterea *Commentar. de vera & falsa Religione*. Deinde *Ioannes Calvinus*, qui plurima lucubravit, quæ inter multum laudatur a suis ad seclis liber de *Institutione Christianæ Religionis*. [1] Tum *Theodorus Beza*, & *Andreas Hyperius*, qui ab iis doctissimi prædicantur, & multa scripta reliquerunt. His addi possunt *Wolfgangus Musculus*, & *Petrus Martyr*: quibus non nulli addunt *Vidatorium Strigelium*, tametsi a Melanchthonne stet. Plurimum etiam laudatur *Daniel Chamierus*, qui ineunte superiori sæculo floruit, ob *Panstratiam Catholicam* [2] opus eruditum: & *David Paræus* ejus æqualis, ceterique.

II. In altera ætate, quam Scholasticam vocant, e Lutheranis cum summa laude ab iis nominatur *Joannes Gerhardus*, qui in suis *Loci Theologicis* in primis Scholastica philosophandi ratione usus est: & auctor fuit ceteris, ut eadem sedulo imbuerentur. Hujus libri epitomæ aliquæ factæ sunt, & iis alio & alio modo usi sunt Lutheiani, quod eum multa doctrina reservum, ordine, ac iudicio conscriptum dicant: [3] &, si eos audimus, Lutheranorum omnium, qui de hoc arguento scripserunt, famam superavit, obscuravitque gloriam. Deinde

[1] Editus fuit Basileæ 1535. 8.

[2] Prodiit post auctoris obitum anno 1626. fol. vol. 4. opera Turretinii.

[3] Consule *Dupinium Biblioth. Protestant.* Tom. II. p. I. pag. 74:

de Gaspar Brochmanus *Universæ Theologie systemate celebris*, [1] quem alii compendifecerunt. Tum Georgius *Calixtus*, quem Lutherani recentiores hoc nomine reprehendunt, quod ninius fuerit Scholasticus, & Logica, ac Metaphysica impensis fuerit usus. [2] Verum reconditam eruditionem laudent, & admirantur. Præterea Conradus Horneius, & Abrahamus Calovius insignis copioso illo opere, quod inscribitur, *Systema Locorum Theologicorum*. [3] Hic etsi esset Scholasticus, tamen moderate de Scholastica judicabat. [4] Multo plus theologiae Scholastice deditus fuit Fridericus Koenigius in *Theologia Positiva Aeroamatica*: [5] quem plurimi Protestantes exprimere conati sunt. Etiam Joannes Guilelmus Baierus, & Joannes Musæus percelubres Scholastici habiti sunt, & multorum studium ac industriam acuerunt. Quibus alii addi possent, qui vergente proximo sæculo ex eadem disciplina disputatione.

Ex Pseudo-Reformatiis hac secunda ætate primum locum

[1] Editum Haffniæ 1633. 2 volum. 4.

[2] Consule J. F. Buddeum *Isagog. Histor. Theolog.* Part. II. cap. I. p. m. 395.

[3] Constat. XII. tomis 4. editum Wittebergæ 1655. usque ad 1677.

[4], „ Sed nec inutile censemus moderatum Scholastico-  
rum theologorum studium: & in primis accuratori  
„ Theologo multum conferre judicamus ad confutandas  
„ ipsasmet Papistiarum hypotheses, cum mutuis se confi-  
„ ciant contradictionibus. Syst. Theolog. Tom. I. pro-  
leg. quæst. 15. p. 76.

[5], „ Celebritatem itaque quod olim hocce compen-  
„ dium nactum sit, non aliunde factum, quam quod eo  
„ tempore theologia Scholastica in ecclesia nostra hinc inde  
„ regnaret. Buddeus loc. cit. p. 399.

locum obtinet *Joannes Macovius*, qui primus esse videtur, qui Scholasticam disputandi viam in Belgii academias introduxit. Præsertim autem *Gisbertus Voetius* est memorandus, qui nomen sibi fecit *Selectis Disputationibus Theologicis*, in quibus & suis, & Lutheranis videtur, Scholasticorum morem præter ceteros amplexari. Ceteros nominare non vacat, qui alio & alio modo eamdem viam fecuti sunt.

III. Jam tertia ætas aliam tradendi Theologiam rationem vedit. Nam post Cartesium in Physicis, & Logicis; & post Pufendorfum in Ethicis, mutata fuit non modo Philosophica, sed etiam Theologica methodus: nam qui ab eo tempore vel systemata, vel compendia aliqua ediderunt Theologizæ, ab vocibus & notionibus Metaphysicis temperarunt. In hunc censum cum aliqua fama reseruntur, *Joachimus Justus Breithaupt* ob *Theologicas Institutiones*, in quibus verbis & formulis ex Scriptura de promtis uritur præsertim. Item *Joannes Guilelmus Zieroldus*, *Joannes Wolfgangus Iaegerus*, *Christophorus Matthæus Pfaffius*, qui hoc nostro sæculo systemata ediderunt suis multum probata. Certe *Pfaffius*, tametsi secum constituerit ab Scholasticis vocibus abstinere, tamen plane fatetur, id se interdum efficere non posuisse, idque ut ab aliis intelligi posset. [1]

Eodem tempore, atque eadem de causa Pseudo-Reformati veterem disputandi rationem in Theologiam importarunt. Facem præculit *Joannes Cocceius*, qui Theologiam sibi proposuit in Belgio perpolire ac emendare. Nam cum per id tempus Cartesiana philosophia in Belgio caput extolleret, existit ut, qui *Coccei* par-

L I tes

[1] In Prologo Galeato *Institution. Theolog. Dogmat. & Moralis*, editarum anno. 1720.

tes sequebantur, sensim ad eas Cartesianam rationem adjunxerint; vel quod ea Scholasticæ theologiae esset opposita, vel alia de causa. Id scimus, ab eo tempore plurimos, qui nec a Cartesio, nec a Gassendo stabant, Scholasticam docendi viam penitus rejecisse, & alia ratione adornasse systemata sua.

Hinc Franciscus Burmannus nova ratione lucubravit *Theologie Synopsin*. [1] Hinc etiam Joannes Van Der Wayen, & Joannes Marckius, & Petrus Van Mastrich, & Nicolaus Gurtherus profecti sunt, qui eodem modo sunt philosophati, nec cum minima apud suos laude. Maiori tamen cum plausu exceptus est liber Salomonis Van Til hoc tit. *Theologiae utrinque compendium cum Naturalis, tum Revelatio, una cum Appendice de origine controversiarum nostri temporis*; [2] quod alteram ab altera accurate separaverit. Quod imitatus est *Vanden Honert*. Et hinc fere omnes Belgæ. Etiam ex Helvetiis Joannes Enricus Heideggerus iisdeum vestigiis instituit utroque opere de *Medula Theologie Christianæ, & de Corpore Theologie Christianæ*: quod ipsis fatentibus Lutheranis, & eruditum admodum est, & palmam ceteris præripuit. Huic proximus est *Benedictus Pictetus*, qui in *Theologia Christiana*, præsertim secundo edita, breviter ille quidem, sed accurate, ut ipsis dicunt, non solum dogmata, sed historiam expponit. Sane vel ipsis Lutheranis adeo placuit, ut eum non modo laudarint, sed etiam in Germanicam linguam converterint. Sed de his satis superque. [3]

Ex

[1] Edita Trajeti ad Rhenum 1671. 2. volum. 4.

[2] Lngdun. Batav. 1704. 4.

[3] Qui plura cupit de Pseudo-Reformatis legat Trafifum in *Introduction. ad histor. Litterar. Theolog. notis amplissimis illustrata*. L.II. §.8. pag. 258. seqq.

Ex Arminianis seu Remonstrantibus [quædam est propago Pseudo-Réformatorum, seu Calvinianorum] non ultimum locum habent Simonis Episcopii , & etiam Curcellæi *Institutiones* : etiamsi uterque morte impeditus opus suum non absolvit. Sed præ ceteris Philippus a Limborch a doctrina , & moderatione in *Theologia Christiana* prædicatur . [1] Inter Socinianos Faustus Socinus , & ejus sectatores , Ostorodus , Volkelius , Crellius , ceteri in aliquo numero fuere , & celebritatem nominis consecuti sunt . [2]

Et hi sunt celebriores Hæretici , qui aliquid Theologicum singulis æstatibus ediderunt , ut suas sententias confirmarent . Abstinui ab enumerandis iis , qui scriptis Polemicis contra nostros nomen aliquod sibi fecerunt , idque dupli de causa : quarum erat altera , quia infinita esset oratio , si omnes Polemicos ad calculum revocare vellem , sunt enim fere innumeri : altera , quia eorum , quos numeravimus , primores , & , ut ita dicam , signiferi , non modo de Dogmatica theologia , sed etiam de Polemica libros fatis multos lucubrарunt , edideruntque . Quos qui consecuti sunt nihil aliud fecerunt , quam priorum placira exponere & amplificare . Omnes enim vel ad Lutheranos , vel Calvinianos , vel Socinianos , vel Anabaptistas , vel aliam classem referuntur . Verum ne vos alicuius utilioris notitiæ expertes dimittamus , præcipuum nomina indicabimus .

Veterum Lutheranorum , qui contra nostros vulgarunt libros Polemicos , nota sunt nomina Joannis Brenpii , Martiae Flacii , Joannis Wigandi , Andreæ Oslandri ,

[1] Amstelædami 1686. & antīor. 1715.

[2] Confer. Christophorus Sandius Biblioth. Anti-Trinitariorum pag. 91. & 96.

Martini Buceri, Urb. Rbegii, ceterorumque, quibus immorari non licet. Recentiorum vero prædicantur, Aegidius Hunnius, Joannes Hulsemannus, Abrahamus Calovius, Joannes Georgius Dorschæus, Henricus Hoepfnerus, Baltasar Meisnerus, Joannes Musæus, Georgius Calixtus, Joannes Adamus Scherzerus, Valentinus Alberti, Pfeifferus, Daniel Scultetus, ut alios omittam, qui singulis annis aliquid novum lucubrare solent.

Ex Pseudo-Reformatis recentioribus [veteres, ut Calvinus, Beza, Oecolampadius, P. Martyr, Bullingerus, aliique satis superque cogniti sunt] sunt apud eos in prelio Guilelmus Ubitakerus, Franciscus Gomarus, Petrus Molinæus, Ludovicus Crocius, Guilelmus Amesius, Fredericus Spanhemius, Jacobus Basnagius, Petrus Jurieu, Andreas Rivetus, Samuel Maresius, Joannes Cocceius, Joannes Claudius, Moses Amyraldus, Jacobus Lenfant, Beausobrius, Blondellus, Turcerinius senior, Dallæus, Heideggerus, aliique non pauci. Quibus addi possunt ex Anglis, Joannes Rainoldus, Joannes T rideaux, Wisthonus, Burnetus, ut alios præteream.

Hi sunt, qui vulgo laudantur. Quot autem sint, qui apud eos maiori in veneratione habeantur, & contra nostros strenue suos errores propugnare judicentur; id non nisi ex ipsis Hæreticorum libris, aut eorum saltim, qui de hoc argumento fusius accuratiusque pertractarunt, [1] cognosci potest. Quod quia vobis, Adolescentes, non est concessum, iis, quæ hucusque disputavimus, contenti esse debetis. Cum vero tate, ac doctrina progressi eritis, plurimam notitiam ex Dupinii Biblioteca Protstantium haurire poteritis, quo eos in prom-

---

[1] Ut Pfaffus, Fabricius, Buddens, aliique Hæretici locis citatis.

promptu habeatis , si aliquorum systemata confutare in animo proposueritis . Non enim nisi legendis libris , qui errores ipsos defendunt , quale eorum sit sistema , plane intelligi potest . Sed haec valenti otum sunt laterum : & non , nisi si per Ecclesiam liceat , praestari possunt . Reliqua , quae continenter prodeunt , scripta Hæreticorum ex Ephemeride , quae singulis fere in urbibus politioribus conditur , facile comparari possunt . Et de Hæreticis , eorumque classibns satis pro tironum intellectu dictum puto .

Hactenus , Adolescentes , quae magis necessaria videbantur ut vos ad Philosophiaæ , ac Theologiae adyta manuduceremus , dilucide ac distribute conscripsimus . Reliquum est , ut vestræ satietati consulamus , & tandem aliquando peroremus : ac de rebus insolitis , & ab scholarum vestrarum consuetudine longe remotis , disputandi finem faciamus . Plurima prosector adhibere possemus , & vero etiam deberemus , si pauca haec , quae diximus , omni ex parte inlustrare , atque in lumine suo collocare conaremur . Sed haec & invidiae plena sunt , & laboris , nec fortasse vobis hoc tempore opportuna . Quare satius puto quædam obscura relinquere , quam vestro detimento & incommodo certa capita explanare . Vos ego interea hisce litteris infantes blandè infantiumque ritu tractandos duco : quibus non duriores , acerbioresque cibi , sale , aromatibus , succis suaves reddit ; sed molliores , suaviores , nec stomacho graves apponi solent . Quod si ea , quae scripsimus , recte intellexeritis , nihil ultra fortasse desiderabitis . Sin minus , continenti labore efficietis , ut vobis admonitore opus non sit . Nos vero utrique rei quoad potuimus consulimus , argumento , & satietati : neque enim tantam rerum copiam tam parvo volumine complesti , nendum pro dignitate exponere , poteramus . Sed de nostro consilio satis .

satis. Reliqui vos estis, qui nisi toto animo in has disciplinas incumbitis, & rem omnem istam mente comprehenditis, antea quam ad graviores disciplinas illas animum adjungatis; invito, & prædicente me, laborem omnem, & operam in Philosophia, ac Theologia addiscenda inutiliter consumetis.

F I N I S.



MEN-

## M E N D A

## C O R R I G E.

Pag. 10 lin. 4 rgenandi	regnandi
p. 15 l. 14 inacessibilem	inacessibilem
p. 31 l. 11 Hiplerumque	Hi plerumque
p. 44 l. 24 conjuctus	conjunctus
p. 46 l. ult. Animæ	Animas
p. 56 l. 8 Itaque	Itaque
p. 63 nota 1. Proeterea	Præterea
p. 85 [5]	[1]
p. 102 l. 11 comiserunt	commiserunt
p. 109 l. 2 accomodari	accommodari
p. 110 l. 6 Pilosophiæ	Philosophiæ
p. 111 nota 4. qaantum	quantum
p. 128 l. 4 Musicæ	Musicæ
p. 155 l. 12 Metaphisicis	Metaphysicis
p. 156 nota 3. n.	in
p. 157 titulo XIBER	LIBER
p. 190 l. 6 delegibus	de legibus
p. 199 l. 15 cedendum	cædendum
p. 213 l. 23 quæ	qui
p. 220 titulo APPRATUS	APPARATUS
p. 228 CAP. III. l. 2. pre	præ
p. 230 232 syllabas ali-	conjunge
quas vitio di-	
visas	
p. 232 l. 5 Verulaminus	Verulaminus
p. 248 l. 2 nibi	nihil
p. 288 l. 27 solidet	solide
p. 289 l. 4 virisimiliter	verisimiliter
p. 294 l. 18 laudantur	laudatur
l. 26 qui	quæ
p. 302 l. 15 inoportunum	inopportunum

ibid.

<i>ibid.</i> syllabas ali-	conjunge
quas vitio di-	
visas	
p.310 l.10 inplebant	implebant
p.328 nota 2. Præmio	Præmio
p.341 l.9 ambiguuo	ambiguuo
p.362 syllabas divisas	conjunge
p.366 l.3 fæculari	fæculari
p.369 l.1 noti	toti
p.370 nota 3. fine petius	potius
p.373 374 378 379 di-	conjunge
visas syllabas	
p.395 nota 2. fraudulen-	
te.	<i>fraudulenter</i>
p.408 nota 1. idspitant	disputant
p.410 l.20 cætu	cætu
p.416 l.20 profanam	profanam
p.432 l.17 inutriti	innutriti
p.433 l.2 Honoratns	Honoratus
p.440 fine capit is pere-	perfectus
ctus.	
p.444 nota 1. accomoda-	
tius	<i>accommodatius</i>
p.511 l.19 luculenter.	<i>lutulenter</i>

Verba aliqua in partes typographi vitio divisa lector humanissimus emendet. Cetera ad auctoris Orthographiam formis æneis exscriptam exigere necesse est.





